



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

1490

16
P-99

1870

16

P-99

ՏՐԱՄԱԲԱՆՈՒԹԻՒՆ

glo's

16
3-99

ՀԱՅԱՍՏԱՆԻ ԹՈՎԱԿԻ ԹՐՈՒԶԻ

ՎԱՐԺԱՊԵՏԻՆ

ՏՐԱՄԱԲԱՆՈՒԹԻՒՆ

ԵՐԿՐՈՐԴ ՏՊԱԳՐՈՒԹԻՒՆ

Ի ՎԵՆԵՏԻԿ

Ա. Ա. ԽԱՆՐԱԶԻ ԳՐԱԴԱՐԱՆ
Հ. Հ. Բ. Ա ԽՈԲՐԱԿԱ ԲԻՈԼԱՅՏԵՎԱ
Հ/Տ. 1922


Ա. Ա. ԽԱՆՐԱԶԻ ԳՐԱԴԱՐԱՆ
Հ. Հ. Բ. Ա ԽՈԲՐԱԿԱ ԲԻՈԼԱՅՏԵՎԱ
Հ/Տ. 1922

Ի ՏՊԱՐԱՆԻ ՄԻՒԹԱՐԵԱՆՑ

1870

(93)

ՏԻՄՈՒԹՅԱՆ



ՅԻՇԱՏԱԿ

ՄԻՔԱՅԵԼ ԱՂԱՅԻ ՃԵՊԵՃԵԱՆ

ԾԱՆՈԹՈՒԹԻՒՆ

Կետպօլսեցի քահանան տէր Թովմաս Թրոիզե
շարադրած է աս համառօտ տրամաբանութիւնը ,
որ ան մայրաքաղաքին գովրոցներուն մէկուն մէջ
երեւելի վարպետներէն մէկն է : Տեսնելով որ շատ
դիւրին կերպ բռնած է աս փորձ վարժապետն
այսուղիսի հարկաւոր գիտութիւն մը տղայոց հա-
սողութեանը յարմարցնելու , փափաքեցանք մենք
ալ մէր տղդային տղայոց վրայ նոյն փորձն ը-
նել . և իրաւ աեսանք որ մէր վարժարաններուն
մէջն ալ տեղ տեղ վարժապետաց համառօտ բա-
ցատրութիւններովին անզդալի եղանակաւ մը
տղայոց միտքը կը բանայ ճշմարտութիւնը մոլո-
րութեան սկատրանքներէն դիւրաւ զտնազաննելու :
Անոր համար ուղեցինք ասլոգրութեամբ ալ
հրատարակել բոլոր ազդային ուսունողաց օգտին
համար :

Աս Տրամաբանութեանս ոճը չէ թէ միայն
Նէապօլիս, հապա ընդհանուր իտալիա ընդու-
նելի անցաւ, և մինչև հիմա Միլան միայն քիչ
տարուան մէջ ութը տսլագրութենէն աւելի ե-
ղած է: Յուսանիք որ մեր ազգին մէջն աւ եր դիւ-
րիմաց ոճով ամեն ուսումնասիրաց օդտակար
ըլլայ:

Հ. Ռ. Վ. Թ.

ՆԱԽԱՇԱԽԻԴ.

ՀԱՐԿԱԽՈՐ է ՄԵՐ ԲԱՆԱՎԱՐՈՒԹԻՒՆԸ ՈՒՂՂԵԼ
ԵՒ ԱՍ ԿԱՐԵՒԽՈՐ ՎԱԽՃԱՆԻՆ ՀԱՄՆԵԼՈՒ ՑԱՐՄՅՈՐ
ԿԵՐՊԸ

Ա. Տրամախոնելու կարողութիւնը՝ կամ թէ
ըսենք՝ խորհիւլու և բանե մը ուրիշ բան առաջ
բերելու զօրութիւնը մարդուս մէկ հատիկ
ձիրքն է։ Աս է այն աստուածային ճա-
ռագայթը, որով մարդս ամեն զգալի էակ-
ներէն գերազոյնն է, և ասով անոնց վրայ
կիշխէ ու կը տիրէ։ Աս գերազանց կարո-
ղութիւնը մարդուն մասնաւոր վիճակին
հետ կապուած չէ, բայց իրեն ուժը այնչափ
կը զանազանի իւրաքանչիւրին վրայ, որ-
չափ որ զանազան են կերպարանքները։
Այնչափ մեծ է աս զանազանութիւնը, որ
վսեմ հանճարները հոգեղինաց նմանու-
թիւն մը կը բերեն. իսկ տկարք ու բթա-

միտները՝ մարդկային ձևն որ մէկդի առնենք՝ անասնոց վիճակին ամենամերձ կերևնան։

6. Բանավարութեանը աս զանազան կատարելութենէն կը կախուի մարդկանց մըտածելու այնչափ զանազան եղանակը, ու իրենց կենաց ընթացքին մէջ վարուելու այնչափ զանազան կերպերը. որով մէկն երջանիկ կը լլայ և մէկալը թշուառ։ Դէպ ՚ի ճշմարտութիւն հանող ճամբան չէ թէ միայն փշոլից է ու գժուարութեամբ լի, հապա շատ անզամ ուրիշ ճամբաներու հետ ալ կը շփոթի, և կը կարծուի թէ նոյն նըպատակը կը հանեն, սակայն ընդ հակառակն՝ մոլորութեանց մէջ կը ձգեն զմարդ։

1. Առ տարբերութիւնը չէ թէ միայն մարդկանց վրայ կը տեսնենք, հապա փորձի ու դիտողութեան տակ ինկած էակաց վրայ տեսնուած անզգալի գասակարգութենէն կրնանք մակաբերել՝ որ վսեմագոյն խմացողութեան ու նուաստագոյն ու չնչին մարմնոյ մէջ պիտի ըլլայ այնպիսի դասաւորութիւն մը՝ որով ամենանուազ տարբերութեամբ աստիճանաբար իրարմէ հեռանան. անանկ որ աս էակաց շղթան կրնանք նմանցընել երկան կոնոնի մը, որուն խարիսխը երկրիս երեսը հեծած՝ գագաթը երկինք դուչե։ Իրաւ է որ խարիսխը ձեւացընող շրջանակին ու գագաթին մէջ անսահման հեռաւորութիւն կայ, բայց առաջին ու երկրորդ շրջանակին մէջի ատրբերութիւնը անզգալի է և ամենանուրբ։

Բանավարութեան կը պատշաճի աս ար-
գելքներն յաղթելու հնարքները փնտը-
ռել, ու ընտրել շխտակ ճամբան որ'ի գիւտ
ճշմարտութեան կառաջնորդէ։ Որչափ որ
մէկուն բանավարութիւնն աս հնարքները
փնտըռելուն ու ընտրութեանը մէջ յաջո-
ղութիւնունենայ, այնչափ ելստ այնմու-
ղիղ կամ մոլորական, աղէկ կամ գէշ կըր-
թուած բանավարութիւն ունի կըսուի։

Գ. Ասոր համար մեր առջի ու կարևոր
գործքը պիտի ըլլայ աշխատիլ որ մեր աս
գերազանց կարողութիւնը լաւ կրթենք. որն
որ ջահ մըն է որ կենաց ամեն քայլին, ու
մեր ամեն գործոցը մէջ մեզի պիտի առաջ-
նորդ ըլլայ։ Մարդն որ հեռու բաներու փոյթ
ու հոգ ունի, շատ անգամ անհոգութիւն
կընէ ան բանին որ աւելի իրեն կը պատ-
շաճի, մանաւանդ թէ ըսենք՝ իր վրայ ան-
հոգ կըլլայ։ Մեծ մասը ան ծանօթութեանց,
որ ծանր աշխատանքներով կըստանայ
մարդ, անօգուտ կըլլան, թէ որ բանավա-
րութիւնն ուղղելու չծառայեն։ Ինչպէս
որ բանավարութիւնը գործիք մըն է գի-
տութիւններ սորվելու համար, նոյնպէս ալ
գիտութիւնները պիտի գործիք ըլլան բա-
նավարութիւնը աղէկ կըթելու։

Դ. Իրաւ է որ շատ անգամ տղէտ ու ան-
ուս մարդիկներ կը տեսնենք որ շատ ճշ-

դութեամբ կը տրամախոհեն , որչափ որ չի
յուսացուիր , և գիտենք որ շատ աշխատած
ու գրքերու վրայ քրտինք թափած չեն¹ :
Բայց աշխարհիս երեսն եղած անհուն
բազմութեանը մէջ շատ քիչ են անոնք , ո-
րոնք տրամախոհելու յատուկ ու ճշգրիտ
կերպն ունենան :

Ե . Արդ ոմանց ուղիղ դատմունքն ու
տրամախոհութիւնը , ուրիշներուն ալ մոլո-
րութիւնը , իմաստակութիւնն ու զարտու-
ղութիւնները՝ փիլիսոփային թափանցող
աչքը իրենց դարձուցին , որ մէկ կողմանէ
մտադրութեամբ դիտէ ու իմանայ թէ ինչ
բաներ զմարդ մոլորութեան կը տանին , և
մէկալ կողմանէ թէ ինչ հնարքներով մեր
միտքն անոնց դէմի առնելով՝ ուղիղ ա-
ռաջնորդեն մեզի ճշմարտութիւնը փնտը-
ռելու : Աս դիտողութեանց պտուղն է Տրա-
մարանորինը , որ արուեստական կը սուլի .
վասն զի իրեն յատուկ կանոններ ունենա-
լովը՝ արուեստ կը կոչուի . և որովհետեւ աս

1 Ան Նորդ հոլանտացի գեղացին , որ Տրէսլուկէլ
կը սուէր , ինչ արամախոհելու ուժ ունեցած պի-
տի ըլլայ , որուն ձեռքէն՝ թէսլէտ և անկատար՝
այլ առաջին անգամ ջերմաչափն ելաւ : Աս գիւ-
տը՝ որ բնաբանութեան շատ օգուտներ ըրաւ՝ մե-
ծին Արքիմիդէսի վսեմ հանձարին արժանաւոր
բան եր :

կանոններուն նպատակն է առաջնորդել
բանավարութեանը զՃՄարտութիւնը փըն-
տըոելու, անոր համար կրնանք անուանել
Արուեստ տրամախոհելոյ : Ուրեմն տրամա-
բանութիւնն է Արուեստ մը որ կանոններով
կը շտկէ և կուղղէ զբանավարութիւնը ձշմար-
տութիւնը փնտրուելու :

Զ . Իրաւ է որ ամեն գիտութիւններ և
մանաւանդ ուսումնական գիտութիւնքն ու
բնաբանութիւնը մարդուս մտքէն շատ նա-
խապաշարմունքներ կը վերցընեն, որոնք
մեզի հետ գերեզման պիտի երթային, և բա-
նավարութիւնը շտկելու կօգնեն, բայց տրա-
մաբանութեան պէս ամեն հարկաւոր պէտ-
քը չեն հոգար, և ոչ կը յարմարին ամեն
կարողութեանց, և ոչ մարդկային կենաց
այնչափ զանազան պիտոյիցը յարմար կու-
գան: Բայց սակայն ստոյգն աս է որ տրա-
մաբանութեան չոր ցամաք կանոնները շատ
քիչ օգուտ կընեն, թէ որ մէկը միանգա-
մայն չունենայլաւ տրամախոհելու բնական
յարմարութիւնը, և ուրիշ գիտութեանց
տեղեկութիւն, ու յաճախ կրթութիւն. վասն
զի ուրիշ բան է լաւ տրամախոհելու կա-
նոններն աղէկ գիտնալ, և ուրիշ՝ իրօք լաւ
տրամախոհել: Աս երկու բանը իրարմէ
այնչափ զանազան են, որչափ որ տեսա-
կանը գործնականէն տարբեր է :

Է. Բայց տրամաբանութիւն սորվեցընելու լաւ ոճը ո՞րն է որ որչափ կարելի է մարդս կարենայ աւելի պտուղ քաղել։ Ան որ ճառելու նիւթին աւելի ընական է, ու նորուսից կարողութեանը, վիճակին ու հանգամանացն աւելի յարմար։ Յայտնի է որ սովորաբար համբակները գեղեցիկ ըսուած դսլրութիւնները սորվելէն ետե փիլիսոփայութեան կանցնին։ Ի՞նչ կերպ անցնիլ է ատիկայ։ Բառերէն գաղափարներուն անցնիլ, նշաններէն նշանակած բաներուն, խաւարէն դէսլ 'ի լոյս։ Անոնց առջև ամեն բան կերպարանափոխ կըլլայ։ Նոր առարկաներ, նոր գաղափարներ դէմերնին կելլեն, ու նոր ուսումնական կեանքը մը կը սկսին։ Ուրեմն աս փոփոխութիւնը՝ զիրենք չշփոթելու համար, ալէտք է անանկընել որ անզգալի ըլլայ։ և անզգալի ընելու համար՝ հարկաւոր է որ իրենց դէմնելած առջի գաղափարներն աւելի գիւրին ու զգալի գաղափարներ ըլլան։ անանկ որ նորուսից միտքը խոթած բաները ընական կարգի, ու հանապաղորդեան փորձով ու դիտողութեամբ հաստատած բաներ ըլլան։ Անոր համար 'ի սկզբան անդ ալէտք չէ անոնց դիմացը դնելվերացեալու անորոշ գաղափարներ իմացողուրեան, յօժարուրեան, ազատուրեան, զգայական զօրտուրեան, կեն-

սական զօրուրեամ։ Աս գաղափարներն ու
րիշ առաջուցմէ առած գաղափարներուն
հետեւանքը պիտի ըլլան, և անոնցմէ լոյս
պիտի առնուն ասոնք։

Ը. Աս անպատշաճութենէն զգուշանա-
լու համար՝ ջանացայ ես բոլորովին տար-
րեր ճամբայ մը բռնել։ Տրամաբանութեան
ընդհանուր բաժանմունքին կողմանէ սովո-
րական ոճին հետեւեցայ ու չորս մաս բաժ-
նեցի. այսինքն՝ Բմբոնումն գաղափարաց,
Դատումն, Տրամախոհուրիւն, և ՈՃ. որոնք
հոգւոյն չորս գլխաւոր գործողութիւն-
ներն են։ Բայց զասոնք բացատրելու կեր-
պին կողմանէ կերենայ ինծի որ սովորա-
կանէն քիչ մը հեռացայ։ Անոր համար՝ որ-
պէս զի նորուսից իբրև ձեռքէն բռնած ա-
ռաջնորդութիւն մը ըլլայ, նախ իրենց առ-
ջեր կը դնեմ ան գաղափարները, որոնք
որչափ որ հակառակութիւն չեն կրեր, այն-
չափ ալ դիւրիմաց, սովորական ու փորձով
հաստատուած են, վասն զի նոյն գաղա-
փարներն ՚ի մեզ են։ Ուստի իրենց դիտո-
ղութեանց առաջին առարկան սկիտի ըլ-
լայ մարդը՝ իր գոյութեան առաջին վայրկե-
նին մտածելով. ու անկէց քայլ առ քայլ
վեր կելլենք դէմ ՚ի գաղափարաց ծագու-
մը և յառաջադիմութիւնը, ու մարդուս այլ
և այլ գործողութեանց սկիզբն ու զարգա-

նալը։ Ու միշտ դիւրինէն աւելի դժուարինն
երթալով՝ պիտի ջանանք որչափ որ կարե-
լի է լաւագոյն կերպով բացատրել ու միշտ
աւելի ընդարձակել տրամախոհելու բնա-
կան կարողութիւնը։ Ուր որ առիթը բերէ
համբակաց միտքը քիչ մը վերացեալ ու
դժուարիմաց ծանօթութիւններու տանիլ,
ջանացինք պայծառ օրինակներով զա-
նոնք լուսաւորել ու բոլորովին նորուսից
ընդունակութեանը պատշաճեցընել։ Երա-
նելի կը սեպեմ զիս՝ որ ինչպէս ուսումնա-
սէր համբակաց բարւոյն ու օգտին համար
աշխատիլ սկսայ, արդիւնքն ալ իմ ուղիղ
դիտաւորութեանս համեմատ գայ։



ԳԻՐՔ ԱՌԱՋԻՆ

ԳԱՂԱՓԱՐԱՅ ԸՄԲՈՆՈՒՄԸ

Գաղափարները մեր ծանօթութեանց
նիւթերն են, մեր խօսքին հիմը, միջոց մը
որով հոգւոյն այլեայլ գործողութիւնները
կը զարգանան։ Ուրեմն մեր առջի քննու-
թիւնը գաղափարաց ըմբռնմանը վրայ պի-
տի ըլլայ, որ աս առջի գրքիս առարկան
է։ Պիտի քննենք զանոնք Ա. Իրենց ծագ-
մանն ու յառաջադիմութեանը կողմանէ։
Բ. Իրենց ներկայացուցած առարկայիցն ու
անոնց այլեայլ տեսակներուն կողմանէ։
Գ. Ան նշանացը կողմանէ՝ որոնցմով գա-
ղափարը կը բացատրուին ու կը յայտ-
նուին։

ԳԼՈՒԽ Ա.

ԳԱՂԱՓԱՐԱՅ ՇԱԴՄԱՆՆ ՈՒ
ՅԱ Ո Ա Զ Ա Դ Ի Մ Ո Կ Թ Ե Ա Ն Ը Վ Ր Ա Ց

4. Ի՞նչպէս պէտք է տրամախոհել :


Մարդու էակ մըն է բաղկացեալ 'ի հոգւոյ և 'ի մարմնոյ : Եւ սոյն վիճակիս մէջ առ երկու դոյացութիւններն իրարու հետ այնպէս միացած են, ու այնպէս իրարմէ կախումն ունին, որ մէկն առանց մէկալին ներկայութեանը գործողութիւն չըներ : Անոր համար հոգւոյն գործողութիւնները քննելու առեն՝ պէտք է մտածենք որ հոգին մարմինէն կախումն ունի ան կերպով որ փորձը մեղի կը ցցընէ : Ուստի բոլոր մեր դիտողութիւններն ու խօսքերը մակարերութեան ու ըստ հաճոյից երեակայական ենթադրութեանց վրայ պիտի չհիմնենք, հասկա այնպիսի գործոց վըրայ որոնց վրայ երկբայութիւն չի կրնար ըլլուլ : Ուրեմն մտածենք մարդն իր գոյութեանն առաջին վայրկենին :

2. Մարդսիր գոյուրեանն առաջին վայրկենին
մտածուած :

Մեր չորս դին եղած արտաքին առար-
կաները՝ մեր գոյութեանն առաջին վայր-
կենէն սկսեալ՝ մեր մարմնոյն վրայ իրենց
ազգեցութիւնը կընեն : Աս տպաւորու-
թեանց ձեռքով զգայարանաց՝ ջիղերը շարժ-
մունք մը կառնուն, մինչեւ ըղեղը կամ թէ
ըսենք հասարակաց զգայունը կը հաղոր-
դեն . Հոն տեղն որ հաւանականաբար հո-
գւոյն աթոռն է, հոգին ջղաց ձեռքովը կի-
մանայ արտաքին առարկայէն եկած տպա-
ւորութիւնը . ու հոգւոյն մարմնոյն հետ կա-
պակցութեան օրինօքը նոյն տպաւորու-
թիւնն ըրած առարկային պատկերը հո-
գւոյն կը ներկայանայ :

3. Ի՞նչ է զգացումը, ըմբռնումն ու
զաղախարը :

Աս տպաւորութիւնն որ զգայարանաց
վրայ ըլլալէն ետև հոգւոյն կը փոխանցի՝
Զգացումն կըսուի. առարկային տպաւորու-
թիւնն ու պատկերն իմանալը՝ Ըմբռնումն, որ
հոգւոյն առաջին ու աւելի պարզ գործողու-
թիւնն է. ան պատկերը կամ երեսոյթն որ
հոգւոյն առջին կը նկարուի՝ Գրադարանը կը-



սուի : Հանապազորդեան փորձը կը համոզէ զմեզ՝ որ աս ամենն իրօք՚ի մեզ կը հանդիպի . և թէ որ ուրիշ կերպ ըլլար՝ մեր մարմնոյն վրայ արտաքին առարկայից աղդեցութիւնն անօգուտ կըլլար . ինչպէս անօգուտ է թէ որ մեռելի դիակի մը վրայ նոյն աղդեցութիւնն ըլլայ . վասն զի մեռելը չի հաղորդեր հոգւոյն ոչ չարժումն և ոչ զգացումն :

4. Զգայարանքները մեր գաղափարաց
առաջին գործիքն են :

Թէ որ ըմբռնումն է առարկային տպաւորութիւնն ու պատկերն իմանալը (3), կը հետեւի որ մարդ երբոր ըմբռնել սկսի՝ անատենը գաղափար ստանալ կըսկսի . իսկ ըմբռնել կըսկսի՝ երբոր զգացումն ունենայ (3) . ուրեմն պէտք է ըսենք որ մեր զաղափարաց առաջին աղբիւրն զգացումն է . ասկէց կը հետեւի որ զգայարանը գործիք են , որոնցմով առաջին գաղափարները հոգւոյն կը հասնին : Եւ յիրաւի . թէ որ արտաքին առարկաները մեր մարմնոյն զգայարանացը վրայ տպաւորութիւն մը չընեն , կամ թէ որ տպաւորութիւնը հոգւոյն չհաղորդուի , հոգին ոչ պնդութեան , ոչ կակղութեան , ոչ գոյնի , ոչ ձայնի , ոչ համի , և այլն , գաղափար չունենար : Ու փորձը մեզի կը սորվեցընէ որ թէ որ զգայարանք

մը պակաս ըլլայ , ան գաղափարներն որ
ան զգայարանաց ձեռքովը պիտի հաղոր-
դուէին հոգւոյն , կը պակսին : Ուստի 'ի
ծնէ կոյրը կամ խուլը ոչ գոյնի և ոչ ձայնի
գաղափար ունի . վասն զի տեսանելեաց
կամ լսելեաց զգայարանքը չունի , որ ատ
գաղափարներուն գործիքն են :

5. Զգայարանաց պաշտօնը :

Զգայարանքը մեր առաջին գաղափարա-
ցը գործիքներն են (4). ուրեմն պէտք է լու-
դիտողութիւնընենքիրենցազդեցութեանը
վրայ , և թէ ինչպէս իրենց սպասաւորու-
թեամբը գաղափարները հոգւոյն կը հաս-
նին : Յայտնի է որ զգայարանքը կարողու-
թիւններ են , որոնց ձեռքովը մարդ արտա-
քին առարկայից հետ հաղորդակցութիւն
կունենայ , և սովորաբար հինգ կը համ-
րուին . այսինքն Շօշափելիք , Հոստուելիք , Ճա-
շակելիք , Լսելիք , ու Տեսանելիք . ասոնց իւ-
րաքանչիւրը մարմնոյն մէկ մասին վրայ իր
տեղն ունի , որ կըսուիան զգայարանաց գոր-
ծարանը . այսպէս՝ աչքը տեսանելեաց գոր-
ծարանն է , ականջը՝ լսելեաց , և այլն : Ասոնց
պաշտօնն այլեւայլ է : Շօշափելեաց ձեռքով ,
որ զգայարանաց մէջ առաջինն է և աւելի
ապահով և աւելի հանրական , պնդութեան ,
կակդութեան , տարութեան , ցրտութեան , և
այլն , գաղափարները կըստանանք : Լու-

սաւոր մարմինէն առաջ եկած լուսոյն ճառագայթները կու դան ցանցատեսակին կը դպչին , որ աչքին խորը պատած է , ու տեսական ջղին ձեռքովը՝ լուսոյն ու մարմնոյն վրայ երևցած այլեայլ գուներուն դաղափարները հոգւոյն կը հասցընեն : Չայնական մարմնոց թրթումանէն առաջ եկած օդին ծածանմունքն ականջին թմբուկին զարնուելով՝ լսողական ջիղը կը շարժեն , լսողական ջիղն ալ ձայնին , ու ձայնին այլեայլ կերպ առնելուն գաղափարը մինչե հոգին կը հասցընէ : Հոտաւէտ ու համեղ մասնկունք հոտոտելեաց ու ճաշակելեաց ջղային ծայրերը կը շարժեն , և այլեայլ հոտի ու համի գաղափարները կը փոխանցեն :

6. Ամենուն զգացումը միակերպ չէ :

Վրտաքին առարկայից տպաւորութեանը վրայ ընելու դիտողութիւնն աս է՝ որ ինչպէս որ տպաւորութիւնները կրնան յանհունս զանազանիլ , այսպէս զգացմունքներն ալ կը զանազանին . ասկէց կը հետեւի որ ըմբռնմունքներն ու գաղափարներն ալ զանազան կը լլան : Օրինակի համար . կրակը մէկ հեռաւորութենէ մը հաճոյական կը լլայ . բայց թէ որ մեր մարմնոյն շատ մօտ ըլլայ , ցաւ կը պատճառէ . որովհետեւ տպաւորութիւնը սաստիկ կը լլայ , զգացումն ալ չարաչար աղղու : Դարձեալ խառնուածոց

կողմանէ ալ զանազան կը լլան տպաւորութիւնները . անանկով զգացմունքներն ու գաղափարներն ալ զանազան կը լլան : Այսպէս՝ տաքութեան կամ ցրտութեան աստիճան մը խտալացւոյ մը չափաղանց կերենայ , բայց լափոնացւոյ կամ եթէ ովալացւոյ մը չափաւոր կը լլայ . վասն զի ցրտութեան ու տաքութեան աւելի ուժով տպաւորութեանց վարժած ըլլալով , ուրիշ աւելի տրկար տպաւորութիւններէն շատ չեն շարժիր . անոր համար նոյն զգացմունքը չեն ունենար , և ոչ նոյն գաղափարը կիմանան : Բարոյական զգացմանց վրայօք ալ նոյն բանը կը հանդիպի :

7. Խորհրդածորիւնը մեր գաղափարաց
երկրորդ գործիքն է :

Թէպէտ և մեր գաղափարաց մեծ մասը զգայարանաց ձեռքով կը ստանանք , բայց ան առարկայից գաղափարներն են , որ ըզգայարանաց տակ կիյնան . սակայն ուրիշ անբաւ գաղափարներ ալ կան , որոնք ըզգայարանացմէ անկախ ըլլալով , անմիջապէս անոնցմէ մեզի չեն գար : Անմիջապէս կը սեմ , վասն զի հոգին զգայարանաց ձեռքով եկած գաղափարներուն վրայ խորհրդածութիւն ընելով՝ կրնայ ուրիշ գաղափարներ ստանալ , որ չէր կրնար միայն զգայարանաց անմիջական սպասաւորու-

թեամբն ստանալ : Անոր համար մեր գա-
ղափարներուն երկրորդ գործիքն է խորհր-
դածորիւնը , որ զգալի գաղափարներուն
վրայ մտածութիւն ընելով՝ անանկ կընէ որ
հոգին նախ իր այլեայլ գործողութեանցը
գաղափարները կըստանայ . ինչպէս կա-
միշ , մտադրել , դատել , տրամախոհել , յիշել
և այլն . և ինչպէս աս գաղափարաց գոյու-
թեանը վրայ բոլորովին համոզուած ենք ,
վասն զի՞ ի մեզ կըզգանք զանոնք , այսպէս
ալ անոնց ձեռքովը կըստանանք դարձեալ
ուրիշ գաղափարներ այնչափ որոշ՝ որչափ
որ որոշ են ան գաղափարները , զորոնք
արտաքին մարմինք մեր զգայարանքները
բախելով՝ մեր մտքին մէջը կը պատճա-
ռեն : Ուրեմն հիմա աս երկրորդ տեսակ
գաղափարաց ծագումը , յառաջադիմու-
թիւնն ու զգալի գաղափարաց հետ ունե-
ցած վերաբերութիւնը քննենք :

8. Ըմբռնման գիտակցորիւնը :

Արտաքին առարկայք մեր մարմնոյն վե-
րայ տպաւորութիւն ընելէն կը հետեի զգա-
ցումն ու ըմբռնումը (2, 3) : Բայց երբոր
հոգին կըմբռնէ՝ կըզգայ թէ ըմբռնեց , ու
կիմանայ՝ գոնէ ըստ մասին՝ որ ըմբռնման
ատենը յինքեան բան մը կը հանդիսալի , աս
իմանալը , կամ ներքին զգացումը , որով
հոգին ունեցած ըմբռնմանը վրայ բոլորո-

Վին մութը չի մնար, գիտակցորիւն կըսուի.
և աս ըմբռնման գիտակցութիւնը Լէիպնի-
տիոսին հետ Վերլմբոնումն կանուանենք :

9. Աւելի ազդու գիտակցորիւնը մտադրորիւն
կըլլայ :

Թէ որ մէկը մի և նոյն ատեն այլեւայլ ա-
ռարկաներ ըմբռնելու ըլլայ, շատ անգամ
գիտուած է որ ամենն ալ միակերպ՝ կամ
թէ ըսենք՝ նոյն ազդուութեամբ ըմբռնել
չի կրնար. հապա կըլլայ որ անոնցմէ մէկն
աւելի ուժով տպաւորութիւնընելով աւելի
ազդու գիտակցութիւն կը պատճառէ, որ
առաջ կու գայ կամ նորութենէն, կամ զը-
ւարճութենէն, կամ առարկային հետ եղած
առընչութենէն. անանկ որ հոգին նոյն բա-
նին վրայ կը կենայ, ու անզգալապէս ու-
րիշ ըմբռնմունքներուն զգացումը կորսըն-
ցընելով՝ ինքն իրեն որ կու գայ՝ միտքը չի
գար թէ անկէց զատ՝ որուն վրայ որ կանկ
առեր է՝ ուրիշ առարկայ ալ ըմբռներ է :
Մտքին աս գործողութիւնը, յորում ըմ-
բռնման մը գիտակցութիւնը համեմատու-
թեամբ ուրիշ ըմբռնմանց այնչափ աւելի
ազդու է, որ կարծես թէ միայն ան ըմբռո-
նումն իմացեր է, կըսուի Մտադրորիւն։ Ա-
հա աս կերպով հոգին իրեն իրեք գործողու-
թեանցը գաղափարը կըստանայ, այսինքն՝
ըմբռնման, ըմբռնմանը գիտակցութեան,

ու մտադրութեան . ասոնց ամենուն ալ ծա-
գումն զգացումէ առաջ կու գայ , կամ թէ
արտաքին առարկայից մարմնոյն զգայա-
րանացը վրայ ըրած տպաւորութենէն :

40. Մտադրութիւններ առաջ կու գայ զաղափա-
րաց լծորդուրիւնը :

Առարկայի մը վրայ եղած մտադրութե-
նէն կը լլայ՝ որ ան առարկային գաղափարը
մեզի հետ կը կապուի . կուզենք ըսել որ ե-
թէ առարկան հեռանայ , գաղափարը մեր
մտքին վրայ տպաւորուած կը մնայ : Եւ
որովհետեւ աս կապը այնչափ աւելի ու-
ժով կը լլայ , որչափ որ մեծ ըլլայ մտադրու-
թիւնը , և մտադրութիւնն այնչափ աւելի
կաճի , որչափ առարկային ու մեր մէջը վե-
րաբերութիւնն աւելի ըլլայ , կը հետեւի որ
ան գաղափարները մեզի հետ աւելի սաս-
տիկ կը կապակցին , որոնք որ մեր բարե-
խառնութեանը , մեր կրիցը , մեր վիճակին ,
միով բանիւ՝ մեր պիտոյիցը հետ աւելի վե-
րաբերութիւն ունին : Օրինակի համար . իմ
զբաղանացս վրայօք գիրք մը կարդալու ա-
տենս , ան գաղափարներն ինձի հետ աւելի
սաստիկ կը կապուին , որոնք որ միտքս գը-
րած բանին հետ մեծագոյն առընչութիւն
ունին : Փորձը բոլոր աս բանիս վրայօքն
այնչափ զմեղ կը համոզէ , որ եթէ իմ ու
ան գաղափարաց մէջը՝ որոնց վրայ մտա-

գրութիւնս կը կապուի կը մնայ՝ կապ մը
չըլլար, կամ թէ աս կապն ամեն զիշեր
խղելու ըլլար, չէի կրնար զիտնալ երե-
կուան ինծի հանդիսածները, ու պէտք է
ըսել՝ որ ամեն օր նոր կեանք պէտք էր սկը-
սէի, ու միշտ նոր կը սկսէի գաղափար
ստանալ։ Միայն թէ դիտելու բանն աս է
որ՝ ինչպէս որ կը փոփոխին առարկայից
հետ եղած վերաբերութիւնները, ասանկ
ալ կը փոփոխի մտադրութիւնը, և անով՝
կապն ալ. անանկ որ՝ ան առարկան որ եր-
բեմն իմ մտադրութիւնս իրեն կը քաշէր,
և անոր գաղափարը սաստիկ կերպով ինծի
հետ կը կապուէր, ուրիշ ատեն՝ վերաբե-
րութիւնները փոփոխուելով՝ իմ մտքիս
վրայ նոյն տպաւորութիւնը չըներ։

Ա. Աս լծորդորիւնը շատ գաղափարներ
կը ծնանի։

Թէ որ մտադրութիւնը շատ առարկայից
վրայ կենայ, անոնց գաղափարներուն մէ-
ջը կապ մը կը կազմուի, որ շղթայի մը պէս
կըլլայ, և աս շղթային ամեն մէկ օղը մէյ-
մէկ գաղափար կը ներկայացընէ։ Եւ որով
հետեւ աս գաղափարներուն ամեն մէկն
ուրիշ գաղափարներու հետ վերաբերու-
թիւն կրնայ ունենալ, ասանկով այնչափ
գաղափարաց կարգ կը ձեանայ որչափ որ
օղ ունենայ ըսած շղթան։ և ան երկրորդ

կարգի շղթային ամեն մէկ օղոկն ալ ու-
րիշ գաղափարներու հետ կրնալով կտ-
պուիլ, շարունակաբար շղթայից թիւը կը
շատնայ, անանկով գաղափարաց թիւն
ալ: Օրինակի համար քաղցի գաղափա-
րին հետ կտպած է կերակրոյ գաղափարն
ալ. կերակրոյ գաղափարին հետ՝ ան տե-
ղւոյն գաղափարը՝ ուր որ կերակուրը կը
դտնուի. տեղւոյն գաղափարին հետ կրնայ
կապուած ըլլալ հոն գտնուող անձանց գա-
ղափարն ալ. անձանց գաղափարին հետ՝
անոնց վերաբերեալ պատմութիւնը կամ
դիպուածներուն գաղափարը, անկէց ալ
ուրիշ անթիւ գաղափարներ կրնան կա-
խուիլ: Աս բանէն կը հետեւի որ շատ գա-
ղափարներ միտք քերելու համար՝ բաւա-
կան է ան գաղափարներուն հետ կապակ-
ցութիւն ունեցող առջի գաղափարը ներ-
կայ ունենալ: Աս լծորդութիւնն աւելի
կընդարձակի նշանաց ու գլխաւորապէս
բառից կիրառութենէ, ինչպէս որ ետքը
պիտի ըսենք:

42. Գաղափարաց լծորդութիւնը յիշատակո-
րիւն առաջ կը բերէ:

Մէկ մը որ աս լծորդութիւնը ձեւանայ՝
եթէ մի և նոյն առարկան նորէն ինծի ներ-
կայանայ, չէ թէ միայն կիրանում զանի-
կայ նոյն վայրկեանին ըմբռնելս, հապա-

գիտակցութիւնն ինծի կիմացընէ թէ ուրիշ
անգամ ալ նոյն առարկան ըմբռներ եմ։
Հոգւոյն աս գործողութիւնը, որով ներ-
կայ ըմբռնմունքի մը վրայ կիմանայ թէ ու-
րիշ անգամ ալ ունեցեր է նոյն ըմբռն-
մունքը՝ Յիշատակորիւն կըսուի։

13. Երևակայորիւն :

Նոյն լծորդութենէն կը կախուի որ շատ
անգամ ըմբռնմունք մը այնպէս ուժով ա-
ռարկայի մը հետ կը կապուի, որ նոյն ա-
ռարկան ներկայ որ ըլլայ, անոր հետ կա-
պուած հեռաւոր առարկան ալ կը զարթ-
նու։ Այսպէս՝ մեզի սիրելի անձին մա-
հուան գաղափարը կը կապուի ան աե-
զւոյն հետ ուր որ մեռաւ ուստի տեղը
ներկայ ըլլալով, չուտ մը նոյն անձին մա-
հուան գաղափարը կը զարթնու։ Հոգւոյն
աս գործողութիւնը, որով առարկայի մը
տեսութեամբն անոր հետ կապուած հեռա-
ւոր պատկեր մը, կը զարթնու՝ Երևակայո-
րիւն կըսուի։

14. Յիշողորիւն :

Թէ որ առարկայի մը տեսութեամբ չկա-
րենամ միտք բերել նոյն գլխաւոր գաղա-
փարը, կամ անոր հետ կապակցութիւն

ունեցող պատկերը, հապա՝ անունը միայն
կամ ուրիշ պարագայ մը, աս գործողու-
թիւնը՝ ուսկից որ այսպիսի գործք մը ա-
ռաջ կու գայ՝ Յիշողորիւն կըսուի։ Օրինա-
կի համար. կրնամ միտքս բերել տեղ մը
տեսած մարդու մը անունը կամ իրեն մէկ
պարագան. բայց անոր կերպարանքը չեմ
կրնար միտքս բերել։ Ուրեմն յիշատակու-
թիւնը, երեակայութիւնն ու յիշողութիւնն
իրարմէ տարբեր են. վասն զի յիշատակու-
թեամբ՝ ներկայ եղած առարկային ուրիշ
առեն եղած ըմբռնումը կը նորոգուի. ե-
րեակայութեամբ՝ առարկային ներկայու-
թենէն նոյն առարկային հետ կապակցու-
թիւն ունեցող և ուրիշ անգամ ըմբռնուած
հեռաւոր գաղափար մը կը նորոգուի. իսկ
յիշողութեամբ՝ առարկային տեսութենէն
չէ թէ նոյն առարկային հետ կապակցու-
թիւն ունեցող հեռաւոր ու գլխաւոր գա-
ղափար մը միտք կը բերուի, հապա միայն
անունը կամ մէկ պարագայ մը։

15. Հայեցողորիւն։

Դարձեալ գաղափարաց լծորդութենէն
կը կախուի որ եթէ ներկայ առարկայ մը
որն որ ըմբռներ է հոգին՝ զգայարանքէ
հեռանայ, բայց գեռ հոգին շարունակէ իր
ըմբռնումն առարկային, կամ անոր ա-
նուանը կամ մէկ պարագային վրայ՝ իբրև

թէ ներկայ ըլլար , հոգւոյն մէկ ուրիշ գործողութեանը վրայ գաղափար կառնուի , որ կըսուի Հայեցողուրիւն . որ է առարկային ներկայութեան ու հեռաւորութեան ատենն անընդհատ ըմբռնումն : Օրինակի համար . նկար մը ըմբռնելու ատենս՝ նկարը դիմացէս վերցընեն , ու ես առանց իմ ըմբռնումս ընդհատելու , իբրև ներկայ մտածեմ նոյն նկարը , կըսուի՝ թէ նկարին կը հայիմ : Ուրեմն հայեցողութիւնը կը ռնանք երեակայութեան հետ նոյն համարիլ , թէ որ հոգին նոյն առարկային ըմբռնումը շարունակէ . կրնանք յիշողութեան հետ նոյն համարիլ , թէ որ իր ըմբռնումը շարունակէ միայն առարկային անուանը կամ մէկ պարագային վրայ :

ԳԼՈՒԽ Բ

ՆՈՅՆ ՆԻԿԹԻՆ ՎՐԱՅ

46. Խորհրդաժուրիւն :

ԵՐԵՈՐ առարկայի մը վրայ Հոգին մտա-
գրութիւն ընէ , նոյն առարկային զանու-
զան մասանցը կամ գաղափարացը վրայ
իր մտադրութիւնը կրնայ ուղղել : Եւ որով
հետեւ մտադրութեանը ձեռքով գաղափա-
րաց լծորդութիւնը կը կազմուի (10) , ու ե-
րեակայութիւնն ու յիշողութիւնն անկէց
կը կախուի (13, 14) , կը հետեւի որ Հոգին
իր մտադրութիւնը ներկայ առարկայէն
կրնայ փոխադրել հեռաւոր առարկանե-
րու վրայ , որ ներկայ առարկային հետ վե-
րաբերութիւն մը ու կապ մը ունենան . և
ընդհակառակն հեռաւոր առարկաներէն
ալ ներկայ առարկային : Օրինակի համար
նկարի մը և անոր մասանցը վրայ մտա-
գրութիւն ընելու ատեն՝ իմ մտադրու-
թիւնս ան նկարէն կրնամ բնութեան վրայ
փոխադրել , որուն հետ հարկաւ կապակ-
ցութիւն ու վերաբերութիւն ունի՝ և ան
կանոնաց վրայ որ բնութեան նմանել կը

սորվեցընեն . ու ետքը բնութինէն . մուազրութիւնս . կրնամ նկարին վրայ փոխադրել : Աս գործողութիւնը որով հոգին իր մտադրութիւնն այլեայլ տռարկայից կուտայ , կամ նոյն առարկային այլեայլ մասանցը՝ խորհրդածորիւն կըսուի . և ասիկայ երեայութենէ և յիշողութենէ կելլէ :

17 . Տարորշորիւն , բաղադրուրիւն ,
տարբաղադրուրիւն գաղափարաց :

Երկու կտմ շատ առարկայից վրայ եղած մտադրութենէն ու խորհրդածութենէն , որով կիմացուի թէ բան մը մէկալ բանը չէ , հոգւոյն մէկ ուրիշ գործողութեանը գաղափարն առաջ կու գոյ , որ Տարորշորիւն կըսուի : Եւթէ որ գաղափար մը ուրիշ գաղափարէ մը տարորոշելու ատենն իբրև բաժանեալ մտածուին ան գաղափարներն որ 'ի բնութենէ իւրեանց միացած են , հոգւոյն ուրիշ մէկ գործողութեանը գաղափարը կառնենք որ կըսուի վերացումն կամ Տարբաղադրուրիւն : Օրինակի համոր տարածութեան վրայ երկրաչափներն երկայնութիւնը լայնութենէն ու խորութենէն զատ կը մտածեն . թէ ալէտ և բնականապէս առ գաղափարներն իրարմէ անբաժանելի են : Աս գործողութիւնն ամենահարկաւոր է մարդկային մոտաց չափաւորութեանը նոյն լով : Իսկ ան գաղափարներն որ բնութեամբ

իրարմէ բաժնուած են՝ մէկտեղ միացած որ
մտածենք, թաղաղրուրիւն կըլլայ. ինչպէս
է ոսկեղէն լեռը, որ ոսկւոյ ու լեռան ի-
րարմէ բաժնուած գաղափարներէ բաղա-
դրած է:

48. Վերլուծուրիւն, դատումն, տրամախո-
հուրիւն, ու իմանալը:

Գաղափարաց տարբաղադրութենէն ու
բաղադրութենէն առաջ կու գայ հոգւոյն
ուրիշ գործողութեան մը գաղափարը, որ
վերլուծուրիւն կըսուի. և է գաղափարներն
իրարմէ զատել ու ետքը մէկտեղ բաղա-
դրել իրենց այլեայլ վերաբերութիւններն
իմանալու համար, ու նոր գաղափարներ
գտնելու համար, որ նոյն վերաբերու-
թիւններէն ու նոր բաղադրութիւններէն
կրնան առաջ գալ: Եւ երբոր վերլուծու-
թեան ձեռքով գաղափարաց մէջն եղած
վերաբերութիւնները յայտնուին, կիմա-
ցուի միանգամայն թէ ատ գաղափարներն
ինչ բանի մէջ իրարու կը համաձայնին ու
ինչ բանի մէջ իրարմէ կը տարածայնին.
Թէ որ կը միաբանին՝ կը հաստատուի ըսե-
լով է. թէ որ կը տարածայնին՝ կը ժխտուի
ըսելով չէ, ոչ է. աս հաստատելը կամ
ժխտելը հոգւոյն ուրիշ գործողութիւն մըն
է, որ կըսուի Դատումն: իսկ եթէ ճշմար-
տութիւն մը ապացուցանելու համար՝ շտա-

գաղափարներ իրարու հետ լծորդին, անանկ որ մէկը մէկալէն կախուի, կունենանք Տրամախոհուրեան գաղափարը։ Աս իրեք գործողութեանց վրայ ետքն երկան պիտի խօսինք։ Եւ թէ որ աս ըստ գործողութիւններովը կամ ասոնցմէ ոմանց ձեռքովը՝ մարդ բանի մը ճիշդ գաղափարը կազմէ, անանկ որ ամեն տեսութեամբ նոյն գաղափարը հասկընայ, աս գործողութիւնն իմանալ կամ Բովանդակել կըսուի։ Ուստի բովանդակելն է մէկ բան մը իրեն յատուկ գաղափարներովը մեղի ներկայացընել։

19. Իմացականուրիւնն ու բանավարուրիւնն ինչ է։

Հոգւոյն այլեայլ գործողութեամբն ըստացած գաղափարներուն ձեռքովն իմացականուրեան աւելի ճիշդ գաղափարը կը կազմենք։ Աս կարողութիւնը նոյն գործողութեանցն արդիւնքն է. անանկ որ՝ որուն որ հոգւոյն գործողութիւնները կատարեալ կրթուած են, այնպիսւոյն կըսենք թէ սուրուխորին իմացականութեան ճիրք ունի։ Գանք հիմա Բանավարուրեան կամ Խելքին ստոյգ ու որոշ գաղափարին։ Առվորաբար կըսուի թէ՝ Բանավարուրիւնը մտածելու և բանե մը ուրիշ բան հետեւցընելու կարողուրիւնն է։ Բայց աւելի որոշ նշա-

նակութեամբ տռնելով՝ կրնանք ըսել չուցոյի այլեայլ զործողութիւնները լաւ ուղղելու կարողութիւնը։ Եւ ան որ ճշմարտութիւնը փնտըռելու համար հոգւոյն գործողութիւնները լաւ ուղղել դիտէ, իսելք և տրամախոհելու լաւ կտրողութիւն ունի կըսենք։

20. Ի՞նչ է որ կըսենք՝ խելքի յարմար, խելքէ վեր, ու խելքի դեմ։

Ինչպէս որ բանավարութեան գաղափարը բացատրեցինք, անկէց դիւրաւ կը բացատրուի ան զանազանութիւնն որ սովորական բացատրութեան մէջ կըլլայ՝ թէ այս ինչ վարդապետութիւնը խելքի կամ բանի յարմար է, խելքէ վեր է, խելքի դեմ է։ Ան վարդապետութիւնն որ հոգւոյն գործողութեանցն առարկայ է, ու մարդ կըրնայ նոյն գործողութեանցը ձեռքով հասկընալ, խելքի կամ բանի յարմար կըսուի։ Թէ որ հոգւոյն գործողութեանցն առարկայ չէ, հապա՞ նոյն գործողութիւններէն վեր է, և ոչ զգայարանաց տակ կիյնայ, կըսուի խելքէ վեր։ Իսկ ան խօսքը, որուն ստութիւնը հոգւոյն անայլայլակ գործողութիւններուն ձեռքով սլայծառ և որոշ կըմբռնուի, խելքի դեմ կըսուի։ Այսպէս, թէ Աստուած մը կայ՝ խելքի յարմար է։ Թէ շատ աստուածներ կան, խելքի դեմ է։

21. Ուրիշ գաղափարները խորհրդածութեամբ
ինչպէս կը ստանանք :

Հոգին իր այլեայլ գործողութեանցը
գաղափարներն ստանալէն ետև անոնց
ձեռքովն ու մասնաւորապէս խորհրդածու-
թեամբ՝ ուրիշ գաղափարներ կը ստանայ ,
որ անմիջապէս զգայարանացմէ կախմունք
չունին : Եւ նախ՝ թէ որ մարդ խորհրդա-
ծութիւն ընէ արտաքին առարկաներուն
ըրած տպաւորութեանը սլատճառաւ կամ
ուրիշ առթով մը յինքեան զգացած այլե-
այլ շարժմանցը վրայ , ու մտաց այլեայլ
վիճակներու վրայ որ զանազան գիպուա-
ծոց ու պարագայից մէջ կը գտնուի , կը
ստանայ ցառու , ուրախութեան , առեղութեան ,
սիրոյ , ցանկութեան , յուսոյ , երկիրդի , ազա-
տութեան , և ուրիշ կրից , յօժարութեանց
ու մարդկային բնութեանը հետ կապուած
յատկութեանց գաղափարը : Թէ որ աս
աշխարհիս բաներուն վրայ խորհրդածու-
թիւն ընէ , կը տեսնէ որ ներընդունական
ու փոփոխական են . և անկէց կը հետե-
ցընէ որ յաւիտենական եղած սլիտի չըլ-
լան . հասկո պէտք է որ առաջին պատճառ
մը ունեցած ըլլան , որն որ ամէն բան
ստեղծեր է , և ինքն ուրիշմէ ստեղծուած
չէ , որ է Աստուած : Եւ որովհետեւ արա-
րածոց անկատարութիւններն ան գերա-

գոյն էակին չեն կրնար պատշաճիլ , զանիկայ կը ճանչնայ յաւիտենական , անհուն , անսահման , պարզ , արդար , անփոփոխելի , և ունող ան ստորոգելիքը , որոնք որ ամենակատար էակին հարկաւ կը պատշաճին : Միանգամայն իրեն ալ արարիչ ու պահպանիչ ճանչնալով զանիկայ , կը ստանայ ան պարտուցը գաղափարը՝ որոնք որ պիտի ունենայ առ Աստուած : Եւ որովհետեւ գաղափարներն իրարու հետ կապ մը ունենալով՝ իրարմէ առաջ կու գան , զգայարանքնիս , խորհրդածութիւննիս , ու հոգւոյն ուրիշ գործողութիւնները միշտ գործածելով՝ կը ստանանք գաղափարաց ան հրաշալի բազմութիւնը , զորոնք իմացողութիւնն այլևայլ կերպով յարմարցընելով ու ընդարձակելով , հետզհետէ մեր տեղեկութեանց գանձը կը ճոխացընէ :

22. Բովանդակուրիւն :

Աս է ահա մեր գաղափարաց ծագումն ու յառաջադիմութիւնը , որոնք որչափ որ զանազան ու տարազոյգ են , բայց զգացումն է ամենուն աղբիւրը : Նիւթեղէն առարկայից գաղափարներուն վրայօք աս ճշմարտութիւնը չենք կրնար ժխտել . բայց և ոչ անմիջապէս զգայարանաց տակ չինկած գաղափարաց վրայօք ալ կրնանք երկբայութիւն ունենալ : Ահա քննեցինք ու

տեսանք թէ ինչպէս մեր մարմնոյն զգայա-
րանաց վրայ արտաքին առարկայից տպա-
ւորութենէն զգացմունք առաջ կու գայ .
զգացմունքն ըմբռնումն կը բերէ , ըմբռո-
նումն ալ գիտակցութենէն չբաժնուիր :
Ամեն գիտակցութիւններէ աւելի ազդու
գիտակցութիւնը մտադրութեան անուն
կառնու : Մտադրութենէն լծորդութիւն
գաղափարաց առաջ կու գայ . անկէց ալ
յիշատակութիւն , երեակայութիւն , յիշո-
ղութիւն , ու հայեցողութիւն : Մտադրու-
թիւնը , երեակայութիւնն ու յիշողութիւ-
նը՝ խորհրդածութիւն կը ծնանին . խոր-
հրդածութիւնն առաջ կը բերէ որոշողու-
թիւն , անկէց ալ տարբաղադրութիւն ու
բաղադրութիւն գաղափարաց : Գաղափա-
րաց բաղադրութենէն ու տարբաղադրու-
թենէն վերլուծութիւն առաջ կու գայ .
անկէց ալ դատումն ու տրամախոհութիւն :
Հոգւոյն աս և ուրիշ գործողութիւններէն
կը լլայ մոօք բովանդակելը կամ իմանալը :
Հոգւոյն ամեն գործողութեանցը գաղա-
փարէն , ու զանոնք ուղղելու կարողութե-
նէն կը ստանանք իմացականութեան ու
բանավարութեան գաղափարը : Հոգւոյն
գործողութեանցը ձեռքովի ուրիշ գաղա-
փարներ ալ կը ստանանք , որ հետզհետէ
բաղմանալով՝ ծառի մը պէս կուռճանան
ու կը տարածուին , որ թէոլէտ շատ ճիւ-
ղեր բաժնուած է , բայց ամենն ալ բոլոր
իրենց ուժն արմատէն կառնուն , որ է զգա-
ցումը :

23. Ա. Հետեանք . — Բնածին գաղափար
չկայ :

Մինչեւ հիմա ըստծներնէս կը հետեի Ա.
թէ որ առեն գաղափար զգայթրանքներէն
ու խորհրդածութենէ ծագումն կառնուն ,
ուրեմն մեր մորին մէջ բան չկայ որ աս
երկու ճամբէն մտած չըլլայ . ու կը հետեի
որ 'ի հոգին բնածին գաղափար չկայ , կամ
այնպիսի ծանօթութիւն որ արարիչն ան-
միջապէս 'ի հոգին տպաւորած ըլլայ , ու
զգայարանացմէ ու խորհրդածութենէ ան-
կախ : Առ բանիս վկայ կը կանչենք իւրա-
քանչիւր մարդու դիտակցութիւնը , բաւա-
կան է՝ որ աշխատիլ ուզենայ ու ճիշդ քննէ
իր մտածութիւններն ու նայի թէ ինչ է ա-
նոնց ծագումն ու յառաջադիմութիւնը . ը-
սել կուղենք որ իր միտքը մտնէ ու լաւ
նայի թէ ինչ կը հանդիպի :

24. Բ. Հետեանք . — Առջի գաղափարները
զգայարանաց գաղափարներ են . անոնցմէ
ետքը խորհրդածութեան գաղափարները :

Կը հետեի Բ. Հոգւոյն ունեցած առջի
գաղափարներն անոնք են , որ զգայարա-
նաց ձեռքովը կընդունի : Անոնցմէ ետքն
ու աստիճանաբար կը ստանայ խորհրդա-

ծութենէ Եկած գաղափարները . և մօսնաւ լորապէս իր այլեայլ գործողութեանցը գաղափարները : Ասոր պատճառը՝ Լոքին ըսածին նայելով՝ աս է . « Թէպէտե հոգեւ կան գործողութիւնները անընդհատ . կը կատարուին , բայց երերուն պատկերի մը սլէս հոգւոյն վրայ ուժով տպաւորութիւն չեն ըներ՝ և մթին , անորոշ և անհաստատ գաղափարներ կու տան . անոր համար պէտք է որ իմացականութիւնը իր վրայ դառնայ , ու իր գործողութեանցը վրայ խորհրդածութիւններ ընէ , ինք զինքն իր հայեցողութեանն առարկայ ընէ » :

25. Գ. Հետեանք . — Գաղափարաց բազմուրիւնը առարկայից բազմուրեանը համեմատական է :

Կը հետեւի Գ. Գաղփարները այնչափ աւելի կըլլան , որչափ որ զգայարանաց ու խորհրդածութեաններկայացած առարկաները շատ ըլլան . և միանգամայն որչափ աւելի կարողութիւն և առիթ ունենայ մարդ աս երկու գործիքները գործածելու և հոգւոյն գործողութիւններն ուղղելու : Ուստի անոնք որ խորհրդածութեամբ շատ բան կարդալէն զատ՝ փորձ ,

1 Ճաշակ 'ի վերայ մարդկային մտաց . Գետ Բ . գլ . Բ . 3 .

դիտողութիւն ու ճամբորդութիւն կընեն ,
ու տեսականին հետ գործնականն ալ կը
միացընեն , շատ աւելի տեսակ տեսակ
գաղափարներ կը ստանան քան զանոնք ,
որ ասոնցմէ ամենեին մէկն ալ չեն ըներ :

ԳԼՈՒԽ Գ

ԳԱՂԱՓԱՐԱՅ ԱՌԱՐԿԱՅԻՅՆ ՈՒ ԱՅԼԵՒԱՅՆ,

ՏԵՍԱԿՆԵՐՈՒՆ ՎՐԱՅ

26. Առարկայից զանազանութենքն կը կախուի
զաղափարաց զանազանութիւններ :

Հոգւոյն ներկայացած գաղափարները՝
առարկայից պատկերներն են՝ ինչ բնու-
թիւն որ ունենայ առարկան : Իսկ մեր գա-
ղափարաց առարկաները կամ իրավես
մեղմէ գուրս են , և կամ մեր մէջը . կամ
պարզավետ կարելի բաներ են , ու միայն
մեր երեակայութեան մէջն է իրենց գոյու-
թիւնը , և կամ զգայարանաց տակ կիյ-
նան , կամ թէ միայն խմացականին կը
պատշաճին : Արդ առարկայից այլեայլ բը-
նութենէն , այլեայլ կերպով ըմբռնուե-
լէն , ու իրենց պատկերացը հետ ունեցած

այլեայլ վերաբերութենէն, մեր միտքն
այլեայլ տեսակք գաղափարաց կը ծնա-
նին :

27. Եկամուռ ու մտացածին զաղախարներ :

Մեր առջի ունեցած գաղափարները՝ բո-
լոր նիւթեղէն իրաց գաղափարներ են. և
որովհետեւ մեզի զգայարանաց ձեռքով կու-
գան, անոր համար Եկամուռ կըսուին :
Այսպիսի են մարմնոց ու անոնց հանգա-
մանաց գաղափարները. զոր օրինակ գոյն,
ձայն, համ, և այլն. զորոնք չէինք կրնար
ունենալ՝ թէ որ զգայարանք չունենայինք:
Ետքը զգայարանաց ձեռքով առած գա-
ղափարներնուս վրայ խորհրդածութիւն
ընելով, կը սկսինք մենք մեզմէ ուրիշ գա-
ղափարներ կազմել, անոր համար աս տե-
սակ գաղափարները Մտացածին կըսուին :
Աս կերպով երկրաչափք վերացումն ընե-
լով՝ մարմնոց միայն տարածութիւնը կը
մտածեն, ու տարածութեանն ալ միայն
երկայնութիւնն ու լայնութիւնն առնելով՝
մակերևորի գաղափարը կը կազմեն. իսկ
թէ որ միայն երկայնութիւնը մտածեն,
զծի գաղափարը կը կազմեն: Թէ որ բա-
ղադրութեամբ լերան ու ոսկւոյ գաղա-
փարը միացընենք, ոսկեղէն լերան գա-
ղափար կը կազմուի: Նոյնպէս դարձեալ
նմանութեամբ, համեմատութեամբ, և

այլն, մտացածին գաղափարներ կը կազմուին:

28. Պարզ ու բաղադրեալ գաղափարներ:

Գաղափար մը որ ինքնիրեն մտածուի, և ուրիշ գաղափարի հետ բաղադրուած չըլլայ, Պարզ կըսուի: Իսկ թէ որ շատ գաղափարներ իրարու հետ միանալով գաղափար մը առաջ գայ, Բաղադրեալ կըսուի: Ստոին գաղափարը բաղադրեալ է, վտան զի շատ ալարդ գաղափարներու միաւորութենէն առաջ կու գայ, այսինքն ճերմկութենէ, ցրտութենէ, պնդութենէ, ծանրութենէ, և այլն. բայց թէ որ միայն ճերմկութիւնը մտածուի, ճերմկութիւնը պարզ գաղափար է, որովհետեւ ուրիշ գաղափարներէ բաղադրած չէ:

29. Պարզ գաղափարաց բնուրիւնը:

Պարզ գաղափարաց վրայ դիտնալու է նախ՝ որ այնալիսի բնութիւն ունին, որ զանոնք ուրիշին հաղորդել չըլլար, մինչեւ որ դիմացինը ծանօթութիւնը չունենայ: Ուստի ոչ երբեք հնար է հասկըցընել թէ կարմիր գոյնը ինչ է՝ անոր, որ այնալիսի գոյն տեսած չէ. և առ բանիս ետեւէ ըլլալն անանկ է ինչու որ մէկը 'ի ծնէ կու-

րի մը միտքը գոյներու գաղափարն ուղենայ տօլաւորել։ Երկրորդ՝ թէպէտե անթիւ գաղափարներ մենք մեզմէ կրնանք կազմել՝ որ մտացածին կըսուին (27), բայց բոլորն ալ բաղադրեալ գաղափար կըլլան։ իսկ պարզ գաղափար մը ոչ երբէք կրնանք կազմել՝ առանց զգայարանաց կամ խորհրդածութեան։ աս բանիս համոզուելու համար կրնաս 'ի ծնէ կուրի մը ըսել որ գունոյ մը վրայ գաղափար կազմէ։ Երրորդ՝ պարզ գաղափարացմէ ոմանք մէկ զգայարանքով միայն կըմբռնենք, ինչպէս՝ լոյսը, գոյները տեսութեամբ միայն։ ձայնը միայն լոելեօք։ Հոտն ու համը հոտուտելեօք ու ճաշտկելեօք։ տաքն ու ցուրտը շօշափելեօք։ Կան ալ որ այլեայլ զգայարանքներով հոգւոյն կանցնին։ ինչպէս մարմնոց ձևն ու շարժումը հաւասարապէս կիմանանք թէ տեսութեամբ և թէ շօշափիմամբ։ Ոմանք ալ միայն խորհրդածութեամբ կը ստանանք։ ինչպէս լմբանման գաղափարն ու հոգւոյն ուրիշ գործողութիւնները։ Կան ալ որ զգայարանքներով ու միանգամայն խորհրդածութեամբ կը ստանանք։ ասանկ են զուարճութեան, ցաւոց, ու անոնց այլեայլ բնութիւն ու նենալուն գաղափարները։

30. Առերևորական ու իմանալի
գաղափարներ:

Թէ որ առարկայի մը պատկերը մարմնեղէն կերպարանքով հոգւոյն ներկայանայ, գաղափարն Առերևորական կըսուի. մարմնոց ամեն գաղափարներն ալ առերևութական կըսուին. նոյնպէս առերևութական են ան ամեն գաղափարներն որ մեր երեակայութեամբը կը կազմենք. ինչպէս են բանաստեղծից ու վիպասանից գաղափարները: Իսկ թէ որ միայն իմացականով ըմբռնենք գաղափարը, անանկ որ հոգւոյն ամեննին պատկեր մը չներկայանայ որ մեծութիւն, ձեւ, գոյն, և այլն, ունենայ, ան գաղափարն իմանալի կըսուի: Աստուծոյ, հոգւոյն, մոլութեան, առարինութեան, էակի, և այլն, գաղափարները բոլոր իմանալի են:

31. Իրական ու ցնորական գաղափարներ:

Ան գաղափարներն որ բնութեան մէջ իրապէս գտնուած առարկաներուն համեմատ են, իրական կըսուին: Արեւու, լուսի, երկրի, և այլն, գաղափարներն իրական են. իրական են նաև ամեն պարզ գաղափարներ: Թէ որ պարզ գաղափար

մը բնութեան մէջ իրապէս գտնուած առարկայի մը համեմատ չկայ, կը հետեւի որ ան գաղափարը հոգւոյն մէջ կազմուերէ, ու ոչ զգայարանքներէ և ոչ խորհրդածութենէ առաջ եկած է. որ հակառակ կելէ վերն ապացուցածին (29 Բ.)։ Թէ որ առարկան 'ի բնութեան չկայ և չի կրնար ըլլալ, հապա մեր երեսակայութիւնը կազմած է զանիկայ, այնպիսի գաղափարը Յնորական կըսուի. թեաւոր ձիու գաղափարն ու ասոր նման բանաստեղծից անհամար գաղափարները ցնորական են։

32. Եղական և ընդհանուր գաղափարներ։

Թէ որ առարկայի մը գաղափարը քանի մը յատկութիւններով ու հանգամանքներով այնպէս որոշուած ըլլայ, որ ուրիշ առարկայ չկարենայ բացատրել, և ոչ իր մէջը ուրիշ գաղափարներ բովանդակէ, Եղական գաղափար կըսուի։ Իսկ թէ որ ան ամեն որպիսութիւններն ու հանգամանքները վերացումն ընես, և այնպէս մտածես որ շատ առարկաներու յարմարի, ու շատ մասնաւոր բաներ ներկայացընէ, ան գաղափարը Ընդհանուր կըսուի։ Օրինակի համար Յուլիոս Կեսարու գաղափարը եղական է, թէ որ մտածեմ որ հոռմայեցի էր, հիւպատոս եղաւ, գաղղիացիրը նուաճեց, Պոմպէոսի յաղթեց,

Հոռմայ կառավարութեան կերպը փոխեց,
և ետքը դաւաճաններէ սպաննուեցաւ:
Բայց թէ որ վերացումն ընեմ անունը,
հայրենիքն և ուրիշ հանգամանքները, ո-
րոնցմով որ Յուլիոս Կեսարու եղական
գաղափարը կանհատանայ, ընդհանուր
մարդու մը գաղափարը կունենամ, որ ոչ
միայն Յուլիոս Կեսարու կը յարմարի, հա-
պա ամեն հասարակ մարդու. և թէ որ բա-
նական ըլլալն ալ վերացումն ընեմ, կեն-
դանոյ գաղափարը կը մնայ, որ աւելի ընդ-
հանուր է, որովհետեւ մարդոյ և անասնոյ
գաղափարները կը բովանդակէ. և թէ որ
նոյնպէս վերացումն ընեմ կենդանի և
մարմնաւոր ըլլալը, աւելի ընդհանուր գա-
ղափար կունենամ, որ է զոյացորեան գա-
ղափարը, որ կը բովանդակէ թէ մարմինը
և թէ հոգին. և հետզհետէ վերացումն ը-
նելով՝ կը հասնիմ ամենաընդհանուր գա-
ղափարին, որ է ինչ, իր: Եւ ասանկ վե-
րացմամբ եղական գաղափարն ընդհանուր
կըլլայ: Իսկ թէ որ աս իրի ընդհանուր
գաղափարը մտրդ ուղէ եղական գաղա-
փար ընել, սրէաք է հետզհետէ աւելցընել
ան ամեն հանգամանքն ու որոդիսութիւն-
ները, որոնք որ վերացումն ըրինք, մինչեւ
որ նորէն Ալեսարու եղական գաղափարին
հասնի:

33. Ընդհանուր գաղափարաց այլեայլ
տևակները :

Ընդհանուր գաղափարները ձեւցընելու կերպին կիմացուի որ սեռու տեսակ կազմելու համար, որ գոլրոցներու մէջ գլխաւոր խնդիր մըն էր, պէտք է միայն վերացումն ընել, կամ մէկդի ընել ինչ որ իւրաքանչիւր անհատի յատուկ է, ու ան միայն պահել որ շատ մասնաւոր բաներու յարմար կու դայ : Ինչպէս Յուլիոս Կեսարու գաղափարէն վերցընելով ինչ որ իրեն յատուկ էր, կը կազմուի մարդու գաղափարն որ Տեսակ կըսուի, և ամեն մասնաւոր մարդիկներու սեփական է, ու կը բովանդակի կենդանոյ գաղափարին մէջ, որ Ան կըսուի, և հասարակ է թէ մարդկանց և թէ անասնոց : Բանականուրիւնը՝ որով մարդն անասուններէն կը զանազանուի՝ Տարբերուրիւն կըսուի . ուստի կըսեն որ ամեն տեսակ կը բաղկանայ սեռէ ու տարբերութենէ : Ան գաղափարն որ առարկայէ մը անբաժանելի է, Յատկուրիւն կըսուի . իսկ թէ որ բաժանելի ըլլոյ, կըսուի Պատահմունք : Մարդն որ մտածենք թէ կենդանի է . ասիկայ սեռ է . իսկ թէ մտածենք որ բանաւոր կենդանի է, տեսակ է . ուսեալ ըլլալու յարմարութիւնը՝ յատկութիւն է . իրական գիտութիւնը՝ ոլատահ-

մունք է : Ասոնք են գպրոցականաց հինգ
ընդհանուր գաղափարները . Սեռ , տեսակ ,
տարրերուրիւն , յատկուրիւն և պատահմունք :

54 . Ընդհանուր գաղափարաց բնուրիւնք :

Աս ալ յայտնի է որ աշխարհքիս մէջ
ինչ որ կայ նէ եզական ըլլալով , վերաց-
մամբ միայն ընդհանուր կըլլայ , և ընդհա-
նուր գաղափարներն իրապէս գոյող ա-
ռարկայ չեն ցցըներ , և ոչ իսկ կարելի ա-
ռարկայ , հասկա միայն անուն են , կամ
մեր մտաց ըմբռնմունքը : Ուստի շատ կը
մոլորէին ան փիլիսոփայք որոնք որ կը
կարծէին թէ ընդհանուր գաղափարներն
իրապէս գոյող կամ կարելի առարկաներ
կը ցցընեն . անանկ որ ասոնց կարծեացը
նայելով՝ կրնար մէկ ընդհանուր գոյացու-
թիւն մը ըլլալ , որ ոչ մարմին և ոչ հոգի
ըլլայ և ոչ ուրիշ մասնաւոր բան մը . ա-
նոր համար իրականք ըսուեցան , անոնցմէ
զանազանելու համար որ իրաւամբք այս-
պիսի գաղափարները պարզ անուն կը հա-
մարին ու մեր մտաց ըմբռնմունք , և անոր
համար կըսուին Անուանականք :

35. Թանձրացեալ ու վերացեալ գաղափարներ :

Եզական գաղափարը թանձրացեալ գաղափար ալ կըսուի , որու առարկայ մը ցցընելուն համար . իսկ ընդհակառակն ընդհանուր գաղափարը Վերացեալ ալ կըսուի , որովհետև առարկան անորոշ է և շատ բանի կը յարմարի : Թէ որ ըսեմ Աեռանկիւնը , Փ. Ճեր , Լուսընթագ մօլորակը , թանձրացեալ գաղափարներ են , վասն զի իրենց առարկան կորոշեն . իսկ եթէ ըսեմ եռանկիւն մը , ճեր մը , մօլորակ մը , վերացեալ կըլլան գաղափարները , վասն զի կրնայ ո և իցէ եռանկիւն , ճեր , մօլորակ իմացուիլ :

36. Հաստատական ու Ժխտողական գաղափարներ :

Գոյացութիւն ունեցող առարկայի մը գաղափարը Հաստատական կըսուի . առարկային գոյացութիւն չունենալէն կամ գոյացութենէ զրկուած ըլլալէն առաջ կուգայ Ժխտողական գաղափարը : Լուսոյն , Ճայնին , տաքութեան , և այլն , գաղափարները հաստատական են : Խաւարի , լութեան , ցրտութեան գաղափարները

Ժխտողական են, որոնք որ առջիններուն
պակասութիւնը կը ցցընեն։ Մինչև որ
հաստատական գաղափարին ծանօթու-
թիւնը մարդ չունենայ, ժխտողական գա-
ղափարը չի կրնար ըմբռնել. ուստի՝ ի ծնէ
կոյրը և խուլը չեն գիտեր մութը կամ լու-
թիւնն ինչ ըսել է, վասն զի լուսոյ կամ
ձայնի գաղափար չունին։

37. Բացարձակ ու առընչական գաղափարներ

Առարկայի մը գաղափարն իբրև անկախ
որ մտածուի, և ուրիշ առարկաներու վե-
րաբերութիւն չունեցող՝ Բացարձակ գա-
ղափար կըսուի։ Թէ որ առարկաներն ի-
րարու հետ վերաբերութիւն մը ունենան,
գաղափարներն Առընչական կըսուին։ Բա-
ցարձակ կըլլայ Աստուծոյ գաղափարը թէ
որ մտածենք իբրու էակ ինքնագոյ. իբրև
արարիչ որ մտածենք՝ առընչական կըլլայ,
վասն զի արարածոց հետ վերաբերութիւն
կունենայ։ Հօր և որդւոյ, տիրոջ ու ծա-
ռայի, առն ու կնոջ, և այլն, գաղափար-
ներն առընչական են. վասն զի մէկն ա-
ռանց մէկալին ենթագրել չըլլար։ Գրեթէ
ամեն առարկայից մէջ առընչութիւն մը
կայ, որ շատ անգամ չենք գիտեր. և ածա-
կան ըսուած անուններուն գաղափարներն
ընդհանրապէս առընչական են։

38. Ψωμάτων τα μρήβες φυτοφαρίσερ:

Θέξ ορ απωρκαյի մը ամեն մասունքն ու
հանգամանքները մարդ ճիշդ ըմբռնէ , ու
ըմբռնմունքը կատարեալ ու բացայայտ
ըլլայ , և յիշողութիւնը ան կերպով պահէ
զայն ըմբռնմունքը , որ նորէն ներկայա-
նալու ըլլայ նէ առանց դժուարութեան
կարենայ ճանչնալ , ան առարկային գա-
ղափարը Ψωμάτων կըսուի . իսկ թէ ըմբռն-
մունքն աս ճշգութիւնը չունենայ , Մրին
կըսուի : Եւ աւելի ու նուազ պայծառ կամ
մթին կըլլայ , որչափ որ աւելի կամ նուազ
ըլլայ ըմբռնման կատարելութիւնն ու բա-
ցայայտութիւնը : Եւ թէ որ ըմբռնմունքը
կէս մը պայծառ ըլլայ և կէս մը մթին ,
գաղափարը կրնայինք Աղօտ ըսել : Օրինա-
կի համար , պատկեր մը պայծառ կը տես-
նեմ , թէ որ այնչափ լոյս ունենայ՝ որ կա-
րենամ այլեւայլ նկարուած առարկաներն
իրենց ձեռվե ու գունովը ճիշդ տեսնել .
իսկ թէ որ մթին կերպով տեսնեմ՝ ըսել է
թէ հարկաւոր եղած լոյսը պակաս է , ո-
րով պատկերին մէջ նկարուած ամեն բա-
նը կարենամ որոշել :

39. Որոշ ու շփոր գաղափարներ :

Ինչպէս որ գաղափարը պայծառ կը լլայթէ որ առարկային ըմբռնումը կատարեալ ու բացայայտ ըլլայ (38), ասանկ ալ գաղափարն Որոշ կը լլայթէ որ հոգին առարկային վրայ այնպիսի զանազանութիւն մը զգայ, որով ան առարկան ուրիշ ո և իցէ առարկայէ կը տարբերի: Իսկ Շփոր գաղափար ան կը սուլի՝ որ առարկայ մը ուրիշ առարկայէ մը զանազանելու բաւական նշաններ չի տար: Զոր օրինակ եռանկեան գաղափարն որոշ է, վասն զի իրեք կողմերն ու իրեք անկիւններն ուրիշ ո և իցէ ձեւէ կը զանազանեն. բայց թէ որ առջենիս երկու ձեւեր կան որոնց մէկը հազար կողմն ունենայ ու մէկալն ինըհարիւր իննսունըինը, թէպէտ և աս երկու ձեւերն իրարմէ տարբեր են, բայց անոնց գաղափարները՝ իրարունայելով՝ շփոթ կը լլան. վասն զի ոչ մէկն և ոչ մէկալն այնպիսի նշան մը չեն տար, որով իրարմէ զանազանուին: Պարզ գաղափարները պայծառ են՝ բայց շփոթ. պայծառ են՝ վասն զի ուրիշ գաղափարներ միացած չըլլալուն, չի կրնար ըլլալ որ մաս մը ճանչնանք և մաս մը չիճանչնանք. ուստի կամ պէտք է որ բոլորովին պայծառ ըլլան, և կամ բոլորու

վին անծանօթ : Իսկ շփոթ են իրենց պարզութեանը պատճառաւ , որով վրանին յատկութիւն մը կամ նշան մը չի տեսնուիր:

40. Զորգահարասար և անհարասար
գաղափարներ:

Ան գաղափարներն որ առարկաներուն
բովանդակութիւնն այնպէս կը ներկայա-
ցընեն , որ առարկային վրայ բան չիմնայ
որ գաղափարին մէջ չգտնուի , Զորգահա-
րասար կամ կատարեալ կըսուին : Անհար-
ասար կամ Անկատար կըսուին ան գաղա-
փարները , որոնք որ իրենց առարկային
մէկ մասը միայն կը ներկայացընեն : Կեն-
դանագիր մը որ ամեն կերպով նախատի-
պը ներկայացընէ ու բոլորովին նման ըլ-
լայ , զուգահաւասար կըսուի . իսկ թէ որ
անկատար կերպով ներկայացընէ , և ըստ
մասին միայն նմանի , անհաւասար կըսուի :
Պարզ գաղափարները զուգահաւասար են ,
որովհետեւ բոլորովին համեմատ ու համա-
ձայն են ան յատկութեանց որ կան իրաց
վրայ , և 'ի մեզ ան գաղափարներն առաջ
կը բերեն : Յօդուածոյ գաղափարներն ալ
պէտք է զուգահաւասար ըլլան , որովհե-
տեւ այնպիսի գաղափարներ ունին որ մար-
դուս ուղածին կամ երեւակայածին համա-
ձայն է , անոր համար կրնանք զանոնք օ-
րինուկ ու միանգամայն նախատիսլ սե-

պել։ Իսկ գոյացութեանց զաղափարները
բոլորն ալ անհաւասար են։ որովհետեւ ոչ
երբէք ապահով կրնանք ըլլալ թէ որչափ
յատկութիւն որ վրանին ունինք մեր գա-
ղափարին մէջ, ճիշդ այնչափ ըլլայ և ոչ
աւելի։ Ուրեմն յանդգնութիւն է ըսելը
թէ տունկերուն, մետաղներուն, օդին և
ուրիշ անհամար գոյացութեանց մէջ մեր
մտածածէն կամ գիտցածէն տարբեր բան
չկայ։ Թէ որ ասանկ ըլլար, գիտութեանց
յառաջադիմութիւնն իրեն ետքի սահմանը
հասած կըլլար։

ԳԼՈՒԽ Դ

ԳԱՂԱՓԱՐՆԵՐՈՒ ՆՇԱՆՆԵՐԸ ԵՒ ՄԱՆԱԿԻԱՆԴ
ԲԱՌԵՐԸ

44. Նշաններու հարկաշորտքիւնը :

Գաղափարներն ու գաղափարներու
այլեայլ տեսակները, որ զգայարանաց
ձեռքով ու խորհրդածութեամբ կը ստա-
նանք, բոլոր պատկերներ են, որ 'իներքս'ի
մեջ կը ներկայանան, ու մեր հոգւոյն մէջ
ծածկուած՝ ուրիշներուն անտեսանելի ու
անիմանալի են. անանկ որ մարդ ինչ ճիգն
ալ ընելու ըլլայ՝ ոչ կրնայ տեսնել կամ
իմանալ ուրիշին գաղափարները, և ոչ ի-
րեն գաղափարներն ուրիշին յայտնել։
Ապա ուրեմն մարդիկ ընկերական կեանք
անցնելու, և անասնոց պէս անտառնե-
րու մէջ չթափառելու համար, հարկաւոր
էր միջոց մը գտնել, որով կարող ըլլային
յիշել ու իրարու հաղորդել իրենց գաղա-
փարները, մտածութիւններն ու պիտոյքը,
որով կը պահուի մարդկային ընկերու-
թեան կատը։ Աս բանիս համար նշաններ

Հնարեցին, որոնց ամեն մէկն իր յատուկ գաղափարեն զատ կը զարրուցանե նաև ան բանին գաղափարը, որուն հետ կապուած է: Եւ որովհետեւ նշանները կրնան յայտնի եւ զգալի ըլլալ, նոյնականի կըլլան նաև գաղափարները որոնց հետն որ ան նշանները կապուած են:

42. Բնական, պատահական ու կամառ
նշաններ:

Ամեն նշան գաղափարին հետ մէկ կերպով կապուած չէ. հապա ոմանք 'ի բնէ գաղափարին հետ կապուած են, անոր համար Բնական կըսուին. զոր օրինակ, ծուխը կրակին բնական նշանն է. երեսին գոյնը նետելը, մարմնոյն այլեայլ շարժմունքները՝ ներքին կրից բնական նշաններն են: Կան նշաններ ալ որ դիպուածական պարագայով մը գաղափարաց հետ կապուած են, անոր համար Պատահական կըսուին. ինչպէս, Հոոմ պատահական նշան մըն է միտքս բերելու պասին գաղափարը, զոր դիպուածով մը հոն եմ տեսեր. վասն զի ուրիշ տեղ ալ կրնայի զինքը տեսած ըլլալ: Ան նշաններն որ ըստ հաճոյից կապուած են գաղափարաց հետ, կամառ կըսուին. ինչպէս, զինուորաց զրատը, նաւերու դրօշը, թմբուկին, զանդակին ձայնը, և այլն. որոնց ամենը կամաւոր դրուած նշաններ են:

43. Բնական ու պատահական նշաններու
անբարականութիւնը :

Ով որ գաղափար մը յիշելու կամ հա-
ղորդելու համար միայն բնական ու պա-
տահական նշաններն ուղէ գործածել, քիչ
և կամ ոչինչ օգուտ կրնայ քաղել. մէյմը
որ այդսկիսի նշանները քիչ են. երկրորդ
որ առ հարկաւոր գաղափարները արթըն-
ցընելու և յայտնելու համար պէտք է որ
ան առարկաները ներկայ ըլլան. վասն զի
ան գաղափարներուն հետ կապուած են:
Օրինակի համար, կրակի գաղափարը յի-
շելու համար պէտք էր որ ծուխ տեսնենք.
պապին գաղափարը Հռոմայի ներկայու-
թենէն կը կախուի, և այլն. և որովհետեւ
աս պարագաները մեր կամքէն չեն կա-
խուիր, ուստի ուղածնուս պէս ալ առ
նշանները չենք կրնար գործածել, որով և
ոչ գաղափարները:

44. Բառից հարկադրութիւնը :

Ուրեմն հարկաւոր էր կամաւոր նշան-
ներ գտնել որ մարդ իր գաղափարները
յիշելու և յայտնելու համար կարենար ըստ
հաճոյից գործածել: Ասոր համար ընու-
թեան բարեխնամ արարիչը մեզի այնպի-

սի գործարաններ պարզեց է որով բնական կերպով կրնանք յօդատոր ձայն հանել, զորն որ Բառ կանուանենք . և է աս հրաշալի պարզեց մարդուս միայն շնորհեալ : Աս յօդաւոր ձայնները շատ դիւրութեամբ ու բազմապիսի զանազանութեամբ կրնանք կազմել . ու իրենց հետ կապուած գաղափարները մեծ դիւրութեամբ երբ և որչափ որ կուզենք յիշեցընել ու յայտնել : Թէ որ ուզենանք յիշել ու յայտնել այլոց մերը ըմբըռնած այրող ու լուսաւորող մարմնոյն գաղափարը , հարկ չէ ալ ծուխը ցցընել կամ կրակը աչքերնուն առջելը դնել , կամ մարմնոյն մէկ մասին դպչել , հապա բաւական է կրակ անունն արտաքերել , և մէկէն մտքին կը ներկայանայ ան գաղափարն որ մարդիկ ըստ հաճոյս աս բառիս հետ կապեր են , և անով հոգին իր ըմբըռնած գաղափարը որուն որ ուզէ կը յայտնէ :

45. Բառերն ընդհանուր նշաններ են :

Բառերը գաղափարներու նշաններ են (44) , բայց պէտք չէ կարծել որ ամեն եղական առարկայի կամ գաղափարի տարբեր տարբեր անուններ պէտք է յարմարցնել : Աս բան չէ թէ միայն նեղութիւն էր , հապա նաև անկարելի և անօդուտ . և բառերուն շատութիւնը գործածութեան

ատեն շփոթութեան պատճառ կըլլար : Ան-
կարելի է որ մէկը որչափ հիանալի յիշո-
ղութիւն ալ ունենայ , կարենայ ծառի մը
ամեն մէկ տերեւին , իւրաքանչիւր տեսակ
թունոց ամեն մէկ անհատին , և կամ աշ-
խարհքիս մէջի անթիւ էակներուն եղա-
կան անունը միտքը պահել : Բայց ենթա-
դրեալ թէ կարենար մէկն աս բանս ընել ,
անօգուտ կըլլար , լեզուն ալ անիմանալի .
վասն զի ան անունը որով որ ես որոշեալ
գաղափար մը կուզեմ զանազանել , չի
կընար ծանօթ ըլլալ անոր՝ որուն որ իմ
գաղափարս պիտի հաղորդեմ : Օրինակի
համար . թէ որ մէկն ուրիշի մը հաղորդել
ուզելով դեղձանիկ ըսուած թունոյն գաղա-
փարը , աս ընդհանուր բառը գործածելու
տեղ՝ ուրիշ մասնաւոր անուն մը գործա-
ծել ուզենար , ըսածը մարդ չէր հասկը-
նար . վասն զի որուն հետ որ կը խօսի՝ ան
թունոյն գաղափարը կապած է դեղձանիկ
բառին հետ և չէ թէ ուրիշ մասնաւոր բա-
ռի մը հետ : Ուստի ինչպէս որ կազմուած
են ընդհանուր գաղափարները (32) , նոյն-
պէս հնարած են ընդհանուր բառեր , որ
ոչ միայն ընդհանուր գաղափարներ կը
բացատրեն , հապա նաև ամեն եղական
գաղափարներն ալ որ ընդհանուր գաղա-
փարաց տակը կը բովանդակուին : Բայց
թէ որ հարկաւորութիւնը պահանջէ՝ կան
անուններ ալ , որ մասնաւոր բաներու
սահմանուած են , և թառուկ անուն կը-

սուին . որ ան մարդիկներու , քաղաքներու , գետերու , լեռներու , և ուրիշ առարկաներու վրայ կը դրուին , որոնք որ մասնաւոր անունով կուզենք որոշել :

Կ6. Բառերը զգաղափարները կորոշեն :

Բառերու գիւտին մէկ ուրիշ օգուտն ալէ զատել որոշել մէկմէկէ ան գաղափարները , որոնք այլեայլ յատկութեամբք կը նմանին մէկմէկու , և մէկը մէկալէն որոշելու համար՝ հարկ կըլլար իրեն բոլոր ուրիշ յատկութիւնները յիշել : Չոր օրինակ , ուկի բառը կը գործածեմ փոխանակ ըսելու տարածեալ , ձևաբոր , բաժանելի , հաստատուն , պինդ , հալելի , ծառաշական , կռանելի , ծանր , խիտ , արքայազրի մէջ լուծանելի , և այլն , մարմին մը : Թէ որ ատ բառը չի գործածէի , քանի որ աս մետաղը յիշել պէտք ըլլար՝ արծաթին կամ ուրիշ մետաղի մը հետ չփոթելու համար , որոնց քանի մը յատկութեան նման յատկութիւններ ունի , հարկ էր աս ըսած յատկութիւններս բոլոր շարել . որ անկարելի կամ գոնէ շատ գժուարին ըլլալուն , ուկի բառը կը գործածեմ . և աս անուամբ ան մարմնայն բոլոր յատկութեանցը բովանդակութիւնը կիմանամ :

47. Բառերը հոգոյն գործողութիւններն երազ
կատարելու կը ծառայն։

Բայց բառերուն օգտակարագոյն մէկ վախճանն ալ ան է որ անոնց ձեռքովը հոգւոյն գործողութիւնները շուտ կը լլան։ և աս բանս շատերն ե ոչ կը մտածեն։ Ըմբռնման, գիտակցութեան, մտադրութեան գործողութիւններն ընելու կամաւոր նշաններու կարօտութիւն չունինք։ Վասն զի աս գործողութիւնները նոյն իսկ առարկայից ներկայութենէն առաջ կու գան։ բաւական է որ մէկը չուղէ աւելի ստէպ կրթութեամբ մտադրութիւնը գործածել, մանաւանդ հեռաւոր առարկայի մը վրայ։ Բայց հոգւոյն ուրիշ գործողութիւնքը նոյնպէս չեն ըլլար։ Վասն զի առանց նշանաց ան գործողութիւնները քիչ ե կամ ամեննեին իսկ չեն գործածուիր։ Եւ նախ մարդ ուղածին պէս յիշատակութիւնը չէր կրնար բանեցընել, մինչեւ որ ներկայ չըլլար ան առարկան, որուն հետ որ կապուած էր իր գաղտփարը (12)։ Նոյնպէս ալ երեակայութիւնը չէր բաներ, ինչուան որ պատճառաւ մը աչքի առջեւ չգար ան առարկան։ որ երեակայել ուղած հեռաւոր առարկային հետ կապակցութիւն մը ունի (13)։ և աս պարագայէն զատ մարդ ինքնիրենը յիշելու հնարք մը

չէր ունենար։ Յիշողութիւնը չէր կատարուեր. վասն զի աս գործողութիւնը կըլլայ յիշելով հեռաւոր առարկային անունը կամ ուրիշ պարագայ մը՝ որ ան առարկային հետ վերաբերութիւն ունի (14). անոր համար եթէ կամաւոր նշաններ չըլլային կամբառը չըլլար, 'ի գործ չէր դրուեր։ Նոյնպէս կըլլային նաև հայեցողութիւնը, խորհրդածութիւնն ու հոգւոյն ուրիշ գործողութիւնները։ Բայց կամաւոր նշաններն ըլլալէն ետև, այսինքն բառ, տառ, թուանշան, և այլն, մարդ իր գործողութիւններն ուղածին պէս կընէ, ու առարկայից ներկայութեանը կամ առձեռն չեղած ուրիշ պարագայի մը կարօտ չըլլար։ Վասն զի նշաններն ուղածին պէս ձեռքն ունենալով՝ ըստ սլիտոյից կրնայ յիշել ան նշաններուն հետ կապուած գաղափարներն, ու առարկայէ առարկայ անցնելու կարօտ չէ և ոչ առարկայից ներկայութեանը, և ոչ ուրիշ օտար պատճառի մը, որ ան առարկայից հետ վերաբերութիւն մը ունի։

48. Խեջու դժուարաց կրմրոնորի բառից
հարկառորորինը։

Կարծես որ դժուարաւ կըմբռնենք թէ
ինչպէս նշանք հարկաւոր են հոգւոյն գործողութիւնները համարձակ կատարելու

Համար : Աս բանիս պատճառն է՝ վասն զի
մենք նախ բառերը կը սորվինք ու ետքը
կիմանանք հոգւոյն գործողութիւնները , և
կատարեալ բարգաւաճումը աւելի ուշ
կըլլայ . կամ թէ մի և նոյն ժամանակ բա-
ռերը սորվելով ու հոգւոյն գործողութիւն-
ներն ընելով , կը կարծենք որ աս գործո-
ղութիւնները նշաններուն հետը կապակ-
ցութիւն մը չունին : Բայց նշաններուն բա-
ցարձակ հարկաւորութիւնը լաւ մը հասկը-
նալու համար , քիչ մը ատեն ատ նշաննե-
րը մոռնանք , ու ետքը հոգւոյն այլեայլ
գործողութիւնները կատարենք , և կը տես-
նենք որ անասուններէ տարբերութիւն
չենք ունենար . որոնք կամաւոր նշաններ
չունենալնուն՝ յիշողութիւն ալ չունին ,
այլ միայն երեակայութիւն , ան ալ ու-
ղածնուն պէս չեն կրնար գործածել : Եւ
թէ որ իրենք իրենց հեռաւոր առարկայ մը
ներկայացընեն , ան անձուկ կապէն ա-
ռաջ կու գայ որ իրենց ըղեղին մէջ ձեա-
ցած է ներկայ առարկային ու հեռաւոր
պատկերին մէջ : Անոր համար յիշողու-
թիւնը չէ որ զիրենք դէպ 'ի ան տեղը կը
տանի , ուր որ առջի օրը կերակուր են գը-
տած , հապա անօթութեան զգացմունքն
այնպէս անձուկ կապուած է ան տեղւոյն
ու հոն տանող ճամբուն գաղափարներուն
հետ որ անօթութիւնը զգալուն պէս՝ ան
գաղափարները կը զարթնուն :

49. Բառից հարկադրութիւնն օրինակներով
հաստատենք:

Ինչ որ ըսինք աս երկու նախընթաց յօ-
դուածներուն մէջ, արդիւնքը զանոնք կը
հաստատէ: Բարիզի Գիտութեանց ճեմա-
րանին Յիշատակարանացը մէջ¹ կը պատ-
մուի որ երիտասարդ մը 'ի ծնէ խուլ որով
և համբ, քսանուիրեք կամ քսանըչորս
տարուան ականջը բացուեցաւ: Եւ ին-
չուան ան ատենը թէպէտ և դրսէն կրօնի
այլեայլ արտաքին ներգործութիւնները
կընէր՝ զորոնք տեսնելով սորվեր էր, բայց
բոլորն ալ նիւթական, և ամենեին ան
ներգործութեանցը հետ գաղափար մը չէր
կապած: իսկ Աստուծոյ, հոգւոյ, և իր
գործողութեանցը բարոյապէս բարի կամ
չար ըլլալուն վրայ և ոչ ճանաչմունք մը
ունեցեր էր: և ոչ իսկ որոշ գիտէր թէ
մահն ինչ է: Միունքանիւ օրերը բոլորո-
վին անասնոյ մը պէս էր անցուցեր: և
ինք զինքը բոլորովին զգայական ու ներ-
կայ առարկայից էր տուեր, և ան քանի
մը գաղափարաց որ աչքովը կամ ուրիշ
զգայարանքով մը կընդունէր: իսկ մտա-
դրութիւնն՝ որ սաստիկ զգացմանց վրայ
միայն կերթար՝ զգացմունքներուն հետ կը

դադրէք : Աւելի զարմանալի է ուրիշ տա-
սը տարուան պատանւոյ մը վրայ պատ-
մուածը , որ 1694ին Լիթուանիոյ և Ռու-
սիոյ սահմանագլուխներն անտառներու
մէջ արջերու հետ գտնուեր է : Ամենեին
բանավարութեան նշան մը չէ տուեր .
ոտուըներուն ու ձեռուըներուն վրայ կը
քալէ եղեր , և փոխանակ խօսելու այնպի-
սի ձայներ կը հանէ եղեր որ մարդկային
ձայնէ ամենեին օտար : Եւ երբոր խօսել
սկսեր է , այնչափ իր առջի վիճակը կը յի-
շէ եղեր , որչափ որ մենք կը յիշենք ան
վիճակն որ խանձարրոց մէջ ունեցեր ենք .
ուրիշ կերպ ալ չէր կրնար ըլլալ . վասն զի
առանց կամաւոր նշաններու յիշողութիւն
չըլլար , հապա միայն քիչ մը երեւակայու-
թիւն ու հայեցողութիւն արտաքին պատ-
ճառներէ առաջ եկած : Խորհրդածութիւնը
ամենաքիչ , որով և գրեթէ ամենեին գա-
ղափար խորել չունի եղեր . բաղդատելու
կարողութիւնը քիչ , վերացութիւն ամե-
նեին , քիչ մը դատումն , և խիստ քիչ
տրամախոհութիւն : Ուրեմն պէտք է հե-
տեւցնենք որ առանց կամաւոր նշաններու
ծանօթութեանց մէջ յառաջադիմութիւն
մը չի կրնար ըլլալ , մանաւանդ թէ և ոչ
խոկ գիտութեան անունը կըլլայ :

50. Բառից նշանակութիւնը բոլորովին
կամացը է :

Գաղափարներն որ բառից ձեռքովը կը
զարթնուն, անոնց հետ ամենեին բնական
կապակցութիւն մը չունին, հապա մարդ-
կային կամաց ծնունդն է . որ է ըսել՝ թէ
բառից նշանակութիւնը բոլորովին կամա-
ւոր է : Աս ճշմարտութիւնն այնչափ բա-
ցայայտ է, որ կարծես թէ ապացուցի ալ
կարօտ չէ : Այլևայլ աղղք նոյն գաղա-
փարն այլևայլ կերպով կը բացատրեն .
մանաւանդ թէ նոյն աղղին մէջն ալ մի և
նոյն գաղափարն այլևայլ անուններ ու-
նի . ան բառերն որ հիները կը գործածէին՝
նորերն ամենեին չեն գործածեր¹ : Թէ որ
բառերը գաղափարներուն հետ բնական
կապ մը ունենային, ամենը նոյն լեզուն
սկիտի խօսէին, և օտար լեզուներ սորվե-
լու աշխատութիւնը պիտի չքաշէին, որ
ծանօթութեանց յառաջադիմութեանը մեծ
արգելք է :

1 Ովոստ . Ար . ՔԵՐԴ . 62 :

51. Բառերուն յաւելուածոյ գաղափարները :

Կրլայ երբեմն որ բառ մը սովորական
եղած գլխաւոր գաղափարէն զատ՝ ուրիշ
գաղափարներ ալ կը նշանակէ, որոնք Յա-
շելուածոյ կը սուլին, և առաջ կու գան յոն-
քերուն դիրքէն, ձայնին եղանակէն կամ
մարմնոյն շարժմունքէն՝ որ բառը արտա-
քերելու ատեն կերևնան : Չոր օրինակ
մէ կուն սուտզրուց որ ըսելու ըլլանք, չէ թէ
միայն կիմացընենք որ շիտակը չըսեր,
հապտ ան արտաքերելու կերպէն նաև նա-
խատինք կը նենք : Աս յաւելուածոյ գաղա-
փարներէն շատ հեղու թշնամանողական
ու աղտեղի բառեր առաջ կու գան . վասն
զի չկայ բառ մը որ ըստ ինքեան չարտմիտ
իմաստ տայ՝ թէ որ պատշաճ վայելչու-
թեամբ արտաքերուի :

52. Լեզուի մասնկանց կարևորութիւնը գա-
ղափարները բացատրելու և իրարու հետ
միացընելու համար :

Գաղափարները բացատրելու հարկա-
ւոր եղած բառերէն զատ, ուրիշ ձայներ
ալ կան, որ գաղափարներն իրարու հետ
կը կապեն, և առարկաներուն մեր վրայ
ըրած տսլաւորութեան այլեայլ կերպերը

կը բացատրեն : Անոնց ձեռքովը խօսքը կը ձեւացընենք , և այնպիսի իմաստ ու ազդուութիւն կու տանք , որ մեր մտածութիւններն ու մեր զգացմունքներն ուրիշի միտքը գիւրաւ մտցընեն : Աս ձայներն են որ մասնիկունք կըսուին ու քերականները Մակրայ , Նախաղրուրիւն , Զայնարկուրիւն , Շաղկապ և այլն կանուանեն . ասոնցմէ են նաև Ածանցակերտ ու Հողովակերտ մասնիկները : Պէտք է լաւ ըմբռնել աս մասնկանց ուժն ու նշանակութիւնը , որպէս զի մարդ կարենայ ըստ յատկութեան գործածել : Որովհետեւ ասոնց ճիշդ գործածութենէն կը կախուի ոճին գեղեցկութիւնը , և խօսքն ալ անով իմանալի կըլլայ . իսկ թէ որ առ ձայները սխալ կերպերով գործածուին , լողը կամ կարդացողը կը շփոթի : Թէպէտեւ աս բառերն իրենք իրենցմէ ամենեին գաղափար մը չեն տար , բայց շատ գործածական են , ու լեզուին մէջ ամենակարևոր , և բանը լաւ բացատրելու կը ծառայեն :

53. Բառից րիր գաղափարաց բոռոյն համեմատական է :

Թէ որ բառերը գաղափարաց նշաններն են , կը հետեւի որ եթէ գաղափարաց թիւը շատ ըլլոյ , բառից թիւն ալ սկզբ է շատ ըլլայ : Եւ որովհետեւ որչափ աւելի շատ

առարկաներ ըմբռնելու առիթ ըլլոյ՝ այն-
չափ ալ գաղափարները կը շատնան (25),
անոր համար զիտուն ու վաճառական ազ-
գերը, որոնց մէջ գաղափարներուն թիւը
հետզհետէ շատնալու վրայ է՝ շատ առար-
կաներ ունենալով, բառերու կողմանէ ալ
աւելի հարուստ են քան զտգէտ ու ազ-
քատ ազգերը։ Հրէից ազգը թէպէտե Յու-
նաց աղգէն աւելի հին ազգ էր, և Եգիպ-
տացւոցմէ՝ որոնց մէջն որ Երկան ատեն
կեցաւ՝ իր լեզուն աճեցուցեր էր, բայց ո-
րովհետե միշտ տգէտ, աղքատ ու աննշան
մնաց, իր լեզուն ալ նոյնչափ Յունաց լե-
զուէն բառից շատութեան կողմանէ ազ-
քատ էր, որչափ որ Յոյնք աւելի առաջ-
գացած էին զիտութեանց, վաճառակա-
նութեան ու փառաց կողմանէ։

54. Ի՞նչպէս կարելի է լեզուն անեցընել։

Լեզուն կրնայ աճեցուիլ՝ նոր գաղա-
փարները բացատրելու համար՝ նոր բա-
ռեր հնարելով. բայց շատ անգամ ալ ու-
րիշ մեռած լեզուէ մը բառեր կառնուն և
զանոնք կը յարմարցընեն. մեր մէջը բառե-
րը բարդելով՝ լեզուին շատ հարստութիւն
կրնանք տալ։ Իտալացւոց լեզուին մեծ
ճոխութիւնը լատինէն առած է, որուն
ծնունդն է, և ալիտոյքն անկէց կրնայ լե-
ցընել. իսկ թէ լատինը բաւական չըլլայ,

յունէն կառնու . որ լատինին մայրն է ու
քան զայն աւելի ճոխ : Արևմտեան լե-
զուաց մէջ իտալերէնէն ետեւ գաղղիերէ-
նը լատինէն շատ բան առած է . գաղղիե-
րէնին մէջը շատ բառ կայ , որ լատինու-
թիւնը զուտ պահած է , և շատ ալ որ յու-
նութիւնը : Ուրիշ արևմտեան լեզուներն
ալ լատինէն կամ ուրիշ լեզուէ բառեր ա-
ռած են այլեայլ դիպուածներու կամ՝ յե-
ղափոխութեանց պատճառաւ¹ : Բայց նոր
գաղափարներ նոր բառերով բացատրե-
լու համար , թէ ուրիշ լեզուէ առնուած ըլ-
լան և թէ նոր հնարուած , ոչ երբէք ըստ
քմաց , հապա լեզուին կանոնացը համա-
ձայն պիտի ըլլան . իսկ աս կանոնները
բացատրելու տեղը հոս չէ : Բայց գիտնա-
լու ալ է կուինտիլիանոսին խօսքը թէ
Նոր բառերը առանց վտանգի չեն շինուիր² :

1 Հայերէնին մէջ հին ատենը Պարսից բառեր
մտած են , ու արաբացւոց տէրութեանն ատեն
արաբացի բառեր , իսկ խաչակրաց ժամանակը
գաղղիացի բառեր :

2 Գիրք Ա. Գլ. Ե :



ԳԻՐՔ ԵՐԿՐՈՐԴ

ԴԱՏՈՒՄՆ

Հոգին գաղափարներն ըմբռնելէն ետեւ,
կըսկսի անոնց վրայ այլեայլ տեսութեամբ
դիտողութիւններ ընել ինչ կերպով որ
կարելի է : Եւ որչափ որ առ դիտողու-
թեանց մէջ առաջ երթայ՝ հետզհետէ գա-
ղափարներն իրարու բաղդատել կը սկսի,
որ անոնց իրարու հետ կամ ներկայացու-
ցած առարկայիցը հետ համաձայնելուն
կամ անհամաձայնելուն վերաբերութիւն-
ները գտնէ : Աս գործողութիւնը Դատումն
կըսուի . և որովհետեւ մեր մտացը ծանօ-
թութեանց մէջ յառաջադիմութեանն երկ-
րորդ քայլն է աս , անոր համար աս երկ-
րորդ գիրքն ալ անոր վրայ կը խօսի :

ԳԼՈՒԽ Ա.

ԴԱՏՈՒՄՆ ԵՒ ՆՅԻԱԴԱՍՈՒԹԻՒՆ

55. Դատումն ինչ է :

Երբոր մեր գաղափարները բաղդատենք
և ըստ մեր տեսութեանը վրանին համա-
ձայնութիւն մը տեսնենք, իրարու հետ կը
միացընենք զանոնք է բառովը . և աս Հա-
տատել կըսուի . իսկ երբոր տեսնենք որ ի-
րարու անհամաձայն են, իրարմէ կը բաժ-
նենք, և աս բանը կը բացատրենք չէ բա-
ռով, որ կըսուի Ժխտել : Ուրեմն Դատումն
ասերկու գործողութիւններով կըլլայ (18).
և անով կը ցցընենք թէ առարկաները մեր
վրայ ինչ տպաւորութիւն ըրած են, և ան
խօսքովը կը բացատրենք զգացածնիւ : Հո-
գին ձեան գաղափարը կըմբռնէ, նոյնպէս
սպիտակորեան գաղափարը . և ասոնց վրայ
ունեցած զիտակցութեամբը կիմանայ որ
աս երկու գաղափարներն իրարու հետ կը
համաձայնին, ուստի զանոնք իրարու հետ
կը միացընէ ու կը հաստատէ թէ ձիւնն է
սպիտակ . իսկ ընդ հակառակն կը տեսնէ

որ նոյն ձետն գաղափարը չի պատշաճիր սկսութեան գաղափարին հետ, ուստի զանոնիք իրարմէ կը բաժնէ ու կը ժխտէ թէ ձիւնն ոչ ե սկ։ Աւրեմն դատումը գաղափարաց բաղդառութիւնն է՝ անոնց իրարու համաձայնիլը կամ տարաձայնիլը ճանչնալու համար։

56. Նախադատրիւնն ի՞նչ է։

Ինչպէս որ գաղափար մը բացատրելու համար բառի կարօտ ենք, այսպէս ալ դատում մը բացատրելու համար։ Բայց որովհետեւ կրկին գաղափար կայ դատման մէջ, հարկ կը լլայ անկէ կրկին բառ գործածել։ Եւ ինչպէս դարձեալ ան գաղափարները կը հաստատենք կամ կը ժըխտենք կամ չե բայով, նոյն եմ բայը պէտք է որ դանուի դատման բացատրութեանը մէջն ալ։ Արդ դատումը բացատրելու համար բառից միութիւնը Նախադատրիւն կը սուի։ Առջի յօդուածը յիշուած օրինակին մէջ հոգին ձեան ու սպիտակութեան գաղափարն ըմբռնելով կը տեսնէ որ սպիտակութիւնը ձեան կը պատշաճի։ Մինչև հոս դատումն է։ Իսկ երբոր աս դատումը բացատրէ և ըսէ, ձիւնն ե ապիտակ, ահա աս բացատրութիւնը կը լլայ նախադատութիւն։ Ուստի դատումն որ հոգին

մոքին մէջ կընէ , Առք¹ կանուանէ Մտա-
տր նախադասութիւնն . իսկ բառից միաւո-
րութիւնն որ զայն կը բացատրէ , Զայնա-
կան նախադասութիւնն կամ արտայայտու-
թիւն :

57. Նախադասութեան մասերը :

Տրամաբանք մասնաւոր անուն կու տան
ան գաղափարաց որով կը բաղկանայ նա-
խադասութիւնը , և ան բային որ զանոնք
կը միացընէ կամ կը բաժնէ : Ուստի ան
գաղափարը որուն վրայ բան մը կը հաս-
տատուի կամ կը ժխտուի՝ Ենթակայ նա-
խադասութեան կըսուի . ան գաղափարն
որ կը հաստատուի կամ կը ժխտուի՝ Մտ-
րոգելի կամ Մակրիր . իսկ բայը՝ որ գաղ-
փարները կը միացընէ կամ կը բաժնէ կը-
սուի Զօդ կամ Շաղկապ : Աս նախադա-
սութեանս մէջ ձիւնն է սպիտակ , ձիւնը ո-
րուն վրայ սպիտակութիւնը կը հաստա-
տուի , ենթակայ է . սպիտակն որ ձեան կը
պատշաճի , ստորոգելի է . իսկ բայը է
կամ չէ , որ ենթակայն ստորոգելիին հետ
կը միացընէ կամ անկէց կը բաժնէ , զօդ
կըսուի : Ենթակայն ու ստորոգելին մէկ
անունով Եզերք կամ Ծայրք նախադասու-
թեան կըսուին :

58. Կրամատ նախադասութիւն :

Ամեն նախադասութեանց մէջ միշտ
յայտնի չեն դրուիր եզերքը կամ բայը ,
հապա մէկը կամ մէկալը զանց կառնուի
ու զօրութեամբ կիմացուի : Չոր օրինակ ,
աս նախադասութեանս մէջ կեսար յաղ-
րեց , ստորոգելին չկայ կամ բային հետ
միացեր է , որ պարզ ու սովորական կեր-
պով պէտք էր ըսել կեսար եղաւ յաղրող .
տեղ ալ կոյ որ կրնայ մարդ ենթակայն
ալ թողուլ ու ըսել եղաւ յաղրող . այսինքն՝
կեսար եղաւ յաղրող . բայն ալ կրնայ ձգուիլ .
դու այր անպիտան . այսինքն դու որ անպի-
տան մարդ ես : Երբեմն բայը մինակ ամ-
բողջ նախադասութիւն մըն է . զոր օրի-
նակ . որոտայ , փայլատակ . այսինքն՝ եր-
կինքն և որոտացող , երկինքն և փայլատա-
կող : Խօսքին մէջը հարկ է շատ անդամ
կրճատ նախադասութիւններ գործածել .
ապա թէ ոչ՝ խօսքը ճապաղ , ճանճրալի և
անտանելի կըլլայ :

ԳԼՈՒԽ Բ

ՆԱԽԱԴԱՍՈՒԹԵԱՆՑ ԱՅԼԵՒԱՅԼ ՏԵՍԱԿԱՆԵՐԸ

59. Հաստատողական ու ժխտողական
նախադասութիւնները :

Շատ տեսակ կը բաժնեն սովորաբար
նախադասութիւնները, բայց մենք հոս
գլխաւորները միայն կը յիշենք. որովհե-
տեւ ըստ մեծի մասին գործածութեան մէջ
առ տեսութիւնները մեծ օգուտ մը չու-
նին: Ուստի ան նախադասութիւնն որով
կը հաստատուի թէ ստորոգելին ենթա-
կային հետ կը պատշաճի, Հաստատողա-
կան կը սուի. զոր օրինակ մահկանացու է
մարդը. սիրելի է առաքինուրիւնը: Իսկ թէ
որ ստորոգելին ենթակայէն բաժնուի ու
ըսուի թէ իրարու չեն պատշաճիր, նա-
խադասութիւնը Ժխտողական կը սուի. զոր
օրինակ մահկանացու չէ հոգին. սիրելի չէ
մոլորիւնը:

60. Ճշմարիտ կամ սուտ նախադասուրիւն :

Հաստատողական կամ ժխտողական նախադասութիւնները ճշմարիտ կըլլան , թէ որ ստորոգելին ենթակային իրօք պատշաճի կամ չպատշաճի . իսկ Սուտ կըլլան թէ որ նախադասութեան հաստատած պատշաճողութիւնը կամ անպատշաճութիւնը գաղափարներուն իրարու հետունեցած իրական առընչութեան անհամաձայն ըլլան : Չոր օրինակ , ձիւնը ձերմակ է . երջանիկ չէ ազանը . աս երկուքն ալ ճշմարիտ նախադասութեան մէջ ճերմկութիւնն իրապէս կըպատշաճի ճեան . երկրորդ նախադասութեան մէջ երջանկութիւնը ներհակ է ազահին էութեան : Իսկ թէ որ ըսեմ թէ երկիրս արեւեն մեծ է , շուսինը դիմահար մարմին չէ , նախադասութիւնները սուտ կըլլան , որովհետեւ երկիրս արեւէն պղտիկ է , լուսինը դիմահար մարմին է :

61. Պարզ , բաղադրեալ , խառն նախադասուրիւն :

Ան նախադասութիւնն որ մէկ ենթակայ ու մէկ ստորոգելի ունի , Պարզ կը-

սուի . զոր օրինակ , շատ ծանր է ուկին :
Իսկ թէ որ շատ ենթականեր կամ շատ
ստորոգելիներ ըլլան՝ բաղադրեալ կըսուի .
զոր օրինակ յաջողորդիւնն ու ձախորդորդիւ-
նը , աղքատորդիւնն ու հարատորդիւնը , կեսնքն
ու մահր Աստուծմէ կու գան . կամ Աստուծ
է ամենակարող , անսահման , անմահ , ան-
հուն , և այլն , բաղադրեալ նախադասու-
թիւններ են . վասն զի մէջերնին քանի են-
թակայ կամ ստորոգելի կան նէ , նոյնչափ
դատմունք կամ նախադասութիւններ կը
ցցընեն : Իսկ խառն կըսուի նախադասու-
թիւնը երբոր ենթակային կամ ստորոգե-
լոյն հետ միանան մէկ կամ շատ նախադա-
սութիւններ , որ Միջանկեալ կըսուին . զոր
օրինակ մարդն որ խմացական եակ է , պէտք
է զԱստուծ սիրէ՝ որ իր ստեղծողն է . — որ
խմացական եակ է նախադասութիւնը մի-
ջանկեալ է , մարդ ենթակային հետ միա-
ցած . որ իր ստեղծողն է՝ ուրիշ միջանկեալ
նախադասութիւն մըն է՝ Աստուծ ստո-
րոգելիին հետ միացած : Ասոնցմէ յայտնի
կերենայ բաղադրեալ ու խառն նախա-
դասութեանց իրարմէ տարբերութիւնը :

62. Միջանկեալ նախադատորեանց վրայ
ինչ դատաստան ընելու է :

Միջանկեալ նախադասութիւնը՝ կամ
ենթակային և կամ ստորոգելոյն դադա-

փարք պարզաբանելու համար է . որ է ը-
սել մէկին կամ մէկալին մէկ յատկու-
թիւնը կը բացայայտէ : և կամ թէ երկու-
քէն մէկուն հետ այնպէս կապուած է որ
գլխաւոր նախադասութեան հետ կապակ-
ցութենէն կը կախուի : Թէ որ պարզաբա-
նելու համար է , միջանկեալ նախադա-
սութիւնը վերցուի ալ նէ , գլխաւոր նա-
խադասութիւնը ճշմարիտ կը մնայ . իսկ
թէ որ գլխաւոր նախադասութեան ճշ-
մարտութեանը կամ ստութեանը հետ կա-
պակցութիւն ունի , գլխաւոր նախադա-
սութիւնը միջանկեալէն բաժնել չըլլար :
Չոր օրինակ , յիշած օրինակին մէջ որ ի-
մացական եակ է միջանկեալ նախադասու-
թիւնը՝ մարդ ենթակային պարզաբանու-
թիւնն է . ու մէկալ միջանկեալ նախա-
դասութիւնը , որ իր ստեղծողն է , Աստուած
ստորոգելոյն գաղափարը կը պարզաբա-
նէ : Աս միջանկեալ նախադասութիւննե-
րը վերցընելու ալ ըլլանք՝ գլխաւոր նա-
խադասութիւնը միշտ ճշմարիտ կը մնայ ,
թէ մարդ պէտք է զԱստուած սիրէ : Բայց թէ
որ ըսեմ , Ան մարդն որ Աստուծոյ պատուի-
րանները կը պահէ , կը փրկուի , միջանկեա-
լը՝ որ Աստուծոյ պատուիրանները կը պահէ՝
զենթակայ մարդն իր ընդարձակ նշանա-
կութենէն ամփոփելով , գլխաւոր նախա-
դասութիւնը կը հաստատէ թէ ամեն մարդ
չի փրկուիր , հասկա ան միայն որ Աստու-
ծոյ պատուիրանները կը պահէ . ուստի

թէ որ միջանկեալ նախադասութիւնը
դուրս թողուի, գլխաւոր նախադասու-
թիւնն որ անով ճշմարիտէր, առանց անոր
սուտ կըլլայ: Ուրեմն գլխաւոր նախադա-
սութիւնը միջանկեալ նախադասութենէն
պէտք է լու զանազանել, որպէս զի գրո-
ղը կամ խօսողը մէկուն տայ մասդրու-
թիւնը, չէ թէ մէկալին. և որպէս զի ի-
մացուի թէ միջանկեալ նախադասութիւ-
նը էական մասն է գլխաւորին, չէ նէ ե-
ղերացը բացայացութիւն մը, աս բանս
թէպէտ և հեղինակին մոքէն կրնայ իմա-
ցուիլ, բայց աւելի ապահով ընդհանուր
կանոնն աս է, թէ միջանկեալ նախադա-
սութիւնն ան ատենը էական մասն է, եր-
բոր առանց ան նախադասութեան են-
թակայն ու ստորոգելին իրարու չեն
պատշաճիր:

63. Պայմանական նախադատրիւն :

Պայմանական կըլլայ նախադասութիւ-
նը երբոր երկու նախադասութիւն քէ
որ պայմանական մասնկամբ կամ անոր
համազօր կերպով մը իրարու հետ կա-
պուին. աս նախադասութեանց առջինը
կըսուի Նախորդ, ետքինը Հետեռորդ: Զոր
օրինակ, թէ որ ազահ է՝ բշուառ է. քէ որ
առարինի մարդ է՝ երջանիկ է. — քէ որ ա-
զահ է, ու քէ որ առարինի մարդ է՝ նախորդ

Են . իսկ բշուաս և երջանիկ և հետեւորդ են :
Պայմանական նախադասութեանց ճշմար-
տութիւնը կիմացուի մասանցն իրարու
հետ ունեցած կապակցութենէն : Զոր օրի-
նակ , որովհետեւ թշուառութիւնն ագա-
հութեան հետ կապուած է , ու երջանկու-
թիւնն առաքինութեան հետ , աս նախա-
դասութիւնները ճշմարիտ են : Իսկ թէ որ
աս հարկաւոր կապակցութիւնը չըլլայ ,
նախադասութիւնը կրնայ սուտ ըլլալ .
ինչու է աս նախադասութիւնը . թէ որ
ագան և կաքաւել զիտէ . աս նախադասու-
թիւնը կրնայ սուտ ըլլալ , որովհետեւ հար-
կաւոր վերաբերութիւն մը չկայ ագահ ըլ-
լալու և կաքաւել զիտնալու մէջ . բայց
թէ ասանկ ըսէինք , երեւ պարող և կաքա-
ւել զիտէ , իրաւ կըլլար :

64. Տարանցատ նախադասուրիւն :

Թէ որ նախադասութիւն մը երկու նա-
խադասութենէ բազագրած ըլլայ , և նա-
խադասութեանց մէկը հաստատողական
ու մէկալը ժխտողական ըլլայ , ու ենթա-
կայն մէկ , բայց ստորոգելիներն այլեւ
այլ , կամ ստորոգելին մէկ ու ենթակա-
ներն այլեւայլ , Տարանցատ կամ բաժա-
նական կըսուի : Զոր օրինակ , Ճոխուրիւն
և ոչ առաքինուրիւն ներբոյ անկեալ են վի-
փոխուրեանց բախտին . աս նախադասու-

թեան մէջ երկու նախադասութիւն կայ ,
մէկը հաստատողական՝ մէկալը ժխտո-
ղական . այսինքն ձոխորիւնը ներքոյ ան-
կեալ են փոփոխորեանց բախտին , որ հաս-
տատողականն է . իսկ ժխտողականն է ա-
ռաքինորիւն չե ներքոյ անկեալ փոփոխո-
րեանց բախտին . և աս նախադասութեան
մէջ երկու ենթակայ կայ ու մէկ ստորո-
գելի : Այսպէս կըսէ Ովրատիոս . Զերկինս
և ոչ զոգիս փոփոխեն որ ընդ ծովս յածին .
այսինքն որ յածին ընդ ծովս զերկինս փոփո-
խեն . որ յածին ընդ ծովս ոչ փոխեն զոգիս .
Հոս մէկ ենթակայ կայ ու երկու ստորո-
գելի :

65. Բացրարձական նախադասուրիւն :

Բացրարձական կըսուի նախադասու-
թիւն մը երբոր հաստատուի թէ ստորո-
գելի մը մէկ ենթակայի մը միայն կը պատ-
շաճի , կամ ենթակայ մը մէկ ստորոգելի
մը միայն կը բովանդակէ : Զոր օրինակ ,
Աստուած միայն և ամենակարող բացրար-
ձական նախադասութիւնն է , որովհետեւ
ուրիշ որ և իցէ ենթակայի վրայ չի կրնար
ատ ամենակարողութիւնը պատշաճիլ Աս-
տուծմէ զատ : Գիծն երկայն և միայն . աս
նախադասութեամբ երկայնութենէն զատ
ուրիշ ու և իցէ ստորոգելի չի պատշաճիր
գծին : Բացրարձական նախադասութիւնը

թէ ենթական մերժէ և թէ ստորոգելին .
շատ անգամ կրնայ սուտ ըլլալ . որովհետեւ
շատ դժար է ամեն մերժուած ենթա-
կայի մը ամեն պատշաճ յատկութիւնները
ճանչնալ : Ուստի առաջ լու մը պէտք է
բացբարձական նախադասութիւնը կըուել .
բայց եթէ երբոր մարդ բացայայտ ըմբռնէ
ստորոգելւոյն ենթակային հետ ունեցած
բացբարձական կապակցութիւնը , ինչպէս
յիշած օրինակը թէ Աստուած միայն և ա-
մենակարող , այնպիսի նախադասութիւն
մըն է որ տարակոյս չի վերցըներ :

66. Ընդհանուր , մասնաւոր ու եզական
նախադասութիւններ :

Նախադասութեան մը ենթական կըր-
նայ ընդհանուր , մասնաւոր ու եզական
ըլլալ : Ենթակային աս այլեայլ ընդար-
ձակութենէն կը հետեւի որ նախադասու-
թիւնն ալ ըլլայ Ընդհանուր , Մասնաւոր և
եզական : Ամեն մարդիկ մահկանացու են .
ընդհանուր նախադասութիւն է , վասն զի
ենթական ամեն մարդիկ ընդհանուր է .
Ոմանք մարդիկ զիտուն են , մասնաւոր է
նախադասութիւնը , ենթակայն ոմանք
մարդիկ մասնաւոր ըլլալուն , իբրև ամեն
մարդկանց մաս մը . բայց թէ որ ըսեմ ,
Յուլիոս կեսար կտրիծ էր , աս նախադա-
սութիւնն եզական է , վասն զի ենթական

մէկ տնձ մը միայն կը նշանակէ : Աւրեմն
մասնական ու եղական նախադասու-
թեանց տարբերութեան ենթական անո-
րոշ է, իսկ եղականինն որոշեալ : Իսկ
ընդհանուր նախադասութիւնը կամ բնա-
զանցական կըլլայ, և կամ բարոյական,
բնազանցական ընդհանուրին ամենեին
բացառութիւն չըլլար, բարոյականին կըր-
նայ ըլլալ : Չոր օրինակ, թէ որ ըսենք
Ամեն մարդիկ մահկանացու են, բնազանցա-
ցական ընդհանուր նախադասութիւն է .
որովհետեւ մարդ չկայ որ մահուընէ ազատ
ըլլայ . բայց թէ որ ըսենք՝ Ամեն հին հոռ-
մայեցի զինուորմերը կտրիճ եին, բարոյա-
պէս ծշմարիտ կըլլայ նախադասութիւնը,
վասն զի վատասիրտ զինուոր ալ կրնար
ըլլալ : — Ընդհանուր նախադասութիւն-
ները թէ հաստատողական կրնան ըլլալ և
թէ ժխտողական :

67. Ներհական, հակասական, ենթական
նախադասութիւններ :

Թէ որ երկու նախադասութեանց են-
թական ու ստորոգեալը նոյն ըլլայ, բայց
մէկը հաստատողական ու մէկուը ժխտո-
ղական, Ընդդիմակը կըսուին : Բայց որով-
հետեւ այլեւայլ բնութեամբ կրնան ըլլալ
աս ընդդիմակ նախադասութիւնները, ա-
նոր համար ալ այլեւայլ անուն կառնուն :

Թէ որ Երկուքն ալ ընդհանուր կամ եղական ըլլան՝ Ներհական կըսուին . զոր օրինակ , Ամեն մարդ ողջ է : — Ոչ ոք մարդ ողջ է . Ներոն անգրուրեան հրեշ մըն էր , Ներոն անգրուրեան հրեշ մը չէր : Թէ որ նախադասութիւններուն մէկն ընդհանուր ըլլայ ու մէկալը մասնաւոր , Հակասական կըսուին . զոր օրինակ , Ամեն մարմին ծանր է — Մարմին մը ծանր չէ : Իսկ թէ որ Երկուքն ալ մասնաւոր ըլլան , Ենթաներհական կըսուին . զոր օրինակ Մարմին մը տարածեալ է — Մարմին մը տարածեալ չէ : Գիտնալու է որ Եթէ Երկու ներհական նախադասութիւններն ընդհանուր ըլլան , ու ստորոգելին հարկաւ չպատշաճի ենթակային՝ հապա պատահմամբ միայն , սուտ կըլլան . զոր օրինակ , Ամեն մարդ գիտուն է — Ոչ ոք մարդ գիտուն է : Իսկ հակասական նախադասութեանց ընդհանուրը սուտ ալ ըլլայ , մասնաւորը կրնայ ճշմարիտ ըլլալ . ինչպէս , Ամեն մարմին պինտ է , սուտ է . Ոմանք մարմինք պինտ չեն , ճշմարիտ է : Ենթներհականք Երկուքն ալ կրնան ճշմարիտ ըլլալ ու Երկուքն ալ սուտ . զոր օրինակ , Ոմանք դատաշորք արդարութիւնը կըվաճառեն — Ոմանք դատաշորք զարդարութիւնը չեն վաճառեր . աս Երկու նախադասութիւններն ալ կրնան ճշմարիտ ալ ըլլալ՝ սուտ ալ ըլլալ : Ուրեմն բուն ընդդիմադրութիւնն ընդհանուր կամ եղական նախադասութեանց մէջ կըլլայ . միայն

թէ ընդհանուր նախադասութեանց ստորոգելին պէտք է որ ենթակային էական ըլլայ՝ որ ընդդիմադրութիւն ըլլայ :

68. Խոտորնակ նախադասուրիւն :

Նախադասութիւն մը ուրիշ նախադասութեան խոտորնակ կըսուի թէ որ մէկին ենթական մէկալին ստորոգելի ըլլայ, ու մէկալին ստորոգելին առջինին ենթակայ . բայց անանկ որ նախադասութիւնն առջինին պէս ճշմարիտ մնայ : Չոր օրինակ, Հաւասարակողմ եռանկիւնը հաւասարանկիւն է . ասոր խոտորնակն է աս . Հաւասարանկիւն եռանկիւնը հաւասարակողմ է : Մարդն է կենդանի բանաւոր — բանաւոր կենդանին մարդ է : Նախադասութիւն մը խոտորնակ ըլլալու համար պէտք է որ ենթակային գաղափարը ստորոգելւոյն գաղափարն ամբողջ բովանդակէ . ուստի թէ մէկ մաս մը միայն պարունակէ, նախադասութիւնը խոտորնակ չի կրնար ըլլալ . և մէկն որ ընէ, սուտ կըլլայ : Որովհետեւ մարդ ըսելով կը հասկըցուի բանաւոր կենդանի, ու բանաւոր կենդանի ըսելով մարդ կը հասկըցուի, խոտորնակ նախադասութիւնը ճշմարիտ եղաւ . բայց թէ որ ըսենք թէ մարմինը զոյացուրիւն է, որովհետեւ զոյացուրիւն ստորոգելին մարմին ենթակայէն աւելի ընդարձակ է, ենթական ստորոգե-

լիին մասն է : Աս բանս հաստատողական
նախադասութեանց վրայ հասկընալու է :
Վասն զի ժխտողական նախադասութիւն-
ները մարդ միշտ խոտորնակ կրնայ ընել՝
բաւական է որ ենթական ալ ստորոգելին
ալ գոյական ըլլան : Ուստի թէ որ ըսեմ,
Ոչ ոք մարդ քար է, կրնամ նոյնպէս ճըշ-
մարտութեամբ ըսել, Ոչ ոք քար մարդ է :

ԳԼՈՒԽ Գ

ՄՈՒՋՐ ԴԱՏՄԱՆՑ ՊԱՏՃԱՌՆԵՐԸ

69. Մարդ ինչպէս կը մոլորի :

Գաղափար գաղափարի հետ ունեցած
վերաբերութիւնը քննելու տաեն երբոր
մարդ զանոնք իրարու կը բաղդատէ և կը
դատէ, շատ անգամ ան բանն որ պէտք
էր ժխտել՝ կը հաստատէ, կամ կը ժխտէ
որ պէտք էր հաստատել : Ասկէց առաջ՝
կու զայ անթիւ մոլորութիւններ, որ ճըշ-
մարտութիւնը գտնելու արգելք կը լլան :
Մարդիկ աւելի կը տրանժան իրենց մոլո-
րութեանցը վրայ՝ քան թէ ուղղել կը ջա-
նան . Հապա մանաւանդ շատ անգամ ինքն
իսկ մարդն արգելքներ կը հանէ, ու կը ք-

նանք ըսել թէ աչուրներն ալ կը գոցէ
ճշմարտութեան լուսոյն դէմ՝ երբ աչքին
ալ զարնուելու ըլլայ . ուր ընդհակառակն
իր ամեն հնարքն ու ջանքը պիտի ըլլար իր
սխալ դատմանցը սլատճառները փնտը-
ռել , որպէս զի կարենայ ուղղուիլ : Աս
գլխուս մէջ համառօտութեամբ ջանանք
մոլորութեանց գլխաւոր աղբիւրները մի-
այն բացատրել՝ անկարելի ըլլալով բոլորն
համրելը , վասն զի այնչափ շատ են ու
այնպէս դժուարակննիոն , որչափ որ ի-
րարմէ զանազան ու դժուարահաս են
մարդկանց խառնուածքը , կրքերը , դա-
ղափարներն ու մտածութիւնները :

70. Զգայարանաց իւարեւրիւնը :

Ինչպէս որ զգայարանք մեր գաղափա-
րաց առաջին աղբիւրներն են (4) , այսպէս
և առաջին պատճառ մոլորութեանց անոնք
կը սեպուին : Ոմանք զգայարանաց չարա-
չար դէմ կը խօսին , ու չափէն աւելի կար-
համարհեն անոնց վկայութիւնը : Ուստի
· իմանալու համար թէ ինչպէս կըլլայ որ
զգայարանք զմեղ խաբեն , ամեն զգաց-
մանց մէջ իրեք բան իրարմէ զանազանե-
լու է : Ա . Ուարկային ըմբռնումը , որ
զգայարանաց ձեռքովը կընդունինք . և
առ բանիս մէջ ոչ մոլորութիւն կըլլայ , ոչ
մթութիւն և ոչ շփոթութիւն : Բ . Գաղա-

փարի մը վերաբերութիւնը մեզմէ դուրս
եղած առարկայի մը հետ . աս կողմանէ
ալ մոլորութիւն չըլլար : Գ . Հոգւոյն ըրած
դատումը թէ ունեցած գաղափարն իրա-
պէս առարկային համեմատ է , և թէ ա-
ռարկան այնպէս է՝ ինչպէս որ զգայարա-
նաց ձեռքով կըմբռնենք . և աս դատումն
ահա մոլորական կրնայ ըլլալ : Զոր օրի-
նակ , հոգին տեսանելեաց ձեռքով արեւուն
գաղափարը բոլորակ կըմբռնէ , արամա-
գիծը հազիւ ոտնաշափ մը . և աս կերպով
ըմբռնած գաղափարն արեւուն կը յարմար-
ցընէ . առաջին ու երկրորդ գործողու-
թեանց մէջը մոլորութիւն չկայ . բայց թէ
որ դատէ թէ աս կերպով ըմբռնած ա-
րեւուն գաղափարը իրապէս կը պատշաճի
արեւուն , և ըսէ թէ արելը բոլորակ ճե . մը
ունի արամագիծը հազիւ ոտնաշափ մը , աս
կերպով եղած դատումը սուտ է : Ապա
ուրեմն մոլորութիւնը հոգւոյն ըրած դատ-
մանը մէջն է . համարելով թէ ըմբռնած
առարկային գաղափարը ճիշդ այնպէս է ,
ինչպէս որ զգայարանք ազդեցին : Ասկէց
զատ՝ որովհետեւ միտք պէտք է որ խա-
բէութիւն ըլլայ , իսկ զգայարանքը նիւթա-
կան ըլլալով՝ չի կրնար խաբել , ուստի
պէտք է ըսել , թէ խաբէութիւնը՝ որով
և մոլորութիւնը՝ հոգւոյն ըրած դատմանը
մէջն է՝ զգայարանաց վկայութեանը կոյր
զկուրայն հետեւելով :

71. Դաստիարակութեան առաջ եկած
մոլորութիւնները :

Մարդս տգէտ կը ծնանի, և ան տգի-
տութենէն ոտք ոտք դուրս կելէ : Բայց
որո՞նք են իր առջի կրթիչները : Նախ
խեղճ տգէտ կնիկ մը սովորաբար, որուն
միտքը տեսակ տեսակ նախապաշարմունք-
ներով լեցուն՝ իբրև ապացուցեալ ճշ-
մարտութիւններ դեռահասակ տղուն կը
հաղորդէ զանոնք : Ասկէց է զաղափա-
րաց ան մոլար ու անկանոն լծորդութիւն-
ները, որով մութին զաղափարը վախի-
հետ կը կասլեն, սիրոյ՝ ատելութեան և
ուրիշ յօժարութեանց զաղափարն այն-
պիսի առարկայից հետ, որ ըստ ինքեան
անտարբեր են, կամ թէ ամենեին վերա-
բերութիւն մը չունին : Ետքը տղան դաս-
տիարակի մը կամ վարժապետի մը առաջ-
նորդութեան տակ կանցնի . որ եթէ միտ-
քը բաց ու խոհեմ մարդ է, և իր աշա-
կերու լաւ կրթելու հոգ ու կամք ունե-
նայ, յուսալի է աղէկութիւն մը . բայց
թէ որ դժբաղդութեամբ տգէտ, չար ու
խաբեբայի մը ձեռք ինկնայ, չէ թէ միայն
առջի առած մոլորութեանց մէջ աղէկ մը
կը հաստատուի, հասկա անոնց վրայ ալ
աւելի վեասակար մոլորութիւններ կաւել-
ցընէ . և այսալիսի դժբաղդութիւնները

քիչ չեն : Կրնանք աս դաստիարակութեան մոլորութեանց տակ ձգել ան ամենայն մոլորութիւններն ալ, զորոնք կամաց կամաց կընդունինք այնպիսի մարդկանց կենակցութենէն, որ ըստ մեծի մասին տղէտ են, ու մենք կամ 'ի հարկէ և կամ դիպուածով հետերնին կը վարուինք :

ԳԼՈՒԽ Դ

ԿՐԹԵՐՔ ԱՌԱՋ ԵԿԱԾ ՄՈԼՈՐՈՒԹԻՒՆՆԵՐԸ

72. Կրքերն զմարդ ինչպէս մոլորութեան
կը տանին :

Հաղիւ թէ մարդ ան տարիքը հասնի, որ բանավարութիւնը քիչ մը բացուած ըլլալով կարենայ ուղիղ դատում մը ընել, կրքերը կը զօրանան և միտքը կը խաւարեցընեն . և թէ որ հաստատուն ու բարեկիրթ խելքը օրէնք չդնէ, անթիւ մոլարդատմունքներու պատճառ կըլլան . անանկ որ կրնանք ըսել առանց տարակուսի, որ մոլորութիւնները մեծադոյն մասամբ կըրքերէ առաջ եկած են . և ասիկայ կէս մը կրից իրենց ունեցած բնական ուժէն է, կէս մըն ալ իւրաքանչիւր մարդուն խառ-

նուածքին զայրացած ըլլալէն , որուն վրայ շատ աղդեցութիւն ունին բնութիւնը , կլիման , կերակուրը , թոյլ կամ խիստ դաստիարակութիւնը և ուրիշ բաղմակընճիռն պլատճառներ :

73. Վախէ , կասկածէ , անվատահորենէկ , սրտի չարուրենէկ կամ բարուրենէկ :

Նախ վախուր , որ տկարութեան անմեկնելի ընկերն է , շատ անգամ մեզի մեծ վտանգ մը կերեցընէ հոն՝ ուր որ վտանգի շուք մը հաղիւ կայ : Վախէն առաջ կուզայ կասկածն ու անվատահութիւնը , որով տեսակ տեսակ յանդուգն դատմունքներ կընենք , որ պարզ մոտաց ցնորք են : Աս տեսակ դատմունքները սրտի չարութենէն ալ կրնան առաջ գալ , որ սովորաբար ենթադրել կու տայ թէ ուրիշներն ան բնաւորութիւնն ունին ինչ որ չարասիրա մարդ մը ունի . Ընդհակառակն սըրտի չափազանց բարութիւնն ալ ամեն բան բարի կողմը կառնու , և շատ անգամ բարի դատմունքներ ընել տալով , զմեզ մեր կամօքը նենդաւոր մարդկանց դարանին և որոգայթին մէջ կը ձգէ , որոնք բաղմաթիւ են : Ասանկով սրտին թէ չարութիւնը և թէ չափազանց բարութիւնը շատ անգամ ամենածանք մոլորութեանց պլատճառ կըլլայ :

74. Նախանձորդութիւնը վախի ու միանցամայն սիրոյ ծնունդը՝ որչափ մոլորութեանց ու շփոթութեանց պատճառ եղածէ և միօրինակ կը լլայ։ Աս կիրքը զմարդգերի ըրած խելքը գլխէն կը տանի, ազգականութեան ու բարեկամութեան սըրբազան կապերը կը խորտակէ, և մոացտեսութեանն առջեւ թանձր վարագոյր մը ձգած՝ դէպ ՚ի զահավէժ անդունդը քշէ կը տանի։

75. Օտարին վրայ չափազանց սէրեն
ու Անձնասիրուրենէ։

Ուրիշի վրայ չափազանց սէրը, անոր մոլութիւններն առաքինութիւն սեպել կուտայ, և կարծել կու տայ թէ սիրելոյն հաճոյիցն և օդտին կաժէ ո և իցէ հնարք բանեցընել, և թէ անոր համար ո և իցէ գործք օրինաւոր է ընել։ Չափազանց անձընասիրութիւնն արդար բարի ու գեղեցիկ կերեցընէ մեր ըրածը, ու թող չի տար մոլորութիւննիս ուղղել։ որովհետեւ կարծենք թէ անանկով մեր պատուոյն անտրդանք կը հասնի։ Անձնասիրութենէ առաջ կու գայ հպարտութիւն և զայլս

արհամարհել . որովհետեւ հպարտը միշտ
գէշ կը սեպէ զայն որ իրեն մտածու-
թեանցն ու գործոցը չի հետեւիր , թէսլէտ
և մոլորական ու այլանդակ ըլլայ իրենի-
նը : Անձնասիրութենէ կելլէ նաև անկարգ
փառասիրութիւնը , ինք զինք ամենայն
պատուոյ արժանի սեպելով . անոր հա-
մար ամենայն գործք որչափ ալ վատ ու
մոլի ըլլայ՝ վայելուչ կերենայ , բաւական
է որ զինքն իր վախճանին հասցընէ ,

76 . Անձնական շահախնդրութենէ :

Նոյն չափաղանց անձնասիրութեան
աղբիւրէն առաջ կու գայ անձնական շա-
հախնդրութիւնը : Եթէ աս ըլլայ մէկու մը
ամեն գործոց շարժիչն և իբրու կեղրոնը ,
ուղղակի ՚ի վնաս կըլլան մարդկային ըն-
կերութեան . այնպիսին սիրող է և ատող
միանդամայն , իր վարմունքը կը փոփոխէ
ո՛ր կերպն որ իր շահուն աւելի ծառայէ .
ու օրինաւոր կը սեպէ ջարդուբուրդ ընել
զանիկայ որ կը կարծէ թէ իրեն սեպհա-
կան օդտին արդեւք կընայ ըլլալ :

77 . Բարկութենէ :

Բարկութիւնն զմարդը կատաղի խենթ
կը դարձընէ , ու միտքը կուրցընելով թող

չի տար որ իրաց կերպարանքը , ձևն ու առընչութիւններն ստոյգ կերպով զանազանէ . հասլա ամեն բան իրարու խառնել տալով՝ անդրադարձութեան անկարող կը նէ և անընդունակ ուղիղ դատմունք ընելու . ուստի շատ անգամ բարկութենէ այլայլած վնասակար մօլորութեանց մէջ կիյնանք , ու ետքն անագան կը դոջանք .

78. Ատելութեան :

Ատելութիւնն ատելի առարկային բոլորովին անմեղ գործոցը վրայ ալ միշտ թոյն կը թափէ ու կը բամբասէ . որով շատ անգամ ինչ որ ատենօք գովեր ենք՝ զայն արհամարհել կու տայ . և որպէս զի հակասութիւն չերենայ , սուտումուտ պատճառներով արդարացընել կը ջանայ մեր փոփոխամտութիւնը , ու թող չի տար խօստովանիլ թէ կիրքն է որ կը դրդէ առ այլանդակ ու սուտ դատմունքն ընելու : Ատելութենէն առաջ կու դայ վրէժխընդրութեան փափաքը . և վրէժն առնելու համար ամեն կարելի հնարք կը բանեցընէ մարդ որ՝ ատելի անձը կամ աշխարհքէս վերցընէ՝ թէ որ կը նայ , կամ գոնէ թշուառութեան մէջ ձգէ :

79. Փափաքէ և Յոյսէ :

Փափաքն ու յոյսն ալ ոչինչ ընդհատ ուրիշ կրքերէ՝ զմեզ խաբէութեան մէջ կը ձգեն։ Թէ որ աս երկու կրքերը սաստիկ ըլլան, մեղի ո և իցէ բան բոլորովին տարբեր կերեցընեն քան զոր են։ Ինչ բանի որ եռանդուն փափաք և յոյս ունինք, կարծենք թէ կարելի է դիւրաւ առանց դժուարութեան ձեռք ձգել. անանկ որ առանց միտ դնելու դէմ ելլող արգելքներուն ո և իցէ պղտիկ նշան մը՝ որ ըստ ինքեան անտարբեր բան մըն է կամ հեռուանց վերաբերութիւն մը ունի մեր փափաքին ու յուսոյն, անոր անմիջական ու հարկաւոր պատճառ կը սեպենք, և թէ անտարակոյս մեր փափաքը պիտի լեցընէ, և ան կերպով ետեւէն կիյնանք։ Այստաս երկու կրքերուն մէջ մարդ դատմունքն ըստ ճշմարտութեան իրաց չըներ, հապա ըստ այլայլեալ երեակայութեանը։ Անոր համար ինչ որ կը փափաքինք, դիւրին կը կարծենք։

80. Զարմանքէ :

Զարմանքը տղիտութենէ ու նորութենէ առաջ կու զայ, և երեակայութեանը

վրայ սաստիկ տպաւորութիւն կընէ, և ա-
նով առարկայք իրապէս ինչ որ են նէ՝ կը
փոփոխէ : Քիչ մը կարգէ դուրս գեղեց-
կութիւն կամ տգեղութիւն՝ զարմանքէ
բռնուած մարդուն Աստղիկ կամ Մեղերա
կերենայ : Եւ այնչափ ճշմարիտ է թէ չա-
փաղանց զարմանքէն սուտ դատմունքներ
կըլլան, որ մի և նոյն առարկան պաղ ա-
րեամբ քննելու ըլլանք, ան որ առաջ մեր
զարմանքը շարժեց, հասարակ աննշան բան
մը կերենայ, բաւական է որ ուրիշ կիրք
վրայ չգայ որ զարմանքին ուժը պահէ, կամ
թէ առջի տսլաւորութիւնն աւելի սաստ-
կացընէ :

Բայց հարկաւոր չէ խօսքերնիս երկնցը-
նել աս նիւթիս վրայ թէ կիրքերը որչափ
մոլորութեանց պատճառ կըլլան. որովհե-
տեւ արդէն ամենուն ծանօթ բան է :

ԳԼՈՒԽ Ե

ՀՕԴԻՈՅՆ ԿԱՐՈՂՈՒԹԵԱՆՑ ԱՆԿԱՏԱՐՈՒԹԻՒՆՆԵՐՔՆ
ԱՌԱՋ ԵԿԱԾ ՄՈԼՈՐՈՒԹԻՒՆՆԵՐԸ

81. Բանավարուրեան տկարութեանէն :

Հոգւոյն կարողութեանցն անկատարու-
թիւնն առջիններէն ոչինչ ընդհատ մոլո-

բութեանց տղրիւր մըն է. և նախ առաջինն է միտքն ու տրամախոհելու կարողութիւնը : Յատ ճշմարտութիւն չենք կրնար հասկընալ մինչև որ շատ մը չաշխատինք ու երկայն տրամախոհութիւններ չընենք, և ասքանիս համար պէտք է որ բանավարութիւնը կամ խելքը լաւ կրթուած ու զօրաւոր ըլլայ, ու օգնական առած անխոնջ մուգրութիւնը, երագ ու զօրաւոր յիշողութիւնը, գաղափարաց բացայայտ զանազանութիւնը . միով բանիւ՝ ան ամենայն հոգւոյն գործողութիւնները, որոնց վրայ խօսեցանք առջի գրքին Ա. և Բ դլուխներուն մէջը . և շատ անգամ աս ձիրքերը պակսելէն դիւրաւ սխալ դատմունքներ կըլլան :

82. Անդրադարձութեան պակսութեան :

Թէ որ բանավարութեան բնական տկարութեանը հետ անդրադարձութեան պակսութիւնն ալ միանայ, անկարելի է որ տղատ ըլլանք թանձր ու վտանգաւոր մօլորութիւններէ, ու յայտնի անտեղութիւններն իբրև առած ընդունելէն : Անդրադարձութեան պակսութենէն է որ ապացուցեալ ճշմարտութիւններ կը սեսլենք ան ամենայն ծուռ դատմունքները, որ տղայութենէ սկսեալ հետզհետէ կը ստանանք . և գէշ դաստիարակութեամբ կը զօրանան վրանիս, և երկայն սովորութեամբ մտաց

մէջ խորունկ արմատ կը ձգեն . և մենք
անփոյթ կըլլանք զանոնք քննելու և ծռու-
թիւննին իմանալու : Ուստի իբրև ճշմար-
տութիւն ուրիշներուն ալ կը վարդապե-
տենք , և մեր գործողութեանցն ալ իբրև
կանոն կը պաշտենք : Շատ անգամ ալ այն-
պէս կը յամառինք սուտ կարծեաց մը վը-
րայ , որ թէպէտ ներհակ կողմէն յաղթա-
հարիչ փաստեր ալ դիմացնիս դրուի , 'ի
վերայ այսր ամենայնի մեր ունեցած սուտ
սկզբունքներէն ետ չենք կենար . և թէ որ
յանկարծ հակառակ պատճառաբանու-
թիւններէ բռնադատուինք տեղիք տալ ,
իբրև հերքող զօրաւոր պատասխան՝ մեր
կարծեաց ապացոյցները լաւ հասկըցուած
չեն կըսենք , և մոքերնիս չենք փոխեր :
Ընդ հակառակն թանձր մոլորութիւններն
ու յայտնի անտեղութիւնները՝ բաւական
է որ մեր սիրած սկզբանցը համաձայն ըլ-
լան , իբրև պատգամ կընդունինք : Աս բա-
նիս անթիւ օրինակ կոյ . մանաւանդ մարդ-
կանց այլեայլ կրօնից պատճառաւ : Ան-
հաւատ մը կռապաշտ մը՝ որ կաթին հետ
ծծեր է սուտ կրօնքին վարդապետութիւն-
ները , որչափ ալ հաստատուն ու իրական
պատճառներով իր հաւատքին անտեղու-
թիւնն ապացուցանես , իր մոլորութենէն
չի դառնար :

83. Գահավեճ դատմունքէ :

Անդրադարձութեան պակսութենէն առաջ կու գայ գահավէժ դատմունքը՝ անթիւ մոլորութեանց աղբիւր : Գահավէժ կը լսոյ դատմունքը թէ որ մէկն առանց գաղափարները ճշգելու, և իրարու հետ կապը քննելու՝ մէկէն 'ի մէկ վրանին բան մը հաստատէ կամ ժխտէ, ու չմտածէ թէ հաստատելու կամ ժխտելու պատճառ կայ թէ չկայ : Թէ որ մարդ մէկիկ մէկիկ քննէ այնշափ մոլորութեանց պատճառը, որոնց մէջ ամեն օր մարդիկ կիյնան, կը տեսնէ որ մեծ մասը գահավէժ դատմունքէ առաջ կու գայ :

84. Վիայորենէ :

Դարձեալ անդրադարձութեան պակսութենէն է, որ բանի մը անուանի մարդկանց կարծիքները պատզամի տեղ կառնենք . անանկ որ կարծես թէ անոնց վկայութեանը ծանրութեանը տակ գլուխնիս կը ծռենք, և չքննած և ոչ վրան մտածած թէ իրենց խօսքն ինչ ապացոյցներու վրայ հաստատուած են, վրան վայրկեան մըն ալ կասկածիլը յանդգնութիւն ու անխելքութիւն կը համարինք : Մէկը արիստոտէ-

լեսն աշակերտի մը իբրև թէ ձեռքով չօ-
շափելով ցցուց որ ջղերուն արմատը չէ թէ
սրտին, հապա ըղեղին մէջն է. և պատաս-
խան աս լսեց. ըսածդ կընդունէի թէ որ
Արիստոտէլ հակառակը գրած չըլլար: Ա-
հա ասչափ մեծ յարգ կու տար անմտածո-
ղութեամբ Արիստոտէլի խօսքին, և աւելի
ճշմարտութեան լուսոյն դէմ աչքը կուզէր
գոցել, քան թէ Արիստոտէլին խօսքէն
դուրս ելլել: Ասկէց կըլլայ որ այսպիսի
հոչակաւոր մարդկանց կարծիքն ապացու-
ցեալ և աներկբայելի սկզբունք սեպելով,
մեր պատճառաբանութեանցն ու ծանօ-
թութեանցը հիմն դնելով զանոնք՝ հե-
տեանքներ կը հանենք: Բայց թէ որ սկզ-
բունքը յանկարծ ծուռ ըլլայ նէ, ի՞նչ հե-
տեանքներ չեն ելլեր:

85. Նորասիրուրենէ:

Նորութեան սէրն ալ անդրադարձու-
թեան պակասութեամբը շատ մոլորութիւն-
ներու պատճառ կըլլայ: Նորութիւնը զե-
րեակայութիւնը կը շարժէ, զարմանքը կը
զրգուէ, կը զմայլեցընէ զմեզ գեղեցիկ և
նորելուկ վարդապետութեան մը վրայ. և
ատեն չտալով որ քննութեամբ ու մտա-
ծութեամբ կըուենք ան պատճառաց ուժը ո-
րոնց վրայ որ հիմնած է՝ շատանդամ իբրև
դրութիւն կընդունինք ան բանն որ և ոչ

Ենթագրութիւն կարժէր ըսել։ Չենք ժրխտեր թէ եղեր են ենթագրութիւններ որ ժամանակ անցնելով դրութիւն են դարձեր. բայց ան ատեն՝ երբոր յետ երկար փորձերու իրաց ճշմարտութեանը համաձայն գտնուեր են. և անանկով մարդկային ծանօթութեանց մեծ օգուտ եղած է. բայց ոչ եթէ անպատճառ կերպով որ յանդրգնութեան կերթայ ծայրը :

86. Ամեն բան զիտեայ ուզելու ունայնասիրութեաններ :

Անոնց ինչ ըսենք որ ամեն բան զիտնալու և ամեն բանի վրայ խօսելու գրգիռ մը ունայնասիրութիւն մը ունին. Քօնտիյլեաք կըսէ թէ « կերենայ որ մեր հետաքրքրութիւնը գոհ կըլլայ մթին ու շփոթ կերպով ալ բանը զիտնալով »։ Բայց թէ որ մթին ու շփոթ ըլլան գաղափարները, իրաց ճշմարիտ կերպարանքը կամ ամենեին շենք տեսներ, և կամ ամենեին անորոշ. և չկրնալով ստոյգ յարաբերութիւնները ճանչնալ, բազդատութիւնները մալորական կըլլան, ու գատմունքները սխալ Շատեր կան որ հանրագիտական հմտութեանց իղձ մը ունին. և կարծելով թէ ընդհանուր է ունեցած ծանօթութիւննին, ծուռ շիտակ՝ կուզեն ամեն բանի վրայ դատաստան ընել, ու սխալելու վտանգին միտ

չդնելով միայն խօսիլ կը նային։ Աս ամեն
բան անդրագարձութեան պակսութենէն
առաջ կու գայ։ Վասն զի թէ որ մտածելու
ըլլոյին թէ ամեն մարդ ամեն բանի համար
չէ, ու ամեն զիտնալու բանն ամեն մար-
դու տաղանդին, յօժարութեանն ու վե-
րաբերութեանցը յարմար չի գար, իրենք
զիրենք ըստ այնմ կը բռնէին։ Դարձեալ
փորձը կը ցցընէ թէ մտադրութիւն չի կըր-
նար ըլլալ ան ուսմանց որոնց մարդ ոչ
վերաբերութիւն և ոչ յօժարութիւն ունի.
և երբոր մտադրութիւնը պակսի՝ ոչ գա-
ղափարաց կապակցութիւն կը մնայ, և ոչ
մտադրութենէն կախուած հոգւոյն մէկալ
գործողութիւնները (10 և որ զկնի)։ անան-
կով գաղափարներն իրենց ճշմարիտ տե-
սութեամբը չներկայանալով, գատումը
գէշ կըլլոյ։

87. Ճատ գործոց պատճառներուն
տղիտորենէն։

Ճատ ծուռ գատմունքներ առաջ կու գան
այլեայլ հանգիպած երեսութից պատճառ-
ները չգիտնալէն։ Եթէ տղիտութեան ա-
տենները աեսնէին որ ելեքտրական մար-
մնէ մը կայծեր կելլէ, կախարդութիւն կը
սեպէին։ Երբեմն պատճառը չգիտնալնուն՝
կը ժխտեն ան գործքերը, որոնց գոյութեա-
նը վեց տարակոյս չի կընար ըլլալ. ամե-

նասխալ գատաստան : Թէ որ միայն ան գործքերը ճշմարիտ սեպել ուղենայինք որոնց որ պատճառը յայտնի է, ոչինչ զրեթէ ծանօթութիւն պիտի ունենայինք : Անմոռութիւն է ուրանալ մարմնոց ծանրութիւնը, հոգւոյն մարմնոյն հետ կապը, շարժման մէկ մարմնէ մէկալ մարմին անցնիլը, և ուրիշ այսպիսի ճշմարտութիւններ անոր համար միայն՝ որ շենք զիտեր թէ ասերեոյթներն ինչպէս կը հանդիպին :

88 . Յիշողութեան տկարութեանեւ ու
դիւրափոփոխ յօժարութեանեւ :

Նոյնպէս մեր շատ մոլորութեանցը պատճառ է յիշողութեան տկարութիւնը, որով երբեմն ունեցած գաղափարնիս կամ բոլորովին կամ ըստ մասին մտքերնէս ջնջուելով, ու զանոնք նորոգելու ալ փոյթ չունենալով, մթին կը թողնենք, և ան վիճակին մէջ զանոնք իրարու բաղդատելով, սուտ դատմունքներ կը լենք : Թէ որ ասքանիս վրայ յօժարութեան փոփոխականութիւնն ալ աւելնայ, հետզհետէ մոլորութեանց թիւը կը շատնայ . որովհետեւ բոլորովին մասնաւոր զիտութեան մը չպարապելով՝ հապա բանէ բան ցաթկուելով, ձեռուընիս եղածը կարհամարհենք, և առջինին նորէն ետեէն կը լանք . անանկ որ դադափարները կիսով մասամք միայն

սորվելով, և բանի մը պայծառ և որոշ գաղափար չստանալով, բոլորը մէկտեղ խառնակ բան մը կը ձեւանայ, և անկէց անթիւ մոլորութիւններ առաջ կու գան :

89. Առողջ ծանօրութիւններ ստանալու
միջոցներուն պակասութիւններ :

Եատ սիսալ դատմանց մէկ պատճառն ալ է միջոցներու պակասութիւնը, որոնց ձեռքովք կրնայինք ուղղել առաջուց ստացած մոլորութիւնները, և ազատ մնալ անմոլորութիւններէն որոնց մէջ զեռվանդ կայ իյնալու : Աս պակասութիւնը կրնայ ըլլալ նախ դիւրութիւն և կամ պատշաճ միջոց չունենալէն, որ կարենայ մէկն այնպիսի փորձեր ու դիտողութիւններ ընել, որ ճշմարտութիւնը փնտռելու և գտնելու հարկաւոր է . կամ չկարենալէն այնպիսի անձանց հետ կենակցիլ ու անոնց խորհուրդ հարցընել, որ կրնան մեզի լոյս տալ : Երկրորդ՝ մէկը կրնայ դիւրութիւն ունենալ, բայց հարկաւոր ճարտարմութենէ պակսիլ՝ ան ծանօթութիւններն և ան միջոցներն ըմբռնելու, որ 'ի ճշմարտութիւն կառաջնորդեն : Երրորդ՝ անխուսափելի տղիտութեան մէջ կը փտտին անոնք, որ դիւրութիւն ալ ճարտարմութիւն ալ ունին, բայց կամք չունին : Զուարճութեանց ետեւ ըլլուք, ամեն բանի անհոգութիւնը,

և կամ մասնաւոր ուսման ու մտածութեան հակառակութիւնը՝ արգելք կը լլայ ճշմարիտ ծանօթութիւններ շահելու, և բիւր վտանգաւոր մոլորութեանց մէջ կը ձգէ։ Այդպիսիններն իրենց հոգին բանի տեղ չդնելով՝ իրենց ամեն հարստութիւնը մարմնոյն պիտոյիցը կը գործածեն։ և յիմար շռայլութեամբ զանձեր կոչընչացընեն իրենց ախտերը տածելու։ և պղտիկ մասմըն ալ չեն գործածեր հարկաւոր ծանօթութիւններ ստանալու։ Ուստի թէպէտ իրենց ծննդեանը և իրենց բաղդին պատճառաւ համարմունք, մեծարանք, կարողութիւն ու իշխանութիւն ունենան, բայց աս ամեն առաւելութիւններէ զանոնք կը կողոպտեն այնպիսի անձինք, որ թէպէտ վարի աստիճանէ՝ այլ իրենց տաղանդովը զանոնք կը գերազանցեն։ Այդպիսինները կոյր ու միանգամայն գերի են. կոյր՝ վասն զի պէտք է որ միշտ իրենց առաջնորդ առնեն զուրիշ մը, ապա թէ ոչ՝ գահավէժներու մէջ կը զլորին. գերի՝ վասն զի միշտ գիտուն մարդիկներու ձեռքին տակ կը մընան. որովհետեւ տղիտին ողորմելի վիճակն է միշտ նուաստ ծառայութեան մէջ մնալ։ Աս բանիս օրինակ գտնելու համար պէտք չէ շատ հեռուներն երթալ։

ԳԼՈՒԽ Զ

Ըստ ՄՈԼՈՐՈՒԹԵԱՆՑ ՊԱՏՃԱՌՆԵՐՈՒՆ ԴԱՐՄԱՆ
ԸՆԵԼՈՒ ԿԱՆՈՆՆԵՐԸ

90. Ունեցած մողորոշիւններն ուղղելու
ընդհանուր կանոն :

Թէ որ այսչափ զանազան պատճառներ
կան որ մեզի սուտ գատմունքներ ընել կու-
տան, և եթէ այնչափ արգելք որ ճշմար-
տութիւնը փնտըռել ու գտնել չեն թող-
ներ, փիլիսոփան ինչ պէտք է ընէ որ ըն-
կած մոլորութիւններէն ազատի ու նոր մո-
լորութեան մէջ չիյնայ : Աւնեցած մոլորու-
թիւններն ուղղելու կանոնն աս է՝ որ նոր
գիտնական կեանք մը սկսի, ու խիստ կեր-
պով քննէ առջի ունեցած գաղափարնե-
րը . և ան բաները միայն ճշմարիտ համա-
րի, որոնց որ ճշմարտութիւնը բացայաց-
ու աներկբայելի սկզբունքներէ առաջ ե-
կած է . և ով որ իրաց ճշմարիտ ծանօթու-
թեանը հասնիլ կուղէ, պէտք է աս կա-
նոնը լաւ պահէ : Ան բանավարութիւնն որ
տղայտկան հասակին գաղափարներովը
լեցուած է, այնպիսի գաղափարներով կը-
սեմ որոնք կոյր զկուրայն հաւտալէն, նա-

իսպաշտեալ դաստիարակութենէ , ու
զիպուածներէ կելլեն , ուրիշ բան չէ՝ բայց
եթէ շտեմարան այլանդակ մոլորութեանց
Աւրեմն պէտք է նախ միտքն ամենայն նա-
խապաշտեարմունքներէ մորրել , ու ճիշդ
քննութեան տակ ձգել , որ ըստ իրենց ըը-
նութեանը դատէ բաները , և ոչ թէ ըստ
իրեն նախապաշտեալ երեակայութեանն
ու մտաց : Թէ որ մէկն աս ճամբան բռնէ ,
յուսալի է որ յաջող վախճան մը ունենայ:

91. Մոլորութիւններէ ազատ մնալու
մասնաւոր կանոններ :

Իսկ ազատ մնալու համար այնպիսի մո-
լորութիւններէ , որոնց մէջ մարդ կրնայ իյ-
նալ , հետեւեալ կանոնները պահելը օդաս-
կար է :

Ա . Զգայարանաց միայն վկայութեամբը
դատմունք պէտք չէ ընել . հապա պէտք
է նաև շատ դիտողութիւններ ու փորձեր
ընել . և ատ դիտողութիւններն ու փոր-
ձերն ալ ազատ մտքով պէտք է ընել : Բայց
զգայարանքն ալ որպէս զի աներկբայելի
կերպով ծառայեցընէ , պէտք է առարկա-
ներուն հեռաւորութեանն ու մեծութեանը
համեմատ գործիքներ բանեցընէ :

Բ . Կըքի մը մէջ գտնուած ատեն զգու-
շանալի է դատումն ընելէն . որովհետեւ
կիւրը բանավարութեան վրայ զօրացած՝

ինքը գատումն ընել կու տայ . Հապա սպա-
սել մինչև որ միտքը հանդարտի : Դար-
ձեալ պէտք է խղճմտանքը քննել ու ա-
ռանձնացած լաւ մը մտածել որ չըլլայ թէ
ծածուկ շահախնդրութենէ միտքը յորդո-
րուի աս քան թէ ան բանն ընտրելու : Աս
կերպով աչքին կապը վերուցած՝ կը տեսնէ
մարդ առջեկի դահավէժը :

Գ . Ան բանն որ չենք գիտեր , պէտք չէ
վրան գատմունք ընել . Հապա պէտք է նախ
հարկաւոր տեղեկութիւններն առնել , որ-
պէս զի դատել ուզած գաղափարներուն
իրարու հետ ունեցած վերաբերութիւնը
պայծառ և որոշ տեսնենք : Եւ թէ որ կա-
րելի չէ ան տեղեկութիւնները անձամբ
ստանալը , ինչ նիւթի վրայ որ կուղենք
գատաստան ընել , ան նիւթին հմուտ ե-
ղողներուն հարցընենք :

Դ . Թէ որ մէկուն խելքը տկար է , պէտք
է ուժովցընել , անխոնջ մոտադրութեամբ
այնպիսի գրքեր կարդալով որ բացայայտ
ու կանոնաւոր ոճով մը գրուած են , ու բա-
նավարութիւնը զօրացընելու յարմար : Աս
բանիս շատ օգտակար է տրամաբանական ,
բնագանցական ու բնաբանական և 'ի վեր
քան զամենայն չափաբերական ուսմուն-
քը : Կրթութեամբ չէ թէ միայն մարմնոյ
ուժը , Հապա մտաց ուժն ալ կաճի :

Ե . Չըլլայ որ մէկը բանի մը վրայ դա-
տաստան ընէ , մանաւանդ թէ որ իրեն կեր-
պով մը վերաբերութիւն ունի , մինչև որ

լու մը չէ կշռած ու հասուն խորհրդով վը-
րան չէ մտածած։ Իրարու բազգատելու
գողափարներն ամենայն կարելի տեսու-
թեամբ պէտք է քննել, որպէս զի իրենց
այլեայլ վերաբերութիւններն երեան ել-
լեն. ասանկով գահավէժ ըլլար դատումը

Զ. Պէտք չէ որ Փիլիսոփան իր կարծի-
քին այնպէս կապուի որ՝ ինչ ալ անոր զէմ
ըսուի, բոլոր մոլորութեան տեղ դնէ. Հա-
պա իր մէկ հատիկ նպատակը պէտք է որ
ճշմարտութիւնն ըլլայ. ուստի երբոր իր
մտածութեանը սխալ ըլլալն իմանայ, խոս-
տովանելու չամրջնայ։ Ուրեմն ամենեին
կուսակցութեան հոգի պիտի չունենայ, և
ոչ երբեք ջանք հակառակորդին յաղթե-
լու, հապա ճշմարտութիւնը ճանչնալու.
վասն զի ուսումնական վիճաբանութեանց
մէջ յաղթութիւնը ճշմարտութեան կողմը
բռնելն է։

Ե. Դատումն ընելու առեն պէտք չէ կոյր
զկուրայն ուրիշի խօսքին կապուիլ, միայն
թէ Աստուծոյ խօսքը չըլլայ. Հապա իր խել-
քին լուսովը պէտք է դատաստանը քննել,
ու իրաց ճշմարտութեանը համեմատ կա-
ռավարուիլ։ Ամեն մարդ կրնայ սխալիլ
որչափ ալ մեծահամբաւ ըլլայ. և թէ որ
կրնայ մոլորիլ, կրնայ ուրիշներն ալ մոլո-
րութեան տանիլ. ուստի ամենեին պէտք
չէ ո և իցէ վարժապետի խօսքին վրայ եր-
դումն ընել, ինչպէս որ կըսեն։

Ը. Մարդ պէտք է աւելի ան զիտութեա-

նը ետեկ ըլլայ՝ առ որ աւելի սխորժ կիմանայ, ու իր հանճարին աւելի յարմարէ, վասն զի ան բանին վրայ աւելի մտադրութիւն կընէ։ Մի և նոյն ատեն շատ բանի ետեկ պէտքը չէ ըլլալ, մանաւանդթէ որ իրարու անյարմար են. հապա պէտքէ աւելի գոհ ըլլայ քիչ ու պայծառ և որոշ գաղափարներ ունենալու, քան թէ շատ բայց ըոլորը մթին ու շփոթ։ Պէտքը չէ այն պիսի նիւթերու ձեռք զարնել որ ունեցած կարողութենէն վեր է. հապա միշտ պէտքէ յիշել Որատիոսի ան ոսկեղէն խրատը.

Առէք, բանահիւսք, ուժոյ ձերում նիւթ' ի կըշիռ,

Քըննելով' ի ձիգ իմ ուսքդ իցեն բերող՝ իմ հետ ըմբոստ։

Ում ըստ կարի իւր' ի դէպ իրն ընարեսցի ուշի ուշով,

Ոչ բանից յորդ աղբիւր՝ ոչ կարդ յըստակ պակասեսցէ։

Աբո-Էստ Քէրը. 39 :

Թ. Կորութեան սէրը շափաւորելու է և իրաց ճշմարտութեանը վրայ կանոնաւորելու է. ապա թէ ոչ՝ յանդգնութեան ու մըտախարութեան կերթայ։

Փ. Թէ որ զործքի մը պատճառը չդիտցուի, պէտքը չէ ըստ հաճոյից պատճառ մը տալ, և ոչ այնպիսի պատճառ ընդունիլ որ ունեցած նախասլաշարմանցն աւելի համաձայն կու գայ. հապա պէտքէ ըստոյզը փնտըռել. և թէ որ կարելի շրլայ

գանելը՝ պէտք է տղիտութիւնը խոստվանիլ։ Ան երեսոյթները որոնց պատճառը թէ ալէտ չի զիտցուիր, բայց վրանին կահածիլը յանդգնութիւն ու յիմարութիւն է՝ պէտքը չէ ուրանալ. վասն զի առ տղիտութիւնը կրնայ սռաջ դալ հարկաւոր տեղեկութիւնները բաւականապէս չունենալէն :

ԺԱ. Պէտք է նորոգել ան գաղափարները որ ժամանակաւ կամ յիշողութեան տըհարութեամբը բոլորովին կամ ըստ մասին ջնջուած են, և պէտք է վրանին նորէն քննութիւն ընել. և որչափ որ կարելի է պայծառ և որոշ ընելէն ետեւ, այնչափ պէտք է կրկնել որ յիշողութեան ունակութիւն մը դառնան, ու բոլորովին ընտանի ըլլան :

ԺԲ. Բան մը ընտրելէն ետեւ՝ պէտք է որ կամբը բոլորովին ան բանին վրայ իյնայ, և ոչ երբէք թողուզայն և ուրիշ բանի անցնի, քանի որ միտքն ան բանին պայծառ և որոշ գաղափարն ստացած չէ, և այնպէս վրան տիրած չէ որ վտանգ չըլլայ անոր ծանօթութիւնն ալ կորսնցընելու :

ԺԳ. Մարդ այնպիսի գիտութեանց ետեւէ պիտի չըլլայ, որոնց ստոյգ տեղեկութիւնն ստանալու համար ոչ դիւրութիւն ոչ յաջողութիւն և ոչ հարկաւոր տաղանգն ունի. վասն զի աշխատանքն ու ժամանակը պարապը կերթան, որ օգտակար բանի մը կրնար գործածել:

ԺԴ. ԳԵՂ մը չեմ կրնար ճարել անոնց ,
որոնք որ ամենևին կամք չունին , ու դա-
տարկապորտութեան , մոլութեանց ու ան-
կարգ զուարճութեանց ետեւէ են , ոչ բան
սորվելու հոգ ունին և ոչ ետեւէ ըլլալ կու-
ղեն . և զանոնք ալ՝ որ սիրտ կընեն իրենց
ողբալի վիճակն աչուընուն առջեւ դնել՝
թշնամի կը համարին : Յնորեալ հիւանդի
կը նմանին այդպիսիք , որ դէպ ՚ի գերեզ-
ման վազելով կուղեն մէկդի ընել ան բա-
րերար ձեռքն որ իրենց հիւանդութեանը
գեղ կը մատուցանէ : Ասստիկ գժբաղդու-
թիւն մը՝ որ անկարգութեանց հետեւանքն
է՝ գուցէ այդպիսիներն իրենց թմրութե-
նէն զգաստացընէ :

ԳԼՈՒԽ Է

ԱՆՈՐՈՇ ԲԱՌԵՐԱՆ ԱՌԱՋ ԵԿԱԾ
ՄՈԼՈՐՈՒԹԻՒՆՆԵՐԸ

92. Բառերը մեզի շատ օգուտներ ունին ինչ-
պէս որ Ա. գրքին Դ. գլխին մէջ ցցուցինք .
բայց միանդամայն շատ մոլորութեանց ալ
ազբիւր են թէ որ ճիշդ որոշուած չըլլան
թէ ինչ գաղտփար սկիտի բացատրեն : Աս

տեսակ մոլորութիւնները որչափ շատ են
և արգելք ստոյգ գիտութեանց, նոյնչափ
ալ շատ անգամ անհոգ կանցնինք: « Բա-
ռերը, կըսէ Լոք, միջնորդ են մեր մտացն
ու անոր նկատել և ըմբռնել ուզած ճըշ-
մարտութեանը մէջ: Արդ ինչպէս որ օդն՝
ուսկից տեսանելի առարկայից ճառագայթ-
ները կանցնին՝ շատ անգամ մեր աչքին
առջև մթութիւն մը կը պատէ, ու իրեն մը-
թութեամբն ու անորոշութեամբը իմացա-
կանութիւնն ալ կը շփոթէ. ասանկ են բա-
ռերն ալ նկատմամբ ան գաղափարաց որ
կուզենք ըմբռնել»: Երբոր բառ մը լու չի
հասկըցուիր, այսինքն որոշ ու ճիշդ չի գիտ-
ցուիր թէ ան բառին տակն ինչ գաղափար
կը պարունակի, կամ բառը իր բացարե-
լու գաղափարէն տարբեր գաղափարի կը
տարուի, կամ թէ պարզապէս անունը
կառնուի առանց գիտնալու թէ ինչ գա-
ղափարի պէտք է պատշաճեցընել. ասոնց-
մէ որն ալ ըլլոյ, բառը միշտ Անորոշ կը-
սուի:

93. Բառից անորոշորիւնը ինչ բանե առաջ
կու գայ:

Բառից աս անորոշութիւնն առաջ կու
գայ՝ մէյմը բուն իրենց անկատարութե-
նէն, որով երկդիմի կամ անհաստատ նը-
շանակութիւն կառնուն. վասն զի բառե-

րուն նշանակութիւնն ըստ կամս գրուած ըլլալուն (50), բառին հետ հարկաւ կապուած չէ . մէյմըն ալ բառերը գէշ գործածելէն : Առաջին պատճառին վրայօք զիտնալու է որ բառերը սահմանուած են յիշողութեան օգնել՝ մեր մտածութիւններն անկորուստ պահելու , և հոգւոյն գործողութիւններն աւելի դիւրութեամբ՝ ի գործ դնելու համար (10) . և երկրորդ՝ մեր գաղափարներն ուրիշներուն հաղորդելու համար : Առջի գործածութեանը կողմանէ մարդ ինչ բառ որ ուզէ կրնայ գործածել իր գաղափարը ինքն իրեն բացատրելու համար . միայն թէ մի և նոյն գաղափարը նշանակելու միշտ մի և նոյն նշանը բանեցընէ , որ միշտ ալ նոյն խմասոք տայ :

94 . Բառից կրկին կիրառութիւնը բաղաքական ու փիլիտիայական :

Իսկ եթէ բառերը մեր գաղափարներն ուրիշի հաղորդելու պիտի գործածենք , ան ատեն բառերուն երկու տեսակ գործածութիւնը պէտք է իրարմէ զանազանել . այսինքն բաղաքական ու փիլիտիայական : Որովհետեւ քաղաքական գործածութեան մէջ բառերը մեր կենակցութեան և առուտուրի վերաբերեալ գաղափարները հաղորդելու կը բանեցընենք , որուն համար այնշափ խիստ ճշգութիւն չի պահանջուիր

նշանակութեան կողմանէ . որովհետեւ մարդիկ գիւրաւ կը հասկընան սօվորական ու առձեռն բաներու բացատրութիւնը : Բայց փիլիսոփայական գործածութեան մէջ նոյնպէս չէ . վասն զի խօսքին նպատակը ճշմարտութիւն փնտըռելն ու ծանօթութեանց մէջ յառաջադիմութիւնն ըլլալով , հարկաւոր է որ բառերն ամենայն ճշգույքութեամբ որոշուած ըլլան . որպէս զի լսողին կամ կարդացողին մտքին մէջ ան գաղափարներն արթընցընեն , ինչ որ խօսողին կամ գրողին մտքին մէջը կայ . ապա թէ ոչ՝ լեզուին գլխաւոր նոլատակին չի հասնիր մարդ , որ է իր մտածութիւններն ուրիշի հաղորդել : Չոր օրինակ , դատարկուրիւն բառը քաղաքական ու ընտանի գործածութեան մէջ ու փիլիսոփայական գործածութեան մէջ տարբեր տարբեր նշանակութիւն ունի : Քաղաքական լեզուին մէջը յայտնի է ամենուն ինչ գաղափարը ցցընելը . բայց փիլիսոփայական լեզուին մէջ պէտք է նշանակութիւնը լաւ որոշել թէ որ չուզեր մէկն որ բան մը որիշը բանի տեղ առնուի :

95. Պարզ գաղափարներու անուններն այնչափ երկրայական ու անորոշ չեն :

Ան բառերն որ պարզ գաղափարներ կը բացատրեն , շատ տարակուսելի և անո-

րոշ չեն . ինչու որ մէկ գաղափար միայն
կը նշանակեն . իսկ շփոթութիւնը գաղա-
փարներուն այլեայլ բաղկացութենէն ա-
ռաջ կու գայ : Չոր օրինակ , ան որ մէկ մը
զիտէ թէ սպիտակութիւնն ան գունին ա-
նունն է՝ որ տեսած է ձեան կամ կաթին
վրայ , առ բառը գործածելու ատեն ալ չի
սխալիր . իսկ թէ որ առ գունին գաղա-
փարն ամենեին չունի նէ՝ բառն ուրիշ
մոքի չի կրնար տանիլ . հապա բացարձա-
կալէս չի հասկնար : Ասոր համար պարզ
գաղափարներու անունները շատ վէճ չեն
վերցըներ . և ընդհանրապէս որչափ գա-
ղափար մը նուազ բաղադրեալ է , այնչափ
ալ աւելի իրեն անունը նուազ շփոթ ու
նուազ անորոշ է :

96 . Բաղադրեալ գաղափարներուն անուններն
աւելի անկատար ու աւելի անորոշ են :

Իսկ բաղադրեալ գաղափարներուն ա-
նունները մէկ մը կը տրուին ան գաղա-
փարներուն , որ մեր մոքէն կը կազմենք ,
ինչպէս են մասնաւորապէս բարոյականին
գաղափարները , որ խառն կերպեր կամ նա-
խառիպ գաղափարներ և կամ ծանօթորիւն-
ներ կը կոչուին . մէկ մըն ալ գոյացու-
թեանց բաղադրեալ գաղափարներուն :
Աս երկու տեսակ գաղափարաց ալ անուն-
ները շատ երկբայական ու անկատար են ,

Ե. որոշելը գիւրին չէ . ուստի շտա անգամ անոնց նշանակութիւնն անստոյգ ու մութ կը մնայ : Եւ նախ առջի տեսակ գաղափարներուն գալով՝ իրենց անունն անորոշութեան տակ կիյնայ հետեւեալ պատճառներուն համար :

97. Խառն կերպերուն բաղադրեալ գաղափարներն ինչո՞ւ համար անորոշութեան տակ կիյնան :

Ա. Վասն զի ատ գաղափարները շատերէ բաղադրեալ ըլլալով , ու զանոնք մարդս իր մոքովը միացընելով , ամենքն ատ բաղադրութիւնը միակերպ չեն կրնար ընել . և չէ թէ միայն ըստ այլեայլ անձանց այլեայլ կերպ կըլլայ բաղադրութիւնն ալ , հապա նաև մի և նոյն անձն այլեայլ ժամանակ ու այլեայլ պարագայի մէջ տարբեր տարբեր կը կազմէ :

Բ. Աս գաղափարներուն միաւորութիւնը մարդկանց կամքէն ու մոտածելու այլեայլ եղանակներէն կախուած ըլլալով , բընութեան մէջ առարկայ մը չկայ՝ որուն վրայ որ ան գաղափարներուն խումբը միացած ըլլայ , ու օրինակ ըլլայ բառերուն նըշանակութիւնն որոշակի կանոնաւորելու և ուղղելու . ինչպէս է առիշծ բառը՝ որ բնութեան մէջ եղած առարկայ մը կը նշանակէ և նշանակութիւնը կրնայ ասով ճիշդ որոշուիլ :

Գ. Առվորաբար մենք նախ բառերը կը սորվինք, ետքէն ուրիշներէն հարկ կըլլայ լսել թէ ան բառերուն տակ ինչ գաղափարներ կան. անոնք ալ կամ չեն կըրնար բառերուն որոշ նշանակութիւնը հասկըցընել, և կամ կը թողուն որ մենք մեր խելքով ու դիտողութիւններովը հասկընանք: Մենք ալ շատ անգամ տղայութեան առեն՝ կամ անհոգութեան պատճառաւ կամ տղէտ չերկենալու սնոտի ամօթով մը՝ ետեւէն չենք ըլլար անոնց ըստոյգ նշանակութիւնն իմանալու. ուստի ան բառերը շատ մօրդկանց բերանն իբրև պարզ ձայն մը կը մնան. կամ նշանակութիւն մըն ալ ունին նէ, այնչափ տարտամ և անստոյգ, որ անոնց բացատրած գաղափարը մթին ու շփոթ կըլլայ:

98. Պատիւ բառն օրինակի տեղ առնուած:

Առ տեսակ անուններու այնչափ բնական է աս անկատարութիւնը, որ որոշ ու բացայայտ կարծուածներն ալ, երբոր որոշ ու ճիշդ գաղափարնին հասկընալ ուղենք, կը տեսնենք որ երկրայական ու մթին են: Ետ բառերէն օրինակ բերենք պատիւ բառը: Ամենուն բերանն է աս բառը, և նշանակութիւնն ամենաբացայայտ կը կարծուի. և սակայն որչափ տարբեր գաղափարներ կը տրուին: Ոմանք պատիւ ըստ

լով նախառանացը վրէժինզիր ըլլալը
կը համարին . ոմանք ալ ներելը . կան որ
կը կարծեն թէ պատիւնին կը կորսնցընեն
կամ կը մթնցընեն թէ որ հակառակորդին
պատճառներուն տեղիք տալու ըլլան . կան
ալ (բայց գժբաղդաբար ասոնց թիւը շատ
քիչ է) պատիւ կը համարին համեստ քա-
ղաքացի ըլլալն ու իրենց պարտքերը լեցը-
նելը : Ու դեռ ուրիշ խել մը այլեայլ նշա-
նակութիւններ կը տրուի աս մէկ բառին .
անանկ որ ամեն մէկը մի և նոյն բառով
անգաղափարը կը բացատրէ՝ որ ինքը կազ-
մեր կամ առեր է , կամ որն որ աւելի իր
անձնական շահուն կը վերաբերի : Եւ թէ
որ մարդ ուզէ քննել ու որոշել դեռ ու-
րիշ բառեր ալ , մանաւանդ բարոյական
նիւթի մէջ , ինչպէս օրենք , արդարուրիւն ,
խոհեմուրիւն , սրբապղծուրիւն , բարեպաշտու-
րիւն , փառք , և այլն , որչափ երկբայու-
թիւններ ու մթութիւններ դէմը կելեն :
Մարդկանց գաղափարները , զգացմունք-
ները , մտածելու կերպը յանհունս կրնան
զանազանիլ ըստ զանազանութեան պա-
րագաներուն , վերաբերութեանցը , սովո-
րութեանցը , և այլն . բայց բառերը չեն
կրնար նոյնպէս զանազանիլ : Ասոր համար
շատ գժուար է ճիշդ իմանալն ինչ նշանա-
կութիւն որ մատենագիրք իրենց բառե-
րուն տուեր են , երբոր աս տեսակ գաղա-
փար մը բացատրել ուզեր են . մանաւանդ
ան հեղինակներն որ շատ հին ժամանակ-

ները գրեր են, ու սովորութեամբ, օրի-
նօք, կառավարութեամբ ու կրօնքով ըո-
լորովին օտար գաւառներու մէջ:

99. Ինչո՞ւ գոյացորեանց բաղադրեալ գաղա-
փարները դիշրաց անորոշ կրկնան:

Թէպէտ և մինչեւ հիմա ըսածներնուս
պէս չէ, բայց ոչ սակաւ անորոշ կրնան
ըլլալ գոյացութեանց բաղադրեալ գաղա-
փարներուն անուններն ալ, որոնք թէպէտ
'ի բնութեան իրօք կան, և կրնան ուրիշ
գաղափարներն ուղղելու օրինակ ըլլալ,
որով և բառերն ուղղելու (97 Բ), բայց ո-
րովինետև իրենց իրական էութիւնը ճանչ-
նալն անկարելի է, և իրենց վրայ միացեալ
գաղափարներն ամենուն մտքին մէջը մի և
նոյն չեն և ոչ նոյն կերպով շինուած, ա-
նոր համար ան անուններն որ զանոնք կը
բացատրեն՝ միշտ անստոյգ ու երկրայա-
կան նշանակութիւն կունենան: Այսպէս՝
ուկի բառն ամենուն միտքը մի և նոյն գա-
ղափարաց հաւաքումը չի ցցըներ . վասն
զի ոմանք ուկի ըսելով կրնան իմանալ մե-
տաղ մը գեղին, կոանելի . ուրիշ մը կա-
ւելցընէ ծաւալականութիւնը . ուրիշ մըն,
ալ ծանրութիւնն ու խտութիւնը և արքա-
յաջրոյ մէջ լուծանելի ըլլալը, և այլն: Եւ
ահա այսպէս իւրաքանչիւրը նոյն բառը
գործածելով՝ կարծէ թէ ինչ որ ոսկին իր

մէջը կը բովանդակէ նոյն բառով ան կը ցցընէ . բայց ինքն ինչ դաղափարաց միութիւն ինքիրմէ կամ ուրիշէն ստացեր է , զայն կու տայ նոյն անուանը , որով ընդհանուր նախադասութիւններ կազմելով՝ սուտ դատմունքներ կը հանէ . ինչպէս մէջը թէ որ ըսելու ըլլայ , դեղին ու կռամելի՝ մետաղն ոսկի է , սուտ է . վասն զի ուրիշ մետաղներ ալ կան որ նոյն յատկութիւններն ունին , բայց ոսկի չեն : Ասոր համար շատ անգամ անբաւ խնդրոց պատճառները ուրիշ բան չեն , բայց եթէ բառից նշանակութիւնը լաւ որոշած չըլլալը ¹ :

100. Մոլորարեանց ուրիշ պատճառ մըն այ բառերուն զէշ զործածորիւնը :

Բառերուն անորոշութենէն առաջ եկած մոլորութեանց երկրորդ պատճառը՝ բառերուն բնական անկատարութենէն զատ՝ կամուռապէս զանոնք գէշ զործածելն է : Անանկով նշանակութիւնը բացայայտ ու որոշ չմնալով , խօսքին մէջը մթութիւն ու շփոթութիւն կը մտնէ , ու ճշմարտութեան տեղ մոլորութիւններ առաջ կու դան :

1 Գեղեցիկ օրինակ մը կը բերէ Լոք հեղանիւն բառով : Ճաշակ ՚ի վերայ մարտիային մասայ . Գիրտ գ . գլ . ժԱ . 16 :

404. Բառերը գեշ գործածելն է Ա. Անոնց
սլայծառ և որոշ գաղափար չկապելը, կամ
առանց նշանակութեան իբրև պարզ ձայն
մը զանոնք գործածելը։ Օրինակի համար,
մէկն որ կեղծառոր բառն աստուածապաշտ
ու իր պարտուցն զգուշաւոր մարդու մը
վրայ առնու, գէշ կը գործածէ . իսկ թէ որ
գաղափարի մը հետ չկապէ, միայն պարզ
ձայն մը կըլլայ։ Աս զեղծումն անկէ աւելի
առաջ կրնայ գալ, որ այսպիսի բառերը
սորվելու ատեն ամենեին ճիշդ նշանակու-
թեանը փոյթ չեն ունեցեր . ուստի իրենք
ալ վերջէն չեն կրնար ամենեին նշանակու-
թիւն մը կամ գոնէ որոշ նշանակութիւն
մը տալ։ Բայց կրնայ ալ առաջ գալ իր
տգիտութիւնը պարտըկել ուզելէն, կամ
իրեն գրութեանը տկար մէկ կողմը աննը-
շան բառերով և կամ դժուարիմանալի
գաղափարներով ծածկել ուզելէն։ Դպրո-
ցական փիլիսոփայութիւն այսպիսի բա-
ռերով լեցուն էր, որ անյայտ երեսոյթնե-
րու պատճառ տալու համար, ու տգէտ չե-
րենալու համար այնպիսի բառեր գործա-
ծեցին՝ որ իմաստ չունին . զոր օրինակ հա-
մակրուրիւն, հակակրուրիւն, բնական ազդ-
մունք, և այլն :

402 . Բ . Զանազան նշանակութեամբ
գործածելը :

Բառերուն երկրորդ զեղծումն է՝ առջի-
նէն ոչինչ ընդհատ գատապարտելի՝ փոփո-
խական նշանակութեամբ գործածել, մէկ
մը մէկ նշանակութիւն մէկ մը ուրիշ նշա-
նակութիւն տալով բառին : Այսպէս ոգի
բառը մէկ մը խորհող, աննիւթ ու ազատ
գոյացութեան նշանակութեամբ գործա-
ծելը, մէկ մըն ալ ամենանուրը հեղանիւ-
թի, ևս առաւել նոյն խօսքին մէջ : Աս
զեղծումը լեզուին գլխաւոր վախճանին բո-
լորովին դէմ է, որ է գաղափարներն ի-
րարու մտքին հաղորդել, որ ասանկով
չիրնար ըլլալ . ու բառերը այս կերպով
գործածողը չուզեր որ ուրիշը իր միտքը
հասկընայ : Նոյն զեղծման մէջ կիյնայ ան
ալ որ բառերուն սովորական նշանակու-
թենէն տարբեր գաղափարներ կու տայ ,
կամ երկդիմի իմաստ : Այդպիսւոյն խօս-
քը ոչ երբեք կը հասկըցուի, և ոչ կրնայ
ուրիշին մտացը լոյս տալ մինչեւ որ իր բա-
ռերուն սահմանը չտայ :

403 . գ . Իրական գաղափարներ չբացատրող
բառներ գործածելը :

Բառերուն երրորդ զեղծումն ալ է՝ ա-
նոնցմով ըստ հաճոյս ուզենալ այնպիսի
գաղափարներ բացատրել որ իրաց ստոյգ
բնութեանը հետ վերաբերութիւն մը չու-
նին : Անանկով իրենց խօսակցութիւնը և
ուրիշն միտքը անիմանալի բառերով կը
լեցընեն . բայց իրաց վրայ հաստատուն ու
ստոյգ ծանօթութիւն մը չեն տար : Դըպ-
րոցականը ատենօք ուզելով մեկնել թէ
ինչու սիփոնին մէջն օղը դատարկելով
ջուրը վեր կը բարձրանայ , բնուրիւնը դա-
տարկութեանէ կը խորշի կըսէին . որ ոչ իրաց
բնութեանը համաձայն է , և ոչ իրական
գաղափար մը տուող բառեր : Նոյնպիսի
են կարդեսիոսի իր Տիեզերագիտութեան
մէջերեւակայած այլեայլնիւթերը , ու այլե-
այլ երեւութից պատճառները տալու հա-
մար գործածած բառերը , որ աս աշխարհ-
քիս իրաց ստոյգ բնութեանը հետ ամե-
նեին վերաբերութիւն մը չունին : Քանի
որ աս կերպով բառերը գործածուին , ա-
մենայն ճառ , պատճառաբանութիւն , դը-
րութիւն ուրիշ բան չեն ըլլար , բայց եթէ
գեղեցիկ երազ մը . որով ամեն բան երեւ-
կայութիւն կըլլայ , ու ոչինչ իրական կը
մնոյ :

104. Աս զեղծման պատճառը :

Աս զեղծման պատճառն է Ենթադրելը
թէ գործածած բառերուն ու իրաց բնու-
թեան մէջ կատարեալ համաձայնութիւն
կայ : Այսպէս պերիպատետիկեանք հա-
տատ առանց տարակուսի մտուընին դրած
էին որ աս աշխարհքիս մէջի ամեն էակ-
ներն անդասն և ան կարգն ունին, ինչ
դասակարգութեան մէջ որ Արիստոտէլ
դրած է . անանկ որ անոնց խօսքին նայե-
լով՝ չէ թէ զուտ անուն կը լլային բառերը,
հապա բուն իրական բաներ : Անոր հա-
մար ով որ ասանկ կը մտածէ, բառերը իրե-
տեղ առնելով՝ չի կրնար կամ մտքէն ալ
չանցըներ բառերէն գաղափարներու ան-
ցընիլ, որպէս զի որոշ ու ճիշդ գաղափար-
ներ ունենայ : Այնպիսւոյն միտքն աննշա-
նական բառերով կը խճողի . ու նոյն հա-
րըստութեամբ հպարտացած, տգէտնե-
րուն աչքը կը գունաւորէ քանի մը գիտնա-
կան ու անսովոր բառեր ծախսելով, որոնց
ստոյգ նշանակութիւն մը չի կրնար տալ:

105. Դ . Կարծել որ բառերը գաղափարներուն
հետ հարկադր կապակցորդիւն ունին :

Չորրորդ զեղծումն է կարծելը թէ բա-

ոերուն ու զաղափարներուն մէջ այնպիսի
ներքին և հարկաւոր կապակցութիւն կայ,
որ գործածուած բառերուն նշանակութեա-
նը վրայ երկբայութիւն չըլլար : Ուստի
կարծելով թէ նոյն բառով ամեն մարդ նոյն
բանը պիտի իմանայ, ոչ զրողը կամ խօ-
սողը փոյթ կընէ իրեն գործածած բառե-
րուն նշանակութիւնն որոշել, և ոչ կար-
դացողը կամ մտիկ ընողը կը ջանայ որոշ
նշանակութիւն մը հասկընալ : Ասկէց ա-
ռաջ կու գան խել մը անվախճան վէճեր՝
որ բառերուն պարզ բացատրութեամբը
կընային լմըննալ, և ընդհակառակն յա-
փառեան կը տեսն, և արգելք կըլլան ճըշ-
մարտութիւնը քննելու և գտնելու :

106. Ե. Զեառոր խօսիլլ :

Հինգերորդ զեղծումն է ձեաւորուայլա-
բանական խօսակցութիւնը, որ ընդհան-
րապէս ընդունելի եղած և գովուած է :
Յայտնի է որ առ տեսակ խօսակցութեանց
մէջ բառերուն իրենց սովորականէն տար-
բեր նշանակութիւն կը տրուի, որով և սո-
վորական ու հասարակ խօսակցութենէ հե-
ռու : Առ տեսակ զարդերը թէ որ սպարզ
զուարճացընելուվախճանաւ գործածուին,
կընայ անստգիւտ ըլլալ և բառից զեղ-
ծումն չսեպուիլ, բաւական է որ չափը
չանցնի : Յայց երբոր բան սորվեցընել և

ուրիշին միտքը հարկաւոր ճշմարտութիւն
մը խոթել կուզէ մէկը , պէտք է ան ճըշ-
մարտութիւնը բնական պարզութեամբ մը
որոշ ու ճիշդ առջեք դնէ , և թողու ան
զարդերն որ բանը կը ծածկեն կամ՝ գոնէ
կը մթընցընեն , ու ճշմարտութիւն սորվե-
ցընելու տեղն անորոշ ու շփոթ գաղափար-
ներ առաջ կը բերեն : Եւ թէ երբէք ծանր
նիւթի մէջ այդպիսի բացատրութիւններ
ալ գործածուին , գոնէ պէտք է որ դիր-
իմանալի ըլլան , ու բացատրել ուզած գա-
ղափարին մօտ :

ԳԼՈՒԽ Ը

ԲԱՌԵՐՈՒՆ ՍՆՈՐՈՇՈՒԹԵԱՆ Ի՞ՆՉ ԴԵՂԵՐ
ԿՐՆԱՆ ԸՆԿԱՆ

107. Բառերուն անորոշութիւնը մոլորու-
թեանց ազբիւր ըլլուլը անօգուտ կըլլար
գիտնալ , թէ որ հարկաւոր դարման մը ը-
նել չմտածուէր : Այս դարմանները թէ որ
բոլորովին ալ վնասը չխափանեն , գոնէ
ըստ մասին ճար մը կընեն , ու որչափ որ
կարելի է կարգիւեն որ առաջ չերթոյ :

Արդ բառերուն անորոշութեան առաջին
ու ընդհանուր դարմանն որ կրնայ ըլլուիլ՝
անոնց սահման տալն է։ Սահմանը, որ
գործածած անուան նշանակութիւնը բա-
ցատրելուն համար Անուանական ալ կը-
սուի, է բառի մը նշանակութիւնն ուրիշ բա-
ռերով հասկըցընել, որ սահմանալ բառին
համանշան չըլլան։ Բայց որովհետեւ բառին
նշանակութիւնն ուրիշ բան չէ՝ բայց եթէ
գաղափարի մը կապել զանիկայ և իբրև
նշան գործածել, անոր համար լաւ և որոշ
սահմանուած կըսուի բառը, երբոր ուրիշ
բառերով լսողին կամ կարդացողին միտ-
քըն ան գաղափարն արթընցընենք՝ ինչ
գաղափարի հետ որ խօսողը կամ գրողը
կապած է ան բառը։ Աս է սահմանին մէկ
հատիկ վախճանը, և բուն աս բանիս հա-
մար կը դործածուի, որով և սահմանին ա-
զէկ կամ պակասաւոր ըլլալն իմանալուն
կանոնն այս է։ Օրինակի համար, հոգի բա-
ռը որոշ նշանակութիւն մը կառնու՝ այս-
պէս սահմանելու որ ըլլանք, խորհող, ան-
նիւր ու ազատ գոյացութիւն։

108. Ի՞նչպէս կարելի է պարզ գաղափարնե-
րուն անուններն որոշել :

Թէսլէտե սկարզ գաղափարաց անուն-
ները շատ երկբայական ու անորոշ չեն
(95), բայց երբոր որոշելու ալ պէտք ըլ-

լայ, սահմանել չըլլար. վասն զի պարզ գաղափարն ըմբռնմունք մը միայն ըլլալով՝ կարելի չըլլար բառերու դարձուածք մը յարմարցընել, որ այլևայլ պարզ գաղափարներ բացատրելով՝ ամբողջին ծանօթութիւնը տայ մեզի, ինչպէս որ կըլլայ բաղադրեալ գաղափարաց վրայ: Իսկ այդպիսի անուններն որոշելու համար՝ կամ ծանուցեալ ենթական կը յիշուի, որուն հետ որ պարզ գաղափարը միացած է, կամ թէ զգայարանաց ներկայացընելու է ան ենթական, որով մտքին մէջ կրնայ իյնալ նոյն գաղափարը, և աս երկրորդս աւելի ընտրելին է: Զոր օրինակ, ձերմկարիւն բառն որոշ ընելու համար, որ պարզ գաղափար մըն է, կամ ըսելու է թէ ան գունին անունն է որ ձեան վրայ կը տեսնուի, և կամ աչքին առջեւ դնելու է նոյն իսկ ձիւնը, և վրան դիտել տալու է ձերմակ ըսուած գոյնը:

109. Խառն կերպ ըսուած բաղադրեալ գաղափարներուն անուններն ինչպէս որոշելու է:

Խառն կերպ ըսուած բաղադրեալ գաղափարաց անուններն որոշելու համար չըլլար նոյն կերպը գործածել՝ ինչ որ պարզ գաղափարներուն համար ըսինք (108). այս ինքն ենթական յիշելու տտեն կարելի չէ զգայարանաց առջեւը դնել նոյն ենթա-

կան՝ որուն վրայ որ գաղափարաց հաւաքումը միացած է, որովհետև աս հաւաքումը մեր մտացը ծնունդն է ըսինք (96), ուստի գաղափարներն իրական առարկայ մը չունին, որ զայն իբրև օրինակ գործածենք (97 Բ.): Բայց ընդհակառակն շատ լաւ կրնան սահմանուիլ. վասն զի այս տեսակ զաղափարները բաղադրած ըլլալով ու մարդուս կամքէն միայն կախուած, առանց նախատպի մը վերաբերութիւն ունենալու, կրնանք շատ լաւ հասկընալ իրենց բաղադրութեանը մէջ մտաց այլեայլ գաղափարները՝ հաստատուն և որոշ նշանակութիւն մը տալով զանոնք բացատրող բառերուն: Աս միայն դիտելու է՝ որ եթէ ան ժողվուած գաղափարաց մէջ կան այնպիսիներ որ ուրիշ պարզեր իրենք իրենց մէջ բովանդակեն, անոնք ալ պէտք է լուծել ու որոշել մինչև որ պարզ գաղափարներու գանք: Չոր օրինակ, ով որ համեստուրիւն բառին գաղափարը՝ արդարուրեան, խոհեմուրեան, բարեխառնուրեան և արխուրեան գաղափարներով կուզէ տալ, պէտք է ատ բաղադրիչ գաղափարներուն անունը նախ որոշել, ապա թէ ոչ համեստուրեան գաղափարը մութ, շփոթ ու անորոշ կը մնայ:

110. Գոյացուրեանց բաղադրեալ գաղափար-
ներուն անուններուն ինչպէս բացատրելու է :

Գոյացութեանց բաղադրեալ գաղափար-
ներուն անուններն որոշելու և լաւ մը բա-
ցատրելու համար՝ պէտք է թէ պարզ գա-
ղափարաց և թէ խառն կերպերուն՝ երկու
ճամբան ալ գործածել . այսինքն զգայա-
րանաց ներկայացընել ենթական , և սահ-
մանել ան անուններն որ նոյն գաղափա-
րը բացատրելու կը գործածուին : Բայց ո-
րովհետեւ որոշել ուզած առարկային գա-
ղափարն ուրիշ առարկաներու հետ կըր-
նայ չփոթիլ՝ երբոր քանի մը արտաքին տես-
նուած յատկութիւնները միայն յիշենք ո-
րոնք մէկալոնց ալ հասարակ են , անոր հա-
մար պէտք է քանի մը իրեն սեպհական
յատկութիւններն առնուլ , և անոնցմով
ուրիշ մէկալ բաներէ դուրս ցատքեցընել՝
իսկ թէ որ այնպիսի յատկութիւն մը չու-
նենայ , գոնեա այնչափ յատկութիւնները
միայն պէտք է յիշել՝ որչափ որ բաւական
ըլլայ առարկային գաղափարն որոշել ու-
րիշներէն : Զոր օրինակ , ուկի բառն որո-
շելու համար բաւական չըլլալով իրեն սե-
փական նշան տալ միայն դեղին գոյնը կամ
փայլունութիւնը , պէտք է այնպիսի յատ-
կութիւն մը դիտել որ ոսկիին միայն սե-
փական ըլլայ . և կամ թէ պէտք է ծանօթ

յատկութիւններէն շատ մը յիշել, որոնց
առ միութիւնն ուրիշ գոյացութեանց վը-
րայ չտեսնուի : Անոր համար անոնք որ մեր
միտքը կուզեն խոթել ան բաներուն գա-
ղափարը՝ որ առձեռն չունինք, կը ջա-
նան պատկերներով մանաւանդ գունաւոր
պատկերներով անոնց անուններն որոշել :
Այսպիսիններն աւելի մեծ օգուտ կընեն
ճշմարիտ գիտութեան՝ քան թէ շատ գի-
տուն քննաբանից մանրամասն ընդարձակ
ու ճղճղած տեղեկութիւնները : Եւ աս ճամ-
բան կը բռնեն բնախոսք, որոնք որ տուն-
կերու կենդանեացե ուրիշ գոյացութեանց
վրայ կը խօսին . և անոնք ալ որ կուզեն
մեզի այնպիսի բաներու գաղափարներ հա-
զորդել որոնք հինները կը գործածէին, կամ
մեզմէ հեռու և անծանօթ ժողովուրդներ :

ԱԱԱ . Բառերուն զեղծման դեմ դարմաններ : —
Ա . Բառ մը չգործածել առանց ստոյգ և ո-
րոշ նշանակուրեալ :

Թէ որ լեզուին գլխաւոր վախճանն է գա-
ղափարներ բացատրելու հաղորդելյայտ-
նի է որ պէտք չէ բառ մը ըլլայ որուն որ
գաղափար մը կապած չըլլայ . կամ որ նոյն
է ըսել՝ պէտք չէ բառ մը ըլլայ առանց սե-
փական նշանակութեան : Աս միայն բաւա-
կան չէ, հապա նաև հարկաւոր է որ նշա-
նակութիւնն ստոյգ և որոշ ըլլայ, թէ որ

կուզէ մէկն ուրիշն միտքը խոթել ան դա-
ղափարները որն որ կը փափաքի հաղոր-
դել. ապա թէ ոչ` բառ ծախել կըլլայ,
և ոչ դաղափար տալ: Անոնք որ անսա-
նոց քանի մը գործերուն սլատճառ տա-
լու համար բնական ազդմունք բառը կը գոր-
ծածեն, պէտք էր որ նախ աս բառս բա-
ցատրէին. վասն զի աս բառով կամ իրա-
կան և որոշ դաղափար մը կըմբոնեն, և
պէտք էր որ ատ դաղափարն իբրև պատ-
ճառ առաջ բերէին, կամ թէ դաղափար
մը կապած չեն, որ աւելի հաւանական է,
և պարզ ձայնը սլատճառի տեղ կուզեն
անցընել: Բայց քանի որ բառերն առաջ
կը ստանանք, և ետքը դաղափարները, աս
անսլատշաճութիւնը միշտ պիտի մնայ:

412. բ. Անիոփոխ կերպով պէտք է բառերը
գործածել:

Երկրորդ պէտք է բառերն անփոփոխ
կերպով գործածել, անանկորնոյն ձայնով
միշտ նոյն դաղափարն իմացուի: Եւ թէ
որ երբեմն հարկաւորութեան կամ ուրիշ
պատճառի մը համար նոյն անուան տար-
բեր դաղափարներ կամ նոր ու սովորա-
կան գործածութենէն գուրս նշանակու-
թիւններ տրուին, կարդացողին կամ լսո-
ղին պէտք է իմացընել թէ գործածած բառն
ինչ մտքով առնուած է: Ուստի փիլիսո-

փան որ ճշմարտութեան սիրով է , չի վայ-
լեր որ չարութեամբ այլեայլ միտք ու երկ-
դիմի նշանակութիւն տայ բառերուն , վասն
զի առանկով անկեղծութիւն չի մնար . և
ոչ միայն բան սորվեցընել չըլլար . հասկա-
մանաւանդ բան չհասկըցընել , և ալ գէցը՝
ուրիշները մոլորցընել :

113. Գ. Իրական գաղափարներ բացատրող
բառեր գործածել :

Ճշմարիտ գիտութիւնն է իրական գաղա-
փարներ ստանալ : Ուրեմն բառերը գոր-
ծածելու ատեն քննելու է թէ արդեօք գա-
ղափարներն իրաց ստոյգ բնութեանը հետ
վերաբերութիւն ունին , չէ նէ միայն նոյն
բառերը գործածողին երեակայութեանը
մէջն են : Ուստի անոնք որ շատ տեսակ բա-
ռերու տեղեկութիւն ունին , և իրենց լե-
զուն ամենայն յատկութեամբը կը խօսին ,
պէտք է քիչ մը աշխատին ու քննեն թէ
իրենց բառերուն տակն ինչ գաղափար-
ներ կան , ու առ գաղափարներն արդեօք
իրաց բնութեանը համաձայն են թէ չէ :
Եւ աս ճամբով յայտնի կիմացուի թէ ար-
դեօք միտքը հաստատուն ու իրական ծա-
նօթութեամբը ճոխ է , թէ պարզ ճայնե-
րով : Թէ որ մարդիկ միշտ աս ճամբան
բռնէին , այնչափ շաղակրատներ չէին ե-
րենար , որ բառերու խուռն բաղմութեան

մը գլուխն անցած առաջ կերթան , ու տը-
գէտ և տկար զարմացողներն իրենց ան-
ճոռնի զօրութեամբը կը կոխելուեն :

444. Մոլորուրեանց պատճառներուն և դար-
մաններուն վրայ ընդհանուր տևուրիւն :

Մոլորութեանց սկատճառներուն ու դար-
մաններուն վրայ գլխաւոր և ընդհանուր
դիտելին աս է՝ որ ամեն օրուան մեր ըրած
այնչափ սուտ դատմունքներու դէմն առ-
նելու լաւագոյն ճամբան է՝ մատաղ հասա-
կէն նայիլ թէ ինչ անձանց ձեռքը կը յանձ-
նուի տղայոց դաստիարակութիւնը : Դաս-
տիարակութիւնն այնպէս դիւրաւ ընելու
գործ չէ , ինչպէս որ զուցէ ոմանք կը կար-
ծեն : Զէ թէ ան քանի մը նիւթական ջեր-
մեռանդութեան կը թութիւններն են , կամ
քաղաքական կենաց մէջ դիտելու մարդա-
վարական գործքերը , ու դիտութեանց սո-
վորական ու հասարակ վարժութիւնները ,
հապալ մարդուն միտքը կազմելու է . և աս
մեծ գործքը գլուխ հանելու համար՝ խելա-
ցի մարդ մը պէտք է . իսկ ճշմարտապէս
խելացի մարդիկ շատ չեն : Մարդուս նիւ-
թականին ու բարոյականին մէջ այնպիսի
անձուկ կապակցութիւն կայ , որ բարոյա-
կանը գրեթէ բոլոր նիւթականէն կառնու-
իր տպաւորութիւնները , և անկարելի է
բարոյականին լաւ առաջնորդել մինչև որ

Նիւթականը լու չճանչցուի . բայց աս ծա-
նօթութիւնը միայն այնպիսի փիլիսոփայի
թափանցող աշքին կերևնայ , որ բնու-
թեան խոր գաղտնիքները քննելով՝ զմարդ
մարդուն վրայ կը քննէ : Տարակոյս չկայ
որ բնութեան և գաստիարակութեան մէջ
որ մարդուս մտացը վրայ ազդեցութիւն
ունի , զօրաւորագոյն է բնութիւնը . և սո-
վորաբար մարդ ինչպէս որ կը ծնանի՝ ա-
նանկ կը մնայ . բայց ան ալ ճշմարիտ է որ
խելացի գաստիարակութիւնը զբնաւորու-
թիւնն ու բնական հակամիտութիւններն
այնպէս կը բարեկարգէ որ , թէ որ զչարը
բոլորովին արմատախիլ չընէ , գոնէ այն-
պիսի արգելքներ կը դնէ՝ որ անոր վնասա-
կար ազդեցութիւնները շատ դիպուածի
մէջ կը խափանէ : Ուէ որ անոնք որ տղոց
գաստիարակութեան և ուսմանը կը պա-
րապին , ճանչնան մարդկային մտաց առջի
շարժմունքները , խոհեմ՝ զգուշաւորու-
թեամբ իրենց ընթացքը կրնան կառավա-
րել : Ուէ որ վարպետ մը լու գիտնայ մեր
գաղափարաց ծագումն և յառաջադիմու-
թիւնը , իր աշակերտին հասակին վերաբե-
րեալ և հարկաւոր բաներուն միայն կը
պարապեցընէ զանիկայ . թէ որ այնչափ
ճարտարմութիւն ունենայ որ տղան այն-
պիսի պարագաներուն մէջ դնէ ուր կըր-
թուի ճիշդ գաղափարներ առնելու և հաս-
տատուն նշաններով զանոնք անխախուտ
պահելու , թէ որ զուարձութեան առեն ալ

իր խօսակցութեանցը մէջ այնպիսի բառեր
միայն գործածէ որ ճիշդ ու որոշ նշանա-
կութիւն ունենան, ինչպիսի ճշդութիւն,
բացայայտութիւն և ընդարձակութիւն չի
տար իր աշակերտին մտացը: Ոչ երբեք
սուտ տրամաբանութիւններով և իմաս-
տակութեամբ կամ ուրիշ թիւր սլատճա-
ռաբանութիւններով պիտի շփոթէ զտը-
զան, որպէս զի միտքը խաբերայ և շփոթ
չըլլայ: Յետ տղոց միտքը ճիշդ և որոշ մը-
տածել սորվելուն, իրենց նրբամտութիւ-
նը կրթելու համար կարելի է իմաստակա-
կան խօսակցութիւններ ընել իրենց: Բայց
քանի՞ հայր կայ որ այսպիսի վարպետ մը
իր որդւոցը կարենայ ճարել. և որչափ քիչ
են այնպիսիք՝ որ կարող ըլլան տյնպիսի
հարց փափաքը լեցընել: Ասկէց զատ քա-
նի որ տգիտութիւնը, անհոգութիւնը, նա-
խապաշարմունքները, շահասիրութիւնը,
զուարճութեանց սէրը և ուրիշ արդելք-
ներ զօրացած են, այսպիսի երջանիկ ու
օգտակար փոփոխութիւն աւելի ըղճալի
կը մնան քան թէ յուսուլի: — Աս խօս-
քերս ոչ աւելորդ էին և ոչ առաջարկու-
թենէս օտար: Թէ որ տրամաբանութեան
վախճանն է բանավարութեան առաջնոր-
դել ճշմարտութիւնը փնտուելու, չկայ լա-
ւագոյն կանոն մը աս արուեստին քան թէ
տղոց մատաղ հասակէն սկսիլ զործնա-
կան կերպով ան կանոնները մոքերնին
ապաւորել:

ԳԼՈՒԽ Թ.

ԱՐՈՒԵՍՏ ՍԵԿՆԱԲԱՆՈՒԹԵԱՆ

145. Անկնարանորեան արուեստն ինչ է :

Բառերը ինքնահնար նշաններ են (50). ուրեմն նշանակութիւննին պէտք է համաձայնել խօսողին կամ գրողին գաղափարներուն . որովհետեւ մատենագիրն իր բառերուն կրնայ այնպիսի նշանակութիւն մը տուած ըլլալ որ լսողին կամ կարդացողին մոքին մէջի եղածէն տարբեր ըլլայ : Գըրուածք մը , վիճաբանութիւն մը կարդացուած ժամանակը թէ որ կարելի ըլլայ գըրուածոցը մատենագրին հարցընել , մեկնաբանութեան պէտք չի մնար : Բայց երբոր պէտք ըլլայ հին մատենագրաց գրուածոցը բառերուն միտքը հասկընալ , որ մեզի հարկաւոր է , պէտք է մեկնելու ճամբայ մը գտնել : Արդ ան արուեստն որ ուրիշին գործածած բառերուն նշանակութիւնը լաւ հասկընալու կանոններ կուտայ , Արուեստ մեկնարանորեան կըսուի : Աս արուեստին գլխաւոր կանոնները համառօտելով տասնըմէկի կը վերածենք . որոնց հետեւեալ վեցը գիրք կարդալ ոկտելէն առջ հարկաւոր են պահելու :

146. Գիրքը կարդալէն առաջ պահելու
կանոնները :

Ա. Պէտք է տեղեկանալ մատենագրին
դարը, հայրենիքը, կրօնքը, արուեստը կամ
պարապմունքը, իր ազգին սպատմութիւնը,
սովորութիւններն ու օրէնքները։ Վասն զի
ամեն մատենագիր սովորաբար գրուածք
մը որ կընէ, իր գաղափարներն անոնց կը
յարմարցընէ. անոր համար աս բաներուն
տեղեկութիւնն իր բառերը մեկնելու քիչ
լոյս չի տար։ Զոր օրինակ, խեցեկոյտ վճիռ,
տարագրուրիւն բառերուն նշանակութիւնը
չի հասկեցուիր, թէ որ Յունաց ու հռու-
մայեցւոց քանի մը մասնաւոր օրինաց ու
սովորութեանց մարդ տեղեկութիւն չու-
նենայ։

Բ. Պէտք է լաւ տեղեկութիւն ունենալ
ան նիւթին որուն վրայ որ խօսքն է, ու
կատարելապէս դիտնալ ան լեզուն ինչ
լեզուով որ գրուած է. ասոնցմէ մէկն որ
չգիտցուի, հեղինակին մտքէն տարբեր նը-
շանակութիւն դիւրաւ կը տրուի իրեն բա-
ռերուն։

Գ. Երբոր մէկը բուն լեզուն չգիտնայ,
պէտք է այնպիսի թարգմանութիւն գտնել
որ ճիշդ ու հաւատարիմ ըլլայ. և թէ որ
թարգմանիչը հեղինակին ժամանակակից
ըլլայ, ընտրելագոյնն է. վասն զի մութ տեղ

մը բառերուն ճշմարիտ իմաստը հասկընալու համար կրնայ հեղինակին խորհուրդ հարցուցած ըլլալ։ Բայց մարդ պէտք չէ յուսայ որ թարգմանութեան մէջ կարենայ բնագրին հողին գտնել, մանաւանդ թէ որ գրուածքը բանաստեղծական ու ճարտասանական ըլլայ։ Ամեն լեզու իր ազդուութիւնն ու իր մասնաւոր վայելչութիւններն ունի, որ գժուար է օտար լեզու մը փոխադրելը։

Դ. Պէտք է ջանալ որ որչափ կարելի է ուղիղ բնագիր մը ձեռք բերուի. վասն զի թէ որ շատ սխալներ մէջն ըլլան, ու օտար ձեռք մէջէն բան պակսեցուցած կամ բան աւելցուցած ըլլայ, անկարելի կըլլոյ գաղափարաց կարգն իմանալը. ու կարելի է որ բացայայտ հատուած մը պակսած ըլլալով, որ ուրիշ մութ հատուածի մը կրնար լոյս տալ, հեղինակին միտքը ծուռ մեկնուի։

Ե. Պէտք է առանց կանխակալ մտածութեան մը կարդալ եթէ նպաստաւոր եղեր է և եթէ ներհական. ապա թէ ոչ՝ մեն բան հակառակ մոքով կառնուի, և շատ անգամ հեղինակին այնպիսի գաղափարներ կը տրուի, որ չէ թէ իրենն են, հապա ընթերցողին։ Ասանկով հերետիկոսներն աստուածաշունչը մեկնելու որ ըլլան՝ ոչ միայն կը կարծեն թէ իրենց մոլորութեանցը գէմ բան չկայ, հապա մանաւանդ բոլոր զանոնք կը հաստատէ։

2. Πէտք է մատենագրին վախճանն ալ գիտել։ Ամեն մատենագիր նոյն վախճանը չեն դներ իրենց։ Բանաստեղծը զուարձացընել կը նայի, ու ճշմարիտը կամ ճշմարտանմանն իրեն բաւական կը սեպէ, անոր համար չի նայիր իր գաղափարները միշտ ճշդիւ քննել։ Փաստաբանը կը նայի իր դատաստանն առաջ տանիլ նաև ճշմարտութեան դէմ ալ ըլլայ։ Փիլիսոփային վախճանը ճշմարտութիւնն է։ ուստի պէտք է թէ փիլիսոփայից և թէ պատմաբանից գրուածքն և անոնց որ կրօնի սովորութեանց կամ օրինաց վերաբերեալ նիւթերու վրայ կը խօսին, ամենայն ճշդութեամբ ու խստութեամբ մեկնել, որովհետեւ ասոնց նպատակը պէտք է միայն ճշմարտութիւնն ըլլայ։

147. Գիրք մը կարդալու առենք պահելու կանոնները։

Նոյնպէս համառոտ մը բացատրենք թէ ինչ կանոն պէտք է պահել գիրք կարդալու ատենը։

Ա. Մատենագրին բառերը գրաւորական մոքով պէտք է մեկնել, միայն թէ պատճառ մը չըլլայ ներհակին։ ինչպէս է ա։ Թէ որ գրաւորական իմաստէն անտեղի բան մը կամ մատենագրին մոքին հակառակ իմաստ մը հետեւի, որ ուրիշ տեղ

բացայայտ իմացուցած է : թէ որ բառերը գրաւորական մտքով առնելով իմաստ մը չտան : զ . թէ որ պարագաներէն ու գրելու կերպէն իմացուի որ մատենագիրն երդիծաբանութեամբ խօսած է . անանկ որ ուրիշ բան ըսէ և ուրիշ բան հասկընայ . կամ թէ այլաբանական մտքով , ինչպէս է Վիրդիլիոսի առաջին ծաղկաբաղը : Բայց պէտք է գիտնալ որ գրաւորական իմաստը բառերուն ան նշանակութեամբը սկզբ է առնուլ՝ ինչ նշանակութիւն որ ունէին մատենագրին գրած ժամանակը , չէ թէ ինչ որ առջի ատենները ունեցեր են կամ կարդացուած ժամանակն ունին :

Յ. Որովհետեւ մատենագիրը կրնայ այլ և այլ նշանակութիւն ունեցող կամ երկդիմի բառեր գործածած ըլլալ , անոր համար պէտք է ջանալ իրեն բառերուն ան նշանակութիւնը տալ որ ընդդիմութիւն չվերցընէ : Անոր համար երկու բանի պէտք է լու նայիլ . մէկ մը չըլլայ թէ մատենագիրը լեզուին կարօտութեանը պատճառաւ այնպիսի բառեր գործածած ըլլայ որ շատ գաղափարներ կը բացատրեն . մէկ մըն ալ արդեօք զեղծմանմբ գործածեր է : Թէ որ առջինն ըլլայ՝ պէտք է քննել նոյն բառն ուրիշ տեղեր ինչ մտքով գործածեր է , որ կրնայ հասկըցուիլ նոյն բառով բացատրած գաղափարին տուած յատկութիւններէն : Օրինակի համար , թէ որ կուզես

իմանալթէ ինչ մոքով կառնու ոգի բառը,
ալէտք է դիտել թէ ինչ յատկութիւններ
կու տայ առ գաղափարին . արդեօք մար-
մական թէ հոգեղէն : Իսկ թէ որ յայտ-
նալէս բառերը գէշ կերպով գործածէ ,
կամ թէ կուղէ որ խօսքը չհասկըցուի ,
մանաւանդ թէ որ նիւթն ալ կարեոր բան
մը չէ , ձեռքէդ թող ու լսէ . « Յէ որ չես
ուզեր որ խօսքդ հասկըցուի , ես ալ զբեղ
չեմ ուզեր հասկընալ » : Իսկ վիճաբանու-
թեանց մէջ ուզած խօսքիդ ճշմարտութիւ-
նը հաստատելու համար պէտքը չէ ամե-
նեին զրբերէ երկդիմի նշանակութիւն ու-
նեցող բաներ վկայութիւն բերել :

Գ . Յէ որ բնագիրը մութէ , և նոյն նիւ-
թին ու մեկնութեան արուեստին հմուտ
ու փորձ մարդիկ մութ դատին , ու բնա-
գրին իմաստին վրայ այլեւայլ կարծիք ու-
նենան , առ հետեւեալ կանոնները պէտք
է պահել : Ա . Քննել ամեն տեսակ նշա-
նակութիւններն որ մատենագիրն իր բա-
ռերուն կրնայ տուած ըլլալ , և նայիլ թէ
ան նշանակութիւններէն որն աւելի մա-
տենագրին մտածելու կերպին , կրիցը ,
դաստիարակութեանը , կրօնքին , իրեն
դրութեանն ու վախճանին յարմար կու-
գայ : Ր . Դիտել թէ ինչ սկզբանց վրայ կը
տրամախոհէ , որովհետեւ պէտք է համա-
րիլ որ հետեւանքներն անոնց համեմատ
կը հանէ . իսկ թէ որ հետեւանքները սկըզ-
բանցը համաձայն չըլլան , սեպելու է որ

մատենագիրը սկզբանցն աւելի նայեր է .
քան թէ հետեանքներուն : զ . Թէ որ մա-
տենագիրը նոյն նիւթին վրայ ուրիշ տեղ
աւելի պարզ է խօսեր , պէտք է մութ տե-
ղը պարզ տեղովը բացայայտել . աս բա-
նիս շատ օգուտ կընէ զրոց ցանկն ու հա-
մարարբառը , որ մարդ բանը մէկէն աչ-
քին առջև կունենայ : Իսկ թէ որ ստոյգ
նշանակութեանը յաղթահարիչ պատճառ
մը չըլլայ , մեկնութիւնը միշտ հաւանա-
կան սեպելու է , չէ թէ ստոյգ :

Դ . Մատենագրութեան մը մեկնութիւ-
նը լաւ ըլլալու համար անհրաժարելի կա-
նոններուն մէկն ալ է՝ դիրքը կարգաւ-
ծայրէ ծայր կարդալ . վասն զի ամեն կար-
գաւորեալ մատենագիր առջի բերան այն-
պիսի դաղափարներ կը դնէ որ եռքիննե-
րուն լոյս կու տայ :

Ե . Շատ զգուշութիւն պէտք է բանեցընել
այնսլիսի մատենագիրներ մեկնելու ատեն ,
որոնք որ գլխաւոր պատճառաւ մը բռնադա-
տուեր են իրենց բառերուն ստոյգ իմաստը
ծածկել , և խորհրդական կերպ մը տալ . ա-
նանկ որ երկու մտքով կարենայ մեկնուիլ ,
նաև ուղածին ներհակ իմաստն ալ տրուիլ :

Մատենագիրները մեկնելու գլխաւոր
կանոններն ասոնք են : Բայց մեկնութեան
արուեստին մէջ քաջ ըլլալու համար
պէտք է բարակ ընտրութիւն ունենալ ,
աչալրջութիւն , վարժութիւն , երկան կըր-
թութիւն , ընդարձակ հմտութիւն , ու նոյն
գիտութեանը վրայ լաւ տեղեկութիւն :



ԳԻՐՎ ԵՐԵՈՐԴ

ՏՐԱՄԱԽՈՀՈՒԹԻՒՆ

Քանի որ հոգւոյն գործողութիւններն աստիճան քան զաստիճան առաջ կերպան, այնչափ ալ հոգին ծանօթութեամբ կը ճոխանայ. որովհետեւ հոգւոյն գործողութիւնները՝ ծանօթութիւններն աւելցընելու գործիքներն են: Բայց հոգին ծանօթութիւնները գլխաւորապէս Տրամախոհական գործողութեամբ կաւելցընէ. և որովհետեւ տրամախոհութիւնը դատումէն կը կախուի, վասն զի այլեւայլ դատմանց կապակցութենէն առաջ կու գայ, անոր համար հոգւոյն չորս գլխաւոր գործողութեանցը կարգին մէջ երրորդն է. և առ երրորդ գիրքն անոր վրայ կը ճառէ:

ԳԼՈՒԽ Ա.

ՏՐԱՄԱԽՈՀՈՒԹԵԱՆ ԻՆՉ ԸԼԱՎԵ,

ԵՒ ՏՐԱՄԱԽՈՀԵԼՈՒ ԿԱՐՈՂՈՒԹԻՒՆԸ

118. Տրամախոհութիւնն ինչ է :

Թէ որ կարելի ըլլայ երկու գաղափար անմիջապէս իրարու հետ բաղդատել, իրարու վերաբերութիւննին կիմացուի, ու վրանին դատում կըլլայ։ Բայց որովհետեւ մեր գաղափարաց մեծ մասն անմիջապէս իրարու հետ բաղդատելով՝ մարդ վրանին դատում չի կրնար ընել, ալէտք կըլլայ անոր համար շատ անզամ ուրիշ գաղափար մէջ մոցունել՝ որ Միջնորդ կըսուի, և անոր հետ բաղդատել անմիջապէս ան գաղափարները, որոնց որ իրարու հետ վերաբերութիւնը բացայաց չի տեսնուիր։ Ու ասանկով կիմացուի թէ արդեօք ան գաղափարները՝ որոնց վրայ որ կուղենք դատումն ընել՝ կը համաձայնին թէ չէ միջնորդ գաղափարներուն հետ։ ու նոյնպէս դուրս կելլէ անոնց իրարու հետ պատշաճութիւնը կամ անպատշաճութիւնը։ Ուստի իրարու հետ բաղդատուելու գաղափարները կրնանք սեպել երկու մեծու-

թիւն, որոնք իրարու մօտեցընել ու մէկը
մէկալին վրայ դնել չըլլար, և այնպէս ի-
րենց հաւասարութիւնը կամ անհաւասա-
րութիւնը դատել. հապա երրորդ մեծու-
թիւն մը կառնենք, որ երկուքն ալ չափե-
լու ծառայէ, և թէ մէկին և թէ մէկալին
վրայ կարենանք դնել. և ան երկու մեծու-
թիւնը հաւասար կամ անհաւասար թուով
չափելէն կիմանանք անոնց հաւասարու-
թիւնը կամ անհաւասարութիւնը : Ահա
օրինակ մը, աս երկու գաղափարաց իրա-
րու վերաբերութիւնը կուզենք իմանալ.
այսինքն են հոգի և աննիշրականուրիւն. ա-
սոնց անմիջական առընչութիւնը չիկրնա-
լով տեսնուիլ, պէտք է երրորդ գաղափար
մը առնել, որուն հետ կարենանք բաղդա-
տել թէ հոգւոյն և թէ աննիւթականու-
թեան գաղափարը : Ուստի նոխ կը լայ ա-
սանկ . ամեն խորհող գոյացուրիւն աննիշրա-
կան է . ետքը կու դայ՝ հոգին և խորհող գոյա-
ցուրիւն . երրորդ կու դայ՝ ուրեմն հոգին և
աննիշրական գոյացուրիւն : Միջնորդ գաղա-
փարն որ առինք՝ է խորհեղու գաղափարը,
որ հոգոյն ու աննիշրականուրեան երկու գա-
ղափարներուն ալ պատշաճելով՝ զանոնք
իրարու հետ կապեց : Ամեն մարդ կը տես-
նէ որ աս գործողութեանը մէջ հողին եր-
կու գաղափարներուն մէջի վերաբերու-
թիւնը գտնելու՝ համար իրեք դատմունք ը-
րաւ . այսինքն՝ առաջին ու երկրորդ դատ-
մունքն է միջնորդ գաղափարին համեմա-

տութեան դատմունքն առանձին առանձին մէկալ երկու գաղափարներուն հետ, որոնք որ կուղէինք իրարու համեմատել. երբորդ դատումն է բովանդակութիւնը, կամ հետեւթիւնը և կամ առաջարկեալ նախադասութիւնը, այսինքն թէ հոգին է աննիշրական գոյացուրիւն. Աս այլեւայլ դատմունքները միատեղ՝ որոնցմով ան վերաբերութիւնը կը գտնուի, և ան ընդհանուր դատմունքը կըլլայ՝ որ 'ի սկզբան չէինք կրնար իմանալ, Տրամախոնուրիւն կամ խօսք կըսուի:


149. Լաւ տրամախոնելու կարողուրիւնը ո՞րն է:

Թէ որ տրամախոհութիւնը միջնորդ գաղափարներու գործակցութեամբ կը կազմուի, ու անոնցմով գաղափարաց իրարու պատշաճիլը կամ չպատշաճիլը կը գտնուի՝ որ առաջուցքացայտ չէր իմացուեր (148), կը հետեւի որ տրամախոհելու կարողութիւնն ան է՝ որ հոգին կարողութիւն ունենայ մէկէն միջնորդ գաղափարները գըտնել, որ Ապացոյց ալ կըսուին, և զանոնք իրարու յարմարցընել, ու հետեւանք հանել: Բայց բանը հոս չի լմըննար. ասկէց զատ՝ լաւ տրամախոհելու համար պէտք է որ միտքն իր տրամախոհութեան ամեն մէկ քայլափոխին պայծառ, որոշ և անմիջա-

պէս տեսնէ միջնորդ գաղափարին վերաբերութիւնն ու կապակցութիւնն ան գաղափարներուն հետ՝ որոնց որ իրարու պատշաճողութիւնը կամ անպատշաճողութիւնը ցցընել կուզէ : Իսկ թէ որ աս պայծառ, որոշ և անմիջական ըմբռնումն չըլլայ, պէտք է ուրիշ միջնորդ գաղափարներ գըտնել միջնորդ գաղափարին յարաբերութիւնը ցցընելու համար ան գաղափարներուն հետ՝ որոնց որ մէջն է մտեր . ու ամենէն ուղիղ հետեւանք մը հանելով՝ ասլացուցանել և ուղած ճշմարտութիւնը դուրս հանել : Ասկէց կերենայ որ տրամախոհութիւն մը աղէկ ու ճիշդ ըլլալու համար ու ճշմարիտ ծանօթութեան առաջնորդելու համար, ամեն աստիճան կամ ամեն դատմունք՝ որ տրամախոհութեանը մաս կըլլան, պէտք է որ ինքնաղիմի ստուգութիւն մը ունենան . անանկ որ միտքն ապահով ըլլայ, որ հարկաւոր բաներէն բան մը դուրս մնացած չէ, և ապացուցին ճշդութեանը վրայ երկբայութեան տեղիք չմնայ :

120. Գործնական օրինակ :

Մինչեւ հիմա տեսականաբար զուրցած բաներնիս գործնական օրինակով մըն ալ բացատրենք, որպէս զի աւելի պայծառ հասկըցուի : Չենք կրնար անմիջապէս ըմբռնել թէ Ք. Եռանկեան Ա. Բ. Գ. անկիւն-



ներուն ու եր-
կուց ուղիղ ան-
կեանց մէջ ինչ
կերպ յարաբե-
տ բութիւն կայ .
վասն զի իրեք

անկիւնը մէկտեղ մէկէն չենք կրնար առ-
նել և երկուց ուղղոց հետ համեմատել :
Պէտք է ուրեմն ուրիշ անկիւններ գտնել,
որոնց հետ կարենանք բաղդատել, ու
չափի տեղ գործածել զանոնք իրեք ան-
կեանց ու երկուց ուղղոց մէջը : Գիտենք
որ Գ արտաքին անկիւնը հաւասար է եր-
կուց Ա, և Բ ներքին անկեանց . ուրեմն Գ
անկիւնը ներքին Գ հասարակաց անկեանը
հետ մէկտեղ հաւասար է Ա, Բ, Գ իրեք
անկիւններուն . ապա ուրեմն Փ եռան-
կեան Ա, Բ, Գ իրեք անկիւններն երկուց
ուղղոց հաւասար են : Գիտելու է որ Ա,
Բ, Գ իրեք անկեանց երկուց ուղղոց հետ
պատշաճողութիւնն իմանալու համար իբ-
րև միջնորդ գաղափարներ առինք Գ ու Գ
անկիւնները , և անոնց հետ բաղդատե-
ցինք ու պատշաճ գուանք թէ Ա, Բ, Գ ի-
րեք անկիւններն և թէ երկու ուղիղները .
և անանկով իրարու հետ ալ պատշաճա-
կան եղան : Գարձեալ՝ առջի բաղդատու-
թիւնն եղաւ Գ արտաքին անկեան ու եր-
կու Ա ու Բ ներքին անկեանց հետ , և տե-
սանք որ իրարու կը պատշաճին , առջի դա-
տումն ըրինք : Թէ որ աս պատշաճողու-

թիւնը պայծառ, որոշ և անմիջապէս ըմբռնած չըլլայինք ուրիշ նախընթաց ապացուցի մը ուժովը որ նոյնպէս պայծառ և որոշ է, պէտք էր որ ուրիշ միջնորդ գաղափարներ փնտըռէինք, և անոնց ձեռքովը գտնէինք թէ արտաքին Դ անկիւնը ներքին Ա և Բ անկիւններուն հետ պատշաճողութիւն ունի: Երկրորդ դատումն ալ նոյնպէս է Դ ու Գ անկեանց ու Ա, Բ ու Գ իրեք անկեանց մէջ: Նոյնպէս երրորդն ալ նոյն Դ ու Գ և երկուց ուղղոց մէջ: Թէ որ բոլոր տրամախոհութեան կապը ձեւացընող այլեւոյլ դատմունքներն աս կերպով ըլլան, հետեւութիւնը կամ խնդրոյ տակ եղած նախադասութիւնն ամենայն կերպով պահանջուած ճշմարտութեան ուժը կունենայ և պատճառաբանութիւնն ալ ճիշդ կըլլայ:

121. Աղեկ տրամախոհելու կարողութիւնը
մարդ ինչպէս կրտանայ:

Տրամախոհելու կարողութիւնը բնութենէ և արուեստէ կը զօրանայ: Բայց որովհետեւ հոգեկան գործողութիւնները մարդկային մարմնոյն կազմութենէն ու հաստատուն ու հեղանիւթ նիւթերէն, որով խառնուածոց այլեւոյլ զօրութենէն շատ կախումն ունի, և անոր համար կրնանք ըսելոր տրամախոհելու կարողութիւնը դլիս-

ւորապէս մարդուս բնութենէն է : Անոր
համար որոնք որ բնութեամբ աւրուած ,
տկար ու անյարմար բանավարութիւն ու-
նին , ուսմունքը քիչ կօգնէ իրենց բանա-
վարութիւնն ուժովցընելու և շտկելու :
իսկ ընդհակառակն շատ անդամ կը տես-
նենք որ ուսմանց ամենեխն տեղեկութիւն
չունեցող մարդիկ , որ և ոչ դիտեն թէ աշ-
խարհքիս երեսը հաւաքաբանութիւն ը-
սուած անուն մը կայ , այնպէս ճիշդ ու հաս-
տատուն տրամախոհութիւններ կընեն , որ
խիստ քիչ կերևնայ այնպիսեաց վրայ ո-
րոնք տրամաբանութեան բոլոր կանոննե-
րը սորված ըլլան :

122. Արուեստն ինչպէս կօգնէ տրամախոհու-
թեան կարողութիւնն անցընելու :

Թէ որ արուեստը միանայ լաւ տրամա-
բաննելու բնութեան ձրիցը հետ , այնպէս
կանի տրամախոհնելու կարողութիւնը , որ
մեծ հանճար ըսուածներն ունին : Աս ա-
րուեստն է

Ա. Հոգւոյն ան գործողութիւնները լաւ
կառավարել որ աս կարողութիւնն աճեցը-
նելու համար հարկաւորապէս կը գործա-
ծուին : Քան զամենն առջինն է անխոնջ
մտադրութիւն ան գաղափարներուն վրայ
որ կուղենք ստանալ . այսպիսի մտադրու-
թեամբ ասոնց ամեն վերաբերութիւնները

Հասկընալով՝ իրենց պատշաճողութիւնը կամ անպատշաճութիւնը կը գտնուի։ Մը-
տադրութենէն առաջ կու գոյ դաղափար-
ներու պայծառ յիշատակութիւնը, անանկ
որ դիւրաւ կը ճանչցուին երբոր նորէն ներ-
կայանալու ըլլան. աշխոյժ երեակայութիւն
ու զօրաւոր և դիւրառու յիշողութիւն, որ
մէյմը առածն անկորուստ պահելով՝ սկզբք
եղած ատենը յիշէ մէկէն. և աս է ահա
մտաց աշխոյժը. որոշ դանազանութիւն, ո-
րով դիւրաւ կորոշէ զանոնք ու իրարու-
հետ չի շփոթեր :

Բ. Գաղափարները լաւ կարգի դնել, ա-
նանկ որ զիրար լուսաւորեն, միշտ պար-
զէն ու դիւրինէն սկսելով՝ բաղադրելոց
ու դժուարիններուն անցնիլ։ Ուստի թէ-
սկզբք երկրաչափութիւնը տրամախոհե-
լու կարողութիւնն ստանալու և աճեցընե-
լու շատ յարմար գործիք է, բայց օգուտ
մը չըներ՝ մանաւանդ թէ միտքը կը շփոթէ՝
թէ որ մէկը սկսի նախ հաստատուն մար-
մնոց դրութիւնները սորվիլ որ աւելի բա-
ղադրեալ գաղափարներ են. ու դժերու և
մակերեւոյթներու դրութիւնը զանց ընէ,
որ աւելի պարզ գաղափարներ ըլլալով՝
սկզբք է զանոնք նախ սորվիլ, որպէս զի
հաստատուն մարմնոց դրութիւնը հասկը-
ցուի :

Գ. Ոճով դրուած ու լաւ տրամախոհով
մատենագիրներու դրբեր կարդալ. վասն
զի միշտ այդովիսի դրուածքներ անզրա-

դարձութեամբ կարդալով անզգալի կեր-
սլով մարդ կըստանայ նոյն մատենագիր-
ներու տրամախոհելու ուժն ու կարողու-
թիւնն , թէ և ըստ բոլորին ալ չըլլայ՝
գոնէ ըստ մեծի մասին : Այլեայլ գի-
տութեանց վրայ աս տեսակ գըքեր չեն
պակսիր :

ԳԼՈՒԽ Բ .

ՀԱՅԱԲՍԲԱՆՈՒԹԻՒՆ ՈՒ ՀԱԻԱԲՍԲԱՆՈՒԹԵԱՆ
ԿԱՆՈՆՆԵՐԸ

123. Հաւաքարանորիւնն ինչ է :

Ինչպէս որ դատմունքը մէկ նախադա-
սութեամբ կը բացատրուի (56) , այսպէս
ու տրամախոհութիւնը շատ դատմունքնե-
րէ ձեւանալով (118) , շատ նախադասու-
թիւն ալ պէտք է որ զինքը բացատրեն :
Աս նախադասութեանց միութիւնն ու կա-
սլը որ մտաց տրամախոհութիւնը կը բա-
ցատրեն , Հաւաքարանորիւն կըսուի . և որ
և իցէ պատճառաբանութիւն ասով կը-
լայ : Հաւաքարանութիւնն իրեք նախադա-
սութիւն ունի . առջինը կըսուի մեծագոյն ,
վասն զի աւելի բազմաթիւ անհատից կըր-
նայ պատշաճիլ . երկրորդը կըսուի փոքրա-

զոյն. վասն զի ան նախադասութեանը մէջ միջնորդ գաղափարն ենթակային հետ կը միանայ, որ փոքրագոյն եղր կըսուի. Երբորդն է հետեւորիւն, որ է ան նախադասութիւնն որ ապացուցանել կուղես։ Իսկ առջի Երկու նախադասութիւնները մէկտեղ առաջարկուրիւն կամ առաջարկեալք կըսուին, հետեւութենէն առաջ դրուելնուն պատճառաւ։ **Ահա հաւաքաբանութեան օրինակ մը.**

Ամեն մարմին ծանր է,

Քարը մարմին է,

Ուրեմն քարը ծանր է։

Առջի նախադասութիւնն՝ ամեն մարմին ծանր է, մեծագոյն է, վասն զի ան նախադասութեան մէջ միջնորդ եղրը մարմին, միացած է ծանր ստորոգելոյն հետ, որ է մեծագոյն եղրը։ Երկրորդ նախադասութիւնը քարը մարմին է, փոքրագոյնն է. վասն զի հոս նոյն միջնորդ եղրը մարմին միացած է քար ենթակային հետ, որ է փոքրագոյն եղրը։ աս Երկու նախադասութիւնները քան զհետեւութիւնն՝ որ է, ուրեմն քարը ծանր է, առաջ դրուած ըլլուն համար նաև առաջարկեալք ալ կըսուին։

124. Σωταριαρχαντρικαι αιμονιρρι:

Σωταριαρχαντρικαι απαρχαρκεληπο με-
κε μηση ρητραντρι αναστραπαντρικαι
κελωνη, πε αγιο ρητραντρικαι μερη
ρωραρη μεδαφην αναστραπαντρικαι μεχ
κελωνη, πε απατριδαπην η μηδηνορη θηρη, πε
ρητραντρι φαραφιαρη μερη απιστη ρητρη, πε
απιστη ιρη μηδην ενθακαγην φαραφιαρη
ρητραντρικε. Ει δην πρη μηδηνορη θηρην κε
τροτη, ανογηνρη απετρη η απεκε ενθακαγην
αλ απατριδη. ανανηκη πρη κρηνανρη ρυελ
θετι αιμενη Σωταριαρχαντρικαι ενθακαγην
μερην απαρχαρκεληπο μεχρη κε ρητραντρι-
κηπη, ρωγη τωρετρη ρωτετρηποψη: Ανηρ Σω-
ταριαρχαντρικαι αναστραπαντρικαι διμωρητη
κεληνρη η πρη ενθακαγην πρη απαρχαρκεληπο μεχρη
θηρη δαπατημηνρη ενθακαγην: Ωπρ ορθηνακη, ρε-
ρωδη ορθηνακην μεχ φατηπημερη καμη ενθ-
ακαγηντηκαινην παρηιεση φωτηρη δανηρη, μεδαφην
αναστραπαντρικαι μεχρη κε ρητραντρικηπη,
αιμενη μαριμην δανηρη η. προψηετη μαρ-
μηηη ρητραντρι φαραφιαρην μεχρη κε απα-
ρητηνακηπη φωτηρην φαραφιαρην αλ. περειμη
ρυεληρη θετι αιμενη μαριμην δανηρη η, πε φωτηρη
δανηρη η ανογην φατηπημη η, ρωγη αγηληαγη
ρωτετρηποψη ρωγηατρηπηδη:

125. Ξωμαρμαριανούρκαιαν կանոնները :

Թէ որ հաւաքաբանութեան հիմունքն
աս դրինք որ հետեւութիւնը առաջարկե-
լոց մէջի դատմանը հետ նոյն ըլլայ (124),
և աս նոյնութիւնը չի կրնար ըլլալ՝ ին-
չուան որ ենթակային մասնաւոր գաղա-
փարը միջնորդ եղրին ընդհանուր գաղա-
փարին մէջ չըովանդակուի, ապա աս հաս-
տատուն սկզբունքէն հետեւեալ կանոն-
ներն առաջ կու գան, որ սովորաբար հա-
ւաքաբանութեանց կը տրուին :

126. Կանոն Ա.

Միջնորդ եզրը գոնէ մի անգամ պկոք է որ
ընդհանուր մտքով առնուի. վասն զի պէտք
է որ զենթական իր մէջը պարունակէ. և
աս չի կրնար ըլլալ՝ մինչեւ որ ընդհանուր
չըլլայ: Անոր համար հետեւեալ հաւաքա-
բանութիւնը սուտ է.

Մարդ համեստ է.

Մարդ մը առազակ է.

Ուրեմն առազակ մը համեստ է:

Հոս առաջարկեալք ճշմարիտ ալ ըլլան,
բայց հետեւութիւնը սուտ է. վասն զի մե-
ծագունին ու փոքրագունին մէջ մարդ բա-
ռը մասնաւոր գաղափար ըլլալով մարդ-

կանց այլեւայլ յատկութիւնները կը բացաբռէ, ու մէկին գաղափարը մեկալին մէջը չի պարունակիր։ Համեստ մարդու գավափարն աւազակ մարդու գաղափարը չի բովանդակեր. ուստի աւազակին գաղափարն ալ համեստի գաղափարին չի պատշաճիր։

127. Կանոն Բ.

Նախադասուրեան քառերև առաջարկելոց մէջ պետք է առելի ընդհանուր ըլլան քան թէ հետևուրեան մէջը։ Ասոր պատճառն է հաւաքաբանութեան հիմը (124), որ հետեւութիւնն առաջարկելոց մէջը սկզբ է որ պարունակուի. անոր համար սխալ է ըսելը։

Ամեն քառակորսի չորս հաշասար կողմ ունի ու չորս ուղիղ անկիւն։

Խսկ արդ ամեն քառակորսի ձեւ է։

Ուրեմն ամեն ձեւ չորս հաշասար կողմ ունի ու չորս ուղիղ անկիւն։

Վասն զի ձեւ բառը հետեւութեան մէջ աւելի ընդհանուր է քան թէ քառակորսի բառն առաջարկելոց մէջ։

128. Կանոն Գ.

Երկու Ժխտողական առաջարկութիւններէ ամենին հետևուրիւն չեղեր։ Ժխտողական

նախադասութեանց մէջ թէ ենթական և
թէ ստորոգեալը միջնորդ եղբէն կը մեր-
ժուին . իսկ արդ թէ որ երկու քան երրորդ
քանի մը չեն պատշաճիր , չըլլար հետեւցը-
նել թէ իրարու կը պատշաճին կամ չեն
պատշաճիր : Որովհետեւ երկու քանի մե-
ծութիւնը կրնայ երրորդ քանի մը հաւա-
սար չըլլալ , բայց իրարու հաւասար ըլլալ :
Օրինակի համար՝ քառակուսին եռանկիւնի
չէ , և ոչ բոլորակը եռանկիւնի է , հետեւ-
ցընել չըլլար՝ թէ քառակուսին բոլորակ
է կամ չէ : Դարձեալ՝ այսպիսի հաւաքա-
քանութեանց մէջ կապ չըլլար , և անով
հաւաքաքանութեան հիմը կը պակսի . այս-
ինքն՝ հետեւութեան մէջի դատումն երկու
առաջարկելոց մէկուն մէջը բացատրուած
չէ (124) :

129. Կանոն Դ .

Երկու հաստատական ևախադասուրիւններէ
Ժխտողական հետեւուրիւն հանել չըլլար : Պատ-
ճառն աս է որ թէ ենթական և թէ ստո-
րոգեալը միջնորդ եղբին պատշաճելով
հարկաւ պէտք է որ իրարու ալ պատշա-
ճին : Եւ Ժխտողական հետեւութեան մէջի
դատումը , հաստատական առաջարկու-
թեանց մէկուն մէջը չի կրնար բովանդա-
կուիլ . և ասով հաւաքաքանութեան հի-
մունքը չի մնար (124) :

130. Կանոն Եւ Զ .

Թէ որ առաջարկելոց մէկը մասնաւոր է , հետևորիւնը մասնաւոր կը լլայ . դարձեալք որ ժխտողական է , հետևորիւնն ալ ժխտողական կը լլայ : Առջի կանոնին պատճառն է . որովհետեւ հետեւութիւնը՝ առաջարկելոց մէջը պիտի բովանդակուի (124) , ուրեմն առաջարկութիւններէն եւել ընդարձակութիւն չի կրնար ունենալ : Երկրորդ կանոնին պատճառն ալ աս է , որ եթէ առաջարկելոց մէկը՝ այսինքն ենթական կամ ստորոգեալը միջնորդ եղրին պատշաճի ու մէկալը չպատշաճի , և ոչ իրարուկը պատշաճին : Աս երկու կանոններուն մէկտեղ օրինակ մը դնենք .

Ամեն խոհուն եակ մատնեք շունի :

Մարդկային հոգին խոհուն եակ է .

Ուրիսմն մարդկային հոգին մատնեք շունի : Յայտնի կերևնայ որ հետեւութիւնը մասնաւոր է և միանդամայն ժխտողական . վասն զի փոքրագոյն նախադասութիւնը՝ մարդկային հոգին խոհուն եակ է՝ մասնաւոր է , մեծագոյնն ալ ժխտողական :

131. Կանոն է .

Երկու մասնաւոր նախադատորիններէ հետևորիւն մը չեղեր : Որովհետեւ հաւաքաբանութեան առաջին կանոնն է (426) որ գոնէ անգամ մը միջնորդ եզրը պէտք է ընդհանուր առնել , որպէս զի հետեւթեան մէջն եղած դատումն առաջարկելոց մէջը բովանդակուի (124) . արդ ինչ պէս երկու մասնաւոր նախադատութեանց մէջ միջնորդ եզրը կրնայ ընդհանուր առնուած ըլլալ : Ասկէց զատ՝ ինչ որ երկու կամ աւելի շատ մասնաւոր առարկայից վրայ կը զուրցուի , անոնց մէտարբեր ուրիշ մասնաւոր առարկայի մը վրայ չի հետեւիր զուրցել : Զոր օրինակ , որովհետեւ Պօղոսը գիտուն է , Պետրոսը գիտուն է , չըլլար հետեւցընել թէ Անտոնն ալ գիտուն կամ տղէտ է :

Ասոնք են հաւաքաբանութեան գլխաւոր կանոնները , որոնք թէ որ մարդ լաւ հասկընայ ու լաւ գործածէ , բաւական են աղէկ հաւաքաբանութիւն ընելու : Մէկն որ հաւաքաբանութեանց ձեւերուն , կերպերուն և ուրիշ յատկութեանցը վրայ աւելի բան ուզէ գիտնալ , կրնայ գտնել անմատենագրաց մէջ որ հաւաքաբանական արուեստին վրայ ընդարձակ խօսած են , և ումանց օգտակար կերենայ առ տեսակ գրուածքներ կարդալ բանավարութիւնը կրթելու համար :

Գ. Ա. ՈՒ Խ. Գ.

ՊԱՏՃԱՌԱԲԱՆՈՒԹԵԱՆ ԱՅԼԵՒԱՑԻ ԿԵՐՊԵՐԸ

132. Քանի տեսակ պատճառարանորիւններ
կան:

Ինչպէս որ միտքը արամախոհելու ա-
տեն այլեայլ կերպով կը կարգաւորէ դատ-
մունքներն ու միջնորդ գաղափարները,
որոնցմով ճշմարտութիւնը կը փնտըռուի
և կը զտնուի, նոյնպէս այլեայլ կերպե-
րով կը բացատրէ իր պատճառաբանու-
թիւնները։ Ասոր համար հաւաքաբանու-
թենէ զատ պատճառաբանութեան այլ-
եայլ տեսակներ կան. բայց հաւաքաբա-
նութիւնն անոնց մէջն ալ կը բովանդա-
կուի, և բոլորն ալ հաւաքաբանութիւն
կընայ ըլլալ։

133. Եզառած :

Պատճառաբանութեան առջի կերպը
Եզառածն է, որ նաև Հնարք ըսուեցաւ։
Աս պատճառաբանութեան մէջ նախադա-
ստթիւն մը զանց կառնուի իրու ինքնին

քաջայայտ . անոր համար կրամա հաշաբա-
բանութիւն ալ կըսուի : Զոր օրինակ , Մարդ
ես , ուրեմն մահկանացու ես . աս պատճա-
ռաբանութեան մէջ մեծագոյնը լուած է ,
և հաւաքաբանութիւնն ամբողջ չէ , որ
բուն ասանկ պիտի ըլլար . Ամեն մարդ մահ-
կանացու է . իսկ արդ դու մարդ ես . ուրեմն
մահկանացու ես : Դարձեալ ուրիշ օրինակ
մը . Գերազոյն բարին պէտք է սիրել . ուրեմն
զԱստուած պէտք է սիրել . ասոր մէջ փո-
քրագոյնը չկայ , որով այսպէս պիտի ը-
սուէր . Գերազոյն բարին պէտք է սիրել . իսկ
արդ Աստուած զերազոյն բարի է . ուրեմն
զԱստուած պէտք է սիրել :

134. Երկայրաբանութիւն :

Պատճառաբանութեան երկրորդ կերպն
է Երկայրաբանութիւնը : Բաղադրեալ է աս
պատճառաբանութիւնը . ու բոլորին մա-
սունքն իրարմէ բաժնելէն ետեւ , բոլորին
վրայ ան կը հետեցընենք , ինչ որ մասան-
ցը վրայ հետեցուցած է : Անոր համար
Երկայրի՝ երկրերանեան ըսուեցաւ , և նաև
Եղերացոր պատճառաբանութիւն ալ կըսուի ,
որ ամեն կողմանէ հակառակորդը կը մի-
րաւորէ : Զոր օրինակ , ճշմարտութիւնն ի-
մանալու համար , երդում պահանջելուն
անօդուտ ըլլալն աս կերպով կընայ ցու-
ցուիլ :

Երդումը կամ բարի մարդե կը պահանջուի
կամ ամբարիշտ մարդե .

Թէ որ բարի մարդե , երդումն անօգուտ է .
վասն զի բարի մարդն առանց երդման
ալ ձշմարտորիւնը կրուե . մանաւանդ քե
երդումն իրեն անիրաւորիւն կր սեպէ .

Թէ երդումն ամբարիշտ մարդե պահան-
ջուի , ան ալ անօգուտ է . վասն զի սուերդ-
մնորիւնը բանի տեղ չի դներ , բաւա-
կան է որ իրեն շահին յարմար գայ .

Ուրեմն քե մեկ կողմանէ և քե մեկալ կող-
մանէ երդումն անօգուտ է :

Երկսայրաբանութեան կանոններն ա-
սոնք են . ա . Ամբողջը պէտք է ճիշդ իր
մասանցը վրայ բաժնել . որպէս զի չըլլայ
թէ բան մը գուրս մնայ , որով պատճա-
ռաբանութեան ուժը տկարանայ : թ . Հե-
տեռթիւնները պէտք է որ իւրաքանչիւր
մասանցը հետ հարկաւոր կապակցութիւն
ունենան : գ . Չըլլայ թէ մէկն երկսայրա-
բանութիւնը գործածողին դէմ կարենայ
դարձընել : Փիլիսոփայ մը կըսէր . Պէտք
չէ կարգուիլ . վասն զի առած կնիկդ կամ գե-
ղեցիկ է կամ տգեղ . քե որ գեղեցիկ է , նա-
խանձ կը շարժէ . քե որ տգեղ է , տհաձորիւն .
ուրեմն քե մեկն ըլլայ քե մեկալը , պէտք չէ
կարգուիլ : Աս երկսայրաբանութիւնը ա-
մեն կողմանէ պակասաւոր է : ա . Բաժան-
մունքը ճիշդ չէ . վասն զի կրնայ այնպիսի
կնիկ ըլլալ որ ոչ այնչափ գեղեցիկ ըլլայ՝
որ նախանձ շարժէ , և ոչ այնչափ տգեղ՝

որ տհաճութիւն բերէ : թ. իւրաքանչիւր
մասին հետեւութիւնը հարկաւոր չէ . վասն
զի կնիկ մը կրնայ գեղեցիկ ըլլալ , և միան-
գամայն այնչափ զգուշաւոր ու առաքինի ,
որ նախանձու պատճառ չըլլայ . կամ կրնայ
տգեղ ըլլալ , բայց իրեն խելքին ու բա-
րուցը պատճառաւ հաճոյական : զ . Երի-
տասարդն որ Փիլիսոփային խորհուրդ էր
հարցուցեր , երկսայրաբանութիւնը նոյն
կերպով իրեն դէմ դարձուց ու ըստ .
Թէ որ զեղեցիկ կնիկ մը առնեմ , անիկայ ա-
մենուն սիրելի ըլլալովն և երջանիկ կըլլամ .
իսկ թէ որ տգեղ ըլլայ , դարձեալ երջանիկ
կըլլամ սիրոս հանգիստ մնալով որ մեկն ա-
նոր համեստուրեանը դարան չի դարեր . ո-
րեմն ինչ որ ալ ըլլայ երջանիկ պիտի ըլլամ :
Փիլիսոփան ալ ան ատեն վրայ բերաւ .
« Ով որ գոհ է , երջանիկ է » :

135. Համարարդուրիւն :

Երբեմն նախադասութեան մը մէջ ստո-
րոգելոյն ու ենթակային իրարու վերաբե-
րութիւնը գտնելու համար՝ բաւական չըլ-
լար մէկ միջնորդ եղր մը , հապա երկու ի-
րեք պէտք կըլլայ . և թէ որ անոնք ալ չի-
բաւեն՝ ալ աւելի , մինչեւ որ այնպիսի միջ-
նորդ եղր մը գտնուի որ ասլացուցանելու
նախադասութեան ենթակայն ու ստորո-
դելոյն իրարու հետ վերաբերութիւնը

յայտնի ընէ : Այսպիսի պատճառաբանութեան մէջ, որ Հանարարդուրիւն կըսուի, միջնորդ եղբը շատ ըլլալով նախադասութիւններն ալ շատ կըլլան . և առջի նախադասութեան ստորոգելին՝ երկրորդ նախադասութեան ենթական կըլլայ. երկրորդ նախադասութեան ենթական կըլլայ. երրորդ նախադասութեան ենթական . երրորդին ստորոգելին, չորրորդին ենթակայ . մինչեւ որ առջի նախադասութեան ենթական վերջի նախադասութեան ստորոգելւոյն հետ միանայ, և ան կըլլայ բոլոր պատճառաբանութեանը հետեւութիւնը : Օրինակի համար այսպիսի համաբարդութեամբ մը կապացուցանենք թէ ադահը թշուառ է .

Ազահը շատ բանի կը փախարի .

Ով որ շատ բանի կը փախարի, շատ բանի կարօտուրիւնն ունի .

Ով որ շատ բանի կարօտուրիւնն ունի, բշշուառ է .

Ուրեմն ազահը բշշուառ է :

Աս համաբարդութեան մէջ երկու միջնորդ եղբ կայ, այսինքն փախաք, որ ադահութեան կը պատշաճի, ու կարօտուրիւնն, որ փախաքին կը պատշաճի . և ասոնցմով է որ բշշուառ ստորոգելին ազահ ենթակային հետ կը կապուի : Համաբարդութիւնը ճիշդու զօրաւոր ըլլալու համար հարկաւոր է որ զայն բաղադրող նախադասութիւններն իրարու հետ լաւ կապակցութիւն ունենան, և մէկ նախադասութիւնը զմէկալը բացա-

արէ . ապա թէ ոչ՝ մասնաւոր նախագաւութիւններ կըլլան , և յինքեանս չեն բռվանդակեր հետեւթիւնը : Անոր համար սկզբ չէ հետ զհետէ անզգալի կերպով բան աւելցընել կամ պակսեցընել . ապա թէ ոչ՝ ստոյգ երեցած սկզբունքներէ ստութիւն կը հետեւի : Աս կերպով թեմիստոկղէս կուղէր ապացուցանել թէ իր պղտի տղան բոլոր աշխարհիս կը հրամայէ՝ աս վրիպական համաբարդութեամբ .

Իմ որդիս իր մօրը կը հրամայէ .

Իր մայրն ալ ինձի կը հրամայէ .

Ես Յունաստանի .

Յունաստան Ասիոյ .

Ասիա բոլոր աշխարհին .

Ուրեմն իմ որդիս բոլոր աշխարհին կը հրամայէ :

Տարակոյս չկայ աս համաբարդութեան ստութեանը վրայ , վասն զի նախագաւութեանց մէջ կարեւոր կապակցութիւն չկայ , և դարձեալ ամեն մէկ նախագաւութիւնն իր նախընթացէն աւելի ընդարձակ է . ու հետզհետէ այնչափ յաւելուածներ կան , որ հետեւթիւնը շատ աւելի ընդարձակ եղած է քան զառաջարկեալները :

136. Փաստորդ :

Փաստորդն այնպիսի հաւաքարանութիւն մըն է որ առաջարկելոց մէկուն կամ

Երկուքին ալ ապացոյցը հետը կաւելցուի
երկբայական կամ անստոյգ սեպելով։ Առ
պատճառաբանութիւնն աւելի ճարտասա-
նական է քան թէ փիլիսոփայական։ Կե-
կերոնին Միլոնի ջատագովութեան բոլոր
ճառն աս տեսակ պատճառաբանութիւն
կրնայ ըսուիլ. և մեծագոյն նախադասու-
թիւնն աս է թէ Ով որ մեր կենացը կը դա-
րանի, արժան է սպաննել զանիկայ. և աս մե-
ծագոյն նախադասութիւնը կը հաստատէ
բնական օրինօք, իրաւամբք ազգաց ու այլ-
ևայլ օրինակներով. իսկ արդ կղօղիոս դա-
րաննեցաւ Միլոնի կենացը. աս է փոքրագոյն
նախադասութիւնը, որուն հաստատու-
թեանն ապացոյց կը բերէ կղօղիոսի հետ
եղած զինեալ մարդիկները, հագուստին
կերպը, տեղն և ուրիշ պարագաները, ո-
րոնք բոլոր կղօղիոսի չար դիտաւորութիւ-
նը կը յայտնէին. ուրեմն արժան էր որ կղօ-
ղիոս Միլոննե սպաննուէր։

137. Մակածուրիւն։

Մակածութիւնն այնպիսի պատճառա-
բանութիւն մըն է, որ շատ մասնաւոր ճըշ-
մարտութեանց ծանօթութենէ ընդհանուր
ճշմարտութեան մը ծանօթութեան կել-
լենք։ Զոր օրինակ, տեսնելով որ ամէն
մասնաւոր մարմին ծանրութիւն ունին, կը
հետեւցընենք թէ ամէն մարմին ծանը է։

Ամէն զիտութիւն մասնաւոր ճշմարտութիւններէ ձևացած ու զարգացած է, և անոնցմէ ալ ընդհանուր սկզբունքներ ելած են. արդ եթէ ատ մասնաւոր ճշմարտութիւններն իրարու համասսեռ են, և մէկիկ մէկիկ քննուին ու անաչառապէս ապացուցուին, մակածութիւնը փիլիսոփայական կըսուի, ու շատ զօրաւոր կըլլայ. բայց թէ որ մէկիկ մէկիկ ճիշդ չքննուին, մակածութիւնը ձարտասանական կըսուի. և առ կերպ մակածութիւնն աւելի ճառի մը զարդ կըլլայ քան թէ ճշմարտութեան մը ապացոյց. մանաւանդ որ երբեմն սուտ ալ կրնայ ըլլալ կամ առանց աղդեցութեան: Թէ որ ստորոգելի մը ենթակային հարկաւ պատշաճի, ցցընելու համար թէ ուրիշ ամէն համարուն ենթակայից ալ կը պատշաճի, հարկ չէ ամէնքն ալ մէկիկ մէկիկ համրել, հապա բաւական է ցցընել թէ մէկին յատկութիւնն է: Զոր օրինակ, թէ որ բոլորակի մը ամէն շառաւիղներն իրարու հաւասար են, կրնամ հետեցընել՝ թէ աս յատկութիւնն առ հասարակ ամէն բոլորակի սեփական է:

138. Յարացոյց :

Պատճառաբանութեան ետքի կերպը Յարացոյցն է, որ բանաստեղծից ու ճարտասանից սովորական է: Աս պատճառա-

բանոթիւնը մէկ մասնաւոր ճշմարտութենէ մը ուրիշ մասնաւոր կամ ընդհանուր ճշմարտութիւն կը հանէ : Չոր օրինակ Պոմպեոս քեսակտեա վորձ ու քաջ զօրապետ էր, բայց Ալեարկեն յաղրուեցաւ . ուրեմն Անտոնիոս ալ կամ ո և իցեւ ուրիշ զօրապետ կը բնայ իր բշնամիկեն յաղրուիլ : Բայց պէտք է դիտել որ բանի մը կարելիութիւնը ցցընելու համար յարացուցէ առնուած պատճառաբանութիւնը շատ ուժ կունենայ, բաւական է որ նոր պարագաներ չըլլան որ կարելիութեանը գէմ ելլեն : Իսկ թէ որ բուն գործքին կողմանէ մտածուի, յարացոյցն ամենենին ուժ չունենար . որովհետեւ մտսնաւոր ճշմարտութենէ մը ուրիշ մասնաւոր ճշմարտութիւն մը հետեւցընել չըլլար, թող թէ ընդհանուր : Ուստի սուտ պատճառաբանութիւն կըլլար թէ որ մէկն ըսէր : Պոմպեոս Ալեարկեն յաղրուեցաւ . ուրեմն Անտոնիոս ալ պէտք է որ Հոկտաւիանուկեն յաղրուի : Գարձեալ ան պարագաները՝ որոնցմով կըլլոյ բաղդատութիւնը, պէտք է որ նման ըլլան . ապա թէ ոչ պատճառաբանութիւնը բանը չափացուցաներ, հասլա շատ շատ ճշմարտութեանը լոյս մը կու տայ : Չոր օրինակ,

Արագես բովիք զաղու ուկոյ մերկանան,

Նոյնագես վիշտք զնենազմու բարեկամ :

Աս բաղդատութիւնը լոյս կու տայ իմաստին, չէ թէ կապացուցանէ . վասն զի առջինը բնական ճշմարտութիւն մըն է

անվրիսլելի . բայց երկրորդը բարոյական՝
որ կրնայ վրիսլիլ :

ԳԼՈՒԽ Դ .

Ի Մ Ա Ս Տ Ա Կ Ո Ւ Թ Ի Ի Ն Վ

439. Իմաստակուրիւնն ինչ է :

Ան պատճառաբանութիւնն որ ըստ կա-
նոնի չէ , ու խարէտկան է , իմաստակու-
րիւն կըսուի : Ուրեմն իմաստակուրիւնը այն-
պիսի պատճառաբանուրիւն մըն է , որ առու-
րիւնը կիմանանք , բայց մտաց տեսուրեանը
առջև մռայլ մը գալով չենք կրնար իմանալ ու
ըսնել թէ ինչեն խարէտկան է : Իմաստակու-
թիւնը շատ կերպ կըլլայ . բայց հոս գլխա-
ւորները միայն նշանակենք . վասն զի մնա-
ցածներն այնպէս ոյլանդակ են , որ իմա-
նալու համար շատ աշխատանք պէտք չէ .
անոր համար աւելորդ է հոս նշանակելը :

440. Ա . Իմաստակուրիւն . — Բառից երկդի-
մուրիւն կամ երկխօսուրիւն :

Թէ որ մի և նոյն պատճառաբանութեան

այլ և այլ նախադասութեանցը մէջ մի և
նոյն բառին այլ և այլ նշանակութիւններ
տրուին, աս տեսակ իմաստակութիւնն
Երկղիմուրիւն բառից կամ Երկիխօսուրիւն կը-
սուի, զոր տրամաբանը Քերականական
խարեւորիւն կանուանեն։ Չոր օրինակ,

Երկինքը համաստեղուրիւն մը կայ՝ որ քնար
կլսուի

Խսկ քնարն անուշ ձայն կը հանէ.

Ուրեմն երկինքը համաստեղուրիւն մը կայ՝
որ անուշ ձայն կը հանէ։

Աս պատճառաբանութեան ստութիւնն
առաջ կու գայ քնար բառին Երկղիմութե-
նէն. որ առջի նախադասութեան մէջ համ-
աստեղութեանը տեղ կառնուի, Երկրորդ
նախադասութեան մէջ Երաժշտական գոր-
ծիքի տեղ։

141. Բ. Իմաստակուրիւն. — Տղիտուրիւն նիւրոյն։

Իմաստակութեան Երկրորդ տեսակն է
Տղիտուրիւն նիւրոյն ըսուածը, այսինքն
պատճառաբանութեան կամ ենթակային
տգիտութիւնը։ Աս խարէութեան մէջ
կիյնայ մարդ Երբոր խնդրոյն բուն նիւթը
չղիտնալով կամ չղիտնալ ձեացընելով
այնպիսի բան մը կապացուցանէ կամ կը
հերքէ, որ բոլորովին վիճաբանութեան
նիւթէն օտար է։ Եւ աս շատ անգամ կը

Հանդիսի վիճաբանութեանց , կենակցութեանց ու քաղաքական գործառնութեանց մէջ : Օրինակի համար , թէ որ խնդրոյն ենթական է գիտնալթէ արդեօք եղած մարդասալանութիւնը Պօղոսին ձեռքով եղեր է թէ չէ , ելլէ մէկն սկսի անոր աղնուական ցեղէ ըլլալը հաստատել ու ապացուցանել :

442 . Գ . Խմաստակուրիւն . — Զեղծումն սկզբան :

Թէ որ ան բանն որ խնդրոյ տակ է , և ապացուցութիւն կը պահանջէ , իբրև ստոյգ ենթադրուի . կամ թէ որ վէճի տակ եղած բանը՝ տարբեր բառերով կրկնուի , այսպիսի խմաստակութիւնը Զեղծումն սկզբան կըսուի : Չոր օրինակ , մէկն ուղելով ապացուցանել թէ Բոցլրերեկ , պատճառ . վասն զի ծանրուրիւն շունի . իբրև ստոյգ կենթադրէ ան բանն որ պիտի ապացուցանէր , ու տարբեր բառերով նոյն բանը կըսէ . վասն զի ծանրութիւն շունենալն է ապացուցանելու նախադասութիւնը : Ինչու ափիտնը բուն կը բերէ . պատասխան տայ մէկը , վասն զի քնարեր զօրուրիւն մը ունի . քուն բերելնու քնարեր զօրութիւն ունենալը մի և նոյն բանն է : ուստի պատասխանը հարցմանը հետնոյն ըլլալով , մարդ նոր բան մը չի սորմիր : Զեղծման սկզբանը

նման է Յոռի շրջան ըսուած իմաստակութիւնն ալ։ Աս տեսակ իմաստակութիւնը նախ կենթադրէ թէ ստոյգ է ան բանն որ պէտք է ապացուցանել . ետքն ինչ որ ենթադրեց նէ , կը հաստատէ թէ արդէն ապացուցուած է։ Այսպիսի շրջանի իմաստակութեան մէջ կիյնայ թէ որ Աստուծոյ գոյութիւնը ցցընել ուղենայ մէկը հաւատքով . ու հաւատքին ճշմարտութիւնն ալ աստուածային յայտնութեամբ :

143. Դ . Իմաստակուրիւն . — Սուտ և ներադրուրիւն :

Շատ անգամ մարդ կը տաղնասի երեսոյթ մը կամ գործք մը ապացուցանելու և անոր պատճառը տալու՝ բայց առանց քննելու նախ թէ արդեօք ան երեսոյթը կամ գործքն իրաւցընէ հանդիպե՞ր է թէ չէ . ուստի այդպէս երբոր մէկը սուտը ճշմարիտ բանի տեղ դնելով սկսի ապացոյց փնտռել , Սուտ և ներադրուրիւն ըսուած իմաստակութեան մէջ կիյնայ , ու սուտ թեան մը ուրիշ սուտթեամբ պատճառ կը տրուի : Ինչպէս թէ որ մէկն աշխատի իմանալութէ ինչպէս փիւնիկ թոշունը հարիւր տարիէն ետև իր մոխիրէն նորէն կը կենդանանայ , սուտ ենթադրութեան մը վրայ աշխատած կըլլայ . վասն զի այդպիսի փիւնիկ թոշուն մը եղած չէ , անանկ որ

ինչ սլատճառներ ալ մէկը բերէ , բոլորն
ալ սուտ է , ինչպէս որ սուտ է գործքը :

144. Ե . Խմաստակորիւն . — Ոչ պատճառ
փոխանակ պատճառի :

Անձնասիրութեան դժուարին է իր տգի-
տութիւնը խոստովանիլ , անոր համար շատ
անգամ գործքի մը ճշմարիտ պատճառը
չգիտնալով , աւելի յանձ կառնենք մեծա-
մեծ սխալմանց մեջ իյնալ ծուռ պատճառ
մը տալով .քան թէ տգիտութիւնը խոստո-
վանիլ պարզաբար չեմ զիտեր թէ առ բանն
ինչպէս կը լայըսելով : Արդ աս իմաստակու-
թիւնը կըսուի Ոչ պատճառ փոխանակ պատ-
ճառի : Պերիպատետիկեանք աեսնելով որ
օդը պարզած սիփոնի մէջ ջուրը վեր կել-
լէ , կըսէին թէ բնութիւնը դատարկութենէ
կը խորշի . ոչ պատճառ փոխանակ պատճառի .
վասն զի ճշմարիտ պատճառն է որ դրսի
օդը ջրին երեսը ճնշելով զանիկայ պա-
րապ սիփոնին մէջէն վեր կը հրէ : Աս ի-
մաստակութեան տակը կիյնայ ան ալ որ
կըսեն . որովհետեւ այս , որեւմն վասն այսո-
րիկ , կամ թէ յետ այտրիկ , ապա վասն այ-
տրիկ : Լուսնի ծննդեան անձրեւ եկաւ , ու
բոլոր ան միջոցն անձրեւոտ եղաւ , ուրեմն
լուսնի ծնունդն եղաւ պատճառ . որովհետեւ
այս , որեւմն վասն այտրիկ : Մէկը մէկալին
խաղ խաղալու ատենը քովը կը նստի կը

նայի. յաղթութիւնը կամկորուստն անոր
աղէկ կամ զէշ աղդեցութեանը կը տրուի.
որովհիետե այս, ապա վասն այսորիկ: Գիսա-
ւոր մը կերենայ, ետքը սով ժանտախտ
կամ մեծամեծաց մահ կը հանդիպի. ու-
րեմն ան գժբաղդութեանցը գիսաւորն ե-
ղաւ պատճառ. յետ այսորիկ, ապա վասն
այսորիկ. անմի՛տ պատճառաբանութիւն:
Լաւ չէ որ մարդիրաց ճշմարիտ պատճառը
փնտըռէ, ու երբոր չգտնէ՝ իր տգիտու-
թիւնը խոստովանի: Բայց հնացեալ նա-
խապաշարմունք, ու ամկական մոլորութիւն-
ներ, անձնասիրութիւն այդպէս շատ ան-
դամ ներհակն ընել կու տան: Երբեմն ալ
կը հանդիպի որքանի մը դիպուածներ այն-
պէս կը յարմարին ու իրարու կը կապակ-
ցին, որ թէպէտ իրարմէ կախմունք չու-
նին, բայց աչալուրջու զգուշաւոր մարդիկ
ալ կրնան խաբուիլ: Օրինակի համար, թէ
որ մէկն սպաննուած ընկած ըլլայ, ու նոյն
ատենը քիչ մը հեռու ուրիշ մը գտնուի
ձեռքն արիւնոտ թրով, մէկէն կը հետե-
ցընեն թէ ինքն է սպաննողը, բայց կրնայ
ըլլալ որ ինքն սպաննած չըլլայ. սակայն
կըսուի՝ որովհիետե այս, ապա վասն այսորիկ:

145. 2. Խմաստակորիւն. — Անկատար
րուարկորիւն:

թէ որ մարդ անզգոյշ չըլլայ և լաւքնէ
8*

ան սլատառներն ուսկից բան պիտի հետեւցընէ, գուցէ այնչափ շատ չիյնար ան իմաստակութեանմէջ որ Անկատար րուարկուրիւն կըսուի։ Երբոր մարդ բանի մը հանգիպելուն քանի մը կերպ միայն գիտնայ, կը համարի թէ ալ ուրիշ կերպ չկայ. ու սանկով չինայիր թէ ան բանին բունպատճառը որն է։ Կըսուի թէ առ հիւանդը մինչեւ որ հրաշք մը չըլլայ՝ չի կրնար բժշկուիլ բայց կրնայ ըլլալ որ ուրիշ բնական պատճառներով բժշկուի, առանց դերբնական ճամբու։ Բանի մը պատճառն որոշելէն առաջ սլէտք է լաւ քննել թէ արդեօք ըստ ինքեան կրնայ մարդ գիտնալանամէն կերպերն որ ան բանը կարենան հանգիպցընել. չէ թէ յանդգնաբար հետեւցընել թէ ատ բանն ուրիշ կերպով հանգիպելու ճամբը չկայ բաց ՚ի ծանուցեալ կերպէն։

146. Ե. Իմաստակուրիւն. — Խարեւուրիւն
ոչ արձակարար ասացելոյն։

Թէ որ բան մը պատճառու մը ճշմարիտ ըլլայ կամ հանգիսի, հետեւցընելը թէ բացարձակալէս ճշմարիտ է կամ կը հանգիպի. և կամ թէ դարձեալ՝ ան բանն որ մասնաւոր պարագայի մէջ ճշմարիտ է, հետեւցընելը թէ ընդհանրապէս ճշմարիտ է, ան իմաստակութիւնը կըլլայ՝ որ դպրոցներուն մէջ կը կոչուի՝ Յասացելոյն պայմանարար

առ ասացեալն արձակաբար: Աղջի մը կա-
ռավարութեան կերպին, կրօնքին, կլիմայ-
ին, սովորութեանցը, բնակչաց բնաւորու-
թեանն և ուրիշ պարագաներուն պատճա-
ռաւ՝ իրեն օրէնքները լաւ յարմարած է ի-
րեն, և զինքը բարեկարգութեան մէջ կը
պահեն. ուրեմն ասկէ չի հետեիր թէ նոյն
օրէնքներովուրիշ ամէնազգերալնոյնպէս
բարեկարգ պահուին: Կրնայ ըլլալ որ ան
օրէնքներն որ քանի մը տեսութեամբ ժո-
ղովրդեան մը համար աղէկեն, ուրիշ պա-
րագայից մէջ գտնուած ժողովրդեան վեա-
սակար ըլլան: Աղջի մը մէջ նոր սովորու-
թիւն մը մտած է որ ան աղջին պատշաճա-
կան և դիւրինէ. ուրեմն նոյն սովորութիւնն
ուրիշ ամէն տեղ ալ կրնայ իբրև աղէկըն-
դունելի ըլլալ: Աս տեսակ իմաստակու-
թիւնը սլատճառաբանութեան երկրորդ-
կանոնին դէմ կելլէ. այսինքն հետեանքն ա-
ռաջարկեալներէնաւելի ընդարձակ կըլլայ:

147. Ը. Իմաստակուրիւն. — Խարեւորիւն
դիպաց:

Տղիտութիւնը, յանդգնութիւնը, շատ
անգամ ալ չարութիւնը պատճառ կըլլան
որ այնպիսի բանէ մը որ դիպուածով մը
հանդիպած է՝ բացարձակ ու ընդհանուր
հետեանքներ հանուի. աս տեսակ իմաս-
տակութիւնը խարեւորիւն դիպաց կըսուի:

ԽԵՂԾ մարդ մը տղիտութեամբ կամ յան-
կարծ գտնուելով և կամ ուրիշ դիպուա-
ծով մը անպատշաճ գործք մը ըրեր է. չա-
րութիւնը մէկէնիմէկ անխելքի կամ չա-
րագործի յատկութիւն կուտայ խեղծ մար-
դուն: Երբեմն սրբազան բաներու մէջ ալ
աս անկարգութիւնը կը մտնէ, որ ամենայն
կերպով զգուշալի են: Տգէտ ու այլանդակ
բժիշկ մը փոխանակ ողջացընելու, ալ ա-
ւելի կը զայրացընէ հիւանդութիւնը և ին-
չուան նաև կըսպաննէ. ուրեմն բժշկութիւ-
նը գէշ բան է հետեւցընելն՝ անմտութիւն
չէ նէ՝ ինչ է: Աս իմաստակութիւնը առջի
գլխուն մէջ յիշածին պէս պատճառաբա-
նութեան երկրորդ կանոնին դէմ վրի-
պակ է:

148. Թ. Իմաստակուրիւն. — Բաժանեալ
մտքէ բաղադրեալ միտք անցնիլ. բաղա-
դրեալ մտքէ ալ առ բաժանեալը:

Ան գաղափարներն որ պէտք է իրարմէ
բաժնած մտածել, իբրև միացեալ առնելը
խարեւորիւն բաղադրուրեան կըսուի: Չոր օ-
րինակ տէրն մեր ըսաւ. կոյրք տեսանեն,
կաղք զնան, խորլք լսեն. աս նախադասու-
թեանց միտքը միացեալ պէտքը չէ առնել
վասն զի յայտնի հակասաբանութիւն կըլ-
լայ. հապա բաժանեալ կերպով իմանալու
է. այսինքն անոնք որ առաջ կոյր, կազ-

խուլ էին, հիմա կը տեսնեն, կը քալեն,
կը լսեն: իսկ եթէ ան գաղափարներն որ
պէտք է միացեալ առնել մէկն իրարմէ բաժ-
նէ, խաբէութիւնը կըսուի բաժանման: Պօ-
զու առաքեալ կըսէ. Ոչ ազահք, ոչ շնա-
ցողք, ոչ բամբասողք, և այլն, զարքայորիւնն
Աստուծոյ ոչ ժառանգեն: Աս նախադասու-
թիւնները բաղադրեալ մտքով առնելով
ճշմարիտ են. այսինքն, անոնք որ ար-
դեամբք ազան են, շնացող են, բամբասող են
և այլն, Աստուծոյ արքայորիւնը չեն ժառան-
գեր: Ուստի նախադասութեանց մէջ բա-
ղադրեալ միտքը լաւ պէտք է զանազա-
նել բաժանեալ մտքէն. որպէս զի սուտն
ու իրաւը մարդ իրարու տեղ չառնէ:

149. Փ. Խմաստակորիւն. — Մէկ սեռէ
մէկալ սեռն անցնիլ:

Բան մը մէկ սեռի մէջ ճշմարիտ ըլլա-
լուն մէկը հետեցընէ թէ ուրիշ սեռի մէջ
ալէտք է ճշմարիտ ըլլայ, ան խմաստա-
կութիւնն է որ կանուանեն Անոնք սեռ անց-
նիլ: Բնաբանութեան մէջ մարմնոց յան-
հունս բաժանելիութիւնը մէկը ցցընել որ
ուղենայ երկրաչափական պատճառաբա-
նութեամբ, սեռէ սեռ անցնիլ է. վասն զի
երկրաչափութեան մէջ իրաւ կապացու-
ցանենք թէ զիծ մը ուրիշ զծերէ յանհունս
կրնայ բաժնուիլ և անոր համար է որ

երկրաչափական գիծը կենթադրութէ ոչ
լոյնութիւն և ոչ խորութիւն ունի. բայց
բնաբանութեան մէջ չկայ գիծ մը որ եր-
կան միայն ըլլայ ու լայնութիւն ու խորու-
թիւն չունենայ: Առյն խմաստակութեան
մէջ կիյնան անոնք ալ՝ որ բնական պատ-
ճառաբանութեամբք գերբնական բաները
կուզեն մեկնել: Հոմերոս Խլիականին Ժֆ
Գրբին վերջերը Աքիլլէսին ձիուն խօսել
կու տայ: Տասիէ անունով երեելի կնիկ
մատենագիրը կարգէ դուրս դիւտ մը կը
համարի աս բանը, և աս առասպելը ո և
իցէ սադտանքէ արդարացընելու համար
շատ պատճառներուն մէջ աս ալ կըսէ,
թէ անտարակոյս Հոմերոսի ականջը հա-
սած սիմոնի ըլլայ Բաղաամու իշուն դի-
պուածը, որ սուրբ գրոց մէջ կը պատ-
մուի. ուստի ան բանն որ անգամ մը հան-
դիսլեր էր, շատ լաւ կրնայ ձեւացընել որ
ուրիշ անգամ մըն ալ Աքիլլէսի հանդի-
պած ըլլայ: Աս կերպով մէկ սեռէն մէ-
կալ սեռ անցնիլ կըլլայ՝ գերբնական կեր-
պով եղած ձեւացուցածին օրինակ բե-
րելով:

450. ԺԱ. Խմաստակուրիւն. — Ի կարելո-
րենէ ՚ի գործն անցնիլ:

Որովհետեւ մէկը բան մը կրնայ ընել
կամ բան մը կրնայ հանդիսլիլ չի հետեւիր

որ ան բանն ըրած ըլլայ կամ նոյնը հանդիսած ըլլայ, կամ թէ պիտի ընէ կամ պիտի հանդիսի. ուստի կարելութիւնը իրօք եղածին հետ շփոթել ուզելն իմաստակութիւն է. ասոր համար գալրոցներուն մէջ կըսուի. ի կարողութենէ առ զործն չիր հետևուրիւն։ Գայիս սուկական զինուրենէ սպարապետուրեան կրնայ հասնիլ, որեւմն պիտի հասնի. ոռւտ է։ Աս աշխարհքիս մէջ կարելի բաներն անթիւ են. բայց սպարապաներն ալ անթիւ են՝ որ ան բանին գոյութեանն արգելք կրնան ըլլալ թէ պէտե առ պատճառաբանութեան ստութիւնը յայտնի է, բայց շատ անգամ կը հանդիսին այնպիսի թանձրամիտ մարդիկ որ զործքի մը կարելութիւնն ապացուցանելով՝ կարծեն թէ սպացուցուած է անովնոյն զործքին իրօք հանդիսիլն ալ։

154. Ժմաստակուրիւն. — Առ մեծարան պատճառարաններ։

Հոսքանի մը տեսակ պատճառաբանութեանց ալ աւելցընենք որ Առք կը յիշէ, ու իմաստակութեանց կարգը պէտք է զնել որովհետեւ չէ թէ ճշմարտութիւնը բացայայտելու կը ծառային, հապա ալ աւելի մթընցընելու. և մարդիկ ուրիշներն իրենց կարծիքը քաշելու համար այնպիսի պատճառաբանութիւններ կը

գործածեն: Աս տեսակ իմաստակութեանց առջինը Առ մեծայտանս կըսուի. աս իմաստակութիւնը կըլլայ թէ որ մէկը նախադասութիւն մը ապացուցանելու համար՝ գիտութեամբ, պատուով կամ ուրիշ երևելի պատճառաւ մը մեծարու և համբաւաւոր մարդու մը վկայութիւնը բերէ. անանկ որ եթէ այդպիսի երևելի մատենագրաց կարծեացը մէկը չհաւանի, իբրև յանդուզն, ինքնահաւան ու սնապարծ՝ մեղադրութեան տակ իյնայ: Ուստի դիմացինին չափաւորութիւնն ու բերած վկայութեան մեծարանք տալը իր բանին գործածելով կարծէ այնպիսին որ անով իրաւունքն ալ իրենն է: Անոր համար թէ որ մէկը մեծարանաց պատճառաւ դէմ չխօսի, չի հետեւիր որ ներհակ կողմինն է իրաւունքը: Թէ որ մարդիկ են որոնց մէ վկայութիւն որ կը բերուի, ուրեմն կրնան սխալիլ. և թէ որ կրնան սխալիլ մարդ կրնայ անոնց դէմ խօսիլ ու սագտանելզանոնք: Բայց ասըսելովալ չենք արդարացընել զանոնք, որ իրենք զիրենք հասարակաց քննիչ սեպելով կարծես թէ անուն կըստանան, և ուրիշներէն բանիքուն կը սեպուին թէ որ քննադատեն ու վարձգեն երևելի ու համբաւաւոր մատենագիրները, առանց անոնց գրուածքը կարդալու կամ գոնէ հասկընալու. և աս շատ անդամ կը հանդիպի:

152. ՁԳ. Խմաստակուրիւն. — Առ տղիտու-
րիւն պատճառարանել:

Առջինէն ոչինչ պակաս արհամարհելի
ու ծաղրական խմաստակութիւն է Առ տղի-
տուրիւն պատճառարանել ըսուածն ալ. և
աս խմաստակութիւնը կըլլայ՝ թէ որ մեր
կարծիքը սլաշտպանելու հաստատ ապա-
ցոյցներ չունենալնուս՝ ուրիշները բռնա-
դատենք որ կամ մեր բերած ապացոյց
ներն ընդունին, կամ թէ ուրիշ լաւագոյն
ապացոյցներ բերեն. և թէ որ չկարենան
լաւագոյն ապացոյցներ բերել, կը հետե-
ցընենք թէ իրաւունքը մերն է: Բայց այս-
սկիսի սլատճառաբանութեան անհաստատ
ու սլարապ ըլլալը յայտնի կերևնայ. որով-
հետեւ անոր համար միայն որ հակառա-
կորդը մերինէն լաւագոյն ապացոյց չու-
նի՝ չըլլար հետեցընել թէ իրաւունքը
մերն է: Կրնայ ըլլալ որ երկուքնուս ալ
ըսածը սխալ ըլլայ, բայց մեր բերած
սլատճառաբանութիւնները հակառակոր-
դին սլատճառաբանութիւններէն աւելի
խելք պառկեցընող ըլլայ. ասկէց զատ՝
կրնայ ըլլալ որ մէկը չգիտնայ թէ բան մը
ինչպէս կը շինուի, բայց նոյն բանին պակ-
սութիւնները ճանչնայ: Ապա թէ ոչ առ
կերպով գէշնկարիչ մը կրնար զինքն ա-
զէկ սլաշտպանել՝ իրեն նկարին պակա-

սութիւնները զուրցողին դէմ ըսելով
Դուն զնա աւելի լաւ մը նկարէ: Ապա
ուրեմն գիմացինին տգիտութիւնը մեր
հաստատ ու իրական գիտութիւնը չի
ցցըներ:

153. ԺԴ. Խմաստակուրիւն. — Առ մարդ
պատճառաբանել:

Պատճառաբանուրիւն առ մարդ ըսուածն
ալ խմաստակութեան տեսակ մըն է, եր-
բոր մէկ մասնաւոր անձի մը կամ մէկ
մասնաւոր անձանց դասու մը կը զօրէ
պատճառաբանութիւնը և ուրիշի մը դէմ
ամենեին ուժ չունենար: Աստեսակ պատ-
ճառաբանութիւնն ան ատեն կը գործ-
ածուի՝ երբոր մէկն իր հակառակորդն ու-
զենայ համոզիլ իրեն սկզբունքէն առաջ
եկած հետեւանքներովք կամ ան սկզբուն-
քով որ ինքը կենդունի: Միքայէլ Աերվե-
գոս ետքի ատենները երբորդութեան
խորհուրդն ուրացողներու գլխաւորը, կա-
լուինին հետ երբորդութեան խորհրդոյն
վրայ վիճաբանելու ատենը՝ սուրբ գրոց
խօսքերն ուղածին պէս մեկնեց, որով
հետեւ կալուինին սկզբունքն ան էր որ
սուրբ գիրքը մեկնելու համար հարկաւոր
չէ նայիլ թէ եկեղեցին կամ ժողովք կամ
սուրբ հարք ինչ կըսեն: Սասց է որ առ
պատճառաբանութիւնը շատ ուժ կունե-

նոյթէ որ ճշմարտութիւնն անոր կողմն ըլլայ ով որ աս պատճառաբանութիւնը կը գործածէ. բայց կրնայ ըլլալ որ երկու կողմանէ ալ նախադասութիւնները սուտ ըլլան, և թէ որ ասանկ ըլլայ՝ հակառակորդին իրաւունք չունենալն ապացուցանելէն չի հետեւիր որ իր նախադասութիւնը ճշմարիտ է. վասն զի չկայ պատճառաբանութիւն մը որ այնչափ ուժ ունենայ որ ստութիւնն 'ի ճշմարտութիւն փոխէ կամ ճմարտութիւնն 'ի ստութիւն։ ինչպէս վերի օրինակին մէջ թէսլէտե Աերվեդոս կալուինին սկզբունքներովը զինքը յաղթահարեց, բայց չիհետեւիր որ Աերվեդոսին կողմն էր ճշմարտութիւնը. և ան պատճառաբանութիւնն ուժ չունենար ուրիշի մը դէմ ով որ կալուինին սկզբունքը չընդունիր։ — Կրնայ ալ հանդիպիլ որ մէկն ուրիշին պատճառաբանութեանցը տեղիք առյ կամ ողատկարանաց համար կամ վախի և կամ տգիտութեանցը չուզելով կամ վախնալով կամ չգիտնալով զօրաւորագոյն պատճառներ բերել.

ԳԼՈՒԽ Ե.

ԽԱՆՕԹՈՒԹԵԱՆՑ ԱՅԼԵՒԱՅԼ ՏԵՍԱԿՆԵՐՆ ՈՒ
ԱՍՏԻՃԱՆՆԵՐԸ, ԵՒ ԱՆՈՆՑ ՈՒՂՂԱԴԱՏՈՒԹԻՒՆԸ

154. Ծանօթուրիւնն ինչ է :

Երկու գաղափարի մեջն եղած կապն ու
պատշաճուրիւնը կամ ընդդիմուրիւնն ու ան-
միաբանուրիւնը պայծառ լմբունելը՝ ծանօթու-
րիւն կամ զիտուրիւն կըսուի։ Անանկ որ
երբոր մէկը գաղափարաց իրարու պատ-
շաճողութիւնը կամ անմիաբանութիւնը
ընթառնէ՝ ծանօթութիւն կունենայ։ Զօր
օրինակ, ես զիտեմ որ ո և իցէ եռան-
կեան արտաքին անկիւնը ներքին ընդդի-
մակաց անկիւններուն մէկէն մեծագոյն է,
և երկուքին գումարին հաւասար է. վասն
զի կըմթառնեմ առջի զիսուածին անհա-
ւասարութեան յարաբերութիւնը, և եր-
կորդին՝ հաւասարութեանը։ Աւրեմն ծա-
նօթութիւնը գատմունքէն անով կը զա-
նազանուի, որ գատումն է գաղափարներն
իրարու հետ բազգատել անոնց պատ-

շաճողութիւնը կամ անպատշաճութիւնը դանելու համար (55). ասքանս ինչպէս որ պէտք է միշտ չըլլալով կամ սուտ դատաստաններ կըլլան կամ մակարերութիւններ։ իսկ ընդհակառակն ծանօթութիւնը կենթադրէ թէ առաջուց աս պատշաճութեան կամ անպատշաճութեան ըմբռնումը եղած է. ուստի ո և իցէ հաւանականութիւն, մակարերութիւն, կարծիք, երկրայութիւն կամ մոլորութիւն կը մերժէ։

155. Ներգործական և ունակական
ծանօրուրիւն։

Ծանօթութիւնը կրնայ մտածուիլ դաղափարաց պատշաճողութիւնը նոյն ատենն ընթառնելը, կամ նոյն յարաբերութիւնն առաջուց ըմբռնած ըլլալը. առջինը կըսուի Ներգործական, Երկրորդը կըսուի Ունակական ծանօրուրիւն։ Օրինակի համար, ես հիմա կըմբռնեմ թէ ինչ հաւասարութեան վերաբերութիւն ունի եռանկեան մը իրեք անկիւններն երկու ուղղոց հետ. աս է ներգործական ծանօթութիւնը։ Բայց թէ որ աս վերաբերութիւնն առաջուց ըմբռնած ըլլամ, և այնպէս միտքս հաստատ մնայ՝ որ քանի որ մտածեմ միշտ համազուիմ, ու ան աստիճանի ճշմարտութեամբ տեսնեմ որով որ առջի անդամուն

ըմբռնեցի, ծանօթութիւնն ունակական կըլլայ: Ան ճշմարտութեանց ծանօթութիւններն որ մեր յիշողութեան մէջն ունինք՝ ունակական են: Թէ որ մարդ իրեն ծանօթութիւն սեսլէր ներկայացած առարկայից ներգործական ըմբռնումը միայն, միշտ տգիտութեան մէջ կը մնար, ու ծանօթութեանց կողմանէ միշտ նոր կեանք կը սկսէր. որովհետեւ երեկուան ստացած ծանօթութիւնն այսօր չէր մնար:

156. Ռանակական ծանօրուրեևան երկու աստիճանն :

Ոչ միայն կրնանք յիշել գաղափարաց յարաբերութիւնն ուրիշ անգամ ըմբռնելնիս, հապտ նաև ան ապացոյցներն որոնց մով որ բացատրուեցաւ ան յարաբերութիւնը: Բայց շատ անգամ ալ կը հանդիսվի որ կը յիշենք նախադասութեան մը ճշմարտութիւնը, որ առջի անգամուն ապացուցութեան ուժով ըմբռնեցինք և համոզուեցանք. իսկ վերջէն միջնորդական գաղափարները մտքերնիս չեն զար, կամ թէ ըսենք՝ նոյն ճշմարտութիւնը հաստատելու համար գործածուած ապացոյցները մը քերնէս ելած կըլլան. բայց մտածելով թէ անփոփոխ իրաց մէջ յարաբերութիւններն ալ անփոփոխ կը մնան, կը համոզուինք որ ան բանն որ ուրիշ անգամ ճշմարիտ էր,

սլէտք է որ հիմա ալ դարձեալ ճշմարիտ
ըլլայ: Զոր օրինակ, կրնամ ես երկկող-
մնազոյգեռանկեան խարսխին երկու կող-
մի անկիւններուն հաւասարութեան յա-
րաբերութիւնը յիշել աս ճշմարտութիւնը
հաստատող ապացոյցներուն հետ. կրնամ
ալ յիշել միայն նախագասութեան ճշմար-
տութիւնն որ ուրիշ անգամ պայծառ ըմ-
բռնած էի, առանց ապացոյցները յիշե-
լու, որոնցմով որ հաստատուեցաւ նոյն
ճշմարտութիւնը: Բայց կը ճանչնամ, ու
ճշմարտութեանը վրայ համոզեալ եմ ան-
պատճառաւ՝ որ եթէ մէկ երկկողմնազոյգ
եռանկեան խարսխին երկու կողմի ան-
կիւնները իրարու հաւասար ըլլալն ապա-
ցուցուեցան, ո և իցէ երկկողմնազոյգ ե-
ռանկեան նոյն անկիւններն իրարու հա-
ւասար կըլլան. որովհետեւ նոյն անփո-
փոխ գաղափարաց յարաբերութիւնն ան-
փոփոխելի կը մնան: Անոր համար մեր
միտքն որ ճշմարտութեան նայելով այլ-
և այլ վիճակի մէջ կը դանուի՝ կրնանք
ունակական ծանօթութեան երկու այլ-
և այլ աստիճան համարիլ. մէկը՝ որ ա-
պացոյցներն ալ կը յիշենք, երկրորդէն
աւելի ուժ ունի, որ ապացոյցները չենք
յիշեր: Ուստի թէ որ մեր առանձին պի-
տոյիցը համար կամ մեր խմացողութիւնը
կրթելու համար ուզենանք ճշմարտու-
թեանց շղթայ մը կազմել կամ կարգ մը ճըշ-
մարտութեանց ըմբռնել, միշտ հարկաւոր

չէ ապացոյցները միտք բերելը. բայց
թէ որ մեր ըմբռնած ճշմարտութիւնն ու-
ղենանք ուրիշին ալ սորվեցընել ու հա-
մոզել, առանց ապացուցի չըլլար. ու
պարզիսուրով մը ուրիշը համոզել պահան-
ջելը՝ անմիտ պահանջմունք է:

157. Մարդկային ծանօրուրեանց բացայա-
տուրեանց առաջին աստիճանն է ինքնաղի-
մուրիւնը :

Գաղափարաց մէջ գտնուած յարաբե-
րութիւնը միշտ միօրինակ չըմբռներ մեր
միտքը. հապա որչափ որ աւելի կամ նուազ
պայծառ երենայ գաղափարաց իրա-
րու սպատշաճութիւնը կամ անպատշաճու-
թիւնը, այնչափ զանազան կերպով կըմ-
բռնենք, և ասով ծանօթութիւններն այլ
և այլ աստիճան կառնուն: Արդ ծանօթու-
թեան առաջին ու բարձրագոյն աստիճա-
նը, որչափ որ մարդկային մտաց տկարու-
թիւնը կրնայ հասնիլ ինքնաղեմ տևուրիւնն
է, և կամ դեմ յանդիման ծանօրուրիւնը. որ
է պայծառ, որոշ ու անմիջապէս լուրսնել գա-
ղափարաց մէջ եղած պատշաճուրիւնը կամ
անպատշաճուրիւնը. անանկ որ միջնորդական
գաղափարներու պէտք չըլլայ ան ծանօրու-
րիւնն ստանալու համար: Ուստի դէմ յան-
դիման ծանօթութեամբ գիտենք թէ Եր-
կուք՝ երկուք աշ չորս կընէ. Չորսն երկուքէն

առելի է. Բոլորը միշտ իր ու և իցէ մասկն մեծ է. Եռանկիւնը բոլորակ չէ. ու ասոնց նման ճշմարտութիւններ, զորոնք ըմբռնելու համար միտքն ամեննեին դժուարութիւն մը չի քաշեր. հապա ասոնց պայծառութիւնն այնպէս կըմբռնէ, որ երբ ալ հանդիպի գէմ չի կրնար դնել, այլ հարկաւ պէտք է հաւանի. ոչ երբէք կրնայ տարակուսիլ ու քննութեան մտնել:

458. Աւր ծանօրուրեանց բացայայտորեան
երկրորդ աստիճանն է Ապացուցորիւնը:

Թէ որ գաղափարաց պատշաճութիւնը կամ անպատշաճութիւնն անմիջապէս չի հասկըցուի, այսինքն ինքնադիմի ծանօթութիւն չըլլայ, միջնորդ գաղափարաց հարկաւորութիւն կըլլայ, որ անոնց ձեռքովը գաղափարաց իրարու ունեցած յարաբերութիւնն իմացուի. և անանկով մարդ կըստանայ ան տեսակ ծանօթութիւն որ Ապացուցական կըսուի. ուստի մեր ծանօթութեանց երկրորդ աստիճանն է Ապացուցորիւնը: Նոյն խարսխի վրայ ու նոյն զուգահեռականներու մէջ եղած երկու զուգահեռագիծներուն իրարու հաւասար կամ անհաւասար ըլլալույարաբերութիւնն անընդմիջաբար ըմբռնել չըլլար, ուստի չըլլար ինքնադիմի տեսութեամբ ըմբռնել. անօր համար միջնորդական գաղափարներ պէտք են՝ որոնցմով

ծանօթութիւնը մարդ կարենայ ստանալ.
որ է ըսել թէ տրամախոհութիւն ու ապա-
ցուցութիւն պէտք է. բայց ասոր վրայ
բաւական խօսեցանք աս գրքիս առջի
գլխուն մէջը։ Աս միայն գիտնալու է որ
թէպէտ ստոյգ է ապացուցական ծանօ-
թութիւնը, բայց ան աստիճանի բացայայ-
տութիւն չունի, և ոչ այնպէս մէկէն 'ի
մէկ կը հասկըցուի ինչպէս որ է ինքնա-
դիմի ծանօթութիւնը. վասն զիյայսմ մէ-
կէն 'ի մէկ կը ճանչնանք պատշաճութեան
կամ անպատշաճութեան յարաբերութիւ-
նը. իսկ ապացուցութեան մէջ թէպէտե
նոյն յարաբերութիւնը կը ճանչցուի, բայց
պէտք է հետզհետէ ու աստիճանաբար
գաղափարէ գաղափար առաջ երթալ։
Ուստի կը հետեւի դարձեալ որ ինքնադի-
մի ծանօթութեամբ գաղափարաց յարա-
բերութեան ըմբռնմանը վրայ ամենենին
տարակոյս չըլլար, բայց ապացուցական
ծանօթութեամբ ապացուցութեան ձեռ-
քով նոյն յարաբերութիւնն ըմբռելէն
առաջ կրնայ երկբայութիւն ըլլալ. և թէ-
պէտ ապացուցութեամբ ստացած ըմբռո-
նումն ամենապայծառ ըլլայ, բայց ան
անմիջական համոզումը չըլլար, որ ինքնա-
դիմի ծանօթութենէն անմեկնելի է։

159. Ուղղակի և անողղակի ապացուցութիւններ

Ապացուցութիւնը կրնայ Ուղղակի կամ
Անողղակի ըլլալ։ Ուղղակին ան է՝ որ նախ
անտարակուսելի սկզբունք մը կը հաս-
տատենք, և ան սկզբունքն ալ ապացու-
ցանել ուզած նախադասութեանը կը յար-
մարցընենք՝ որուն հետ հարկաւոր կա-
պակցութիւն ալէտք է որ ունենայ, և ան-
կէց կը հանենք պատշաճ հետեւութիւնը։
Իսկ անուղղակին է որ ոչ եթէ անտարա-
կուսելի սկզբունքներէ կը հետեւցընենք
առաջարկուած նախադասութեան ճշմար-
տութիւնը, հապա անոր հակառակ նա-
խադասութեանը անտեղի կամ ըստ ին-
քեան հակասական ըլլալէն. ուստի ասան-
կով կը հետեւցընենք առջի նախադասու-
թեան ճշմարիտ ըլլալը։ Իսկ ճշմարիտ սե-
պուած նախադասութեանն ալ ստութիւ-
նը նոյնպէս անուղղակի ապացուցանել
կըլլայ, թէ որ ապացուցուի թէ ան նախա-
դասութենէն ինչ անտեղութիւններ օրի-
նաւոր կերպով կը հետեւին. վասն զի սկզբ-
ունքէ մը օրինաւոր կերպով առաջ եկած
անտեղի հետեւութիւնը՝ նոյն սկզբանն
անտեղութեանն ապացոյց է (124)։ Աս
երկու կերպ ապացուցութեանց օրինակ-
ներ երկրաչափական ուսման մէջ շատ կը
հանդիպին։

460. Զգացումք մեր ծանօթուրեանց
բացայայտուրեան երրորդ աստիճանն է:

Մեզմէ դուրս եղած մարմնեղէն առար-
կայից ու անոնց յատկութեանցն ամենեին
ծանօթութիւն մը չէինք կրնար ունենալ,
թէ որ մեր մարմնոյն զգայարանացը վրայ
իրենց տպաւորութիւնը շարունակ չաղ-
դէին (2): Ուստի մասնաւոր իրաց գոյու-
թիւնը կիմանանք զգացման ձեռքովը, որ
կրնանք Զգայական ծանօթուրիւն անուա-
նել, և մեր ծանօթութեանց երրորդ աս-
տիճանը սեպել: Աս տեսակ ծանօթու-
թիւնն առջի երկուքին ստուգութեան աս-
տիճանը չունենար, բայց անանկ ալ մեր
տարակոյսը կը վերցընէ, ու մարմնոց և
իրենց որպիսութեան իրական գոյութիւնն
երեակայականէն կը զանազանէ: Արտա-
քին առարկայք մեր մարմնոյն վրայ տպա-
ւորութիւն մը ընելէն ետե՛ հաճութիւն
կամ ցաւ ունենալնուս պատճառաւ ան-
առարկայից գոյութիւնը կը մըռնենք. և
ինչպէս մեր երջանկութեան կամ թշուա-
ռութեան վրայ ապահով կը լլանք, այսպէս
ալ նոյն առարկայից գոյութեանը վրայ:
Մէկն որ ձեռքը կրակին վրայ կը դնէ՝ լաւ
կրնայ իմանալ թէ ինչ զանազանութիւն
կայ իրապէս ձեռքը կրակին վրայ բռնե-
լուն ու նոյն բանն երազելուն մէջ. վասն
զի առջի գիտուածին մէջի իրական տպա-

ւորութեանը հետեանք կըլլայ ան ցաւը ,
որ երկրորդ դիպուածին մէջ չըլլար : Թէ
որ մէկն աս տեսակ ստուգութեան մէջ
առաւելագոյն ստուգութիւն պահանջէ ,
ու յամառեալ պնդէ թէ մեր ամեն զգաց-
մունքներն երազ են , այնպիսին յաղթա-
հարելու համար թէ առ մտածութիւնը
խենթութիւն է՝ ոլէտք է իրեն լաւ մը ծեծ
քաշել , որ երթայ անոր ցաւէն մոտաց խե-
լագարութիւնը բժշկէ :

161. Ինքնաղիմի ծանօրուրեան
ուղղադատուրիւնը :

Աս իրեք տեսակ ծանօթութեանց , այս-
ինքն ինքնաղիմի , ապացուցական և ըզ-
գայական , իւրաքանչիւրին առանձին ուղ-
ղագատութեան կանոն կայ , որով կրնայ
մարդ անոնց ճշմարտութեանը վրայ ա-
պահով կենալ : — Ինքնաղիմի ծանօթու-
թեան ուղղագատութիւնն է ան բռնագա-
տութիւնն որ կը զգայ մտքերնիս՝ երբոր
իրեն ներկայացած գաղափարներուն մէջ
ներքին անմիջական յարաբերութիւն մը
կը բռնէ : Միտքը բացարձակ հաստա-
տուն ու անփոփոխ հարկաւորութեամբ
կը բռնագատուի անըմբռնմանը հաւանու-
թիւն տալ , թէպէտե տարբեր ժամանակ ,
տարբեր տեղւոյ և ուրիշ ու իցէ տարբեր
պարագայի մէջ ըլլայ . և աս հաւանու-
թիւնն ամեն մարդու միակերպ է , բաւա-

կան է որ եզերքն ըմբռնէ ու բանավարութենէ բոլորովին զուրկ չըլլայ : Ուրիշ տեսակ նախադասութեանց վրայ աս յատկութիւնները չեն երենար :

462. Ապացուցական ծանօթուրեան
ուղղադասուրիւնը :

Ինքնադիմի ծանօթութեան ուղղադատութենէն տարբեր չէ ապացուցական ծանօթութեան ուղղադատութիւնն ալ . բաւական է որ ապացուցութիւնը հասկըցուի ու հիմնուի այնպիսի սկզբանց վրայ , որ կամ ինքնադիմի ծանօթութիւն են , և կամ օրինաւորապէս անոնցմէ կը ծագին ու առաջ կու գան : Թէ որ աս ապացուցական ծանօթութեան ճշմարտութիւնն ուղղադատութեան կանոն մը չունենար , մտքերնուս վրայ ամենեին փոփոխութիւն մը պիտի չիմանայինք : Բայց կը տեսնենք թէ քանի որ գեռ ապացուցուած չէ բանը , անստուգութեան մէջ կը ծփայ մտքերնիս . իսկ ապացուցուելէն ետքը որչափ ալ ինքն իրեն բռնութիւն ուղենայ ընել , չի կրնար չըմբռնել ան բանն որ կըմբռնէ , և ոչ իսկ ըմբռնածէն տարբեր կերպով ըմբռնել . ներքին զգացմունք մը կունենայ միտքը , որուն հարկ է որ հպատակի : Աս է ապացուցական ծանօթութեան ուղղադատութիւնը , որ ժխտելու համար մեծ անմութիւն մը ոլէտք է :

163. Զգայական ծանօթուրեան
ուղղադատուրիւնը:

Չուարձութեան կամ ցաւոյ զգացումը
որ մեր մարմնոյն վրայ եղած տպաւորու-
թենէն առաջ կու գայ, և չենք կրնար
չղգալ և ոչ ժխտել մինչև որ մեր գոյու-
թիւնը չժխտենք, մեզմէ դուրս եղած
մարմնոց ճշմարիտ և իրական գոյութեան
նշանն է. որով և զգայական ծանօթու-
թեան ուղղադատութիւնը (160).

ԳԼՈՒԽ Զ.

ՃԵՄԱՐՏՈՒԹԻՒՆ ԵՒ ՍՏՈՒԳՈՒԹԻՒՆ

164. Ճշմարտուրիւնն ինչ է. ու ճշմարտու-
թեան այլնայլ տեսակները :

Ծանօթութեան բացատրութիւնն որ
տուինք (154), մարդ դիւրաւ կըմբռնէ ան-
կէց որ միշտ հետն է ճշմարտութիւնն ու
ստուգութիւնը. ուրեմն ծանօթութեան
գաղափարն որոշ տալէն ետև՝ պէտք է որ
ճշմարտութեան ու ստուգութեան գաղա-
փարներն ալ որոշենք. Ուրեմն ինչ է
ճշմարտութիւնը. Առանց պատճառի չէ որ

շատ դարերէն՝ ի վեր աս հարցմունքը կըլ-
լայ. Աս ալ ան բառերէն մէկն է՝ որ թէ-
պէտե ամեն մարդու բերանն է, բայց իր
գաղափարը բովանդակ պատշաճ կերպով
ունենալը դիւրին չէ: Կրնանք ըսել որ
ճշմարտութեան գաղափարը՝ ընդհանուր
ու վերացեալ մտքով առնելով կանոնի մը
հետ յարաբերութիւն մը կը ցցընէ. անանկ
որ թէ որ ան կանոնին համաձայն ըլլայ,
ճշմարտութիւն կըլլայ. իսկ թէ որ անհա-
մաձայն ըլլայ, ճշմարտութեան հակառակ՝
ստութիւն: Բայց որովհետեւ կանոնն այլ-
եայլ տեսակ կընայ ըլլալ, անոր համար
ճշմարտութիւնն ալ այլեայլ տեսակ կը
զանազանուի, որ սովորաբար աս հե-
տեւեալներն են. Տրամարանական, բա-
րոյական, բնարանական ու բնազանցական:

165. Տրամարանական ու բարոյական
ճշմարտութիւն:

Տրամարանական ճշմարտութիւնն է
Մեր դատմանը համաձայնուրիւնն առար-
կայից մէջն եղած յարաբերութեան հետ: Ու-
րեմն տրամարանական ճշմարտութիւնը
կըռելու կանոնն է առարկայից մէջն եղած
պատշաճութեան կամ անպատշաճութեան
իրական յարաբերութիւնը. Երբոր մեր
դատմունքն աս կանոնին համաձայն ըլ-
լայ՝ տրամարանական կըլլայ ճշմարտու-
թիւնը. իսկ թէ որ անհամաձայն ըլլայ:

ստութիւն կըլլայ: Զոր օրինակ, աս դատումը բոցը ծանր մարմին մղն է, տրամաբանական ճշմարտութիւն կըլլայ՝ թէ որ համաձայն ըլլայ ծանրութեան ու բոցոյն իրարու հետ ունեցած յարաբերութեանը. որ է ըսել՝ եթէ իրաւցընէ ծանրութիւնը բոցոյն պատշաճի. բայց թէ որ աս առարկայք իրարու չեն պատշաճիր, դատումն ան ատենը տրամաբանական ստութիւն կամ մոլորութիւն կըսուի:

Բարոյական ճշմարտութիւն կըսուի Արտարին նշաններու կամ նախադասուրեան մը ներդին իմաստին կամ խղանուանց հետ համաձայնուրիւնը. ուստի բարոյական ճշմարտութեան կանոնն է սեփական խղճմտանքը, որուն թէ որ համաձայն ըլլան արտաքին նշանները կամ նախադասութիւնը՝ բարոյական ճշմարտութիւն կըլլայ, ապա թէ ոչ ստութիւն:

166. Բնարանական ձշմարտուրիւն:

Բնաբանական ճշմարտութիւնն է բնական իրաց պատշաճողուրիւնն աշխարհիքիս բնարանական կամ մեքենական օրինացը հետ: Աս ճշմարտութեան կանոնն է բնութեան արարչին հաստատած բնաբանական օրէնքները, որոնց համեմատ կարգաւորուած ու սահմանած են աս աշխարհիքիս բանները. ուստի ինչ բան որ առ օրինաց համաձայն է՝ բնաբանական կամ բնական

ճշմարտութիւն է. իսկ թէ որ անհամաձայն՝
բնաբանական ստութիւն է: Ոսկին, արծա-
թը, կրակը, և ուրիշուելիցէ գոյացութիւն-
ներ ու մարմնեղէն հանգամանքներ բնա-
բանաբար ճշմարիտ կը լլան, թէ որ ունենան
ան ամեն յատկութիւնները որոնք պէտք են
տիեզերաց բնաբանական օրինաց համա-
ձայն ըլլալու համար: Ուստի բնաբանա-
կան ճշմարտութիւնը միշտ իրական է: ո-
րովհետեւ իրաց իրականութեանը վրայ
կորոշուի, չէ թէ ուրիշներուն երևակայու-
թեան կամ ցնորիցը վրայ:

167. Բնագանցական ձշմարտութիւններին:

Բնագանցական ճշմարտութիւնը սովո-
րաբար այսպէս կը սահմանուի: Ստեղծա-
կան իրաց ունեցած կարգին համաձայնորդիւնն
Աստուծոյ մտքին մէջ եղած յաւիտենական ու
անփոփխելի օրինացը հետ. ուստի աս ճըշ-
մարտութեան անխաբելի կանոնն է յա-
ւիտենական օրէնքը. և ինչ որ ան օրինաց
համաձայն է՝ կարգաւորեալ կը լլայ ու բնա-
գանցական ճշմարտութիւն: Մեղքն որ Աս-
տուծոյ յաւիտենական օրինացը դէմ է՝ բը-
նագանցական ստութիւն է. և Աստուծոյ
մտացը յաւիտենական և անփոփխելի
գաղտփառաց կարգին մէջը չէ. վասն զի
Աստուծոյ միտքը միայն բարի ու սուրբ
բաները կը բովանդակէ:

168. Ստուգորիւնն ինչ է. և անոր կրկին
միտքը:

Ինչ որ ճշմարիտ է՝ միշտ ստոյգ է. բայց
ինչ որ ստոյգ կը համարուի՝ միշտ ճշմարիտ
չէ: Ուստի ստուգութիւնն երկու մտքով
պէտք է մտածել. կամ մեր դատման առ-
արկայից յարաբերութեանը հետ համա-
ձայնելուն նայելով որ կըսուի Ստուգորիւն
ձշմարտուրեան, և ոչ երբէք սուտ կըլլայ.
կամ մեր հոգւոյն պարզ մէկ կերպ վիճա-
կին նայելով, որով կը համազուինք և կար-
ծիքնիս կը հաստատենք իրաց վրայ: Աս
մտքով առնելով ստուգութիւնը, կրնայ
ճշմարիտ՝ կրնայ սուտ ալ ըլլալ: Ճշմարիտ
կըլլայ թէ որ մեր դատմունքն իրապէս
առարկայից իրարու յարաբերութեանը
համաձայն ըլլայ: Սուտ կըլլայ թէ որ դատ-
մանը ճշմարտութեանը վրայ մենք ապա-
հով ըլլանք, բայց դատումը առարկայից
իրարու իրական յարաբերութեանը չի-
պատշաճի: Ստոյգ գիտեմ որ հակողիղին
քառակուսին հաւասար է երկուց կողմանց քա-
ռակուսոյն գորմարին. աս ստուգութիւնը
ճշմարիտ է. վասն զի արդէն հակուղիղին
և երկուց կողմանց ատ յարաբերութիւնը
համաձայն է ատ դատման: Բայց Լակ-
տանտիոս ստոյգ գիտէր որ հակոտնեայք
չկան, և ատ ստուգութիւնը սուտ է. վասն
զի հակոտնէից գոյութիւնն ուրանալով

իր գատմունքն առարկայից յարաբերութեանը հետ համաձայն չէ : Սուտ ստուգութենէ մը վտանգաւոր բան չիկայ . անկէց շատ մոլորութիւններ կրնան առաջդալ, և դժուարին է որ ան մոլորութիւններն ուղղենք . վասն զի սուտ սկզբանց վրայ հաստատուած են, և մենք ան սկզբունքները ճշմարիտ կը համարինք : Ուրեմն մինչև որ բան մը ճշմարիտ ու անտարակուսելի սկզբունքներէ առաջ չիգայ, պէտքը չէ ստուգութեամբ հաստատել :

169. Չափաբնյական, բնաբանական ու բարոյական սոուզուրիւն :

Ստուգութիւնն իբրև ճշմարտութիւն մտածեալ՝ այլևայլ աստիճան ունի : Երբոր գաղափարք 'ի հարկէ իրարու յարաբերին այնպէս որ հակառակը 'ի բնութենէ անկարելի ըլլայ, ստուգութիւնը Չափաբնյական կըսուի : Չոր օրինակ, Բոլորն իր մասեն մհծ է . Երկու բան որ երրորդի մը հաշար են, իրարու այլ հաշասար են . և ասոնց նման ուրիշ ճշմարտութիւններ չափաբերական ստուգութեամբ ստոյգ են : Իսկ թէ որ գաղափարաց իրարու յարաբերութիւնը հարկաւոր ըլլայ, բայց ոչ այնպիսի կերպով որ հակառակն 'ի ներքուստ անկարելի ըլլայ, հասլա միայն բնութեան օրէնքի մը դէմ ըլլայ, Բնաբանական կըսուի

ստուգութիւնը : Կրակը հարկացորապէս
սկզբ է այրէ . Ան մարմինն որ տեսակարար
ծանրութեամբ չը էն առևի ծանր է , չը ին տա-
կը կերրայ . ասոնք բնաբանական ստու-
գութեամբ ստոյգ ճշմարտութիւններ են .
իսկ հակառակն 'ի ներքուստ անկարելի
չէ , հապա միայն բնութեան հաստատեալ
օրինացը ներհակ է . կարելի ըլլալով աս
օրինաց փոփոխութիւնը , ինչպէս որ հրաշ-
քով կը լայ , ստուգութիւնը կրնայ սխա-
լիւ : Եւ եթէ ստուգութիւնն այնպէս է ,
որ հակառակն 'ի ներքուստ անկարելի չէ ,
և ոչ բնութեան օրինացը ներհակ , հապա
միայն հաստատուն վկայութեան մը , և
մարդու սովորական գործողութեանը դէմ ,
Բարոյական ստուգութիւն կ'ըսուի : Բա-
րոյական ստուգութիւն է որ հռոմայեցւոց
առջի կայսրը Հոկտաւիանոս Օգոստոս ա-
նուամբ մէկն եղած ըլլայ . որովհետեւ այն-
չափ երեսելի պատմաբանք կը վկայեն , որ
շահ մը չունէին , ու բոլոր մարդիկ խաբե-
լու չէին կրնար միաբանիլ : Բարոյապէս
ստոյգ է՝ որ եթէ Պոմպէոս Յուլիոս կե-
սարու յաղթէր , հասարակապետութեան
գլուխն ան բանը կը բերէր ինչ որ կեսար
բերաւ . որովհետեւ Պոմպէոս ալ կեսարէն
ոչ ինչ ընդհատ փառասէր էր . և հասա-
րակապետութիւնն ալ այնպիսի վիճակի
մէջ էր՝ որ կառավարութիւնն ան կերպով
առաջ չէր կրնար երթալ , ու կարօտ էր
որ մէկ գլուխ մը ըլլայ կառավարը :

170. Այլեայլ տեսակ ստուգութեանց բնութենէն կը հասկըցուի՝ որ չափաբերական ստուգութիւնն առաջին կարգի է, բնաբանականն երկրորդ ու բարոյականը երրորդ։ Անոր համար թէ որ չափաբերական ստուգութեան դէմ ելլէ բնաբանականը, բնաբանականը պէտք է սխալ սեպել։ իսկ թէ որ անոնցմէ մէկուն բարոյական ստուգութիւնը դէմ ելլէ, զանոնք պէտք է նախապատիւ սեպել։ Թէ որ չափաբերական և կամ բնաբանական երկու ստուգութիւններ իրարու ներհակ ըլլան, երկուքին վրայ ալ տարակուսելու է։ ու պէտք է աւելի հասուն ու ճիշդ կերպով զանոնք քննել։ վասն զի կամ երկուքն ալ սխալ են, կամ հարկաւորապէս մէկն իրաւ ու մէկալը սուտ։ Թէ որ չափաբերական ստուգութեան աստուածային վկայութիւնը դէմըլլայ, կամ ստուգութիւնը ճըշմարտապէս չափաբերական չէ, և կամ Աստուծոյ խօսքը մութ է։ վասն զի անկարելի է որ ճշմարտութիւն մը ուրիշ ճշմարտութեան դէմ ելլէ։ Այսպէս է ահա երկիս շարժման ստուգութիւնը, որ կը կարծուի թէ սուրբ գրոց վկայութեանը դէմ է։ բայց սուրբ գրոց միտքն ուրիշ բան է։ Վերջապէս թէ որ Աստուծոյ բացայաց խօսքին հակառակ ելլէ բնաբանական կամ

բարոյական ստուգութիւնը, յայտնի է որ
պատրողական է այնպիսի ստուգութիւնը:

ԳԼՈՒԽ Է.

ՀԱԻԱՆԱԿԱՆՈՒԹԻՒՆ

171. Հաւանականութիւնն ու կարծիքն ինչ է:

ՄԵԾ ԵՐՃՈՆԿՈՒԹԻՒՆ ԿԸԼԱՐ ԹԷ ՈՐ Մարդ
իր ամեն քննութեանցը մէջ ճշմարտու-
թեան ստուգութեանը հասնէր, ու բացա-
յայտ տեսնէր գաղափարներուն իրարու-
յարաբերութիւնը: Բայց որովհետեւ մեր
ծանօթութեանց սահմանը շատ ամփոփ
է, անոր համար շատ անգամ ճշմարտու-
թեան ստուգութեանը հասնիլ չկարենա-
լով, պէտք է Հաւանականութեամբ գոհ ըլ-
լանք, որ է Ճշմարտութեան կամ ստորեան
երևոյր մը, որ քանի մը պատճառներ ունե-
նալով՝ կրնայ մեր մտքին առաջնորդել որ դա-
տե՛ք բէ նախադասութիւն մը ճշմարիտ է կամ
առատ: Հաւանականութիւնը կարծեաց հետ
կը միանայ, թէ որ կարծիքը նոյն մոքով
առնուի. բայց իրարմէ տարբեր կԸԼԱՆ՝
թէ որ կարծիք ըսելով կիմացուի Հաստա-
տուն և ստոյգ հաւանութիւնն որ կը տրուի հա-
ւանական ու անստոյգ նախադասութեանց. Ե
այսպիսի կարծիք պէտք չէ ունենալ:

172. Հաւանականութեան ուժը պատճառներուն ուժէն կը կախուի. և անոնց ուժն ալ շատ կըլլայ կամքիչ, որչափ որ ստուգութեան աւելի կամ նուազ մերձաւոր ըլլան, որովհետեւ հաւանականութիւնը ստուգութեան կուզէ մօտենալ: Ուրեմն հաւանականութեան աստիճաններն որոշելու համար՝ պէտք է որ ստուգութիւնը յայտնի ըլլայ կամ իրեն աստիճանաց թիւը: Զոր օրինակ վիճակընկեցութեան թիւերը 90 են, ամբողջ ստուգութեան աստիճանն ալ 90 կըլլայ. ուրեմն ստոյգ ըլլալու համար, որ վիճակը հանելու ատեն իմընտրած թիւս կելլէ, հարկաւոր է որ ամբողջ 90 թիւն ալ ունենամ. իսկ թէ որ մէկը միայն ունենամ, և աստիճան հաւանականութեան կունենամ, որ հաւասար կըլլայ $\frac{1}{90}$ ին. թէ որ Չթիւ ունենամ, հաւանականութիւնն ալ կըլլայ երկու աստիճանի, կամ թէ հաւասար $\frac{2}{90}$ ին որով և ստուգութեան աւելի մօտ. և որչափ իմ կողմս թիւերը շատ ըլլան, այնչափ աւելի կըլլայ ստուգութեան աստիճանը որով և հաւանականութիւնը: Իսկ եթէ ամբողջ ստուգութեան աստիճաններուն կէսն անցնի, հաւանականութիւնը ձշմարտանմանորիսն անուն կառնէ, որ որչափ

դեռ աւելի ստուգութեան մօտենայ , այն-
չափ աւելի մեծ կը լլայ : Զոր օրինակ , յի-
շած օրինակին վրայ երթալով , թէ որ թի-
ւերը կճը անցնին , որ իննըսունին կէսն է ,
ճշմարտանմանութեան կը հասնի . և ասի-
կայ ալ քանի որ թիւերն աճին՝ աւելի կա-
ճի : Իսկ թէ որ ստուգութիւնը ձևացընող
աստիճաններուն թիւն անծանօթ ըլլայ ,
ան ատենը՝ թէպէտ և կրնայ աւելի կամ
նուազ հաւանականութիւն ըլլալ , բայց
որոշել չըլլար թէ ստուգութենէն որչափ
հեռու է : Թէ որ վիճակընկեցութեան
թիւերն անծանօթ ըլլան , թէպէտե ով որ
աւելի թիւ ունենայ՝ մեծագոյն հաւանա-
կանութիւն կունենայ քան զայն՝ որ նուազ
թիւ ունի , բայց ոչ մէկն և ոչ մէկալը կը
դիտնան թէ իւրաքանչիւրին հաւանակա-
նութիւնը ստուգութենէն որչափ հեռու է :

175. Դիպաց կրողմանէ հարանականորեան
հիմունիքը :

Դիպաց վերաբերեալ նախադասու-
թեանց վրայօք՝ թէ որ հանդիպած բանը
մենք չենք տեսած , և ոչ ստոյգ ըլլուլը
կրնանք հաստատել , քանի մը պատճառ-
ներ կան որ անոնցմով կրնանք կանոնա-
ւորել մեր հաւանութիւնը . և ասոնք Հա-
րանականորեան հիմունիք կըսուին , որ հե-
տեւեալներն են : ա . Պատմուած բանը մեր
ծանօթութեանց ու մեր ունեցած փորձին

Համաձայն ըլլալը : թ . Վկայից տեղեկութիւնը , փորձն ու հաւատարմութիւնը : Թէ որ սովի ատեն աչքովս տեսնէի որ անօթութենէ մարդ մը մեռեր է , ճշմարտութեանն ստուգութիւն կունենայի : Բայց թէ որ նոյն դիպուածն ուրիշ մը ինձի պատմէր , դիւրաւ կը հաւտայի խօսքին , և իբրև շատ հաւանական կընդունէի , որովհետեւ սովորական դիտողութեանս համաձայն կու գար , ու գիտեմ որ այդպիսի դիպուած գրեթէ սովորական է այնպիսի ատեն . միայն չըլլայ թէ այնպիսի հանգամանքներ վրան ըլլան՝ որ յայտնապէս երկբայական ընեն դիպուածը . ինչպէս թէ որ նոյն դիպուածը հարուստ մարդու մը վրայ պատմուի , որ հաւանականաբար այդպիսի վտանգէ դուրս է : Իսկ թէ որ նոյն դիպուածը սովէ դուրս ժամանակ պատմեն , հաւանականութիւնը բոլորովին ուրիշի վկայութեանը վրայ հիմնած կըլլայ , իմ հաւանութիւնս ալ աւելի կամ նուազ հաստատուն կըլլայ վկայից թուոյն ու հաւատարմութեանը համեմատ :

174. Ըստ երկու հիմանցը հարկադրիւնը :

Դիպաց վրայօք այնչափ հարկաւոր է աս ըստած հաւանականութեան երկու հիմունքը , որ եթէ վկաները տեղեկութիւն , փորձ ու հաւատարմութիւն չունենան , կամ իրարու հակառակ խօսին և կամ թէ

տուած վկայութիւննին սովորական փոր-
ձին ներհակ ըլլայ, մտքերնուս մէջ Մա-
կարելուրիւն, Երկրայուրիւն, Անատուզու-
րիւն ու կասկած կամ Անվատահուրիւն կը
ծնանի: Եւ թէ որ շատ արժանահաւատ
մարդիկ բան մը պատմեն, որ ըստ ին-
քեան ստոյգ է՝ բայց մեր ծանօթութեանցն
անհամաձայն, և մանաւանդ թէ բոլորո-
վին ներհակ ըրած փորձերնուս, շատ դը-
ժուարաւ հաւանութիւն կուտանք, ու մե-
զի համար հաւանականութիւնը շատ կը
պակսի: Ասանկ է ան դիպուածն որ Ախ-
մի թագաւորի մը վրայ կը պատմէ Լոք.
որ երբոր հոլանտացի դեսպանին մէկն իր
երկրին երևելի բաները կը պատմէր թա-
գաւորին, աս բանս ալ ըստ՝ թէ Հոլանտա-
ճմեռը ջուրը այնպէս կը սառի, որ մարդիկ
վրայէն կը քալեն. և թէ որ փիղերն ալ
ըլլային՝ անոնք ալ կրնային քալել. թագա-
ւորն ան ատեն աս պատասխանը տուաւ.
« Մինչեւ հիմա կարգէ դուրս պատմած
բաներուդ հաւտացի. վասն զի դքեզ ար-
ժանահաւատ մարդ կը սեպէի, բայց հիմա
տարակոյս չկայ որ ստասաց ես »: Պէտք
էր որ ասանկ ըսէր. որովհետեւ թագաւորն
այրեցած գօտւոյն տակը ծնած ըլլալով չէ
թէ միայն այդպիսի բանի աեղեկութիւն
չունէր, հապա լսած ալ չէր. մանաւանդ
թէ իր փորձերն անոր հակառակը կը վը-
կայէին: Թէ որ աստղաբաշխ մը լուսնին
երկրէս որչափ հեռու ըլլալն երթայ կոշտ

գեղացիի մը զուրցէ , ևս առաւել թէ մէջը հրաբուխներ կերևնան , գեղացին խնտած կը սկսի : Ուստի կը հետեւի որ պատմուած բան մը մեծագոյն աստիճան հաւանականութեան կունենայ ամեն մարդկանց առջին՝ թէ որ ամեն ատենի ամեն աեղւոյ համոզումն ու միանգամայն անփոփոխելի ու շարունակ եղած փորձերը պատմուած դիպուածին համաձայն ըլլան , ու հաստատեն հաւատարիմ վկաներէ պատմուածին ճշմարտութիւնը :

175. Հարանականորեն ուրիշ հիմունք և նմանորիւնն ու բանականորիւնն կամ խելքը

Ուրիշ տեսակ հաւանականութեան մըն ալ կայ ան բաներուն , որոնք թէպէտե զգայարանաց տակ չեն իյնար , և ոչ վրանին փորձ կըլլայ , և ոչ մարդ մը վրանին վկայութիւն կրնայ տալ , բայց կան այլեւայլ հաւանական կարծիքներ , որ միտք պառկեցընելու տեսակ տեսակ պատճառներ ունին . և աս պատճառներն այնչափ աւելի ուժ կառնեն՝ որչափ աւելի համաձայն ըլլան մեր գիտութեանը , մեր բանին կամ խելքին , շատ անգամ ալ մարդկանց այլեւայլ կերպ մտածութեանը : Որինակի համար , թէ հոգեղէն էակաց գոյութիւնն ու գործողութիւնն ինչ կերպ է , ան նիւթեղէն էակներն որ իրենց պղտիկութեանը համար մեր զգայարանաց տակը չեն

իյնար ինչ յատկութիւններ ունին . շատ
մը բնաբանական երևութից պատճառն
ինչ է . մարդկանց զանազան բարոյական
գործողութեանց վրայ ինչպէս դատաս-
տան ընելու է , և այլն : Նմանութիւնն ու
խելքը միայն որչափ որ կարելի է կրնան
այդպիսի դիպուածներու մէջ մեղի օգնել
ու հաւանականութեան հիմունք ըլլալ :
Չոր օրինակ , տեսնելով որ երկու մարմին
սաստիկ իրարու շփելով տաքութիւն ա-
ռաջ կու գայ , շատ անգամ կրակ ալ , նմա-
նութեամբ հաւանական կը սեպենք թէ
տաքութիւնն ու կրակն ուրիշ բան չէ , բան
եթէ այրող նիւթին անտեսանելի հիւլէից
սաստիկ ցնցումը : Տեսնելով որ զգայա-
րանաց ու դիտողութեանց տակ ընկող
էակաց մէջ անզգալի աստիճան մը կայ ,
անանկ որ շատ դժուարին է իմանալը թէ
որ կէտին իրարմէ կը զանազանուին , ու
հետզետէ դէպ՚ի կատարելութիւն առաջ
կերթան , նմանութեան օրինօք հաւանա-
կան կը սեպենք թէ նաև իմացական էա-
կաց մէջն ալ զանազան դասակարգու-
թիւններ կան՝ որ աստիճանաբար հետզե-
տէ կը բարձրանան ¹ մինչև Արարչին ան-
հուն կատարելութիւնը : Թէ որ բացայայտ

1 Գիտնալու է որ ոչ երբէք համեմատութիւն
կրնայ ըլլալ ստեղծական ու անստեղծ կատարե-
լութեանց մէջ , որչափ գերագոյն աստիճանի ալ
սեպուի ստեղծական կատարելութիւնը :

օրէնք մը չըլլայ որ մարդկանց քանի մը
բարոյական գործոց բարութիւնը կամ չա-
րութիւնն որոշելու կանոն ըլլայ, ան ա-
տեն անոնց վրայ եղած դատման հաւա-
նական ըլլալուն չափը՝ խելքի աւելի կամ
նուազ յարմար երևնալէն կառնուի: Հա-
ւանականութեան աս երկու հիմամբ՝ այս-
ինքն նմանութեամբ ու խելքով շինուած
հմուտ ու կանոնաւոր պատճառաբանու-
թիւնն այնչափ հաստատութիւն կրնայ
առնել, որ մինչև ստուգութեան կը մօտե-
նայ ¹:

176. Հաւանականութեան կանոններ:

Ինչ որ մինչև հիմա հաւանականութեան
վրայ ըսինք՝ կը հետեւի որ ճշմարտութեան
ծանօթութենէն ու ստուգութենէն տար-
բեր բան է, և մատց անսխալ կերպով ա-
պահովութիւն չի տար: Ուրեմն մարդ ճշ-
մարտութիւնը փնտըռելու կանոնաւոր ա-
ռաջնորդ ունենալու համար՝ հարկաւոր է
որ հաւանականութեան ամեն աստիճան-
ները և հիմունքը քննէ ու նայի թէ նախա-
դասութեան մը ինչչափ նպաստաւոր են,

1 Աստիկ նմանութիւնն որ կը տեսնենք ելեք-
տրական Հոսանիւթին ու կայծակին երևոյթնե-
րուն մէջ, որ շատ ու զգուշաւոր փորձերով հաս-
տատուած է, այսօրուան օրս մեզի ստուգութիւն
կու տայ որոշելու՝ որ կայծակին նիւթն ելեք-
տրական նիւթէն տարբերութիւն չունի:

որպէս զի անոր համեմատ մարդ հաւանի կամեա կենայ անկէ : Արդ երկու կողմանէ պատճառները լաւ մը կշռելէն ետև՝ նախադասութիւնը այնչափ աւելի կամ նուազ հաւանականութեան ուժ կառնէ , որչափ որ մէկ կողմի հաւանականութեան պատճառներն ու հիմունքն աւելի կամ նուազ զօրաւոր ըլլան քան զմէկալը : Ասկէց կը հետեւի

Ա. Որ եթէ նախադասութեան մը պատճառներն երկու կողմանէ հաւասարապէս հաւանական ըլլան , Երկրայուրիւն կըլլայ . որ է հոգւոյն անորոշութիւնն որ ոչ մէկ կողմը և ոչ մէկալ կողմը կը հակի , կամ երկու կողմանէ ալ հաւասարապէս պատճառ չըլլալուն , և կամ երկու կողմանէ ալ պատճառները հաւասար ըլլալուն համար , անոր համար առջինն որ ըլլայ՝ Ժիտողական կըսուի երկբայութիւնը . իսկ երկրորդն որ ըլլայ՝ Դրական : Եւ որովհետեւ հաւանականութեան պատճառները , որոնց համար կը հաւանինք , Ներքին կըլլան , այսինքն նիւթոյն բնութենէն առաջկու գան , կամ Արտաքին , այսինքն վկայութենէ առաջկու գան , անոր համար հոգին երկբայութեան վիճակին մէջ մնալու համար հարկաւոր է՝ որ պատճառներն երկու կողմանէ ալ հաւասար կամ ներքին ըլլան և կամ արտաքին . վասն զի թէ որ պատճառաբանութիւնները մէկ կողմանէ ներքին ըլլան , ու մէկալ կողմանէ արտաքին , հոգւոյն հաւանու-

թիւնն ալ խնդրոյն բնութեանը համեմատ կըլլայ կամ խելքին և կամ վկայութեան հետևելով։

Բ. Ան նախադասութիւնը որուն նպաստաւոր աւելի պատճառաբանութիւններ կան, ալէտք է որ մեր հաւանութիւնն իրեն քաշէ, քան թէ անոր ներհակ նախադասութիւնը. բայց միշտ իբրև հաւանական, և ոչ երբէք իբրև ստոյգ։ Եւ որչափ որ ներհակ պատճառներուն ուժն աւելնայ, այնչափ մեր նախադասութեան հաւանական ըլլալուն աստիճանը համեմատաբար կը պակսի։

Գ. Մէկ կողմանէ հաւանական պատճառաբանութիւններ որ ըլլան, ալէտք չէ ներհակ կողմին պատճառաբանութիւններն արհամարհել, մինչեւ որ չիցուցուի թէ աւելի տկար պատճառաբանութիւններ են։ Եւ թէ որ մէկ կողմը բացայատ ճշմարտութիւն ըլլայ, մէկալ կողմի ինչ և իցէ հաւանականութիւնն անօդուտ կըլլայ։

Դ. Այնպիսի հաւանական պատճառաբանութիւններ որ խելքի վրայ հիմնած են, զանոնք ջրել չըլլար, և ոչ ներհակ հաւանական պատճառաբանութեամբ տրկարացընել՝ վկայութիւն բերելով, միայն թէ աստուածային չըլլայ բերուած վկայութիւնը։ Թէ որ հաւանականութիւնը վկայութենէ առաջկու գայ, վկայութեանը վրայ միայն վստահանալու է. բայց թէ որ վկայութիւնը խելքի պայծառ ու յայտնի

սկզբանցն ու փորձառութեան դէմ ելլէ ,
ուժը կը կորսընցընէ :

ԳԼՈՒԽ Ը.

ԱՍՏՈՒՄԾԱՑԻՆ ՎԿԱՅՈՒԹԵԱՆ ՀԱԽԱՏՔԸ

177. Հաւատքն ինչ է :

Թէ որ գաղափարաց իրարու ունեցած
յարաբերութիւնը կարելի չըլլայ գտնել ոչ
անմիջապէս՝ ինքնադիմի տեսութեամբ ,
(157) և ոչ միջնորդաբար՝ ապացուցու-
թեամբ (158) և ոչ արտաքին երեսութիւ-
հաւանականութեամբ (171) , հապա մեր
հաւանութիւնն ուրիշի մը վկայութեանը
վրայ միայն դնենք , Հաւատք կըսուի : Ու-
րեմն հաւատքն է Ռորիշի վկայութեամբը հա-
շանիլ ան բաներուն որոնց որ ծանօթուրիւնը
չենք կրնար առնել ոչ զգայարակօք և ոչ խել-
քով : Եւ հաւատքն այնչափ աւելի հաս-
տատ կըլլայ , որչափ որ մարդս մեծ հա-
մարմունք ունենայ անոր գիտութեանն ու
հաւատարմութեանը վրայ՝ որուն որ կը
հաւտայ : Բայց որովհետեւ մեր հաւատքը
կանոնաւորող վկայութիւնը կընայ կամ
Աստուծմէ կամ մարդիկներէ գալ , անոր
համար հաւատքը կըլլայ կամ Աստուծային

և կամ Մարդկային . մարդկային հաւատքն
ոյնչափ նուաստ է քան զաստուածայինը
որչափ որ Աստուծոյ վկայութիւնը մար-
դուն վկայութենէն գերազոյն է :

178. Աստուածային վկայութիւնն անխարելիէ :

Թէպէտե ըսինք (173, 174) թէ աւելի
դիւրաւ կը հաւանինք ան բաներուն որ մեր
ծանօթութեանցն ու փորձառութեանն ա-
ւելի համաձայն են, բայց աս կանոնը բանի
չի գար երբոր անխաբելի է վկայութիւնը
որուն որ հաւանութիւն պիտի տանք, թէ և
վկայած բանը համաձայնի կամ չհամաձայ-
նի հասարակաց փորձառութեանն ու իրաց
սովորական ընթացքին: Այսպիսի վկայու-
թիւն Աստուծմէ միայն կու գայ, որ ոչ կըր-
նայ խաբել և ոչ կընայ խաբուիլ. և առաջ-
արկուած բանը Յայտնուրիւն կըսուի: Ուս-
տի աստուածային վկայութիւնն այնպիսի
կերպով մեր միոքը պիտի հաւանեցընէ ,
որպէս թէ նոյն բանին բացայաց ծանօ-
թութիւնն ունենայինք . որովհետեւ Աս-
տուծմէ յայտնուած բանին ճշմարտութեա-
նը վրայ այնպէս համոզուած պիտի ըլ-
լանք՝ ինչպէս որ համոզուած ենք մեր գոյու-
թեանը վրայ :

179. Աստուածային յայտնութեանը հաշտադու
կանոնները :

Անսխալեն անպատճառերը որոնց հա-
մար կը համօզուինք հաւանելու ան բանին,
որ իբրև աստուածային վկայութիւն մեզի
կառաջարկուի . վասնզի Աստուծոյ անհուն
ճշմարտութեան ու իմաստութեան վրայ
հիմնած են: Բայց մեր հաւատքը բանաւոր
ըլլալու համար՝ նախ պէտք է ապահովըլ-
լանք որ մեզի իբրև աստուածային յայտ-
նութիւն առաջարկուած բանը՝ իրաւցընէ
Աստուծմէ է . և երկրորդ՝ պէտք է քննել
թէ իրաւցընէ ստոյգ միտքը կը հասկընա՞նք
թէ չէ: Ասոր համար հետեւեալ կանոնները
դիտնալու է:

Ա. Պէտք է աստուածային յայտնութիւն
սեպել ան ամենայն բան որ պատշաճ են
աստուածային բնութեան կատարելու-
թեանցը, ան մեր պարաւոցն որ Աստուծոյ
վրայ ունեցած զաղափարէն առաջ կու-
գան. և դարձեալ զանոնք որ մեր բնութիւ-
նը կատարելագործելու և բոլոր մարդ-
կային սեռն երջանիկ ընելու յարմար են.
և բանավարութեան պայծառութացայոյտ
սկզբանցը համաձայն, և հրաշքով ու մար-
դարէութեամբ հաստատութիւն առած են:

Բ. Աստուած մեզի ինչ որ կառաջարկէ՝
չենք կրնար ժխտել ու չիհաւտալ՝ բանի
բնական լոյսէն վեր ըլլալուն համար. հա-

պլա իբրև աստուածային յայտնութիւն ընդունելու է՝ երբոր սուրբ գիրքն իբրև այնպիսի կառաջարկէ, և ուղղափառ եկեղեցին առհասարակ այնպէս կը հաւատայ:

Գ. Թէ որ Աստուծոյ խօսքին միտքը մթին ըլլայ, պէտք է եկեղեցւոյն վճռին հպատակինք . թէ որ եկեղեցին ան նիւթին վճիռ մը ըրած չէ, մեկնաբանութեան արուեստին ճիշդ կանոնացը համեմատքանի իմաստ որ տայ Աստուծոյ խօսքը՝ պիտի անանկ հասկընանք, բայց միշտ հաւանականութեամբ, և ոչ ստուգութեամբ:

ԳԼՈՒԽ Թ.

ՄԱՐԴԿԱՅԻՆ ՀԱԽԱՏՔ ՈՒ ՎԿԱՅՈՒԹԻՒՆ

180. Մարդկային վկայութիւնը սխալական է :

Կոյր կերպով հնազանդելու պարտական ենք Աստուծոյ վկայութեանը՝ երբոր ապահով ըլլանք որ մեզի հաւտալու առաջարկուած բանը՝ իրօք Աստուծմէ է (179): Բայց մարդկային վկայութիւնն ասանկ չէ . վասն զի մարդ սխալական ըլլալով ու կարենալով խաբուիլ ու խաբել, ուրիշներն ալ մալորութեան մէջ կրնայ ձգել: Ուրեմն աստեսակ վկայութեանց մէջ պէտք է մոքեր,

նէս անցընենք՝ թէ ան որ մեղի բանի մը
հաւտալ կառաջարկէ իբրև ճշմարիտ՝ չըլ-
լայ թէ ինքը խաբուած և կամ ուրիշը խա-
բել ուղենայ :

181. Մարդկային վկայութիւնն ինչ բանի
մէջ ու ինչ կերպով պետք է գործածել :

Երկու տեսակ բանի մէջ ուրիշի վկայու-
թեանը հաւտալու հարկ կրնայ ըլլալ, կամ
զուտ գիտնական նիւթի մէջ, և կամ դի-
պաց վրայօք։ Գիտնական նիւթի մէջ պէտք
է ուրիշի հաւտանք թէ որ չենք կրնար մենք
անձամբ նոյն բանը քննել, կամ մտքերնիս
բացուած ու հարկաւոր զարգացումն առած
չըլլալով այնպիսի գիտութիւն սորվելու,
ինչպէս են տղաքն ու անոնք որ անկարող
են 'ի բնէ, և կամ նոյն գիտութիւնը սոր-
վելու ոչ ատեն և ոչ կամք ունենալով. և
կամ թէ ուրիշ ո՛ւ և իցէ պատճառի մը հա-
մար։ Զոր օրինակ, օրինաց տպէտն օրի-
նական նիւթի մէջ պէտք է օրէնսգիտին
դիմէ. օրինագէտն ալ բժշկին, չափաբե-
րին, աստղաբաշխին պիտի երթայ թէ որ
աս ամեն մէկ գիտութեանց վերաբերեալ
բաներու տեղեկութիւն առնելու հարկ
հասնի. և ընդհանրապէս ո՛վ որ գիտու-
թեան մը տեղեկութիւն չունի, պէտք է նոյն
գիտութեան հմտութիւնն ունեցողին հաւ-
տայ։ Բայց գիտելու բան է որ ուրիշի վկա-
յութիւնը մեր մտքին վրայ այնչափ աւելի

կազդէ, որչափ որ իրեն կարողութեանն ու
գիտութեանը վրայ վստահութիւն ունինք:
Եաւ աւելի կը հաւտանք Նեւտոնին ըրած
փորձին, դիտողութեան կամ գտած ճշմար-
տութեանը՝ քան թէ ո և իցէ ուրիշ մատե-
նագրի մը, որ ան վսեմ հանձարին կարո-
ղութեանն ու մտածութեան ուժը չունի:
Անոր համար երբոր պէտք ըլլայ հեղինակի
մը հաւտալ՝ միշտ այնպիսին նախապատիւ
սեպելու է, որ նոյն ուսման մէջ աւելի
փորձ ու համբաւ ստացած է: Բայց որչափ
որ կարելի է՝ ամեն մարդ պիտի ջանայ որ
ինչ բանի որ իր խելքով ու փորձովը կրնայ
տեղեկանալ՝ ուրիշի կարօտ չըլլայ, և զգու-
շանալու է ինքն ասաց ըսել ու երթալ:

182. Դիսուածներու ինչ կանոնի պետք է
հաշարք ընծայել :

Ան տեսակ բաներն որ ուրիշի վկայու-
թեան 'ի հարկէ կարօտենք, դիպուածներն
են, զորոնք տեղւոյն կամֆամանակին հե-
ռաւորութեանը պատճառաւ մենք անձամք
տեսած չըլլալով՝ հարկաւ պէտք է անոնց մէ-
լսենք որ զայն դիպուածները կը պատմեն,
որ Պատմիչք կը սուիին: Եւ թէ պէտ մէկ կող-
մանէ պատմութիւնը մեծ վարժապետ է և
ծանօթութեանց առատ աղբիւր մը, ամեն
ատենուան, ամեն կլիմայի և ամեն վիճակի
մարդիկներն ճանչնալու, և այնչափ բնու-
կան, բարոյական ու քաղաքական յեղափո-

խութեանց տեղեկութիւն տալու, բայց մէս
կալ կողմանէ ալ պատմիչները շատ կեր-
պով պատմութեան ճշմարտութիւնը կըր-
նան այլայլելու եղծանելև մեղի կասկա-
ծելի ընել։ Ուստի չխաբուելու համար ու
պատմութիւնը կարդալու ատեն ճշմար-
տութիւնը գանելու լաւ առաջնորդութիւն
ունենալու համար՝ աս հետեւեալ կանոն-
ները դիտելու է։ ա. Վկայից թիւը։ թ.
Դիպուածոց վրայօք առնուած տեղեկու-
թիւնը։ զ. Վկայողին անկեղծ և ո՛ւ և իցէ
կիրքէ աղատ ըլլալը։ դ. Մատենագրին
նպատակը։ ե. Պատմութեան համաձայն
դժնուիլն ուրիշ դիպուածոց։ հանդամա-
նաց, խելքի և փորձոյ։ զ. Հակառակ վկա-
յութիւններ։

183. ա. Վկայից թիւը։

Թէ որ շատ ականատես վկաներ բանի
մը միաբան վկայութիւն տան, ան դիպուա-
ծը բարոյապէս ստոյգ պէտք է սեպել, վա-
սըն զի բարոյապէս անկարելի է՝ որ բոլորն
ալ խաբուած ըլլան, կամ բոլորն ալ միա-
բանին ուրիշները մոլորցընելու։ Թէ որ դի-
պուածի մը վրայօք մէկ պատմիչ մը միայն
վկայէ, իրեն անկեղծութեանն ու հմտու-
թեանը համեմատ՝ իրեն վկայութեանը հա-
ւատարմութիւնն ալ աւելի կամ նուազ
յարգ կունենայ։ Իսկ թէ որ մի և նոյն դի-
պուածը շատ մատենագիրներ պատմեն,

բայց ամենն ալ մէկ մատենագրի մը վկայութեանը վրայ հիմնած, անոնց վկայութիւնն այնչափ կաժէ՝ որչափ որ կաժէ առջի պատմիչին վկայութիւնը։ Անոր համար քննաբանք Տրոյական պատերազմի իրաւամբ տարակուսական կը համարին, թէպէտե շատ մատենագիրք նոյն բանը կը պատմեն. վասն զի ամենն ալ Հոմերոսի վկայութեանը վրայ հիմնած ըլլալով, որ պատմութիւնն առասպելաբանութեամբ առագաստած է, իրենց վկայութիւնն ալ Հոմերոսի վկայութենէն աւելի ուժ չունենար։

184. Բ. Դիպուածոց տեղեկութիւնը :

Պատմիչէ սլահանջուած գլխաւոր հանգստամանքներէն մէկն է դիպուածոց տեղեկութիւնը, այսինքն թէ իր պատմած բանը կրնա՞ր մի գիտցած ըլլալ։ Եւ աս կիմացուի նախ դիտելով թէ մատենագիրը դիպուածը ճշգելու համար արդեօք աչալրջութիւն ու ընտրութիւն ունեցե՞ր է, չէ նէ դիւրահաւան ու աւելորդապաշտ գտնուելով՝ ուամկին ձայնէն խաբուեր է։ Երկրորդ՝ նայելով թէ դիպուածին տեղն ու ժամանակը մատենագրէն ինչ հեռաւորութիւն ունի։ Չոր օրինակ, ժամանակակից ու ընտանի պատմիչը, բաւական է որ անձնական շահախնդրութիւն մը չըլլայ, աւելի հաւատարմութեան արժանի է, քան թէ

օտար մը ու ժամանակաւ հեռաւորը։ Հերոդոտոս, որ հայր պատմութեան կըսուի, շատ առասպելներ իբրև ճշմարիտ դիպուած կը պատմէ։ Վասն զի շատ դիւրահաւան է եղեր այլեայլ առասպելախառն պատմութեանց, և մասնաւորապէս եղիսլտացւոց քուրմերուն պատմութեանցը, որ յայտնապէս դիւրահաւան գտնելով զինքը լաւ մը խաբեր են շատ դիպուածներու մէջ որ եղիսլտացւոց փառք ու մեծութիւն կը սեպուի. թէպէտե ինքը կը վկայէ թէ ինչպէս որ լսած է անանկ գրեր է իր պատմութիւնը։ Կոյնապէս մատենազրին որպիսութիւնը շատ օգուտ կընէ դիպուածը լաւ դիտնալու. կան դիպուածներ զորոնք պատերազմական կամ քաղաքագէտ մարդ մը աւելի կրնայ գիտնալ, քան թէ սոսկական մը ցածազգի, անփորձ ու տէրութեան գործքի մէջ չմտած։ Պողիբիոս ամենայն կերպով արժանահաւատ է ինչ որ կը պատմէ Պունիկեան պատերազմին վրայօք, վասն զի խելացի, ժամանակակից պատերազմի ու տէրութեան մարդ էր, և նոյն պատերազմին ամեն մասնաւոր դիպուածներուն ականատես եղած։

185. Գ. Մատենազրին անկեղծուրիւնը և որ և իցէ կրքէ ազատ լուալը։

Կարելի է որ մատերագիր մը դիպուածն աղէկ դիտնայ, բայց անկեղծ չըլլայ, ու վա-

խի, ատելութեան, սիրոյ կամ ինչ և իցէ
կրքի պատճառաւ ճշմարտութեան դէմխօ-
սի։ Աիւիոս բոլորովին հոռմայեցւոց սի-
րովը վառուածըլլալով՝ որչափ որ հոռմայե-
ցւոց զինուորական քաջութիւնը, կառա-
վարութեան ճարտարութիւնը, և իրենց
ուրիշ որ և իցէ գովելի յատկութիւնները
կը բարձրացընէ, այնչափ ալ թշնամի
ազգաց պատշաճ յարգը մթընցընել կը ջա-
նայ։ Տակիտոս միշտ անզգամներու դէմ
զայրացած՝ շատ անգամ չափաղանց գէշ
կերեցընէ չարագործներուն բնաւորու-
թիւնը։ Վելլէյոս Պատերկուլոս ալ բոլո-
րովին Սեյանոսի վրայ կուրցած, անանկ
չարագործ մարդը՝ դիւցազուն մը կերեցը-
նէ։ Բռնաւոր տէրութեան տակ եղող մա-
տենագիրները՝ շատ անգամ վախէ բռնա-
դատուած են ճշմարտութիւնը ծածկելու։
Ինչպէս որ սէրն ու ատելութիւնը մա-
տենագրի մը ստել կու տան, նոյնպէս ալ
սոյն իսկ կրքերը ճշմարտութեան փաստ
մը կըլլան, թէ որ թշնամեաց վրայ ազէկ
կերպով խօսի, կամ սիրելիներուն մոլու-
թիւնները պատմէ։ Աննա կոմմենտ շատ
հաւատարիմ կը համարուի երբոր ազէկ
կը խօսի Հոռքերտոս Գուիսկարտոսին
վրայ, որ իր հօրը Ալեքսիս կայսեր մեծ
թշնամին էր։ Բայց զգուշալի է հաւալ
ինչ որ կըսէ իր հօրն առաքինութեանցը
վրայօք։ Մովսէս (մէկու թողով աս-
տուածային ազգեցութիւնը) ամենայն

Հաւատարմութեան արժանի է ինչ որ եբ-
րայեցւոց մոլութեանցը վրայ կըսէ:

186. Դ. Մատենագրին նպատակը :

Ամեն մատենագիր պատմութիւն գրելու
ատեննին ճշմարտութիւնն իրենց նպա-
տակ դրած չեն. հապա շատը ճշմարտա-
նմանը բաւական սեպելով, ամեն ջանք
կընեն աւելի իրենց հանճարը ցցընել՝ կամ
ճարտասանական արուեստ ծախելով և
կամ ճախարակեալ ոճերնին. անանկ որ
կան ոմանք որոնց աւելի վիպասանի քան
թէ պատմաբանի անուն կը վայլէ: Կուին-
տոս կուրտիոս մեծին Աղեքսանդրի վա-
րուց մէջ փոյթ չունենալով դիպուածոց
ճշմարտութիւնն ստուգելու, իր դիւցազին
ներբողը միշտ կընէ մերթ ընդ մերթ բացա-
դանչութիւններ ալ խառնելով, իսկ ան-
դին շատ անգամ աշխարհագրական սխալ-
մունքներ ալ կընէ: Ոմանք կը համարին
որ Պետրոս Պեմպոյ Վենետիկի պատմու-
թիւնն աւելի ոճի կրթութեան համար
գրած է, քան թէ հաւատարմութեամբ
եղած դիպուածները պատմելու: Աս կեր-
պով գրուած պատմութիւնները միշտ երկ-
բայական են:

187 . Ե . Պատմութեան համաձայն գտնոյիլք
ուրիշ հանգամանաց և խելքի :

Ինչպէս որ ամենայն հաւատարմութեան
արժանի է ան պատմութիւնն որ մնացած
յիշատակարաններուն համաձայն կելլէ,
ասանկ ալթէ որ ընդհակառակն անհամա-
ձայն ըլլայ՝ պէտք է աւելի յիշատակարան-
ներունքան թէ պատմութեանը հաւտալ:
Կը պատմէ Պետրոս սարկաւագ որ Յուս-
տինիանոս կայսրը կասինեան լերան մե-
նաստանին մեծամեծ պարզեներ ըրաւ:
Բայց նոյն կայսեր ժամանակը սուրբ Բե-
նեղիկոս դեռ ան կողմերը գացած չէր.
ևս առաւել ան մենաստանը չէր կրնար
շինուած ըլլալ: Դիսլուածի մը պատմու-
թիւնը ճշմարիտ, հաւանական կամ սուտ
կը սեպուի որչափ որ աւելի կամ նուազ
համաձայնի ան հանգամանացն որ դի-
պուածին հետ վերաբերութիւն ունին: Կի-
կերոն Քսեստոս Հռոսկիոսի ջատագովու-
թեան ճառին մէջ հանգամանքները դի-
պուածին հետ բաղդատելով կը հաստատէ
թէ զրպարտութիւն է Հռոսկիոսն իբրև
հայրասպան ամբաստանել. և նոյն հան-
գամանքներովը կը ցցընէ թէ յանցանքն
ամբաստանողներուն է: Ան պատմու-
թիւնն որ հակառակ կըլլայ խելքի պայծառ
ու բացայայտ սկզբանցը կամ յայտնի ու
անփոփոխելի փորձին՝ խաբէական սեսլե-

լու է : Երբէք հաւատալի բան չէ որ իւկղիդէս կրցած ըլլայ ապացուցանել թէ երկկողմնազոյգ եռանկեան խարսխին երկու կողմի անկիւններն իրարու անհաւասար են , թէպէտև աս բանիս բոլոր աշխարհք վկայ ըլլայ : Որչափ բազմաթիւ ալ ըլլան վկայք՝ չեն կրնար համողելթէ մարդ մը թե առած ու թռած ըլլայ :

188 . զ . Վկայութեանց իրարու ներհակուրիւնը :

Թէ որ պատմութեան դիպուածի մը վրայ շատ մատենագիրներ անմիաբան ըլլան , պէտք է իրենց ձիրքն ու հանգամանքը քննել ու իրարու բաղդատել , և ըստ այնմ դատումն ընել : Պէտք է որ աւելի ընտրենք ժամանակակից ու ընտանի պատմաբանըքան զայն որ ժամանակով ու տեղով հեռու է . խելտցի , անկեղծ ու անշահախնդիր մատենագիրը նախապատիւ պէտք է ընել քան զայն մատենագիրն որ տգէտ է , դիւրահաւան , աւելորդապաշտ , կրքոտ ու ստասաց : Աս բանիս օրինակ ըլլայ կոստանդիանոսի սուրբ Սեղբեստրոսէն մկրտուած ըլլալուն վէճն որ Բարոնիոս կը հաստատէ . իսկ Պետաւիոս , Ապոնդանոս , և ուրիշնոր մատենագիրներ սիսալ կը համարին . բայց երկու կողմն ալ իրենց դատաստանը պէտք է որ հին մատենագրի մը վկայութեան վրայ

Հիմնած ըլլան։ Արդ հիներուն մէջ միայն սրբոյն Սեղբեստրոսի գործոց մատենագիրը աս մկրտութիւնը կը յիշէ, որ արժանահաւատ մը չերևնար. իսկ ընդհակառակն Եւսեբիոս կը ժխտէ, որ խելացի, ժամանակակից ու ընտանի մատենագիրէ, ու կոստանդիանոսի մահուանէն չորս կամ հինգ տարի ետքն անոր պատմութիւնը գրեց, ու հաւանական է որ համարձակած ըլլայ այսպիսի մեծ ու աշխարհածանօթ դիպուածի մը մէջ ստել։ Ուստի ամեն կողմանէ ասոր վկայութիւնն առջինէն եւել վերադասելու է։

189. Ժխտողական փաստն ինչ ուժ կունենայ։

Թէ որ մատենագիր մը դիպուած մը չյիշէ, անկէց չի հետեւիր ըսել որ նոյն դիպուածը կը ժխտէ. որովհետեւ լուսութիւնը, որ ժխտողական փաստ կըսուի, կրնայ առաջ գալ անհոգութենէ, տղիտութենէ, 'ի սիրոյ, վախէ կամ ուրիշ պատճառէ մը։ Բայց դիպուած կը հանդիպի ուր լուսութիւնն այնպիսի դէպրը ժխտել կը ցցընէ. ինչպէս երբոր մատենագիրն իրեն նպատակ մը գնելով մասնաւոր պատմութիւն պատմէ, և այնպիսի դիպուածներ լուէ՝ որ իր նպատակին յարմար կու գային։ Կեոն ոստիացի մէկիկ մէկիկ կը պատմէ ինչ սլարդեւ որ եղած է կասինեան լեռանը մենաստանին, նաև չնչին բաները։

բայց Յուստինիանոս կայսեր ըրած ալարդին ամեննեին չի յիշեր , որուն վրայ որ Պետրոս սարկաւագը կը խօսի . որ թէ իրաւ ըլլար , Անոն զանց չէր ըներ , որովհետեւ քան զամենն երևելին կըլլար : Ահա այսպիսի դիպուածի մէջ մատենադրին լռութիւնը ժխտելու ուժ ունի :

190. Ի՞նչ դատաստան ընկալու և անզիր առանդուրեկան վրայ :

Բերնէ բերան եկած աւանդութիւններն այնչափ աւելի հաւատարմութիւննին կը կորսընցընեն , որչափ որ սկզբնական ճշշմարտութենէն հեռանան , կամ նոյն բանին եղած ժամանակէն . ամեն մարդ դիւրաւ բան մը կաւելցընէ կամ կը սլակուցընէ , անանկ որ բուն դիպուածն այնչափ կը փոխուի , որ պատմուածին մէջ ոչինչ կամ խիստ քիչ ճշմարտութիւն կը մնայ : Բայց շատ անգամ ալ բոլորովին ասոր ներհակը կը տեսնուի . վասն զի եղած են դիպուածներ որ առջի բերանն ամեննեին անհաւանական համարուած են այնպիսի խելացի մարդէ , որ առջի ան դիպուածը պատմողին ժամանակակից եղերէ . յետոյ կամաց կամաց տարակոյսը փարատեր ստոյգ են համարուեր , իբրև թէ դարերը ծերանալով անոնց ճշմարտութեանն իրաւունք են տուեր , որ 'ի սկզբան կը մերժէին :

ԳԼՈՒԽ Ժ.

ԳՐՈՑ ՔՆՆԱԴԱՏՈՒՐԻՆՆ ինչ է :

191. Գրոց Քննադատուրինն ինչ է :

Թէ որ պատմութիւն կարդալու առեն
հարկաւոր սեպեցինք դիպուածներուն
ճշմարտութիւնը քննել, նոյնպէս հարկա-
ւոր է նաև գրուածքի մը ստոյգ մատենա-
գիրը փնտըռել և իմանալ թէ արդեօք
մէջի իմաստներն իրաւցընէ նոյն մատե-
նագրին են թէ մէկ ուրիշի մը . կամ թէ
գրուածքին մէջ օտար ձեռք մըն ալ մտե՞ր
է թէ չէ : Արդ ան արուեստն որ կանոն-
ներ կը հասաատէ թէ լնչպէս պէտք է
գրուածքի մը հարազատն անհարազատէն,
ամբողջը սլակասաւորէն որոշել, և թէ
լնչպէս ճանչնալու է միանգամայն ձեռք
խառնած կամ աւրուած ըլլալը, Քննադա-
տուրինն գրոց կըսուի :

192. Քանի մը քննադատուրինն բառերու
մեկնուրինը :

Աս դլխուս մէջըսելիքները լու հասկը-
նալու համար՝ դեռ խօսքերնիս առաջ չի-

տարած քանի մը հարկաւոր բառերու մեկ
նութիւնը սկզբ է տալ: ա. Հարազատ
կըսուի գիրք մը թէ որ իրօք նոյն մատե-
նագրին է, որուն անունը գրքին վրայ
գրուած է, ընդհակառակն Անհարազատ
կըսուի թէ որ գիրքը որուն որ կընծայուի՝
անորը չըլլայ: Զոր օրինակ, թէ որ ան
գիրքն որ կըսուի Մարդկային իմացողու-
թեան տկարուրիւնը՝ իրաւցընէ Դանիէլ
Հուետիոսին է, որուն անուամբը կը կո-
չուի, հարազատ է. բայց թէ որ ուրիշ
մատենագրի մըն է, ինչպէս որ հաւա-
նական է, անհարազատ կըլլայ: թ. Թե-
րակատար կամ Պակասաւոր կըսուի ան գիր-
քը, որուն մէջն որ պակաս կտորներ կան.
ինչպէս են Կիկերոնի քանի մը ճառերը:
զ. Ընդխառնեալ է ան գիրքը, որուն պա-
կասաւոր կտորներն օտար մը ինք իր քո-
վէն յարմարցուցեր և ամբողջացուցեր է:
դ. Աղաւաղեալ կըսուի ան գիրքը որուն
մէջն որ սխալ բառեր կը գտնուին, ու
այնպիսի կերպ գրուածք, որ մատենա-
գրին ընդհանուր կերպէն օտար են:

193. Գրոց եղծման պատճառները:

Գրոց եղծման կամ աղաւաղելուն այլե-
այլ սլատճառներ եղած են:

Ա. Կամ անանուն մատենագիրներ ի-
րենց գրուածքը պատիւ գտնելու փառա-
սիրութեամբ, և կամ գրավաճառք բուն

մատենագիրը չգիտնալով կամ շահասիրութեամբ գրքերն աւելի սուզ ծախելու համար, ուրիշ երեւելի մատենագրի մը անուամբ հռչակած են. աս պատճառաւ է որ անհարազատ գրքերն այնչափ շատցած են :

բ. Որովհետեւ ԺԵ դարուն գտնուեցաւ տպագրութեան արուեստը՝ անկէց առաջ գրքերն այլևայլ նիւթերու վրայ կը գրէին, որ կամաց կամաց բոլորովին կամ ըստ մասին կը մաշէին թէ ժամանակին երկայնութեամբն և թէ ուրիշ դիպուածոց պատճառաւ, ինչպէս որ պատմութիւնը մեզի կաւանդէ . օրինակներն ալ քիչ ըլլալուն՝ սկզբնագիրը շատ տեղ պակասաւոր կը մնար, կամ պակաս տեղուանքն ուրիշ մատենագիրը ըստ հաճոյից կը լեցընէին : Սրիստոտէլի գրուածքներն այնչափ աւրուած են որ թէ որ աս փիլիսոփային հարազատ իմաստներն ընտրել կարելի ըլլար, անտարակոյս ան գրուածքները մեծագոյն մասամբ իբրև աղաւաղեալ, ձեռք խառնած ու անհարազատ դուրս պիտի ձգուէին :

գ. Գրավաճառներուն, օրինակողներուն կամ տուն տուողներուն տգիտութիւնը կամ անհոգութիւնը անբաւ սիսաւներու պատճառ կը լլար. վասն զի շատ անդամ եղծեալ կամ խարդախեալ օրինակներէ արտօրնօք օրինակելով առանց իմաստին ուշգնելու ամբողջ տողեր դուրս

կը ձգէին կամ բառ մը ուրիշ բառի տեղ
կը դնէին, և այլն :

Դ. ԱԵԿՆԻՀՆԵՐԸ տգիտութեամբ կամ
չարութեամբ իրենց մեկնած գրքերուն
մէջ անթիւ սխալներ են խոթեր : Որոգի-
նէսի գրոց մէջ Հռուփինոս մեկնիչն աւե-
լի սխալներ է խոթեր քան թէ Որոգինէս :

Ասոնք են ահա գրոց մէջ հանդիսած
աւրուելուն կամ խարդախութեանց պատ-
ճառները : Աս անպատշաճութեան կեր-
պով մը դարման ընելու համար՝ քննա-
դատք կանոններ սահմանած են, որոնց-
մով հարազատ ու օրինաւոր գրուածքնե-
րը կորոշեն անհարազատներէն, ամբողջ-
ները խարդախածներէն, և այլն : Աս կո-
նոններու մէջ դիտելու արժանի են հե-
տեւալ տասը կանոնները :

194. Գրոց հարազատուրեանք քննադատ
կանոններ :

Ա. Կանոն :

Գրքի մը անհարազատ ըլլալու նշան կը
սկսուի, թէ որ մի և նոյն գիրքը հիմ ձեռա-
գրաց մէջ տարբեր մատնեազրի ընծայուի,
ու նորերուն մէջ տարբեր : Աս կանոնիս
պատճառն ալ է որ գրքի մը ճշմարիտ մա-
տենտգիրը հաւանականաբար աւելի ա-
նոնց ծանօթ է, որ ժամանակաւ մատե-
նազրին աւելի մօտ են քան թէ անոնց որ

Հեռու են ժամանակաւ . Միայն թէ ան հին
ձեռագիրներն ալ կասկածաւոր սեպելու
պատճառ մը չըլլայ : Վեշտասաներորդ
դարուն կը համարէին թէ Կոռնելիոս Նե-
պոսի երևելի արանց վարքը Եմիլիոս Պրո-
պոս անունով մէկը շարագրած ըլլայ , որ
մեծին թէոդոսի ատեններն էր . իսկ թէո-
դոսէն հին ձեռագիրները Կոռնելիոսի
Նեպոսի կու տան զանիկայ . ուրեմն Եմի-
լիոս Պրոպոսի անուամբն անհարազատ
էր գիրքը , իսկ Կոռնելիոս Նեպոսի ա-
նուամբը հարազատ :

195. Բ. Կանոն :

Թէ որ հին ձեռագրաց մէջ ետքի ձեռագրաց
մէջի յաւելուածները չի գտնուին , կամ թէ առ-
յի ձեռագրաց մէջ հատուած մը լլայ որ ետ-
քիններուն մէջը պակաս է , գրուածքը կամ
ձեռք խառնած է , կամ թերակատար և կամ
անհարազատ : Իսկ թէ որ ձեռագիրները հա-
շատար հնորիշն ունենան , իրաւունք կունենայ
մարդ ձշմարիտ մատենագրին վրայ տարա-
կուելու , կամ թէ գրուածքը խարդախւալ
կամ թերակատար սեպելու : Հմուտ քննա-
դատք կը տարակուսին թէ Դոնատոսի ա-
նուամբ եղած Տերենտիոսի մեկնութիւնն
ամբողջ պիտի չըլլայ . և ուրիշ պատճառ-
ներէն զատ մէկն ալ աս է՝ որ սուրբ Հե-
րոնիմոսի յիշած երևելի հատուածը մէջը
չկայ : Նոյնպէս է Յաղագս մխիրարութեան

գիրքն որ Կիկերոնի կընծայուի, վասն զի գեղեցիկ հատուածներ մէջէն սպակաս են, որ Լակտանտիոսի մէջը կը գտնուին :

196. ♀. Կանոն :

Ան գրքերը, որ ոչ հին ցանկերու մէջ կը յիշուին, և ոչ մատենագրին ժամանակակից կամ մերձաւոր գրուածքներու մէջ՝ կեղծեալ կամ զոնկ կասկածաւոր սեպելու է։ Բայց աս կանոնը Փեղրոսի և կ. Կուրտիոսի վրայ չստուգուիր։ Վասն զի թէպէտե Փեղրոսին առջի յիշատակութիւնը Փեստոս Աւիենոս կընէ որ թէոդոս կայսեր ժամանակակից է, ու կուրտիոսին յիշատակն ամենեին հիներուն մէջ չի գտնուիր։ Բայց ամենքը կը միաբանին թէ Փեղրոս Տիբերիոսի ժամանակակից է, ու կ. Կուրտիոս ալ Վեսպասիանոսի։ Ուստի հիներուն լութիւնը ժխտողական փաստ ըլլալով շատ ուժ չունենար։ Բայց շատ զգուշութեամբ ու աշալրջութեամբ աս փաստը գործածելու է։

197. ♀. Կանոն :

Ան գրքերն որ հիները յայտնապէս անհարազատ են սեպած՝ միայն նորերուն վկայութեամբ պէտք չէ հարազատ սեպել, բաւկան է որ ժաներ պատճառներ ըրլան կասկածել տարու քէ հիները սխալած լրան։ Աս կա-

նոնիս պատճառը Ա. կանոնին հետ նոյն
է, այսինքն զրբի մը ճշմարիտ հեղինակն
աւելի ծանօթ պիտի ըլլոյ անոնց՝ որ անոր
ատենին աւելի մօտ ենքան թէ անոնց որ
հեռու են:

198. Ե. կանոն:

Ան զիրքը, որուն մէջն այնպիսի իմաստ-
ներ կան որ բոլորովին հակառակ են մատե-
նագրին ուրիշ տեղի իմաստներուն, անհարա-
զառ կամ ձևոք խառնած պէտք է սեպել: Աս
կանոնիս համեմատ կղեմիս աղեքսան-
դրացիին մէջ քանի մը գլուխներ կան որ
անհարազատ սլէտք է սեպել. վասն զի
մէջը արիանոսաց հերետիկոսութեանը
զինքը ջատաղովկը ցցընէ, որուն բոլորո-
վին դէմեղած է իրեն ամեն մէկալ զրուա-
ծոց մէջ, և որդւոյն Աստուծոյ փառքն
ու յաւիտենականութիւնը կը հաստատէ:
Բայց աս ալ դիտելու է՝ թէ որովհետե-
մատենագիր մը կրնայ իր կարծիքը փո-
խել կամ նոր ծանօթութիւններ ստանա-
լով, կամ փոփոխական խառնուածոյն
պատճառաւ, և կամ յիշողութեանը տկա-
րութեամբը չյիշելով ուրիշ տեղ գրածը,
կամ թէ ուրիշ պատճառաւ մը, ուստի աս
կանոնը կրնայ սխալիւ, և աչալրջութեամբ
գործածելու է:

199. զ. Կանոն :

Են զիրքը, որուն մեջն այնպիսի անձինք
ու այնպիսի դիպուտածներ կը յիշուին, որ մա-
տենագրին ժամանակեն ևու եղած են, ան-
հարազատ կամ ձեռք խառնած է : Իրաւամբք
անհարազատ կը սեպուի ան կանոնաց հա-
ւաքումը՝ որ Անսելմոսի Լուքայի եպիսկո-
պոսին կը տրուի . վասն զի մէջը Ուրբա-
նոսի Բին, և ուրիշ իրեն յաջորդ քահա-
նայապետաց վճիռները կան, որ Անսել-
մոսէն ետքն են : Բայց աս ալ շատ անգամ
կրնայ Հանդիպիլ՝ որ ետքի մատենագիր
մը լուսանցքը ծանօթութիւններ աւելցու-
ցած ըլլայ, որ ետքն օրինակողաց անհո-
գութեամբը կամ տղիտութեամբը զըրին
մէջը խոթած ըլլան : Ուստի թէպէտե զըր-
քի մը մէջ մատենագրին ժամանակէն ե-
տեի գիպուածներ Հանդիպին, բայց պէտ-
քը չէ զահավէժ խորհրդով բոլոր զիրքն
անհարազատ սեպել :

200. ի. Կանոն :

Տգետ ու առուրիւններով ու անհմտուրեամբ
յեցուն զիրք մը չի կրնար ոչ ամրող և ոչ բատ
մասին հմուտ ու խելացի մատենագրի մը
գրուածք ըլլալ, բեպետե հին ձեռագրաց մէջ
անոր տրուի : Որովհետեւ Աերվիոսի ըն-
ծայուած Վիրգիլիոսի բացատրութիւննե-

ροւն **մէջ** անթիւ անխելքութիւններ կան,
իրաւամբք հմուտք անհարազատ կը սե-
ալեն, ու անխելք ու տգէտ մարդկանց
գրուածք : Նոյն պատճառաւ Երասմոս
անհարազատ կը սեպէ սրբոյն Հերոնիմո-
սի ընծայուած շատ մը գրուածքներ :

204. Ղ. Կանոն :

Ան զիրքը, որուն մէջը մատենագրին ժա-
մանակեն ետև ելած վիճարանութիւններ կան,
կամ առելի նոր մատենագրի մը նմանութիւն
կը տեսնուի, անհարազատ կամ՝ ձեռք խառ-
նած կամ խարդախեալ պէտք է սեպել : Լա-
տիներէն Յոթայ գրքին վրայ մեկնութիւն
մը կայ իրեք գիրք բաժնուած՝ որ Որոգի-
նէսի կը տրուի, բայց յայտնապէս անհա-
րազատ է . որովհետև մէջը արիանոսաց
հերետիկոսութեան վրայ խօսք կայ, որ
Որոգինէսի ժամանակէն ետքն է ելած .
ու մէջը ծրագրութիւն (օմօնուխու) համագոյակից
բառն ալ կայ, որ Նիկիոյ Ա. Ժողովը հը-
նարեց արիանոսներուն դէմն առնելու
համար, և Որոգինէսին ետքն է : Երբեմն
կրնայ հանդիսիլ որ մատենագիր մը այն-
պիսի խնդրոյ մը վրայ խօսած ըլլայ, որ
իր ատենէն ետքն ելեր է : Փոտ՝ Թէոդո-
րոս մոպսուեստացւոյն գրուածոց մէջը
նեստորեան հերետիկոսութիւն դտաւ,
թէպէտև Թէոդորոս Նեստորէն առաջ
էր . ու Նեստոր անոր գրուածքներէն ա-

ուաւ ան մոլորութիւններն որ իր ատենն
երեւան եկան :

202. Թ. Կանոն :

Որովհետեւ չէ թէ միայն իւրաքանչիւր
մատենագիր, այլ և իւրաքանչիւր դար
գրելու ոճ մը ունի, ուստի թէ որ գրքի մը
մէջ իր դարեւն և իր մատենագրին տրուած
սովորական ոճեւն օտար ոճ երեւայ, անտա-
րակոյս անհարազար և ան գրուածքը : Իսկ
թէ որ ոճը ուրիշ մատենագրի մը ոճին նման
ըլլայ, կրնայ հաշանականարար առելի ան
մատենագրին տրուիլ գրուածքը քանի թէ ու-
րիշի մը : Թէ որ ուրիշ պատճառ ալ չըլլար
ապացուցանելու որ Երեւելի արանց վա-
րուց մատենագիրը Եմիլիոս Պրոբոս չի
կրնար ըլլալ (194), բաւական էր վէճն ո-
ճէն միայն որոշել՝ դիտելով որ ինչ տար-
բերութիւն ունի Թէոդոսի դարուն ոճէն,
և ինչպէս նմանութիւն կոռնելիոսի Նե-
պոսի դարուն ոճին : Բայց կրնայ հանդի-
պիլ, ինչպէս որ երբեմն եղած ալ է՝ որ
մատենագիր մը ուրիշ մատենագրի մը ո-
ճին այնպէս նմանցընէ իր ոճը, որ փորձ
ու աչալուրջ քննադատն ալ խաբուի ¹,

1 Յովսէփ Սգալիձեր Երեւելի քննադատը կը
պարծէր թէ հին մատենագրաց ոճին կողմանէ
զինքը չեն կրնար խաբել. բայց Մարկոս Անտո-
նիոս Աւրետտոս իր նախանձորդը՝ խայտառակեց
իրեն աս սնասպարծութիւնը : Ասիկայ լատիներէն


203. Ժ. Կանոն :

Ան զիրքը, որուն մէջը ևորի դարու մը
հնարած բառեր կան, առնի հին մատենագրի
չի կրնար ընծայուիլ . ուստի կամ անհարա-
զատ և և կամ ձեռք դպցուցած : Օմօսվուսուց
բառէն իմացուեցաւ (201) որ Որոգինէսի
ընծայուած գրուածքն անհարազատ կամ
ձեռք խառնած էր :

Վեց տող ոտանաւոր շենեց, և իբրև նոր գտած
հրատարակեց : Սկալիճեր խաբուելով ան տողե-
րը Տրաբէտոս կատակերգակ բանաստեղծին կար-
ծեց, որ Հռոմայի հիմնարկութեան վեցհարիւ-
րորդ տարին էր, և իր Վարրոնի բացատրու-
թեանց մէջը յիշատակեց իբրև Տրաբէտոս գը-
րուածք : — Մատենագրութեանց քննադատու-
թեան կանոնները գեղարուեստից ալ կը պատ-
շաճին . նկարչութեան , քանդակագործութեան ,
ճարտարապետութեան , երաժշտութեան , և
այլն : Միքէլանջելոյ Պուոնառողդի կուպիդոն
մը քանդակեր , և կամօք աւերակներու տակ թա-
ղեր էր . երբ հոն տեղուանք գետինը փորելով
հողին տակէն աս արձանն ալ դուրս հանեցին ,
իբրև հին քանդակ ամենքը զմայլեցան , և ծիրա-
նաւոր մըն ալ իբրև հնութիւն գնեց . բայց Մի-
քէլանջելոյ դաղանիքն իրեն յայտնեց , արձանին
մէկ կոտրած թեռով որ իր քովը պահեր էր , և
չիշտ տեղը կը յարմարէր :


204. Նախասացեալ կանոններուն
բովանդակութիւններ :

Ըստներնէս դիւրաւ կը հասկըցուի ,
որ աս կանոններն իբրև առած պէտք չէ
առնել , վասն զի կրնան քիչ շատ սխալա-
կան ըլլալ՝ և ըստ պարագային սլէտք է
փոփոխութիւններ տալ : Ուստի աս կա-
նոնները մինակ սորվելը շատ օգուտ չը-
ներ , մինչև որ մէկը պատմութեան ու-
ժամանակագրութեան հմուտ չըլլայ , և
հին ձեռագրաց և միանգամայն շարա-
գրութեան ոճին փորձ : Բայց քան զամե-
նայն բան եւել հարկաւոր է աչալուրջըղ-
գուշաւորութիւն և ընտրութիւն մտաց ,
որ մէկալ ձրից հիմունքն են և քաջ քննա-
դատի մը ամենակարեւոր :



ԳԻՒՅԻ ԶՈՐՅՈՒԹ

Ո Ճ



Մարդուս մտացն ամեն իղձն ու ջանքը
ճշմարտութիւնը փնտըռելու. և բացայայ-
տելու կուղղուի : Աս երկու մեծամեծ
նպատակներու հասնիլ չըլլար՝ առանց
այնպիսի աղէկ կարգի մը դնելու հոգւոյն
այլեայլ գործողութիւններն՝ որ առ ամե-
նակարևոր նպատակին հասնելու ճամքան
դիւրացընեն : Աս գաղափարաց դատ-
մանցն ու մտաց ուրիշ գործողութեանցը
կարդադրութիւնը, որով միտքը առաջ
սլիտի խաղայ ճշմարտութիւնը փնտըռե-
լու, և գտնելէն վերջը բացայայտելու
զայն, Ո՞ւ կըսուի . որ մտաց չորս դիմա-
ւոր գործողութեանցն ետքինն ըլլալով աս
չորրորդ գրքիս մէջ անոր վրան պիտի
խօսինք :

ԳԼՈՒԽԱ.

ՈՃ ՈՒ ԸՆԴԱՆՈՒՐ ԿԱՆՈՆՆԵՐԸ

205. Ո՞ր սեփական կանոններ ունի :

Ոճը ըսելը կարգ, բարեկարգութիւն ըսելէ. կարգն ու խառնակութիւնն իրարուներհակ բաներ են. առջինը կանոններունի, երկրորդը բոլորովին կանոն ինչ ըսել է չի գիտեր: Ոճը սովորաբար երկուք կը զանազանուի, որոնց կանոններն ալ տարբեր տարբեր են. մէկը կըսուի վերլուծական, մէկալը բաղադրական: Բայց կան ընդհանուր կանոններ որ աս երկուտեսակ ոճին ալ հասարակ են, աս գլուխն մէջ անոնց վրայ կը խօսինք:

206. Ա. Կանոն:

Նիւթ մը որուն վրայ ամբողջ և որոշ տեղեկութիւն չկայ՝ մարդ չի կրնար սլատչաճ կարգաւորութեամբ, բացայայտութեամբ ու ճշդութեամբ վրան խօսիլ: Ուստի աղէկ ոճի ընդհանուր կանոն ըլլայ այնպիսի նիւթի վրայ չի խօսիլ. որ ըստ մասին կամ ըստ բոլորին անձանօթ է,

կամմեր կարողութենէն վեր։ Ով որ մութ
տեղը քալէ՝ արգելքները չի տեսներ, և
շուտ կամ ուշ դէմը գահավէժ մը կելլէ.
ով որ իր ուժէն եւել վրան բեռ կառնէ՝
տակը կը ճղմուի։ Ընդհակառակն ով որ
իր կարողութեանը համեմատ և իր յօժա-
րութեանցը յարմարքանի մը կը պարապի,
և առաջուցըստ ամենայն մասանց քննած
ըլլայ նոյն բանը, ու դժուարութիւնը կամ
դիւրութիւնը լաւ դիտած, գաղափարնե-
րը պայծառ, որոշ ու կարգաւորեալ կը լ-
լան։ Աս եղանակէն առաջ կու դան վարի
աստիճանի, միջակ, կամ երեելի մատե-
նագրութեանց զանազանութիւնը։ և աս
երեելի գրուածոց ընթերցումն ու քննու-
թիւնը միտքը կը կատարելագործէ ու գա-
ղափարները կը բարեկարգէ։

207. Բ. կանոն։

Երկրորդ կանոնն է նիւթին ամեն մա-
սունքը կարգի դնել, և իբրև թէ պատկե-
րի մը մէջ նկարել, անանկ որ դէմքերը
պայծառ և որոշ ըլլան ու իւրաքանչիւր իր
պատշաճ տեղը բռնէ։ Թէ որ գաղափար-
ները մթին ու շփոթ ըլլան, ոչ կարգ և ոչ
պայծառութիւն կրնայ ըլլալ։

208. Գ. Կանոն :

Թէ ճշմարտութիւն փնտըռելու և թէ
զանիկոյ բացատրելու երրորդ կանոնն է
Ա. Դիւրին ու սովորական գաղափար-
ներէն սկսիլ, ու դժուարագոյն վերացեալ
գաղափարներու երթալ։ Սովորաբար չա-
փելի մարմնոյն այլևայլ մեծութիւնը կէ-
տէն սկսելով կը սահմանեն։ բայց գուցէ
աւելի լաւ ոճ բռնած կը լային թէ որ հաս-
տատուն մարմնոյն սահմանէն սկսէին ու
կէտին սահմանովը լմբնցընէին։ Որովհե-
տեւ հաստատուն մարմնոյ գաղափարն ան-
միջապէս զգայարանաց տակ իյնալովա-
ւելի սովորական ու աւելի դիւրըմբռնելի
է, աս գաղափարը մէյմը ունենալէն ետեւ
դիւրին կը լայ վերացմամբ մակերեւութի
սահմանին անցնիլ, ետքը գծին ու էն ետ-
քը կէտին։ Թէ պէտեւ աս սահմանները
միայն մեր իմացողութեան ըմբռնմունք-
ներն են, բայց կերենայ թէ միտքը դժուա-
րութիւն մը կը կրէ ըմբռնելու թէ ինչ-
պէս կէտը՝ որ անբաժանելի և ամեն մե-
ծութենէ զուրկ նշան մը կենթադրուի՝
վաղելովը գիծն առաջբերէ։

Բ. Նախ մտքին մէջ քիչ գաղափար առ-
նել, և առաջ չանցնիլ մինչեւ որ զանոնք
լաւ չըմբռնէ։

Գ. Գաղափարներն այնպէս իրարու հետ
կապել որ առջինն երկրորդին լոյս տայ,

Երկրորդն ալ Երրորդին, և այսպէս հետզետէ : Երկրաչափութեան գաղափարներուն կապն ու կարգը շատ պայծառ ու համոզիչ օրինակ է :

209. Դ. Կանոն :

Գաղափարները բառերով կը բացատրենք (44), ուրեմն գաղափարներու պայծառութիւնն ըստ մեծի մասին բառերուն պայծառութենէն առաջ կու գայ : Ուստի ոճոյ չորրորդ կանոն կը լլայ բառերուն նշանակութիւնը լու սահմանել ու որոշել : Բայց աս բանիս վրայ ըստ բաւականին խօսեցանք Ա. Գրքին Ը. Պլիսին մէջ : Հոսքանի մը բան ալ կաւելցընենք սահմանին վրայօք : Սահմանը կամ Անուանական է և կամ իրական : Անուանական սահմանը կը գործածենք քանի մը ճշգած բառերով պայծառ ու որոշընելու գաղափար մը, որ ուրիշ բառով բացատրելով մթին ու շփոթ կը մնայ ըստ բոլորին կամ ըստ մասին : Իրական սահման կը սուի անիկայ, որ իրաց իրական, ներբին ու անձանօր բաղկացորեանը ծանօրութիւնը կու տայ, և նոյն իրաց վրայ երեցած յատկութիւններն անկէց առաջ կու զան : Ասկէց կիմացուի որ անուանական սահմանն իրականէն բոլորովին տարբեր է : Իրական սահմանը կենթադրէ իրաց ներքին բնութեան ծանօթութիւնը, որ մեզի անծանօթ ըլլալով, թէ որ սահմանած

բանին բնութեանը մէջ բովանդակուածէն
աւելի գաղափար մը աւելցընենք կամ
պակսեցընենք, սխալն անխորշելի կը լլայ:
Անոր համար գոյացութեանց սահմանն
աւելի նկարագրութիւն է, որ բանը քանի
մը ծանուցեալ յատկութիւններովը կի-
մացընէ. այլ ոչ երբէք անոնց էութիւնը
կը բացատրէ, որ չենք գիտեր: իսկ ա-
նուանական սահմանը կը գործածուի գործ-
ածած անուանը միտքը բացատրելու հա-
մար, որ աղէկ, ճիշդ և որոշ կը լլայ՝ թէ որ
անանկ ըլլայ որ լսողին կամ կարդացողին
միտքն ան գաղափարը մտնէ ինչ գաղա-
փար որ խօսողը կամ զրողն ունի¹: Բայց

1 Առվորաբար տրամաբանք կը սեն թէ սահմա-
նը կատարեալը լլալու համար՝ ի մերձաւոր սեռէ
և՝ ի յատուկ տարբերութենէ պիտի բաղկանայ
(33): Այսպէս մարդը կը սահմանեն ինդանի բա-
նաւոր. ինդանին սեռն է, որուն տակը կը բովան-
դակուի մարդուն գաղափարը. բանաւոր՝ տարբե-
րութիւնն է, որով կը տարբերի ուրիշ անբան
կենդանիներէն: Աս ճամբան իրաւ շատ համա-
ռօտ է, որով մարդ այլեւայլ պարզ գաղափարնե-
րը մէկիկ մէկիկ համրելու չաշխատիր, որ արդէն
մերձաւոր սեռին տակը կը բովանդակուին. մա-
նաւանդ որ շատ անդամ տգիտութեան պատճա-
ռաւ աս մասանց թուարկութիւնը չենք կրնար
ընել: Բայց աս ալ մէզի անտարակուսելի կերե-
նայ որ սահմանն աս միայն չէ, և ոչ լաւագոյնն
աս է, որով եւ ոչ կարեւորագոյնը. վասն զի ինչպէս
որ ըսինք՝ թէ որ սահմանը բառի մը իմաստն ո-
րոշելու գործածուի որ լսողին նոյն գաղափարը

սահմանը լաւ ըլլալու համար պէտք է աս հետևեալ երկու կանոններս աղէկ դիտել։ Ա. Գործածած բառերը դիւրիմաց ու պայծառ ըլլան։ ապա թէ ոչ՝ անծանօթն անծանօթով սահմանել կը լայ. անոր համար սահմանեալ բանը սահմանին մէջ պէտք չէ խոթել։ Ուստի երկրաչափական մարմինը գէշ կը սահմանէ թէ որ մէկն ըսէ՝ Մարմին մը երկայն, շայն ու խոր. վասն զի մարմին բառը սահմանին մէջ պէտք չէ

ներկայացընէ ինչ գաղափար որ խօսովը կուզէ բացատրել, չեմ դիտեր որ միշտ կը յաջողի՞ սեռն ու տարբերութիւնն ըսելով. վասն զի ասոնք ընդհանուր ու վերացեալ գաղափարներ ըլլալով, աւելի դժուարաւ կը հասկըցուին քան թէ սահմանած բառին ։ Նշանակութիւնը։ Ես կարծեմ թէ աւելի դիւրաւ կը հասկըցուէր ճարդ բառին ։ Նշանակութիւնն ըսելով թէ ճարդն է հասպապուն պարածէալ գոյացութիւն ճը ո՛ւ իւանի, զգացմունի, իամանը շարժմունի ու պրայախոհէլու կարողութիւն ունի, քան թէ սահմանել իւնդանի բանական։ Հոս աւելորդ է անոնց վրայ խօսիլ որ սեռով ու տարբերութեամբ եղած սահմանն իբրև իրական սահման կը համարին ու սահմանեալ իրին էութիւնը բացատրող, և անանկով անուանական ու իրական բնութիւնները խառնակելով իրարու կը շփոթեն, չմտածելով թէ սեռն ու տարբերութիւնն վերացեալ գաղափարներ ըլլալով՝ չեն կը նար իրական բան բացատրել (34)։ Զոր օրինակ, մարդը կենդանականութենէ ու բանականութենէ չի բաղկանար, չապա 'ի հոգւոյ և 'ի մարմնոյ. ուստի մարդուս իրապէս սառյգ սահմանն տալու

Խոթել: Բ. Սահմանով սահմանած բանը
պիտի զանազանուի ուրիշ ո՛ւ իցէ բանէ,
որոնց հետ որ կրնայ շփոթուիլ. զոր օրի-
նակ, քառակուսին սահմանելով Զորգա-
հեռագիծ մը որ չորս հարասար կողմ ունի
ու չորս ուղիղ անկիւն. ուրիշ ո՛ւ իցէ ձեւէ կը
զանազանի՝ կողմերը հաւասար ու ան-
կիւններն ուղիղ ըլլալուն նշաններով. թէ
որ ասոնցմէ բան մը պակսի, սահմանը
սլակասաւոր ու շփոթ կըլլայ:

Համար՝ պէտք էր աս երկու գոյացութեանըներ-
քին բնութիւնն ու էութիւնը ճանչնալ, որուն ոչ
երեք կարենսիք պիտի հասնիլ: Սահմանը կամ
անուանական բնութիւնն իրականին հետ նոյն է
միայն պարզ գաղափարաց վրայ ու ան բազա-
դրեալ գաղափարաց վրայ՝ որոնց միութիւնը մեր
միտքն է կաղմեր: Զոր օրինակ, եռանկեան սահ-
մանը թէ իրեք կողմ ունեցող ձեւ է, անուանա-
կան՝ միանգամայն իրական է. վասն զի չէ թէ մի-
այն վերացեալ գաղափար է՝ որուն հետ միա-
ցած է նաև ընդհանուր անունը, հապա եռան-
կեան էութիւնն ու ճիշդ արմատն է, ուսկից որ
իր յատկութիւններն առաջ կու դան տնբաժա-
նելի կերպով: Բայց սոյն բանը չենք կրնար ըսել
ան գոյացութեանց համար՝ որոնց իրական բազ-
կացութիւնը մեզի անծանօթ է: Աս բացայա-
տութիւնը հարկաւոր սեպելով՝ ասկէց եւել
յարմար տեղ չենք կրնար գտնել:

240. Ե. Կանոն:

Հինգերորդ կանոնն է խնդիրը լաւ որոշել, կամթէ ըսենք՝ լաւ որոշելթէ ինչ առաջարկութեան կամ նիւթի վրայ է խօսքը, և ամենայն ճշդութեամբ բացատրել, անանկ որ երկրիսի կամ մթին բան չի մնայ. և պէտք է լաւ դիտել բացատրելու խնդրոյն ո՛ւ և իցէ մասը, որն որ կրնայ մը թութիւն մը կամ շփոթութիւն մը պատճառել: Գուցէ շատ վիճաբանութեանց դիւրաւ վերջ կըլլար, թէ որ վէճին նիւթը լաւ որոշուէր ու բացատրուէր. վասն զի խնդիր մը որ լաւ բացատրուի, կէս մը կը լուծուի: Զոր օրինակ, թէ որ մէկը միայն բնական լուսով ուղենայ հոգւոյն անմահութիւնն ապացուցանել, ամեն բանէ առաջ պէտք է որոշէ թէ խնդիրն ինչ տեսութեամբ սիրտի քննէ. այսինքն արդեօք իբրև աննիթ գոյացութիւն սիրտի մտածէ՝ որով մասանց ապականութեան ենթակայ չէ, չէ թէ իբրև Աստուած չուղեր զայն ոչ բնչացընել: Թէ որ խնդիրն աս կերպով չբացայայտուի, անկարելի կըլլոյ ուղածին հասնիլ:

241. Զ. Կանոն:

Ոճին վեցերորդ կանոնն է ոչ աւելորդախոս և ոչ սաստիկ համառոտաբան ըլ-

լաւ չափոսութիւնը կը չփոթէ զնիւթը, չափաղանց համառօտախոսութիւնն ալ կը մթընցընէ: Թէ որ նիւթը պարզաբանելու հարկաւոր եղածը զուրցուի, անկէց աւելին անօգուտ է: Բայց այնչափ ցամաք ու ոիշտ ալ պէտք չէ ըլլալ ու պարզաբար ակնարկել ու անցնիլ, կամ լռել ան գաղափարներն որ ըսելիքը բացատրելու համար հարկաւորապէս խօսքին մէջ պիտի մըտնեն. չափաղանցութիւնը միշտ պակասութիւն է: Նոյն պատճառաւ՝ ինչ որ օտարէ և իր առաջարկութեանը հետ ամենեին յարաբերութիւն մը չունի, պէտք է մէկդի թողուլ: Բայց պէտք է ոճին վրայ ալ նոյն բանը յիշեմ, ինչ որ ուրիշ տեղ տրամախոհութեան ընդունակութեան համար ըսի. այսինքն՝ թէ որ բնութիւնն ընտրող ու բարեկարգ միտք տուած չէ, ինչ կանոն ալ տրուի՝ մեծ օգուտ մը չըներ. և որ չափ ալ գաղափարները կարգի մէջ գըրուին, միշտ անբնական բռնադատութիւն կերենայ վրանին:

ԳԼՈՒԽ Բ.

ՎԵՐԼՈՒԾՄԱՆ ՈՒ ԲԱՂՄԴՐՄԱՆ ՈՃԵՐԸ

212. Վերլուծական ու բաղադրական ոճերուն
իրարմէ զանազանորիւննը :

Գաղափարները՝ որոնք որ ճշմարտութիւնը փնտըռելու և բացատրելու կը գործածենք՝ պէտք է անանկ կարգի մէջ դնել որ իրարմէ կախմունք ունենան, ու միշտ գժուարինը դիւրինէն առաջ գայ (208): Արդ առ կարգն երկու կերպով կը լայ: թէ որ ծանուցեալ գաղափարները, որոնց մով որ կը սկսինք՝ մասնաւոր են, և անոնցմէ հետղհետէ ընդհանուր գաղափարաց ելլելով հետեւանքներ կը հանենք և ընդհանուր սկզբունքներ կը հաստատենք, ոճը Վերլուծական կը սուի: Իսկ եթէ ընդհանուր գաղափարներէ և սկզբունքներէ հետղհետէ մասնաւորներու իջնանք, ոճը բաղադրական կը սուի: Ուրեմն առ երկու տեսակ ոճը ասով իրարմէ կը զանազանուին որ իրարու ներհակ ճամբով առաջ կերթան: Վերլուծականը միշտ մասնաւորէն ու թանձրացեալէն կը սիսի ու հետղհետէ գետ՝ ի ընդհանուր ու վերացեալ կեր-

Թոյ. բաղադրականն ընդհանուրէն ու վերացեալէն մասնաւորին ու թանձրացեալին կիջնայ։ Վերլուծական ոճը, որ վերլուծուրիւն ալ կըսուի, ամբողջին բաղադրիչ մասունքները կը լուծանէ, ու մէկիկ մէկիկ զանոնք ճիշդ քննելէն ետև՝ գործքն և զգացմունքները դիտելով պատճառաց և պարզ ու վերացեալ գաղափարաց դիտողութեանը կելլէ։ մասանց քննութենէն ամբողջին քննութեանը կանցնի, ետքն ամբողջէն նորէն մասանց քննութեանը կիջնայ։ ու ասանկով գաղափարները բաղադրելով ու տարբաղադրելով՝ անոնց այլեայլ զուգակցութիւններն ու յարաբերութիւնները կը քննէ, և թէ անոնցմէինչ նոր գաղափար կընայ առաջ գալ։ մինչեւ որ կամաց կամաց այլեայլ մասունքը մէկտեղ հաւաքելով՝ մարդ ամբողջին գաղափարը նորէն կը ստանայ։ իսկ բաղադրականը, որ Բաղկացուրիւն ալ կըսուի, պարզ գաղափարներէ բաղադրեալ գաղափարները կը կազմէ, պատճառէն գործոց կանցնի, կարելեաց ծանօթութենէն՝ գոյացութեան, ու հոգիէն 'ի մարմինը։

215. Վերլուծուրիւն օրինակ։

Լու մը պարզաբանելու ու վերլուծական ոճի որոշ գաղափար մը տալու համար օրինակ մը բերենք կարեկցուրիւն բաղա-

Դրեալ գաղափարը։ Աս գաղափարն առաջ կու դայ ուրիշի խեղճութեան գաղափարէն, որ զայն տեսնելով գութ կըզգայ մարդ. անանկ որ ուրիշին խեղճութիւնը և իմ վրաս արթընցած գթութիւնը միանալով կարեկցորիւն կունենամ. բայց թէ որ խեղճութիւնը մնալով գութը պակսի, խստարտորեան գաղափարը կունենանք, որով ուրիշի դժբաղդութեան վրայ չենք կարեկցիր. իսկ թէ գութը մնայ՝ բայց խեղճութիւն չըլլայ, յիմարտորեան գաղափարը կը դարթնու, առանց պատճառի գութ զգալով։ Աս բառերուն առջի տառերն որ առնենք՝ վերլուծական կերպով աս ամեն գաղափարները կրնանք բացատրել։ Ուստի կարեկցութիւնը անուանենք կ, խեղճութիւնը խ, գութը գ, խստասրտութիւնը Ա, յիմարութիւնը Յ. ու կըսենք. Խ + Գ = Կ. Խ - Գ = Ա. և Գ - Խ = Յ. այսինքն՝ խեղճութիւնը գթոյն հետ միանալով կարեկցութիւն կը ծնանի. խեղճութիւնն առանց գթոյ՝ խստասրտութիւն. գութ առանց խեղճութեան՝ յիմարութիւն։ Ասանկով կարեկցութեան բաղադրեալ գաղափարը վերլուծուեցաւ՝ իր բաղադրիչ գաղափարներն իրարմէ զատելով. վերջէն ասոնց բաղադրութենէն ու տարբաղադրութենէն այլեայլ գաղափարներ առաջ եկան. արդ ասոնց այլեայլ յարաբերութիւնները զիտելով՝ քննածնիս բոլորովին սլարդուեցաւ. — Նոյն կերպով մարդ

կրնայ վերլուծել փառաց , պատուոյ , մեզաց և ուրիշ բարոյական գաղափարներ . և թէ որ վերլուծելով քննենք այդպիսի գաղափարները՝ վրանին շատ ճիշդ և որոշ գաղափարներ կունենանք :

214. Աս երկու ուսերը ներհակ առնողներուն
սխալը :

Վերլուծական ու բաղադրական ոճերուն տարբերութիւնն որոշելէն ետե , յայտնի կը տեսնուի թէ ինչպէս կը սխալին անոնք , որոնք աս երկու ոճերը բոլորովին ներհակ կերպով կառնեն : Կարծեն որ վերլուծական ապացուցութիւն կը լայնախ սահմաններ ու առածներ դնելով , և արդէն ապացուցեալ նախադասութիւններն ապացուցանելի նախադասութիւններուն հետ կապելով : Աս կերպ եղած ապացուցութիւնները բաղադրական են՝ չէ թէ վերլուծական . վասն զի սահմանք ու առածք ընդհանուր սկզբունքներ են , որոնք մասնաւոր ծանօթութիւններով կորոշուին և կը հաստատուին : Բաղադրական ոճն ընդհանուրէն առ մասնաւորը կիջնայ , չէ թէ վերլուծականը (212) : Վերլուծութիւնն է գաղափարները բաղադրելու տարբաղադրել (212, 213) . անոր համար վերլուծութեան բոլոր կանոնները յաւելմամբ ու բարձմամբ կը լան . և ինչպէս որ յաւելումն ու բարձումն ընելու

Համար՝ թիւեր կամայքուբենի տառերով
թուաբանական կամ գրահաշուի վերաբե-
րեալինդրոյ մը բաղադրեալ գաղափարին
մասունքները կորոշենք, այսպէս ալ նոյն
յաւելման ու բարձման կանոնները կըր-
նանք գործածել ան գաղափարները քըն-
նելու ատեն; որոնք ուրիշ այլեւայլ զիտու-
թեանց բաղադրեալ գաղափարներն են :
Նախընթաց թուոյն մէջի յիշած օրինակը
տես:

215. Աս վրիպակին սկիզբը :

Աս վրիպակին պատճառներուն մէկն
աս է՝ որ վերլուծութիւնն ըլլալով ամբող-
ջը՝ ի բաղադրիչ մասունս իւր լուծանել,
կարծուած է որ վերլուծական ոճին յա-
տուկ է ամբողջէն՝ ի մասունս իջնալ և ընդ-
հանուրէն մասնաւորը։ Բայց պէտք էր
մտածել որ վերլուծութիւնը թէպէտե ամ-
բողջը կը լուծանէ՝ ի մասունս իւր, բայց
անոր համար է՝ ինչպէս որ առաջըսինք՝
որ բաղադրեալ գաղափարը կաղմող պարզ
գաղափարները լաւ մը քննուին, որպէս
զի մասանց վրայ որոշ գաղափար ստանա-
լով բոլորին վրայ ալ որոշ ըլլայ գաղա-
փարը։ անանկ որ վերլուծութիւնն իրա-
պէս բաղադրիչէն առ բաղադրեալը կեր-
թայ ու մասնաւորէն առ ընդհանուրը, ու
գատմունքը նախ մասանց վրայ կըլլայ ու
եարը բոլորին վրայ։ Աս վրիպակին եր-

կրորդ պատճառն ալ աս է , որ վերլուծութիւնը շատ զգուշաւորութեամբ ըլլալով բան չի թողուր որ չափացուցանէ . և որովհետեւ ան ապացուցութիւնները ճիշդե աներիբայելի կըսուին , որոնք զծմարտութիւնը սահմաններով , առածներով և ուրիշ ընդհանուր նախադասութիւններով առաջ կը բերեն , անոր համար կը համարին որ աս կերպով եղած ապացուցութիւնները վերլուծական են : Եւ կատարեալ վերլուծութեան օրինակ կու տան հոչակաւոր Վոլֆին ապացուցութիւնը , թէ Ամբողջնիր մասեն մեծ է : « Ան ամբողջը , կըսէ Վոլֆ , որուն մէկ մասը երկրորդ ամբողջի մը հաւասար է , ան երկրորդ ամբողջէն աւելի մեծ է . (և աս սահմանին ուժովը) . իսկ արդ ամբողջի մը բոլոր մասերը մէկտեղ ինքն իրեն հաւասար է , (և աս նոյնական նախադասութիւն է) . ապա ուրեմն ամբողջը իր մասէն մեծագոյն է » : Բայց զիտնալու է որ նախ առջի նախադասութեան մէջ ծածուկ զեղծումն սկըզբան կայ (142) : Երկրորդ թէ որ աս ապացոյցը վերլուծական ըլլար , սկէտք էր վերլուծութիւնը բոլորովին ձեռքէ թողուլ վասն զի անով ըստ ինքեան պայծառ ու բացայայտ նախադասութիւն մը անիմանալի կը դարձընէ : Արդ թէ ալէտե վերլուծութիւնն այնպէս մանրակրկիտ ու ճիշդէ՝ որ առանց ապացուցի բան չի թողուր , բայց առ ճշդութիւնը սահմաններով ու

առածներով չըլլար , որոնք ընդհանուր սկզբունքը ըլլալով բաղադրական ոճին յատուկ են . և ոչ միշտ գիտութեանց անհոչակեալ պայծառութիւնն ու ճշմարտութիւնը կու տան . իսկ վերլուծութեան օգուտներն ամբողջի մը իւրաքանչիւր մասին մանր ու ճիշդ քննութենէն առաջ կու գան , գաղափարաց տարբաղադրութենէն ու բաղադրութենէն , որով միշտ իրաց մինչեւ առաջին սկիզբն վեր կելլէ : Ասկէց զատ՝ թէ որ ընդհանուր սկզբունքները ճշմարիտ ու բացայայտ են , վերլուծութենէ կառնեն իրենց ճշմարտութիւնը և բացայայտութիւնը , ինչպէս որ իր տեղը պիտի ասլացուցանենք :

ԳԼՈՒԽ Գ .

ՃՇՄԱՐՏՈՒԹԻՒՆԸ ՓՆՏԸՆԵԼՈՒ ԱՏԵՆ Ի՞ՆՉ ՈՃ
ՊԵՏՔ Է ԲՈՒՆԵԼ

216. ՃՇՄԱՐՏՈՒԹԻՒՆԸ ՎԵՐԼՈՒԾՈՒՐԵԱՄՔ ԱԿԵՄՔ
Է ՎԻՆՈՐՈՒԼ :

ՎԵՐԼՈՒԾՈՒՐԵԱՄՔ ՈՒ ԲԱՂԱԴՐԱԿԱՆ ՈՃԵՐՈՒՆ ՔՆՆՈՒԹԵՆԷՆ՝ ՈՐ Առջի գլխուն մէջն ըրինք՝ մարդ գիւրաւ կը հասկընայ՝ որ բան գտնելու մէկ հատիկ ճամբան վերլուծութիւնն է : Վասն զի աս ոճը միշտ

իրաց տոջի սկզբանը վերանալով՝ իւրաքանչիւրին ծնունդը կը բացայացտէ . ու գաղափարաց տեսակ տեսակ տարբաղադրութիւններ ընելով՝ ան ամեն տեսութեամբ որ իրարույարաբերութիւն կրնան ունենալ՝ զանոնք իրարու կը բաղդատէ . որով կը հետեւի որ վերլուծական ոճն է միայն որ մեր պատճառաբանութեանցը բացայայտութիւն կուտայ . անոր համար ճշմարտութիւն փընտըռելու ատեն աս ոճը միայն պէտք է զործածել : Թէ որ մէկ մը մտածենք թէ այնչափ բազմաթիւ ճշմարտութիւններ ինչ ճամբով գտնուեցան , կը տեսնենք որ վերլուծական ոճը զանոնք երևան հաներ է¹ : Ուրեմն ան ոճը որ ճշմարտութեան մը առաջնորդած է , կրնայ ուրիշ ճշմարտութեան ալ առաջնորդել . և եղած գիւտերը քննելով՝ նոր զիւտեր ընել տալ :

217. Ճշմարտութեան զիւտեն առաջ կու զայ զաղախարաց իրարույարաբերութիւններ գտնելեն :

Թէ որ պարզ կամ բաղադրեալ գաղփարաց և կամ մէկ պարզ ու մէկ բաղադրեալ գաղափարի իրարու հետ ունեցած

1 Առաջ զիւտեր որ աս խօսքը հաստատելու համար կրնայինք յիշել , զանց կընենք . բաւական է աս միայն՝ որ Նեւտոն վերլուծական փորձերով գտաւ գունոց գեղեցիկ գրութիւնը :

յարաբերութիւնը գտնուի, անկէց առաջ
կու գայ ճշմարտութիւնը. ուրեմն որչափ
որ կարենանք քննել ու գտնել աս յարա-
բերութիւնները, այնչափ աւելի ճշմար-
տութիւնը կը վնտրուենք ու կը գտնենք:
Երկու պարզ գաղափարներ իրարու բաղ-
դատելու ատեն՝ մէկէն անոնց յարաբե-
րութիւնները կը տեսնուին. որովհետեւ
ուրիշ գաղափարներէ բաղադրած չըլլա-
լով՝ մոլորելու վտանգ չըլլար՝ ու ճշմար-
տութենէ օտար տեսութեամբ վրանին
մտածել չըլլար: Զոր օրինակ, ճերմակը
սեին բաղդատելու որ ըլլանք, մէկէն կը
տեսնենք աս գաղափարաց իրարու ունե-
ցած ընդդիմութիւնը, և լաւ մը կորոշենք
որ մէկը մէկալը չէ:

218. Բաղադրեալ գաղափարաց վերլուծու-
թիւնն այնչափ դիւրին չէ:

Բաղադրեալ գաղափարներն ասանկ
չեն, վասն զի անոնք այլևայլ տեսու-
թեամբ կրնանք մտածել, անանկով կըր-
նանք դիւրաւ սխալիլ իրենց յարաբերու-
թիւնները գտնելու: Բայց որովհետեւ բա-
ղադրեալ գաղափարներն երկու տեսակ
են (96), որոնց մէկը խառն կերպերու
վրայօք է, մէկալը գոյացութեանց, անոր
համար իրենց ընութիւնը զանազան ըլլա-
լով՝ իւրաքանչիւրին վրայ եղած վերլու-
ծութիւնն ալ զանազան կըլլայ:

219. Ιωαννί կերպերու գաղափարները
վերլուծելու դիւրուրիւնը :

Չիկայ վերլուծելու աւելի յարմար գա-
ղափար, ինչպէս ան բաղադրեալ գաղա-
փարները, որոնց զուգաւորութիւնը մեր
կամքէն կախուած ըլլալով՝ անոնց մէջ
բովանդակուած գաղափարները լաւ կը
ճանչնանք. և անանկով կրնանք զանոնք
ճիշդ վերլուծել, և ուզածնուս պէս տար-
բաղադրել ու բաղադրել. և թէ որ ատ
բաղադրեալ գաղափարները դարձեալ
տարբաղադրել ուզենք, մեր ըրած ճամ-
քէն ետ կը դառնանք. և ամեն տեսու-
թեամբ զանոնք իրարու հետ բաղդատե-
լով իրենց ամեն յարաբերութիւնները կը
գտնենք: Աս բանիս միայն պէտք է մեծ
զգուշութիւն ընել, որ իւրաքանչիւր գա-
ղափարաց զուգաւորութեանն որոշ անուն
մը տանք, որպէս զի գաղափարներն ան-
որոշ չմնան:

Եւ որովհետեւ երկրաչափութեան գա-
ղափարներն աս ըստ գաղափարներէն
է, անկէց օրինակ մը առնենք: Երբոր ես
այնովիսի մեծութեան մը գաղափար առ-
նեմ՝ որ միայն երկայնութիւն ունի, զա-
նիկայ զիծ կանուանեմ. թէ որ երկու զիծ
առնեմ, և անանկ իրարու ծռեմ՝ որ ծայրեր-
նին իրարու դպչին, բաղադրեալ գաղա-
փար մը կը ստանամ և անոր անունն ան-

կիւն կըսեմ. իսկ թէ որ երեք գիծ առնեմ, և անանկ շարեմ որ միջոց մը մէջ առնեն, աւելի բաղադրեալ գաղափար մը կունենամ, և անուն կու տամ եռանկիւն. թէ որ աս եռանկեան գաղափարին վրայ աւելցընեմ նաև իր երկու կողմերուն հաւասարութիւնը, ալ աւելի բաղադրեալ գաղափար մը կունենամ, ու իրեն զատ անուն մը կը կապեմ երկկողմնազոյզ եռանկիւն։ Նոյն կերպով կրնանք աւելի բաղադրեալ գաղափարներ կազմել քառանկեան, և իրեն այլեայլ տեսակներուն, հնգանկեան, վեցանկեան, և այլն. իւրաքանչիւր զաղափարաց զուգաւորութեանն իրեն յատուկ անունը տալով։ Ինչ կարգ որ բռնեցինք աս այլեայլ բաղադրեալ գաղափարները կազմելու, նոյն ճամբան կը նանք բռնել զանոնք տարբաղադրելու համար, որպէս զի հետզհետէ նորէն ան առաջին սկզբանը հասնինք ուսկից սկըսանք մեր վերլուծութիւնը. և այսպէս ետեւ ետեւ տարբաղադրելով ու բաղադրելով գաղափարաց ծագումը, յառաջադիմութիւնն ու յարաբերութիւնները լումը կը բացատրուին, և անանկով գաղափարները ճիշդ և որոշ կըլլան¹։

1 Որովհետեւ ասանկ են նաև բարոյական իմաստասիրութեան գաղափարները, անոր համար բազմահանձարն Լոք կը թէ « Չափաբերութեան ուկ բարոյական իմաստասիրութիւնը

220. Գոյացուրենաց զաղափարներուն
կառարեալ վերլուծութիւնն անկարելի է :

Որչափ որ գիւրին է նախընթաց համա-
րին մէջ յիշուած բաղադրեալ դաղափա-
րաց վերլուծութիւնը, այնչափ ալ դժուա-
րին կըլլայ՝ մանաւանդ թէ անկարելի՝
գոյացութեանց բաղադրեալ դաղափա-
րացը կառարեալ վերլուծութիւնը։ Աս
զաղափարաց զուգաւորութիւնը մեզմէ
դուրս է ու ամենեին մեր կամքէն կա-
խումն չունի. անոր համար գոյացութիւն
մը որչափ ալ վերլուծենք ու հետզհետէ
տարբաղադրենք ու բաղադրենք, ոչ եր-
բէք ապահով կրնանք ըլլալ թէ ան աստի-
ճան հասուցած ըլլանք մեր վերլուծութիւ-
նը, որ անկէց անդին քննելու բան մնա-
ցած չըլլայ. որուն յայտնի ապացոյց են
գիւտերն որ ամեն օր կելեն։ Ի վերայ
այսր ամենայնի՝ մարմին մը վերլուծել որ
ուղենանք, պէտք է ամեն կերպով որչափ

կրնայ տպացուցուիլ վասն զի կարելութեան գէմ
բան չէ կառարելապէս ու ճշգութեամբ իմանալ
բարոյական բառերուն նշանակած իրացն իրա-
կան էութիւնը. ուստի մարդ կրնայ ստուգու-
թեամբ գտնել թէ նոյն բաներն ինչ պատշաճու-
թիւն կամանպատշաճութիւն ունին. և աս է ա-
հա կառարեալ ծանօթութիւնը»։ Ճաշի՞ն չէ-
քայ մարդիային մտաց. Գիրք Գ. Գլ. թ. 16։

որ կարելի է՝ քննել զանիկայ, վրան շատ
փորձեր ու դիտողութիւններ ընել այլև
այլ ժամանակ ու այլեւայլ հանգամանօք.
ետքն ըրած փորձերն ու դիտողութիւն-
ներն իրարու հետ բաղդատել ու տեսնել
թէ ինչ հետեւանք կելլէ. և ասանկով ա-
ւելի դիւրաւ կը գտնուի բաղադրեալ գա-
ղափարաց իրարու հետ կամ պարզ գա-
ղափարին բաղադրեալ գաղափարի մը
հետ ունեցած յարաբերութիւնը : Բնաբա-
նից բոլոր քրտնաջան փորձերուն օգտա-
կար նպատակն աս է :

221. Վերլուծութեան մեջ ինչ ձամբայ պիտի
բռնենք :

Թէ որ գիւտ գտնելու մէկ հատիկ ճամ-
բան վերլուծութիւնն է, ուրեմն միտքն
ինչ ճամբայ պէտք է բռնէ աղէկ վերլու-
ծելու համար : Նախ պէտք է իմանալ թէ
ինչ տեղեկութիւններ կան ան նիւթին
վրայ՝ որ կուղենք վերլուծել . և երկրորդ՝
քննել նայիլ թէ ծանուցեալ գաղափարաց
ու մեր փնտըռած գաղափարաց մէջն ինչ
կապ կայ : Անանկ որ կրնանք ըսել թէ
գիւտ գտնելու ճամբան եթէ վերլուծու-
թիւնն է, գաղափարաց կապակցութիւնն
ալ վերլուծութեան ճամբան է : Բացատ-
րենք ըսածնիս . անծանօթ ճշմարտութիւն
մը փնտըռելու համար՝ հարկաւոր են ծա-
նօթ հանգամանքներ, կամ քանի մը ստոյգ

ու ծանուցեալ գաղափարներ, որ փնտը-
ռած գաղափարներուն հետ յարաբերու-
թիւն ունենան։ Արդ որչափ աւելի ըլլայ
կամ նուազ ծանուցեալ գաղափարաց
կապն անծանօթ գաղափարաց հետը,
այնչափ ալ աւելի կամ նուազ կըլլայ գիւ-
տը։ Թէ որ առարկայ մը այնպիսի տեսու-
թեամբ քննենք՝ որ զգալի կապ մը չունե-
նայ մեր փնտըռած գաղափարներուն հետ՝
գիւտ մը չըլլար։ Թէ որ կապը տկար ըլ-
լայ՝ քիչ բան կը գտնուի, ու եղած գիւտն
ուրիշ գիւտերու հասնելու քիչ լոյս կու-
տայ։ Իսկ թէ որ առարկան ան կողմանէ
մտածուի՝ ուր շատ աւելի և զգալի կապ
ունի մեր փնտըռած գաղափարներուն
հետ, ան ատեն վերլուծութեամբ ամեն
բան երեան կելլէ, միտքն ալ առանց
շատ աշխատանքի ճշմարտութեան քննու-
թեանն ու ծանօթութեանը մէջ առաջ
կերթայ։ Իսկ փնտըռած գաղափարին
հետ ան գաղափարն աւելի կապ կունե-
նայ, որն որ իրաց ծագմանը աւելի մօտ
իմաստ կու տայ, և շատ բան կրնայ իրմէ
առաջքերել։ Ահաւասիկ օրինակ մը։

222. Օրինակ լսածներու։

Աս գրքին առջի երկու գլուխներուն մէջ
գաղափարաց ծագմանն ու յառաջադիմու-
թեանը վրայ խօսելու ատեն սկիզբ դրինք
զգացումը։ որ որչափ որ պարզ է, այնչափ

տլ անդիմադրելի է . և ցցուցինք որ ամեն
մարմնեղէն գաղափարաց անմիջական աղ-
բիւրն է . զգացման հետ անմիջապէս կա-
պուած է ըմբռնումը , որ հոգւոյն առաջին
ու աւելի պարզ գործողութիւնն է . անոր
ալ հետը կապուած է գիտակցուրիւնը , ան-
կէց առաջ կու գայ մտադրուրեան գաղա-
փարը , ետքը հոգւոյն ամեն մէկալ գոր-
ծողութիւնները , ինչպէս որ նոյն գլուխ-
ներուն մէջ կերենայ : Աս այլեւայլ գործո-
ղութիւններէն առաջ կու գայ իմացողու-
րեան ու Բանավարուրեան գաղափարը . ա-
սոնք ալ գործիքներ են որոնցմով անթիւ
գաղափարներ կը ստանանք , ու մարդ-
կային ծանօթութեանց գանձն անանկով
կը ճոխացընենք : Ահա այսպէս ծանօթ
գաղափարի մը ձեռքով , որ անծանօթին
հետ անմիջապէս կապակցութիւն ունի .
մտքերնիս թեթև աշխատութեամբ մը ու
միայն բնութեան ընթացքը դիտելով՝ գա-
ղափարաց ծագումը կը գանէ , և անոնց
մէջ յառաջադիմութիւն կընէ : Իսկ եթէ
զգայարանքներէ սկսելու տեղ՝ բնածին
գաղափարներէ սկսէինք , որ տարտամ-
ու անստոյգ սկիզբ մըն է , ինչպէս որ
կարդեսեանք և ուրիշներն ըրին , և կամ
իմացականութեան անորոշ գաղափարէն ,
որ փնտըռած բանին հետ կապ մը չունին ,
բան մը չէր գտնուեր : Իսկ ընդհակառակն
կը տեսնենք որ Լոք ու Փոնտիյլեաք ի-
րենց քննութիւնները զգայարանքներէ

սկսելով՝ առջիններէն շատ աւելի յաջութեամբ գիւտեր գտեր են։

223. Ճշմարտութիւնը փնտրուելու վրայօք
ղիտողութիւններ։

Աս գլուխը չի լընցուցած քանի մը դիտողութիւն ընել տանք որ ճշմարտութիւն փնտրուելու հետ շատ կապակցութիւն ունին։ Նախ դիտելու է՝ որ շատ գիւտեր դիպուածէ առաջ եկած են քան թէ անդրադարձութենէ ու ճարտարմտութենէ։ և շատ անգամ հանդիպած է որ քան մը փնտրուելու ատեն՝ ուրիշ բան մը գտնուած է։ Օրինակի համար, չափաբերք բոլորակը քառակուսի ընելու ետեէ ընկած ատեննին՝ ուրիշ ճշմարտութիւններ գտան որ մտքերնէն չէր անցած։ Նոյնպէս բնալոյնք ալ շատ անգամ այնպիսի ճշմարտութիւններ գտան, որ իրենց քննութիւնն անոնց վրայ չէր։ Բայց այսպիսի գիւտ գտնողները թէ որ քննութիւն ըրած ու մտածած ըլլային ան պարագայից վրայ՝ որոնք որ հանդիպեցան իրենց փորձերն ընելու ատեն, գուցէ անդրադարձած կը լային որ իրենց չգիտցած ու միայն դիպուածով գտածնուն հետ կապակցութիւն ունեցող պարագայ մը պատճառ եղած է ան գիւտն ընելու։ Անկարելի է որ նոր գաղափար մը առաջ գայ այնպիսի գաղափարէ մը որուն հետ կապակցութիւն չու-

նի. վասն զի բնութեան կարգին հակառակ է:

Երկրորդ դիտելին է՝ որ ամեն մարդ երբեմն ինքնիրեն խորհրդածութիւն մը կը նէ առանց ուրիշ տեղէ մը լսելու, թէ պէտե բոլորովին նոր ալ չըլլայ ուրիշներուն։ Ան ատեն պէտք է մարդ ինքնիրենը գայ ու լաւ մը մտածէ ու քննէ ինչ որ ան խորհրդածութեան պատճառ եղաւ։ Դիտէ թէ զգայարանաց վրայ ինչ տպաւորութիւններ եղեր էր, միտքն ինչ զգացեր էր, իր գաղափարներն ինչ յառաջադիմութիւն ունեցեր էին. միով բանիւ քննէ նայի ան ամեն պարագաներն որ ան խորհրդածութեանը պատճառ են եղած։ Թէ որ մարդ այսպիսի անդրադարձութիւններ ընէ, անտարակոյս կը գտնէ թէ միտքն ինչ բնական ճամբով առաջ է գնացեր ան գիւտը գտնելու։ Փիլիսոփայք մարդուն մեծ օգուտ կընէին թէ որ իրենց մտացը յառաջադիմութեան պատմութիւնը գրէին։

Երրորդ ու վերջին դիտողութիւնն ասէ։ ա. Վերլուծութիւնը կը ջանայ իրացներքին բնութեանը մէջ թափանցել՝ որպէս զի անոնց ծագումն ու յառաջադիմութիւնը գտնէ. աս թափանցողութիւնը սրամիտ և խորախորհուրդ միտք մը կը նայ ընել, որ հոգւոյն այլևայլ գործողութիւններուն վրայ (19) որչափ որ կարելի է կատարեալ կերպով տեղեկութիւն ունիք. Վերլուծութեան ճամբան գաղափա-

բաց կապն է (221), և այս կասլը մտադրութենէն առաջ կու գայ (10). իսկ մտադրութիւնն աւելի կամ նուազ կը լլայ՝ որչափ որ մարդ աւելի կամ նուազ յարաբերութիւն ունենայ ան բաներուն հետ՝ որոնց վրայ որ պէտք է իր մտադրութիւնը հաստատէ (9, 10). Ուրեմն որովհետեւ ամեն բան մեղի հետ նոյն յարաբերութիւնը չունի, և ոչ ամենքը հարկաւոր եղած տաղանդն ունին, անոր համար ամեն բան ամենուն քննութեանը ենթակայ չի կրնար ըլլալ. ու քիչ են անոնք որ կարող են լաւ վերլուծութիւն ընել ճշմարտութիւնը գըտնելու համար :

Գ Լ Ո Ւ Խ Դ .

ՃԵՄԱՐՏՈՒԹԻՒՆ ԲԱՑԱՏՐԵԼՈՒ ԱՏԵՆ
ԲԱՆԵՑՑՆԵԼՈՒ ՈՃԸ

224. Ընդհանրապէս ձևարտորիւնն ինչ
կերպով բացատրելու է :

Բնականաբար մեր միտքը կը սիրէ գաղափարաց կարգն ու տրամադրութիւնը, որ իրարու հետ կապուած ու իրարու աղխաղխեալըլլով հոգւոյն գործողութիւնները կը դիրացընեն. վասն զի հոգին դրսէ գուրս բաներու տարտղնած չըլլա-

լով աւելի դիւրաւ կը դիտէ թէ գաղա-
փարներն իրարու ինչ յարաբերութիւն
ունին : Արդ թէ որ ճշմարտութիւնը քննե-
լու համար ոճը հարկաւոր է , ևս առաւել
հարկաւոր է զճշմարտութիւնը բացատրե-
լու : Ուրեմն կը մնայ քննել թէ գտած ճշ-
մարտութիւնը բացատրելու համար որ ոճն
աւելի պատշաճական է . — Ան ոճը՝ որ ա-
ւելի յարմար է նիւթոյն որուն վրայ կը¹
խօսուի , և որ աւելի կը դիւրացընէ գը-
րուածք մը հասկընալը : Եւ յայտնի է որ
մատենագրին կամ խօսողին միակ նպա-
տակն աս պիտի ըլլայ : Ուստի պէտք է
չափաղանց արուեստակեալ ոճէն զգուշա-
նալ , որով բաժանմունքներ ու ստորաբա-
ժանմունքներ կընեն , և անով գրուածքը
շատ ցամաք , դժուարըմբոնելի ու ձան-
ձրալի կըլլայ . Հապա բնական պիտի ըլ-
լայ կարգաւորութիւնը , և որչափ քիչ ե-
րենայ արուեստը՝ այնչափ աւելի յարգ
կունենայ : Շատխօսութիւնը միտքը կը²
յոգնեցընէ , թէ որ ըսուած բաները մաս-
նաւոր կապ մը չունենան բուն ըսելիքին
հետ : Այսուղութիւնները միտքը կը ցը-
րուեն , իսկ կրկնութիւնը կը ձանձրացը-
նէ : Բան մը որ տեղւոյն ու ժամանակին
յարմար զուրցուի՝ աւելի պայծառ կըլլայ .
քան թէ անյարմար տեղուանք ստէպ կըրկ-
նուելով :

225. Վերլուծական ոձով պէտք է ձշմարտութիւնը բացատրել :

Ուրիշներու բան սորվեցընելու լաւագոյն ճամբան է՝ ան ճամբով անոնց առաջնորդութիւն ընել՝ ինչ ճամբով որ իւրաքանչիւր ինքը սորվեր է : Ուստի ճշմարտութիւնը բացատրելու յատուկ ու բնական ոճն ան է որով որ ճշմարտութիւնը կը գտնուի : Ով որ աս կերպով մտիկ կը նէ կամ կը կարդայ, չէ թէ միայն պայծառ ու լուսաւոր կերպով ճշմարտութիւնը կը հասկընայ, հապա ինքնիրենը գիւտեր գտնել ալ կը սորվի : Եւ գիտնալով թէ ո՛ր բանէն սկսաւ առաջ երթալ և ուր հասաւ, կրնայ իր ամեն քայլափոխին համարը տալ, ու պայծառ տեսնել թէ ինչ խոչընդոտներ ալ կան զգուշանալու . և աղէկ հասկըցած ըլլալով ինչ ճամբով որ իրեն առաջնորդութիւն եղաւ, կրնայ աւելի ապահով ճամբայ մը ընտրել, թէ որ իմանայ թէ առջինը վտանգաւոր էր : Եւ որով հետեւ Ա. գլխուն մէջը հաստատեցինք որ ճշմարտութիւնը փնտըռելու ոճը վերլուծականն է, ուրեմն նոյն ոճը սկսոք է բանեցընել ճշմարտութիւնը բացատրելու համար ալ :

226. Ճշմարտութիւնը բացատրելու առեն
ինչ ձամքայ պէտք է բռնել :

Ինչպէս ճշմարտութիւնը փնտըռելու հա-
մար՝ այսպէս ալ նոյնը բացատրելու հա-
մար՝ գիւրագոյն գաղափարներէն պէտք է
սկսիլ, որ անմիջապէս զգայարանքներէն
եկողներն են. և ետքն աստիճանաբար ա-
ւելի պարզ գաղափարներուն անցնիլ թէ
որ տարբաղադրելու ըլլանք. իսկ բաղա-
դրելու որ ըլլանք, աւելի բաղադրեալ գա-
ղափարաց անցնելու է : Աս ոճն ինքն իսկ
ընութիւնը մեզի կը սորվեցընէ . վասն զի
թէ որ ամեն գաղափար անմիջապէս կամ
ընդմիջաբար զգայարանքներէն մեզի կու
գան, ուրեմն նախ զգալի գաղափարները
պէտք է ներկայացընել. անանկ որ՝ մարմ-
նոյն գաղափարէն հոգւոյն գաղափարն
անցնելու է, գոյութենէ՝ կտրելութեան,
հաստատուն մարմինէն՝ մակերեսութի,
զծի ու կէտի գաղափարաց : Դարձեալ՝
գաղափար մը որ ներկայանայ, մէկէն ա-
նուն պէտք է դնել. բայց անանկ նայիլ
որ չըլլայ թէ անունը գաղափարէն առաջ
դրուի . և ամեն խնդիր նախ իր անուա-
նական սահմանն ունենայ, ու վերլուծու-
թիւնը լմըննալէն ետև՝ թէ որ կարելի է՝
իրական սահմանն ալ տւելցուի : Աս ճամ-
բովտարակոյս չիկայ որ մեր սլատճառա-
բանութիւնները պայծառ կըլլան, ու վը-

տանդ չըլլար որ գաղափարները շիոթ ,
մթին ու անորոշ մնան , որ գրեթէ մեր ա-
մեն մոլորութեանց պատճառն է :

227. Հասածներու օրինակ :

Զգալի օրինակովմը աւելի ճիշդ երեցը-
նենք թէ ճշմարտութիւնը բացատրելու
համար ինչ ճամբայ պէտք է բռնել : Հա-
մարինք որ արուեստաւոր մը ժամացուցի
մը մեքենագործութիւնը ուղելով սորվե-
ցընել , և թէ մէջի այլեայլ շարժմունքներն
ինչ կերպով կըլլան , աս բանիս համար
երկու ոճն ալ գործածէ : Նախ առջենիս
դնէ զոց մեքենան , ու առջի անիւին ա-
նունը բացատրելէն ետե՛ հետզհետէ մե-
քենային մէկալ կտորներն ալ բացատրէ ,
և միանգամայն հասկըցընէ թէ ինչպէս
իրարու վրայ կազդեն ու զիրար կը շար-
ժեն . ու շարժմունքը մէկ մասէն մէկալ
մասին հաղորդուելով մինչեւ ցուցակին
կը հասնի : Թողնենք ասիկայ և մէկալ
կերպին անցնինք որ բոլորովին տարբեր
է : Բանայ նոյն մեքենան ու բոլոր մասերն
իրարմէ քակուած զատ զատ ցցընէ . ու
առջի գործիքն առած բացատրելէն ետքը՝
թէ ինչ գործք կընէ՝ ըսէ . Ասիկայ (ենթա-
դրենք) զապանակ կըսուի : Ետքն ուրիշ կը-
տորի մը անցնի , որուն վրայ որ առ զսպա-
նակն անմիջապէս կը ներգործէ . և աս
երկու գործիքներուն իրարու յարաբերու-

թիւնը հասկըցընելէն ետե, և թէ աս եր՝
կրորդն ինչ գործք կընէ, անոր անունն
ալ սորվեցընէ. և ասանկ նոյն ոճով իւ-
րաքանչիւր մասունքը դիտել տալով, ու
ստէալ բաղադրութեամբ ու տարբաղա-
դրութեամբ սորվեցընելով այլեայլ մա-
սանց իրարույարաբերութիւնը, և իւրա-
քանչիւրին զատ զատ անունը, վերջապէս
մինչև ցուցակին հասնի, որուն կը հաղոր-
դուի ժամացուցին ամեն մէկ մասանցը
շարժմունքը։ Ամեն մարդ դիւրաւ կը տես-
նէ թէ նոյն մեքենային վրայ աս երկու
այլեայլ կերպով ստացած ծանօթութիւն-
նիս իրարմէ ինչ տարբերութիւն ունին։
Առջի կերպով ինչ անուններ որ ժամա-
ցուցին այլեայլ կտորներուն կու տան՝
միայն անոնց գաղափարն ստացանք. բայց
այնչափ տարտամ ու անորոշ որ՝ եթէ
մեքենային մէկ մասն աչքերնուս առջել
գայ, չենք կրնար անունը դիտնալ, ևս
առաւելթէ ինչ բանի կու գայ. և ոչ բնաւ
մենք մեզնէ կրնանք տարբաղադրել կամ
բաղադրել որպէս զի այլեայլ մասանց ի-
րարու հետ ունեցած յարաբերութիւննին
կարենանք դիտել. Եւ ասանկով առջինէն
գրեթէ աւելի տարբեր տեղեկութիւն մը
չենք ունենար. այնչափ առած գաղափար-
նիս տարտամ մթին ու շփոթ կըլլայ։ Բայց
երկրորդ կերպը ասանկ չէ. իւրաքանչիւր
աեսած կտորներուն որոշ անունները սոր-
ված ըլլալով, ու տարբաղադրութեամբ ու

բաղադրութեամբ աւելի պարզ գաղափար՝
ներուն հասած ըլլալով, ու դիտած ըլլա-
լով ամեն մէկուն գործքն ու ամեն մէկ
յարաբերութիւնները, այնչափ որոշ ու
ճիշդ գաղափար առած կըլլանք վրան, որ
ժամացոյցը մենք մեզնէ ալ կրնանք տար-
բաղադրել ու բաղադրել. և իւրաքանչիւր
մասն իր յատուկ տեղը դնելով իւրաքան-
չիւր կտորին իրարու վրայ ըրած ներգոր-
ծութիւնը կը տեսնենք:

228. Ընդհանուր սկզբունքը մասնաւոր ծա-
նօրուրիւններէ առաջ կու զան, չէ րէ
ասոնք անոնցմէ:

Ինչպէս ամենքը կը միաբանին որ ճըշ-
մարտութիւնը պէտք է վերլուծական ո-
ճով փնտըռել, նոյնպէս զրեթէ չկայ մէկն
որ չըսէ թէ բաղադրական ոճով պէտք է
բացատրել: Այսինքն թէ կըսեն « Ա. Ինչ
բանի վրայ որ խօսիլ կուզես, պէտք է նախ
անոր ընդհանուր սահմանները զուրցել:
Բ. Առածներ դնել, որ ան գիտութեանը
սկզբունքներն են: Գ. Թէ որ պէտք ըլլայ,
առաջարկութիւններ ու ենթագրութիւն-
ներ ալ դնել: Դ. Առջի նախադասութիւ-
նը միշտ անանկ պիտի ըլլայ որ ետեի նա-
խադասութեանց հիմն ըլլայ: Ե. Նախա-
դասութիւններն այնպէս իրարու հետ կա-
պել, որ երկրորդն առջինովն ապացու-
ցուի, երրորդն երկրորդով, չորրորդն եր-

բորդով, և այլն : Զ . Այնպիսի նախադա-
սութիւն մէջ չխոթել որ ճառած նիւթին
չի պատշաճիր , և կամ հետեօրդ նախա-
դասութեանց հաստատութեանը չի ծա-
ռայեր » ¹ : Բայց աս նախապաշարեալ մը-
տածութիւնն այնչափ աւելի հաստատու-
թիւն տռաւ՝ որչափ որ ժամանակն ու բնա-
ծին գաղափարաց ծուռ սկզբունքն ուժ
առին . վասն զի բնածին գաղափարաց
կարգը կը սեպուին ընդհանուր նախադա-
սութիւններն ու առածները . և ասոնք ա-
ռաջին և ստոյգ սկզբունքներ ըլլալով , ո-
րովհետեւ՝ ինչպէս որ իրենք կըսեն՝ բնա-
ծին են , պէտք է զանոնք նախ դնել իբրև
հիմունք ամեն մարդկային ծանօթու-
թեանց : Դարձեալ՝ որովհետեւ մինչև հի-
մա ամեն գիտութիւնները և մանաւանդ
երկրաչափութիւնը բաղադրական ոճով
բացատրեցին , անոր համար կարծեցին
թէ ճշմարտութիւնը բացատրելու համար
ան է մէկ հատիկ ճամբան : Բայց զիտնա-
լու է որ ան ընդհանուր սկզբունքը , որոնք
որ իբրև առաջին ճշմարտութիւն նախ կը
դրուին մէկալ ճշմարտութեանց լոյս տա-
լու համար , մեր մասնաւոր ծանօթու-
թեանց հետեւութիւններ են . ուրեմն նախ-
կին սկզբունք չեն , հապա ուրիշ ճամբով

1 Աս ոճը Ճենովկզի երեելի փիլիսոփան վեր-
ըւծական կանուանէ . ու աս հատուածն իր
որամաբանութենէն առնուած է :

ծանօթութեան եկած . և մինչև որ մարդ
նախ մասնաւոր ծանօթութեանց չիջնայ՝
չի կրնար ընդհանուր ծանօթութեանց վեր
ելլել : Օրինակի համար , ես գիտեմ որ
մարմինս թեէս մեծ է . իսկ աս ճշմարտու-
թիւնը ոչ թէ ան առածէն կառնեմթէ բո-
լորն իր մասեն մեծ է . հապա ընդհակա-
ռակն՝ մասնաւոր կերպով գիտնալովս թէ
մարմինս թեէս մեծ է , կը հետեւցնեմ
թէ բոլորն իր մասեն մեծ է : Եւ աս այնչափ
ճշմարիտ է որ եթէ ուրիշին միտքն ուզե-
նանք խոթել աս ընդհանուր ու վերացեալ
նախադասութեանց ծանօթութիւնը՝ մաս-
նաւոր դիպուածներ առաջ կը բերենք :
Դարձեալ ի՞նչ տարբերութիւն կայ աս
ընդհանուր նախադասութեանը մէջ որ
նոյնական կըսուի , թէ ինչ որ կայ , կայ .
և աս մասնաւոր նախադասութեանս մէջ ,
թէ Մարդն է մարդ . և դարձեալ աս մէկալ
նախադասութեանս մէջ որ Սկիզբն հակա-
սարանուրեան կըսուի՝ թէ բան մը նոյն ա-
տենը չի կրնար ըլլալ ու չըլլալ . և աս մաս-
նաւոր նախադասութեանը մէջ թէ Մարդս
չի չէ : Աս տարբերութիւնը միայն կայ՝ որ
մասնաւոր նախադասութիւններն ընդհա-
նուր նախադասութիւններէն աւելի պայ-
ծառ են . վասն զի միտքը զանոնք աւելի
շուտով կըմբռնէ : Անոր համար ընդհա-
նուր նախադասութեանց բացայայտու-
թիւնը թէ իրենց քիչ կամշատ ընդար-
ձակ ըլլալէն կը կախուի , հապա մտքին

ան մասնաւոր դիտած գաղափարները
տեսնելու կարողութենէն։ Արդեամբք ալ
կը տեսնենք որ մարդ ան ընդհանուր նա-
խադասութեանց ծանօթութիւնն ունի, ո-
րոնք մասնաւոր օրինակներով տեսած և
ստուգած է։ իսկ առանց ատ մասնաւոր
օրինակներուն ընդհանուր առածները և
ոչ մտքէն անցուցած է։

229. Երկրաշափական ապացուցութեանց
բացայայտութիւնը բաղադրական ոճեն չէ։

Երկրաշափափութեան ապացուցութիւն-
ներուն բացայայտ ըլլալը բաղադրական
ոճին պատճառաւը չէ որով որ երկրաշ-
փութիւնը կը բացատրեն, հասլա գաղա-
փարաց բնութենէն և անոնց յարաբերու-
թիւններէն է, որոնք ճիշդ, որոշ ու ան-
փոփոխ ըլլալով պէտք է որ անոնցմէ ա-
ռաջ եկած պատճառաբանութիւններն ալ
բացայայտ ըլլան։ Զոր օրինակ, Եւկլի-
դեսի Ա. գրքին չորրորդ նախադասու-
թիւնն եռանկեանց հաւասարութեանը վը-
րայ, թէ Ան եռանկիւններն որոնց երկու կո-
ղերնին, և երկու կողերուն մեցի անկիւնները
հարասար են, իրարու հարասար են։ Առ ե-
ռանկեանց հաւասարութիւնն անկեց չէ
որ մէկը մէկալին վրայ է դրուած, հապա-
հռանկեան իւրաքանչիւր մասը դիտելէն,
և ան յարաբերութենէն որ ամեն եռան-
կեանց անկիւններն ունին իսարսիսին ու

Հակաղիր կողերուն հետ։ Երկրաչափութեան ուրիշ նախադասութեանց վրայ ալ նոյն բանը մտածելու է։ և ան նախադասութիւնները վերլուծութեամբ գտնուած ըլլալով իրենց բացայայտութիւնն անկից կու գայ։ Իսկ թէ որ բացայայտութիւնը բաղադրական ոճէն առաջ գար, պէտք էր բնազանցութեան, բարոյականին և ուրիշ ամեն գիտութեանց գաղափարներուն վըրայ երենար, որոնք բաղադրական ոճով բացատրուած են։ Ասանկով կրնանք ըսել թէ Սբինոզայի բարոյականին ամեն նախադասութիւնները բացայայտ են, որովհետեւ երկրաչափական ոճով բացատրուած են, ու բոլոր սահմաններով, առածներով, և ուրիշընդհանուր սկզբունքներով։ Բայց սակայն այլանդակ մոլորութիւններով լի է։

230. Բաղադրական ոճով ստորիշներ դիրաց կը ծածկուի։

Բաղադրական ոճը գիտութեանց ամենեւին ստուգութիւն չի տալէն զատ, նաև ստութիւնն ալ շատ դիրաւ կը ծածկէ։ Վասն զի ընդհանուր նախադասութիւնն ինչ ընդարձակութիւն կրնայ ունենալ և ինչ յարաբերութիւն մասնաւորին հետ՝ միտքը չըմբռնելով, և միանգամայն՝ ընդհանուր գաղափարներն ընդհանրապէս դիրաւ իրարու հետ շփոթելով՝ անորոշ

ըլլալնուն պատճառաւ, բաղադրական ո-
ճին մէջ իմաստակութիւն շատ կը մտնէ:
Նոյն Սբինոզայի բարոյականն օրինակ
ըլլայ, որ ընդհանուր և անորոշ նախա-
դասութիւններով կը հետեցընէ թէ աշ-
խարհքս աստուածային գոյացութեան հո-
սումն է: Ան բաները որ կարելի է պարզ
կերպով մը ապացուցանել, բաղադրա-
կան ոճը զանոնք վերացեալ կերպով կա-
պացուցանէ. և գիւտ գտնելու ճամբան
մութ թողլով, մտաց ալ քիչ լուսաւորու-
թիւն կու տայ: Իսկ վերլուծութիւնն ա-
սանկ չէ. աս ոճին մէջ ամեն գաղափար-
ներ պարզ և որոշ են. և միշտ ամեն
մէկ քայլափոխին յայտնի ըլլալով գա-
ղափարաց ծագումն ու յառաջադիմու-
թիւնը, կը տեսնուի թէ նախադասութիւն
մը մէկալ նախադասութեան հետ ինչ կա-
պակցութիւն ունի. և ուր որ աս կասլը
չիկայ՝ մէկէն աչքի կը զարնէ, և մոլորու-
թիւնը դիւրաւ երեան կելլէ: Ուստի չեմ
գիտեր թէ ինչ պատճառաւ կրնայ մարդ-
չուզել որ ճշմարտութիւնն ինչ կերպով որ
գտնուած է՝ նոյն կերպով չիբացատրուի.
ու պէտք ըլլայ առաջ սահմաններ, առած-
ներ և ուրիշ ընդհանուր սկզբունքներ
դնել, որ կը կարծուին թէ ճշմարիտ ծա-
նօթութիւններ կը բովանդակեն: Թէ որ
մասնաւոր գաղափարաց ծանօթութենէն
առաջ եկած է ընդհանուր գաղափարաց
ծանօթութիւնը, պէտք է առջիններէն

սկսիլ, չէ թէ ետքիններէն, և ցցընել թէ
ինչ կերպով մասնաւորներէն առ ընդհա-
նուրը վերանալ կը լլայ:

231. Ընդհանուր առածներուն կիրառութիւնը:

Որպէս զի չի կարծուի թէ ընդհանուր
առածներն անհետ ընել կուզենք, ինչ-
պէս որ բաղադրական ոճին ջառագովնե-
րուն աչքին կերենայ, և քակտիչ կը համա-
րին զմեզ ամենայն հիմանց գիտութեան.
(Վասն զի իրաւցընէ ընդհանուր առած-
ներն անհետ ընել ուզողը, նաև զիտու-
թիւնները կը կործանէ), անոր համար
հոս տեղս սորվեցընենք թէ ինչպէս պէտք
է զանոնք գործածել: Նախ գիտնալու է
որ՝ ինչպէս ըսինք, աս առածները մտքին
մէջ ժողվուած մասնաւոր գաղափարներէ
ձեանալով (228), և անոնցմէ վերջը գա-
լով ընդհանուր գաղափարները, ոչ եր-
բէք կրնան օգուտ մը ընել ճշմարտութիւն
փնտըռելու և կամ նոր ծանօթութիւններ
շահելու: Ասոնցմէ՝ միայն կրնայ մարդ
մասնաւոր գաղափարաց ետ դառնալ,
ուսկից որ սկսած է, բայց ոչ երբէք ա-
ռաջ անցնիլ և աւելի ընդարձակել: Անոր
համար խօսք չի հասկըցող շաղակրատնե-
րուն բերանը գոցելու համար կրնանք
առ ընդհանուր սկզբունքները գործածել.
Վասն զի անոնք չուզելով ճշմարտութեան
տեղիք տալ, կը հարկաւորին հակասարա-


նութիւններ ընել, կամ ամեն բանաւոր
մարդու ընդունած ու հաստատած սկըզ-
բանցը դէմ պատերազմիլ. ան աստիճան
հասցընելէն ետև՝ ալ անոնց հետ պատ-
ճառաբանելն աւելորդ է : Բայց թէ որ
աղէկ քննելու ըլլանք նէ, աս սովորու-
թիւնն ալ գպրոցներէն մտած է . վասն զի
վիճաբանութիւնը մարդուն ճարտարմու-
թեանը փորձ սեպելով սովորաբար յաղ-
թութիւնն անոր կու տային որ լոելու ետ-
քինը կըլլար . և թէպէտ աղէկ կողմը չը
պաշտպանէր, բայց աղէկ պատճառաբա-
նողի պարծանքը կը ստանար : Ասկէց կը
հետևէր որ շատ անգամ հակառակորդին
յաղթել կը նայէին քան թէ ճշմարտու-
թիւնն անաշառասկէս փնտըռել : Ուստի
այնպիսեաց յամառ հաստատութիւնը նը-
ւաճելու համար՝ որ ոչ երբէք ճշմարտու-
թեան լոյսը կուղէին տեսնել, և հասկը-
ցընելու համար թէ իրենց պնդածը որչափ
անտեղի բան է՝ հարկ կըլլար երեսնին
զարնել թէ ինչ որ բոլոր աշխարհք կընդ-
ունի ու կը ճանչնայ՝ իրենք անոր դէմ կը
խօսին : Բայց մոլորութիւնը խայտառա-
կելը, և ճշմարտութիւն սորվեցընելը նոյն
չէ : Ընդհանուր սկզբունքներն առջինին
համար են . այլ երկրորդին միշտ յարմար
չեն դար, որուն վերլուծական ոճը պա-
հուած է :

232. Ծնտանեկան վիճարանութեանց մէջ
վերլուծական ոճին կիրառութիւնը :

Ծնտանեկան վիճարանութեանց մէջ
մէկն որ ճշմարտութիւնը բացատրելուզէ,
շատ լաւ կրնոյ վերլուծական ոճը դորձա-
ծել։ Ով որ իր հակառակորդը վերլու-
ծական ոճով յաղթահարել կուզէ՝ մոլո-
րութենէ՝ ի ճշմարտութիւն դարձընելով,
պէտք է մէկ կողմանէ խօսած նիւթին վը-
րայ լաւ տեղեկութիւն ունենալ, մէկալ
կողմանէ ալ ինքը զինքը տգէտ և վեր՝ ի
վերոյ տեղեկութիւն ունեցող երեցընել։
Անանկ որ՝ ձեւացընելով թէ ինքը կուզէ
բան սորվիլ, սկսի նիւթին առջի դժուա-
րութիւնները հակառակորդին առջին դը-
նել։ Ետքը ցցընելով թէ դիմացինին պա-
տասխանէն քիչ մը լուսաւորուեցաւ, ան
պատասխանը սկսի քննել. և իբրև թէ
նիւթը լաւ չի գիտնալուն պատճառաւ նոր
դժուարութիւններ ելլեն, միշտ պէտք է
ամեն մէկ պատասխանին մանր պատճա-
ռը քննել։ Ու հետզհետէ վերլուծութիւնն
առաջ տանիլ՝ մինչեւ որ հակառակորդն
ինք իր ցանցին մէջ բռնուելով, ու իրեն
տուած պատասխաններէնյաղթահարուե-
լով, բռնադատուի միտքը փոխել ու ճըշ-
մարտութեան գալ։ Ով որ ընտանեկան
վիճարանութեանց մէջ աս ոճը կը բանե-

ցընէ, պէտք է շատ զգուշանայ ո՛ և իցէ
ծաղր ընելու կերպէն, որ հակառակոր
չիմանայ թէ իրեն ինչ որոգայթ կը պատ-
րաստուի կոր։ Աս ոճը ո՛ և իցէ խնդր
մէջ լաւ որ բանեցուի, խնդիրն ամեն
կերպով կը լուսաւորուի, ու հակառակոր-
դին փախուստ չի մնար. վասն զի աս կե-
պով չէ թէ միայն հակառակորդին ու
կը տկարանայ, հապա բոլորովին կոչընչա-
նայ։ Պղատոն զարմանալի է աս արուելու-
տիս կողմանէ, ինչպէս նաև իր վարպետը
Սոկրատ, որ աս ճամբով յայտնի ըրաւ-
թէ իր ժամանակի իմաստակներուն գի-
տութիւնը որչափ վեր՝ ի վերոյ էր. թէ-
պէտե շատ նիւթի մէջ իբրև մեծամեծ
գիտնականք բան կը ծախէին։ Վերլու-
ծական ոճէն աւելի յարմար ոճ չիկայ խայ-
տառակելու զանոնք որ գիտութեանց վը-
րայ ընդհանուր խօսքեր ու բացագանչու-
թիւններ ընելով՝ տգէաները կամ կիսկա-
տար գիտունները կը խաբեն. և ասոնք
որչափ որ անոնց ըստաները չեն հաս-
կընար, այնչափ ալ վրանին կը զարմա-
նան։ Իսկ խելացի մարդիկ կը ծիծաղին
որ այդպիսի ազռաւները գիտունի անուն
են ստացեր իրենց ողորմելի ունեցածովը
կամ ծդրած իմաստակութեամբը։ Բայց
բաղադրական ոճը միշտ այսպէս չի յաջո-
ղիր. վասն զի քանի որ միջնորդ եզր մը
գտնուի, խնդիրն երկան հաւաքաբանու-
թեանց շարք մը կընայ ըլլալ, ու ճշմար-

ոռութեան ուժէն խուսելու համար հազար
մէկ փախուստ կրնայ գտնել։
ինծի կերևնայ որ բաւական կերպով
ցուցինք թէ վերլուծական ոճը որչափ
աւ է քան զրաղադրական ոճը . և թէ
ճշմարտութիւնը բացատրելու համար վեր-
ուծականը մի միայն յարմար է . բայց թէ
որ ըլլան ումանք որ մեր աս կարծեացը
հակառակին , պէտք է որ մեր բերած փաս-
երուն սխալն երեցընեն նախ , և այն-
էս ետքը զմեզ իրենց կողմը համոզեն։



ՑԱՆԿ ԳԼԽՈՑ

ԾԱՆՈԹՈՒԹԻՒՆ	Էջ 5
ՆԱԽԱՇԱԽԻՂ. • Հարկաւոր է մեր բանավա-	
րութիւնն ուղղել, և աս վախ-	
ճանին համնելու յարմար կերպը	7
ԳԻՐՔ Ա. • ԳԱՂՈՓԱԲԱՑ ԸՄԲՈՒՆՈՒՄԸ . . .	15
ԳԼ. Ա. • Գաղափարաց ծագմանն ու յա-	
ռաջադիմութեանը վրայ . . .	16
ԳԼ. Բ. • Դարձեալ նոյն նիւթին վրայ . . .	30
ԳԼ. Գ. • Գաղափարաց առարկայիցն ու	
այլեայլ տեսակներուն վրայ . .	40
ԳԼ. Դ. • Գաղափարաց նշանները, և մաս-	
նաւորապէս բառերը	55
ԳԻՐՔ Բ. • ԴԵՅՈՒՄՆ	71
ԳԼ. Ա. • Դատումն և նախադասութիւն .	72
ԳԼ. Բ. • Նախադասութեանց այլեայլ տե-	
սակները	76
ԳԼ. Գ. • Մոլար դասմանց սկատառները.	87
ԳԼ. Դ. • Կրքերէ առաջ եկած մոլորու-	
թիւնները	91
ԳԼ. Ե. • Հոգւոյն կարողութեանց անկա-	
տարութիւններէն առաջ եկած	
մոլորութիւնները	97
ԳԼ. Զ. • Առ մոլորութեանց պատճառնե-	
րուն դարման ընելու կանոնները	107
ԳԼ. Է. • Անորոշ բառերէն առաջ եկած	
մոլորութիւնները	113

ԳԼ. Ը.	Բառերուն անորոշութեան ինչ	
	գեղեր կրնան ըլլալ	128
ԳԼ. Թ.	Արուեստ մեկնաբանութեան .	139
ԳԻՐԻՔ Գ.	Տրամախոհութիւն	146
ԳԼ. Ա.	Տրամախոհութեան ինչ ըլլալը, և	
	տրամախոհելու կարողութիւնը	147
ԳԼ. Բ.	Հաւաքաբանութիւն և հաւաքա-	
	բանութեան կանոնները . . .	155
ԳԼ. Գ.	Պատճառաբանութեան այլեայլ	
	կերպերը	163
ԳԼ. Դ.	Իմաստակութիւննք	172
ԳԼ. Ե.	Մանօթութեանց այլեայլ տե-	
	սակներն ու աստիճանները, և ա-	
	նոնց ուղղագատութիւնը . . .	188
ԳԼ. Զ.	Ճշմարտութիւն և ստուգութիւն .	199
ԳԼ. Է.	Հաւանականութիւն	207
ԳԼ. Ը.	Աստուածային վկայութեան հա-	
	ւատքը	217
ԳԼ. Թ.	Մարդկային հաւատք ու վկայութեան	220
ԳԼ. Ժ.	Գրոց քննադատութիւն	232
ԳԻՐԻՔ Դ.	ՈՃ	244
ԳԼ. Ա.	ՈՃ և ընդհանուր կանոնները .	245
ԳԼ. Բ.	Վերլուծական ու բաղադրական	
	ոճերը	254
ԳԼ. Գ.	Ճշմարտութիւն փնտըռելու տ-	
	են բանեցընելու ոճը	260
ԳԼ. Դ.	Ճշմարտութիւն բացատրելու տ-	
	են բանեցընելու ոճը	271

1490

2013

0025633

«Ազգային գրադարան



NL0025633

